

UNIVERSITY OF TORONTO



3 11761 00004220 0



$\frac{3}{4}$




Wenche

26

T. LIVII PATAVINI
HISTORIARUM
LIBRI
QUI SUPERSUNT OMNES
CUM INTEGRIS
JOANNIS FREINSHEMII
SUPPLEMENTIS



VOLUMEN TERTIUM
—
BIPONTI
Ex TYPOGRAPHIA SOCIETATIS
CLIOCCXXXV
PAULOWITZ *
bei
PRERAU



PA

6452

A2

1984

v. 3



887648

TITI LIVII PATAVINI
HISTORIARUM
AB URBE CONDITA
LIBER X.

EPI TOME
LIBRI DECIMI.

Coloniæ deductæ sunt Sora, & Alba, & Carseoli. Marsi in ditionem accepti sunt. Collegium augurum ampliatum est, ut essent novem, cum antea quaterni fuissent. Lex de provocatione ad populum a Valerio consule tunc tertium lata est. Duæ tribus adjectæ sunt, Aniensis & Terentina. Samnitibus bellum indictum, & adversus eos sœpe prospere pugnatum est. Cum adversus Etruscos, Umbros, Samnites, Gallos, P. Decio & Q. Fabio ducibus, pugnaretur, Romanusque exercitus in maximo estet discrimine, P. Decius, fecutus exemplum patris, devovit se pro exercitu, & morte sua victoriam ejus pugnæ populo Romano dedit. Papirius Cursor Samnitium exercitum, qui jurejurando obstrictus, quo majore constantia virtutis pugnaret, in aciem descenderat, fudit. Census actus est. Istrum conditum. censa sunt ci-vium capita ducenta sexaginta duo millia, & trecenta viginti duo.

1. **L**UCIO Genucio, Ser. Cornelio consulibus, ab externis ferme bellis otium fuit. Soram atque Albam coloniae deductæ. Albam in Æquos sex milia colonorum scripta. Sora agri Volsci fuerat; sed possederant Samnites. eo quatuor millia hominum missa. Eodem anno Arpinatibus Trebulanisque civitas data. Frusinates tertia parte agri damnati, quod Hernicos ab eis sollicitatos compertum: capitaque conjurationis ejus, quæstione ab consulibus ex senatusconsulto habita, virgis cæsi ac securi percussi. Tamen, ne prorsus imbellem agerent annum, parva expeditio in Umbria facta est; quod nuntiabatur, ex spelunca quadam excursiones armatorum in agros fieri. In eam speluncam penetratum cum signis est: & ex eo loco obscuero multa vulnera accepta, maximeque lapidum iœtu; donec, altero specus ejus ore (nam pervius erat) invento, utræque fauces congestis lignis accessæ: ita intus fumo ac vapore ad duo millia armatorum, ruentia novissime in ipsas flamas, dum evadere tendunt, absumta. Marcis Livio Dentre & Æmilio consulibus, redintegratum Æquum bellum. Coloniam ægre patientes velut arcem suis finibus impositam, summa vi expugnare adorti, ab ipsis colonis pelluntur. Ceterum tantum Romæ terrorē fecere, quia vix credibile erat, tam affectis rebus solos per se Æquos ad bellum coortos, ut tumultus ejus causa dictator diceretur. C. Junius Bubulcus. is, cum M. Titiniq; magistro

equitum prosectorus, primo congressu Aequos subegit; ac, die octavo triumphans in urbem cum redisset, ædem Salutis, quam consul voverat, censor locaverat, dictator dedicavit.

II. Eodem anno classis Græcorum, Cleonymo duce Lacedæmonio, ad Italiæ litora appulsa, Thurias urbem in Sallentinis cepit. Adversus hunc hostem consul Æmilius missus prælio uno fugatum compulit in naves. Thuriæ redditæ veteri cultori: Sallentinoque agro pax parta. Junium Bubulcum dictatorem missum in Sallentinos, in quibusdam annalibus invenio: & Cleonymum prius, quam conflendum esset cum Romanis, Italia excessisse. circumvectus inde Brundisii promontorium, medioque sinu Hadriatico ventis latus, cum læva importuosa Italiæ litora, dextra Illyrii Liburnique & Istri, gentes feræ, & magna ex parte latrociniis maritimis infames, terrorent, penitus ad litora Venetorum pervenit. ibi expositis paucis, qui loca explorarent, cum audisset, tenue prætentum litus esse, quod transgressis stagna ab tergo sint, irrigua æstibus maritimis; agros haud procul proximos campestres cerni; ulteriora colles; inde esse ostium fluminis præalti, quo circumagi naves in stationem tutam vidisse: (Meduacus amnis erat:) eo invectam classem subire flumine adverso jussit. Gravissimas navium non pertulit alveus fluminis, in leviora navigia transgressa multitudo armatorum ad frequentes agros, tribus maritimis Patavionum vicis colentibus eam oram, pervenit. Ibi egressi, levi præsidio navibus relicto, vicos ex-

pugnant, inflammant tecta, hominum pecudumque prædas agunt, & dulcedine prædandi longius usque a navibus procedunt. Hæc ubi Patavium sunt nuntiata, (semper autem eos in armis accolæ Galli habebant) in duas partes juventutem dividunt. altera in regionem, qua effusa populatio nuntiabatur; altera, ne cui prædonum obvia fieret, altero itinere ad stationem navium (millia autem quatuordecim ab oppido aberat) ducta. In naves parvas, custodibus interemtis, impetus factus; terribique nautæ coguntur naves in alteram ripam amnis transjicere. & in terra prosperum æque in palatos prædatores prærium fuerat: refugientibusque ad stationem Græcis Veneti obsistunt. Ita in medio circumventi hostes cæsique; pars capti classem indicant regemque Cleonymum tria millia abesse. Inde, captivis proximo vico in custodiā datis, pars fluviatiles naves, ad superanda vada stagnorum apte planis alveis fabricatas, pars captiva navigia armatis complent. profectique ad classem, immobiles naves, & loca ignota plus, quam hostem, timentes, circumvadunt: fugientesque in altum acrius, quam repugnantes, usque ad ostium amnis persecuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium spoliaque Laconum, in æde Junonis veteri fixa, multi supersunt, qui viderunt. Patavii monumentum navalis pugnæ eo die, quo pugnatum est, quotan-

nis sollempni certamine navium in flumine oppidi medio exercetur.

III. Eodem anno Romæ cum Vestinis , petentiibus amicitiam , iustum est fœdus. Multiplex deinde exortus terror. Etruriam rebellare , ab Arretinorum seditionibus motu orto , nuntiabatur : ubi Cilinium genus præpotens , divitiarum invidia pelli armis cœptum : simul Marsos agrum vi tueri , in quem colonia Carseoli deduceta erat , quatuor milibus hominum scriptis. Itaque propter eos tumultus dictus M. Valerius Maximus dictator , magistrum equitum sibi legit M. Æmilium Paullum. id magis credo , quam Q. Fabium ea ætate atque eis honoribus Valerio subiectum. ceterum ex Maximi cognomine ortum errorem haud abnuerim. Profectus dictator cum exercitu , prœlio uno Marsos fundit. compulsis deinde in urbes munitas , Milioniam , Plestinam , Fresiliam , intra dies paucos cepit : & parte agri multatis Marsis , fœdus restituit. Tum in Etruscos versum bellum. & , cum dictator auspiciorum repetendorum causa profectus Romam esset , magister equitum , pabulatum egressus , ex insidiis circumvenitur ; signisque aliquot amissis , fœda militum cæde ac fuga in castra est compulsus. qui terror non eo tantum a Fabio abhorret , quod si qua alia arte cognomen suum æquavit , tum maxime bellicis laudibus : sed etiam , quod , memor Papirianæ sævitiae , nunquam , ut dictatoris injussu dimicaret , adduci potuisset.

IV. Nuntiata ea clades Romam majorem , quam res erat , terrorem excivit. nam , ut exercitu de-

leto , ita iustitium indictum ; custodiæ in portis ,
vigiliæ vicatim exactæ ; arma , tela in muros con-
gesta. Omnibus junioribus sacramento adactis , dic-
tator , ad exercitum missus , omnia spe tranquilliora
& composita magistri equitum cura , castra in tu-
tiorem locum redacta , cohortes , quæ signa ami-
serant , extra vallum sine tentoriis destitutas , in-
venit ; exercitum avidum pugnæ , quo maturius
ignominia aboleretur. Itaque confestim castra inde
in agrum Rusellanum promovit. Eo & hostes se-
cuti. & quanquam ex bene gesta re summam &
in aperto certamine virium spem habebant ; tamen
insidiis quoque , quas feliciter experti erant , ho-
stem tentant. Tecta semiruta vici , per vastationem
agrorum deusti , haud procul castris Romanorum
aberant. ibi abditis armatis , pecus in conspectu
præsidii Romani , cui præerat Cn. Fulvius legatus ,
propulsum. ad quam illecebram cum moveretur
nemo ab Romana statione ; pastorum unus , pro-
gressus sub ipsas munitiones , inclamat alios , cunc-
tanter ab ruinis vici pecus propellentes , *quid
cessarent , cum per media castra Romana tuto agere
possent ?* Hæc cum legato Cærites quidam inter-
pretarentur , & per omnes manipulos militum in-
dignatio ingens esset , nec tamen injussu movere
auderent ; jubet peritos linguæ attendere animum ,
pastorum sermo agresti , an urbano , propior esset.
*Cum referrent , sonum linguæ , & corporum ha-
bitum , & nitorem , cultiora , quam pastoralia , esse ;
Ite igitur , dicite , inquit , detegant nequidquam con-
ditas insidias : omnia scire Romanum : nec magis jam*

dolo capi, quam armis vinci, posse. Hæc ubi audita sunt, & ad eos, qui considerant in insidiis, perlata, consurrectum repente ex latebris est, & in patentem ad conspectum undique campum prolatæ signa. Visa legato major acies, quam quæ ab suo præsidio sustineri posset. itaque propere ad dictatorem auxilia accitum mittit; interea ipse impetus hostium sustinet. ×

V. Nuntio allato, dictator signa ferri, ac sequi arimatos jubet. sed celeriora prope omnia imperio erant. Rapta extemplo signa armaque; & vix ab impetu & cursu tenebantur. cum ira ab accepta nuper clade stimulabat, tum concitatior accidens clamor ab increcente certamine. Urgent itaque alii alios, hortanturque signiferos, ut ocios eant. quo magis festinantes videt dictator, eo impensis retentat agmen, ac sensim incedere jubet. Etrusci contra, principio exciti pugnæ, omnibus copiis aderant. Et super alios alii nuntiant dictatori, omnes legiones Etruscorum capessisse pugnam; nec jam ab suis resisti posse: & ipse cernit ex superiori loco, in quanto discriminè præsidium esset. Ceterum, satis fretus, esse etiam nunc tolerando certamini legatum, nec se procūl abesse periculi vindicem, quam maxime vult fatigari hostem, ut integris adoriatur viribus fessos. Quanquam lente procedunt, jam tamen ad impetum capiendum, equiti utique, modicum erat spatiuum. prima incedebant signa legionum, ne quid occultum aut repentinum hostis timeret: sed reliquerat intervalla inter ordines peditum, qua satis laxo spatio equi

permitti possent. Pariter sustulit clamorem acies ; & emissus eques libero cursu in hostem invehitur , incompositisque adversus equestrem procellam subitum pavorem offundit. Itaque , ut prope serum auxilium jam pæne circumventis , ita universa requies data est. integri accepere pugnam : nec ea ipsa longa , aut anceps fuit. Fusi hostes castra repetunt , inferentibusque jam signa Romanis cedunt , & in ultimam castrorum partem congregantur. Hærent fugientes in angustiis portarum : pars magna aggerem vallumque condescendunt , si aut ex superiori loco tueri se , aut superare aliqua & evadere possent. Forte quodam loco male densatus agger pondere superstantium in fossam procubuit : atque ea cum Deos pandere viam fugæ conclamascent , plures inermes , quam armati , evadunt. Hoc prœlio fractæ iterum Etruscorum vires : & , pacto annuo stipendio , & duum mensium frumento , permisum ab dictatore , ut de pace legatos mitterent Romam. Pax negata : induciæ biennii datæ. dictator triumphans in urbem rediit. Habeo auctores , sine ullo memorabili prœlio pacatam ab dictatore Etruriam esse , seditionibus tantum Arretinorum compositis , & Cilnio genere cum plebe in gratiam reducto. Consul ex dictatura factus M. Valerius. non petentem , atque adeo etiam absentem , creatum credidere quidam ; & per interregem ea comitia facta. id unum non ambigitur , consulatum cum Appulejo Pansa gessisse.

VI. M. Valerio & Q. Appulejo consulibus , satis pacatæ foris res fuere. Etruscum adversa belli res

& induciæ quietum tenebant: Samnitem, multorum annorum cladibus domitum, haud dum fœderis novi pœnitiebat. Romæ quoque plebem quietam & exoneratam deducta in colonias multitudo præstabat. tamen, ne undique tranquillæ res essent, certamen injectum inter primores civitatis, patricios plebejosque, ab tribunis plebis Q. & Cn. Ogulniis. qui, undique criminandorum Patrum apud plebem occasionibus quæsitis, postquam alia frustra tentata erant, eam actionem susceperunt, qua non infimam plebem accenderent, sed ipsa capita plebis, consulares triumphalesque plebejos: quorum honoribus nihil, præter sacerdotia, quæ nondum promiscua erant, deesset. Rogationem ergo promulgarunt, ut, cum quatuor augures, quatuor pontifices ea tempestate essent, placeretque augeri sacerdotum numerum, quatuor pontifices, quinque augures, de plebe omnes, adlegerentur. Quemadmodum ad quatuor augurum numerum, nisi morte duorum, id redigi collegium potuerit, non invenio; cum inter augures constet, imparem numerum debere esse, ut tres antiquæ tribus, Ramnes, Titienes, Luceres, suum quæque augurem habeant; aut, si pluribus sit opus, pari inter se numero sacerdotes multiplicent: sicut multiplicati sunt, cum ad quatuor quinque adjecti novem numerum, ut terni in singulas essent, expleverunt. Ceterum, quia de plebe adlegebantur, juxta eam rem ægre passi Patres, quam cum consulatum vulgari viderent. Simulabant ad Deos id magis, quam ad se, pertinere: ipsos visuros, ne sacra sua pol-

luantur. id se optare tantum, ne qua in rempublicam clades veniat. Minus autem tetendere, asfueti jam tali genere certaminum vinci. & cernebant, adversarios non id, quod olim vix speraverint, affectantes magnos honores, sed omnia jam, in quorum spem dubiam erat certatum, tamen adeptos, multiplices consulatus, censurasque & triumphos.

VII. Certatum tamen suadenda dissuadendaque lege inter Ap. Claudium maxime ferunt, & inter P. Decium Murem. qui cum eadem ferme de jure Patrum ac plebis, quæ pro lege Licinia quondam contraque eam dicta erant, cum plebejis consulatus rogabatur, differuissent; retulisse dicitur Decius parentis sui speciem, qualem eum multi, qui in concione erant, viderant, incinctum Gabino cultu, super telum stantem, quo se habitu pro populo ac legionibus Romanis devovisset. Tum P. Decium consulem purum piunque Deis immortalibus visum, æque ac si T. Manlius collega ejus devoveretur. eundem P. Decium, qui sacra publica populi Romani faceret, legi rite non potuisse? id esse periculum, ne suas preces minus audirent Dii, quam Ap. Claudi? castius eum sacra privata facere, & religiosius Deos colere, quam se? quem pœnitere votorum, quæ pro republica nuncupaverint tot consules plebeji, tot dictatores, aut ad exercitus eentes, aut inter ipsa bella? Numerarentur duces eorum annorum, quibus plebejorum ductu & auspicio res geri cœptæ sunt: numerarentur triumphi. janz ne nobilitatis quidem suæ plebejos pœnitere. pro certo habere, si quod repens bellum oriatur, non plus spes

fore senatui populoque Romano in patriciis, quam in plebejis ducibus. Quod cum ita se habeat, cui Deorum hominumve indignum videri potest, inquit, eos viros, quos vos sellis curulibus, toga prætextia, tunica palmata, & toga piæta, & corona triumphali lau-reaque honoraritis, quorum domos spoliis hostium af- fixis insignes inter alias feceritis, pontificalia atque au- guralia insignia adjicere? qui, Jovis optimi maximi ornatu decoratus, curru aurato per urbem veclus in Ca- pitolium ascenderit, si conspiciatur cum capide ac li- tuo, capite velato victimam cædat, auguriumve ex ar- ce capiat? Cujus imaginis titulo consulatus, censura- que, & triumphus, æquo animo legetur; si augura- tum aut pontificatum adjeceritis, non sustinebunt le- gentium oculi? Evidem (pace dixerim Deum) eos nos jam populi Romani beneficio esse spero, qui sacer- dotiis non minus reddamus dignatione nostra hono- ris, quam acceperimus; & Deorum magis, quam no- stra causa expetamus, ut, quos privatim colimus, publi- ce colamus.

VIII. Quid autem ego sic adhuc egi, tanquam in- tegra sit causa patriciorum de sacerdotiis, & non jam in possessione unius amplissimi simus sacerdotii? De- cemviros sacris faciundis, carminum Sibyllæ ac fato- rum populi hujus interpretes, antistites eisdem Apol- linaris sacri cærimoniarumque aliarum, plebejos vide- mus. Nec tum patriciis ulla injuria facta est, cum duumviris sacris faciundis adjectus est propter plebejos numerus: & nunc tribunus, vir fortis ac strenuus, quin- que augurum loca, quatuor pontificum adjecit, in que plebeji nominentur; non ut vos, Appi, vestro loco pel-

lant, sed ut adjuvent vos homines plebeji divinis quoque rebus procurandis, sicut in ceteris humanis pro parte virili adjuvant. Noli erubescere, Appi, collegam in sacerdotio habere, quem in censura, quem in consula tu collegam habere potuisti: cuius tam dictatoris magister equitum, quam magistri equitum dictator esse potes. Sabinum advenam, principem nobilitatis vestræ, seu Attum Clausum, seu Ap. Claudium mavultis, illi antiqui patricii in suum numerum acceperunt. Ne fastidieris nos in sacerdotum numerum accipere. multa nobiscum decora afferimus; immo omnia eadem, quæ vos superbos fecerunt. L. Sextius primus de plebe consul est factus. C. Licinius Stolo primus magister equitum, C. Marcius Rutilus primus & dictator & censor, Q. Publilius Philo primus prætor. Semper ista audit a sunt eadem, penes vos auspicia esse, vos solos gentem habere, vos solos justum imperium & auspicium domi militiæque. Æque adhuc prosperum plebejum ac patricium fuit, porroque erit. En unquam fando auditis, patricios primo esse factos, non de cœlo demissos, sed qui patrem ciere possent, id est, nihil ultra quam ingenuos? Consulem jam patrem ciere possum, avumque jam poterit filius meus. Nihil est aliud in re, Quirites, nisi ut omnia negata adipiscamur. certamen tantum patricii petunt, nec curant, quem even tum certaminum habeant. Ego hanc legem, quod bonum, faustum, felixque sit vobis ac reipublicæ, uti rogas, jubendam censeo.

IX. Vocare tribus extemplo populus jubebat, apparebatque accipi legem: ille tamen dies est intercessione sublatuſ. postero die, deterritis tribu-

nis, ingenti consensu accepta est. Pontifices creantur suasor legis P. Decius Mus, P. Sempronius Sophus, C. Marcius Rutilus, M. Livius Denter. Quinque augures item de plebe, C. Genucius, P. Aelius Paetus, M. Minucius Fessus, C. Marcius, T. Publius. Ita octo pontificum, novem augurum numerus factus. Eodem anno M. Valerius consul de provocatione legem tulit, diligentius sanctam. tertio ea tum post reges exactos lata est, semper a familia eadem. Causam renovandæ saepius haud aliam fuisse reor, quam quod plus paucorum opes, quam libertas plebis, poterant. Porcia tamen lex sola protergo civium lata videtur: quod gravi poena, si quis verberasset necassetve civem Romanum, sanctit. Valeria lex, cum eum, qui provocasset, virginis cædi, securique necari vetuisset, si quis adversus ea fecisset, nihil ultra, quam improbe factum, adjecit. Id (qui tum pudor hominum erat) visum, credo, vinculum satis validum legis. nunc vix serio ita minetur quisquam. Bellum ab eodem consule haudquam memorabile adversus rebellantes Aequos, cum præter aninos feroces nihil ex antiqua fortuna haberent, gestum est. Alter consul Appulejus in Umbria Nequinum oppidum circumfedit. locus erat arduus, atque in parte una præceps, ubi nunc Narnia sita est. nec vi, nec munimento capi poterat. Itaque eam infectam rem M. Fulvius Paetus, T. Manlius Torquatus, novi consules, acceperunt. In eum annum cum Q. Fabium consulem non petentem omnes dicerent centuriæ, ipsum auctorem fuisse Macer Licinius ac Tubero

tradunt differendi sibi consulatus in bellicosiorem annum: eo anno majori se usui reipublicæ fore, urbano gesto magistratu. ita nec dissimulantem, quid mallet, nec petentem tamen, ædilem curulem cum L. Papirio Cursore factum. Id ne pro certo ponerem, vetustior annalium auctor Piso effecit; qui eo anno ædiles curules fuisse tradit C. Domitium Cn. F. Calvinum, & Sp. Carvilium Q. F. Maximum. Id credo cognomen errorem in ædilibus fecisse: sequutamque fabulam mixtam ex ædiliciis & consularibus comitiis, convenientem errori. Et lustrum eo anno conditum a P. Sempronio Sopho & P. Sulpicio Saverriione censoribus: tribusque additæ duæ, Aniensis ac Terentina. Hæc Romæ gesta.

X. Ceterum ad Nequinum oppidum cum segni obsidione tempus tereretur, duo ex oppidanis, quorum erant ædificia juncta muro, specu facto ad stationes Romanas itinere occulto pervenient: inde ad consulem deducti, præsidium armatum se intramœnia & muros accepturos confirmant. Nec aspernanda res visa, neque incaute credenda. cum altero eorum (nam alter obses retentus) duo exploratores per cuniculum missi: per quos satis comperta re, trecenti armati, transfuga duce in urbem ingressi, nocte portam, quæ proxima erat, cepere. qua refracta, consul exercitusque Romanus sine certamine urbem invasere. Ita Nequinum in ditionem populi Romani venit. Colonia eo adversus Umbros missa, a flumine Narnia appellata: exercitus cum magna præda Romam reductus. Eodem anno ab Etruscis adversus inducias paratum bellum.

fed eos alia molientes Gallorum ingens exercitus, fines ingressus, paulisper a proposito avertit. Pecunia deinde, qua multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari: de mercede agitur. qua pacta acceptaque, cum parata cetera ad bellum essent, sequique Etruscus juberet, inficias eunt, mercedem se belli Romanis inferendi pacatos. quidquid acceperint, accepisse, ne agrum Etruscum vastarent, armisque lacerferent cultores. Militaturos tamen se, si utique Etrusci velint; sed nulla alia mercede, quam ut in partem agri accipientur, tandemque aliqua sedē certa confiant. Multa de eo concilia populorum Etruriæ habita: nec perfici quidquam potuit; non tam quia imminui agrum, quam quia accolas sibi quisque adjungere tam efferatæ gentis homines horrebat. ita dimissi Galli pecuniam ingentem sine labore apericulo partam retulerunt. Romæ terrorrem præbuit fama Gallici tumultus ad bellum Etruscum adjecti: eo minus cunctanter fœdus iustum cum Picenti populo est.

XI. T. Manlio consuli Etruria provincia forte evenit; qui, vixdum ingressus hostium fines, cum exerceretur inter equites, ab rapido cursu circumagendo equo effusus, extemplo prope exspiravit. tertius ab eo casu dies finis vitæ consuli fuit. Quo velut omine belli accepto, Deos pro se commisso bellum memorantes Etrusci, sustulere animos. Romæ, tum desiderio-viri, tum incommoditate temporis, tristis nuntius fuit: ut Patres ab juben-

do dictatore consulis subrogandi comitia , ex sententia principum habita , deterruerint . M. Valerium consulem omnes sententiæ centuriæque dixere , quem senatus dictatorem dici jussurus fuerat . tum extemplo in Etruriam ad legiones proficisci jussit . Adventus ejus compressit Etruscos , adeo ut nemo extra munimenta egredi auderet , timorque ipsorum obsidioni similis esset . neque illos novus consul vastandis agris urendisque tectis , cum passim non villæ solum , sed frequentes quoque vici , incendiis fumarent , elicere ad certamen potuit . Cum hoc segnius bellum opinione esset , alterius belli , quod multis invicem cladibus haud immerito terribile erat , fama Picentium , novorum sociorum , indicio exorta est : *Samnites arma & rebellionem spectare , seque ab iis sollicitatos esse.* Picentibus gratiae actæ , & magna pars curæ Patribus ab Etruria in Samnites versa est . Caritas etiam annonæ sollicitam civitatem habuit : ventumque ad inopiæ ultimum foret , ut scripsere , quibus ædilem fuisset eo anno Fabium Maximum placet , ni ejus viri cura , qualis in bellicis rebus multis tempestatibus fuerat , talis domi tum in annonæ dispensatione , præparando ac convehendo frumento , fuisset . Eo anno (nec traditur causa) interregnum initum . inter reges fuere Ap. Claudius , dein P. Sulpicius . Is comitia consularia habuit . creavit L. Cornelium Scipionem , Cn. Fulvium consules . Principio hujus anni oratores Lucanorum ad novos consules venerunt , questum , quia conditionibus pellicere se nequierint ad societatem arnorum , *Samnites infesto exer-*

citu ingressos fines suos vastare, belloque ad bellum cogere. Lucano populo satis superque erratum quondam: nunc ita obslinatos animos esse, ut omnia ferre ac pati tolerabilius ducant, quam ut unquam postea nomen Romanum violent. Orare Patres, ut & Lucanos in fidem accipient, & vim atque injuriam ab se Samnitium arceant. Se, quanquam bello cum Samnitibus suscepto necessaria jam facta adversus Romanos fides sit, tamen obsides dare paratos esse.

XII. Brevis consultatio senatus fuit. ad unum omnes jungendum foedus cum Lucanis, resque repetendas ab Samnitibus, censem. Benigne responsum Lucanis, iustumque foedus. Feciales missi, qui Samnitem decidere agro sociorum, ac deducere exercitum finibus Lucanis juberent. quibus obviam missi ab Samnitibus, qui denuntiarent, *Si quod adissent in Samnio concilium, haud inviolatos abituros.* Hæc postquam audita sunt Romæ, bellum Samnitibus & Patres censuerunt, & populus jussit. Consules inter se provincias partiti sunt. Scipioni Etruria, Fulvio Samnites obvenerunt; diversique, ad suum quisque bellum, proficiscuntur. Scipioni, segne bellum & simile prioris anni militiae exspectanti, hostes ad Volaterras instructo agmine occurrerunt. Pugnatum majore parte diei, magna utrinque cæde. nox incertis, qua data victoria esset, intervenit: lux insequens victorem victumque ostendit. Nam Etrusci silentio noctis castra reliquerunt. Romanus, egressus in aciem, ubi profectione hostium concessam victoriam videt, progressus ad castra, vacuis cum plurima præda (nam & stativa

trepide deserta fuerant) potitur. inde in Faliscum agrum copiis reductis, cum impedimenta Falerii cum modico præsidio reliquisset, expedito agmine ad depopulandos hostium fines incedit. Omnia ferro ignique vastantur; prædæ undique actæ: nec solum modo vastum hosti relictum, sed castellis etiam vicisque illatus ignis: urbibus oppugnandis temperatum, in quas timor Etruscos compulerat. Cn. Fulvii consulis clara pugna in Samnio ad Bovianum haudquaquam ambiguæ victoriæ fuit. Bovianum inde aggressus, nec ita multo post Aufidam vi cepit.

XIII. Eodem anno Carseolos colonia in agrum Aequicorum deducta. Fulvius consul de Samnitibus triumphavit. Cum comitia consularia instarent, fama exorta, Etruscos Samnitesque ingentes conscribere exercitus: palam omnibus conciliis vexari principes Etruscorum, quod non Gallos quacunque conditione traxerint ad bellum: increpari magistratus Samnitium, quod exercitum adversus Lucanum hostem comparatum, objecerint Romanis: itaque suis sociorumque viribus consurgere hostes ad bellum, & haudquaquam pari defungendum esse certamine. Hic terror, cum illustres viri consulatum peterent, omnes in Q. Fabium Maximum, primo non petentem, deinde, ut inclinata studia vidi, etiam recusantem, convertit. *Quid se jam senem, ac perfunctum laboribus laborumque præmiis, sollicitarent? Nec corporis, nec animi vigorum remanere eundem: & fortunam ipsam vereri, ne cui Deorum nimia jam in se, & constantior, quam*

velint humanæ res, videatur. Et se gloriæ seniorum succrevisse, & ad suam gloriam consurgentes alios læsum adspicere. nec honores magnos fortissimis viris Romæ, nec honoribus deesse fortes viros. Acuebat hac moderatione tam justa studia; quæ verecundia legum restinguenda ratus, legem recitari jussit, quæ intra decem annos eundem consulem refici non liceret. Vix præ strepitu audita lex est: tribunique plebis, nihil id impedimenti futurum, ajebant: se ad populum laturos, uti legibus solveretur. Et ille quidem in recusando perstatabat, quid ergo attineret leges ferri, rogitans, quibus per eosdem, qui tulissent, fraus fieret? Jam regi leges, non regere. Populus nihilominus suffragia inibat: &, ut quæque intro vocata erat centuria, consulem haud dubie Fabium dicebat. Tum demum consensu civitatis vietus, Dii approbent, inquit, quod agitis, acturique estis, Quirites. Ceterum, quoniam in me, quod vos vultis, facturi estis, in collega sit meæ apud vos gratiæ locus. P. Decium, expertum mihi concordi collegio virum, dignum vobis, dignum parente suo, quæso, mecum consulem faciatis. Justa suffragatio visa. omnes, quæ supererant, centuriæ Q. Fabium, P. Decium consules dixerunt. Eo anno plerisque dies dicta ab ædilibus, quia plus, quam quod lege finitum erat, agris possiderent. nec quisquam ferme est purgatus: vinculumque ingens immodicæ cupiditatis injectum est.

XIV. Consules novi, Q. Fabius Maximus quartum & P. Decius Mus tertium, cum inter se agitarent, uti alter Samnites hostes, alter Etruscos deligeret; quantæque in hanc aut in illam provin-

ciam copiæ satis, & uter ad utrum bellum dux idoneus magis esset; ab Sutrio & Nepete & Fale-riis legati, auctores, concilia Etruriæ populorum de petenda pace haberi, totam belli molem in Sam-nium averterunt. Profecti consules, quo expedi-tiores commeatus essent, & incertior hostis, qua venturum bellum foret, Fabius per Soranum, De-ciuss per Sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine incedit. explorant ta-men latius, quam populantur. Igitur non fefeller ad Tifernum hostes in occulta valle instructi, quam ingressos Romanos superiore ex loco adoriri pa-rabant. Fabius, impedimentis in locum tutum remotis, præsidioque modico imposito, præmoni-tis militibus adesse certamen, quadrato agmine ad prædictas hostium latebras succedit. Samnites, desperato improviso tumultu, quando in apertum se-mel discrimen evasura esset res, & ipsi acie justa maluerunt concurrere. itaque & in æquum descen-dunt, ac fortunæ se, majore animo, quam spe, committunt. Ceterum, sive quia ex omnium Sam-nitium populis, quocunque roboris fuerat, con-traxerant, seu quia discrimen summæ rerum au-gebat animos, aliquantum aperta quoque pugna præbuerunt terroris. Fabius, ubi nulla ex parte hostem loco moveri vidit, M. Fulvium & M. Val-erium, tribunos militum, cum quibus ad primam aciem procurrerat, ire ad equites jubet, & ad-hortari, ut, si quando unquam equestris ope adjutam rempublicam meminerint, illo die annitantur, ut or-

dinis ejus gloriam invictam praestent. Peditum certamine immobilem hostem restare; omnem reliquam spem in impetu esse equitum. & ipsos nominatim juvenes, pari comitate utrumque, nunc laudibus, nunc promissis onerat. Ceterum, quando ne ea quoque tentata vis proficeret, consilio grassandum, si nihil vires juvarent, ratus, Scipionem legatum hastatos primæ legionis subtrahere ex acie, & ad montes proximos, quam posset occultissime, circumducere jubet: inde ascensu abdito a conspectu erigere in montes agmen, aversoque hosti ab tergo re-pente se ostendere. Equites, ducibus tribunis, haud multo plus hostibus, quam suis, ex improviso ante signa evesti, præbuerunt tumultus. Adversus incitatas turmas stetit immota Samnitium acies, nec parte ulla pelli aut perrumpi potuit. Et, postquam irritum inceptum erat, recepti post signa prælio excesserunt. Crevit ex eo hostium animus; nec sustinere frons prima tam longum certamen incre-scentemque fiducia sui vim potuisset, ni secunda acies jussu consulis in primum successisset. Ibi integræ vires sistunt invehentem se jam Samnitem: & tempore improvisa ex montibus signa clamorque sublatus non vero tantum metu terruere Samnitium animos. nam & Fabius Decium collegam appro-pinquare exclamavit, & pro se quisque miles, *ad-eſſe alterum consulem, ad-eſſe legiones*, gaudio alacres fremunt; errorque utilis Romanis oblatus fugæ formidinique Samnites implevit, maxime territos, ne ab altero exercitu integro intactoque fessi oppri-merentur: &, quia passim in fugam dissipati sunt,

minor cædes, quam pro tanta victoria, fuit. tria millia & quadringenti cæsi, capti trecenti ferme & tringinta: signa militaria capta tria & viginti.

XV. Samnitibus Apuli se ante prœlium conjunxissent, ni P. Decius consul iis ad Maleventum castra objecisset, extractos deinde ad certamen fundisset. Ibi quoque plus fugæ fuit, quam cædis. duo millia Apulorum cæsa: spredoque eo hoste, Decius in Samnium legiones duxit. Ibi duo consulares exercitus, diversis vagati partibus, omnia spatio quinque mensium evastarunt. Quadraginta & quinque loca in Samnio fuere, in quibus Decii castra fuerunt: alterius consulis sex & octoginta. nec valli tantum ac fossarum vestigia relista, sed multo illis insigniora monumenta vastitatis circa regionumque depopulatarum. Fabius etiam urbem Cimetram cepit. ibi capta armatorum duo millia quadringenti: cæsi ferme pugnantes ad quadringentos triginta. Inde, comitiorum causa Romam profectus, muturavit eam rem agere. cum primo vocatae Q. Fabium consulem dicerent omnes centuriæ, Ap. Claudius consularis candidatus, vir acer & ambitiosus, non sui magis honoris causa, quam ut patricii recuperarent duo consularia loca, cum suis, tum totius nobilitatis viribus, incubuit, ut se cum Q. Fabio consulem dicerent. Fabius primo, de se eadem fere, quæ priore anno, dicendo, abnuere. circumstare sellam omnis nobilitas: orare, ut ex cœno plebejo consulatum extralieret, majeſtatemque pristinam tum honori, tum patriciis gentibus redderet. Fabius, silentio facto, media ora-

tione studia hominum sedavit. facturum enim se suis-
se dixit, ut duorum patriciorum nomina recipere, si
alium, quam se, consulem fieri videret: nunc se sui
rationem comitiis, cum contra leges futurum sit, pes-
simo exemplo non habiturum. Ita L. Volumnius de
plebe cum Ap. Claudio consul est factus, priore
item consulatu inter se comparati. Nobilitas objec-
tare Fabio, fugisse eum Ap. Claudium collegam,
eloquentia civilibusque artibus haud dubie præ-
stantem.

XVI. Comitiis perfectis, veteres consules jussi
bellum in Samnio gerere, prorogato in sex men-
ses imperio. Itaque in sequenti quoque anno, L.
Volumnio, Ap. Claudio consulibus, P. Decius,
qui consul in Samnio relictus a collega fuerat, pro-
consul idem populari non destitit agros, donec
Samnitium exercitum, nusquam se proelio com-
mittentem, postremo expulit finibus. Etruriam pul-
si petierunt: &, quod legationibus nequidquam
sæpe tentaverant, id se tanto agmine armatorum,
mixtis terrore precibus, aucturos efficacius rati,
postulaverunt principum Etruriæ concilium. Quo
coacto, per quot annos pro libertate dimicent cum
Romanis, exponunt. omnia expertos esse, si suis-
met ipsorum viribus tolerare tantam molem belli pos-
sent: tentasse etiam haud magni momenti finitimarum
gentium auxilia: petisse pacem a populo Romano, cum
bellum tolerare non possent: rebellasse, quod pax ser-
vientibus gravior, quam liberis bellum, esset. Unam
sibi spem reliquam in Etruscis restare. Scire, gentem
Italiæ opulentissimam armis, viris, pecunia, esse: ha-

bere accolas Gallos, inter ferrum & arma natos, feroces cum suopte ingenio, tum adversus Romanum populum: quem captum a se auroque redemunt, haud vana jactantes, memorent. Nihil abesse, si sit animus Etruscis, qui Porsenæ quondam majoribusque eorum fuerit, quin Romanos, omni agro cis Tiberim pulsos, dimicare pro salute sua, non de intolerando Italiæ regno, cogant. Samnitem illis exercitum paratum, instructum armis, stipendio, venisse: confessim secuturos, vel si ad ipsam Romanam urbem oppugnandam ducant.

XVII. Hæc eos in Etruria jactantes molientesque, bellum domi Romanum urebat. nam P. Decius, ubi comperit per exploratores profectum Samnitium exercitum, advocato concilio, Quid per agros, inquit, vagamur, vicatim circumferentes bellum? quin urbes & mœnia aggredimur? nullus jam exercitus Samnio præsidet. cessere finibus, ac sibi met ipsi exsiliū conscidere. Approbantibus cunctis, ad Murgantiam, validam urbem, oppugnandam ducit: tantusque ardor militum fuit, & caritate ducis, & spe majoris, quam ex agrestibus populationibus, prædæ, ut uno die vi atque armis urbem caperent. ibi duo millia Samnitium & centum pugnantes circumventi captique: & alia præda ingens capta est. quæ ne impedimentis gravibus agmen oneraret, convocari milites Decius jubet. Hacceine, inquit, victoria sola, aut hac præda contenti estis futuri? Vultis vos pro virtute spes gerere? omnes Samnitium urbes, fortunæque in urbibus relicte, vestræ sunt; quando legiones eorum, tot præliis

fusas, postremo finibus expulisti. Vendite ista, & illicite lucro mercatorem, ut sequatur agmen. ego subinde suggeram, quæ vendatis. Ad Romuleam urbem hinc eamus, ubi vos labor haud major, præda major manet. Divendita præda, ultiro adhortantes imperatorem ad Romuleam pergunto. Ibi quoque sine opere, sine tormentis, simul admota sunt signa, nulla vi deterriti a muris, qua cuique proximum fuit, scalis raptim admotis, in mœnia evadere. captum oppidum ac direptum est: ad duo millia & trecenti occisi; & sex millia hominum capta; & miles ingenti præda potitus: quam vendere, sicut priorem, coactus, Ferentinum inde, quanquam nihil quietis dabatur, tamen summa alacritate ductus. Centerum ibi plus laboris ac periculi fuit. & defensa summa vi mœnia sunt, & locus erat munimento naturaque tutus: sed evicit omnia assuetus prædæ miles. ad tria millia hostium circa muros cæsa: præda militis fuit. Hujus oppugnatarum urbium decoris pars major in quibusdam annalibus ad Maximum trahitur. Murgantiam ab Decio, a Fabio Ferentinum Romuleamque oppugnatas tradunt: sunt, qui novorum consulum hanc gloriam faciant. Quidam non amborum, sed alterius, L. Volumnii: ei Samnium provinciam evenisse.

XVIII. Dum ea in Samnio, cujuscunque ductu auspicioque, gererentur; Romanis in Etruria iterum bellum ingens multis ex gentibus concitum; cujus auctor Gellius Egnatius ex Samnitibus erat. Tusci fere omnes consiverant bellum: traxerat contagio proximos Umbriæ populos: & Gallica

auxilia mercede sollicitabantur. omnis ea multitudo ad castra Samnitium conveniebat. Qui tumultus repens postquam Romam perlatus est, cum jam L. Volumnius consul cum legionibus secunda ac tertia, sociorumque millibus quindecim profectus in Samnum esset, Ap. Claudium primo quoque tempore in Etruriam ire placuit. duæ Romanæ legiones secutæ, prima & quarta, & sociorum duodecim millia. castra haud procul ab hoste posita. Ceterum magis eo profectum est, quod mature ventum erat, ut quosdam spectantes jam arma Etruriæ populos metus Romani nominis comprimeret, quam quod ductu consulis quidquam ibi satis scite aut fortunate gestum sit. Multa prælia locis & temporibus inquis commissa: spesque in dies graviorem hostem faciebat. & jam prope erat, ut nec duci milites, nec militibus dux satis fideret. Literas ad collegam arcessendum ex Samnio missas, in trinis annalibus invenio. piget tamen incertum ponere, cum ea ipsa inter consules populi Romani, jam iterum eodem honore fungentes, discrepancio fuerit: Appio abnuente missas: Volumnio affirmante, Appi se literis accitum. Jam Volumnius in Samnio tria castella ceperat, in quibus ad tria millia hostium cæsa erant, dimidium fere ejus captum: & Lucanorum seditiones, a plebejis & egentibus ducibus ortas, summa optimatium voluntate per Q. Fabium proconsulem, missum eo cum veteri exercitu, compresserat. Decio depopulandos hostium agros relinquit. ipse cum suis copiis in Etruriam ad collegam pergit: quem advenientem læti omnes ac-

cepere. Appium ex conscientia sua credo animum habuisse haud immerito iratum, si nihil scripserat: illiberali & ingrato animo, si eguerat ope, dissimulantem. Vix enim salute mutua reddita, cum obviam egressus esset, *Satin' salvæ*, inquit, *L. Volumni?* ut sese in Samnio res habent? Quæ te causa, ut provincia tua excederes, induxit? Volumnius in Samnio res prosperas esse ait, literis ejus accitum venisse. quæ si falsæ fuerint, nec usus sui sit in Etruria, extemplo conversis signis abiturum. Tu vero abeas, inquit, neque te quisquam moratur: et nim minime consentaneum est, cum bello tuo forsitan vix sufficias, hic te ad opem ferendam aliis gloriari venisse. Bene, Hercules, verteret, dicere Volumnius: malle frustra operam insuntam, quam quidquam incidisse, cur non satis esset Etruriæ unus consularis exercitus.

XIX. Digredientes jam consules legati tribuni que ex Appiano exercitu circumsistunt: pars imperatorem suum orare, ne collegæ auxilium, quod acciendum ultro fuerit, sua sponte oblatum sperneretur: plures abeundi Volumnio obsistere, atque obtestari, ne pravo cum collega certamine rem publicam prodat. Si qua clades incidisset, desertori magis, quam deserto, noxiæ fore. Eo rem adductam, ut omne rei bene aut secus gestæ in Etruria decus dedecusque ad *L. Volumnium* sit delegatum. neminem quæsitorum, quæ verba Appii, sed quæ fortuna exercitus fuerit. Dimitti ab Appio eum, sed a republica & ab exercitu retineri; experiretur modo voluntatem militum. Hæc monendo obtestandoque, prope restitantes consules in concionem pertraxerunt, ibi orationes lon-

giores habitæ in eandem ferme sententiam , in quam inter paucos certatum verbis fuerat. Et cum Volumnius , causa superior , ne infacundus quidem adversus eximiam eloquentiam collegæ visus esset; cavillansque Appius , sibi acceptum referre , diceret , debere , quod ex muto atque elingui facundum etiam consulēm haberent : priore consulatu , primis utique mensibus , hiscere eum nequissē , nunc jam populares orationes ferere. Quam mallem , inquit Volumnius , tu a me strenue facere , quam ego abs te scite loqui didicissē. Postremo conditionem ferre , quæ decretura sit , non orator , (neque enim id desiderare rem publicam) sed imperator uter sit melior. Etruriam & Samnium provincias esse : utram mallet , eligeret. suo exercitu se vel in Etruria , vel in Samnio rem gesturum. Tum militum clamor ortus , ut simul ambo bellum Etruscum susciperent. quo animadverso consensū , Volumnius , Quoniam in collegæ voluntate interpretanda , inquit , erravi ; non committam , ut , quid vos velitis , obscurum sit. manere , an abire me velitis , clamore significate. Tum vero tantus est clamor exortus , ut hostes e castris exciret. armis arreptis in aciem descendunt. & Volumnius signa canere , ac vexilla efferri e castris jussit. Appium addubitatasse ferunt , cernentem , seu pugnante , seu quieto se , fore collegæ victoriam : deinde veritum , ne suæ quoque legiones Volumnium sequerentur , & ipsum flagitantibus suis signum dedisse. Ab neutra parte sat commode instructi fuerint. nam & Samnium dux Gellius Egnatius pabulatum cum cohortibus paucis ierat ; suoque impetu magis mi-

lites, quam cujusquam ductu aut imperio, pugnam capessebant. & Romani exercitus nec pariter ambo ducti, nec satis temporis ad instruendum fuit. Prius concurrit Volumnius, quam Appius ad hostem perveniret. itaque fronte inæquali concussum est: &, velut forte quadam mutante assuetos inter se hostes, Etrusci Volumnio, Samnites, parumper cunctati, quia dux aberat, Appio occurrere. Dicitur Appius in medio pugnæ discri mine, ita ut inter prima signa manibus ad cœlum sublatis conspiceretur, ita precatus esse: *Bellona, si hodie nobis victoriam duis, ast ego templum tibi voveo.* Hæc precatus, velut instigante Dea, & ipse collegæ & exercitus virtutem æquavit. Duces imperatoria opera exsequuntur; & milites, ne ab altera parte prius victoriā incipiat, annituntur. Ergo fundunt fugantque hostes, majorem molem haud facile sustinentes, quam cum qua manus conserere assueti fuerant. urgendo cedentes, insequendoque effusos compulere ad castra. Ibi, interventu Gelliū cohortiumque Sabellarum, paulisper recruduit pugna. iis quoque mox fusis, jam a victoribus castra oppugnabantur: &, cum Volumnius ipse portæ signa inferret; Appius, Bellonam vietricem identidem celebrans, accenderet militum animos, per vallum, per fossas irruperunt. Castra capta direptaque: præda ingens parta & militi concessa est. septem millia ac trecenti hostium occisi, duo millia & centum viginti capti.

XX. Dum ambo consules omnisque Romana vis in Etruscum bellum magis inclinat, in Samnio

novi exercitus, exorti ad depopulandos imperii Romani fines, per Vescinos in Campaniam Falernumque agrum transcendunt, ingentesque prædas faciunt. Volumnium, magnis itineribus in Samnium redeuntem, (jam enim Fabio Decioque prorogati imperii finis aderat) fama de Samnitium exercitu populationibusque Campani agri ad tuendos socios convertit. Ut in Calenum agrum venit, & ipse cernit recentia clavis vestigia, & Caleni narrant, tantum jam prædæ hostes trahere, ut vix explicare agmen possint: itaque jam propalam duces loqui, extemplo eundum in Samnium esse; ut, reliqua ibi præda, in expeditionem redeant, nec tam oneratum agmen dimicationi committant. Ea, quanquam similia veris erant, certius tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturnum flumen sedere hostem: inde teritia vigilia moturum: iter in Samnium esse. His satis exploratis profectus, tanto intervallo ab hostibus confudit, ut nec adventus suis propinquitate nimia nosci posset, & egredientem e castris hostem opprimeret. Aliquanto ante lucem ad castra accessit; gnosque Oscæ linguæ, exploratum quid agatur, mittit. Intermixti hostibus (quod facile erat in nocturna trepidatione) cognoscunt, infrequenta armatis signa egressa, prædam prædæque custodes exire, ignobile agmen, & sua quemque molientem, nullo inter alios consensu, nec satis certo imperio. Tempus aggrediendi aptissimum visum est: & jam lux appetebat. itaque signa canere jussit;

agmenque hostium aggreditur. Samnites, præda impediti, infrequentes armati, pars addere gradum, ac præ se agere prædam, pars stare, incerti utrum progredi, an regredi in castra tutius foret, inter cunctationem opprimuntur. & Romani jam transcederant vallum, cædesque ac tumultus erat in castris. Samnitium agmén, præterquam hostili tumultu, captivorum etiam repentina defectione turbatum erat: qui partim ipsi soluti vincos solvebant: partim arma in sarcinis deligata rapiebant, tumultumque, proelio ipso terribiliorem, intermixti agmine præbebant. Memorandum deinde edidere facinus: nam Stajum Minacium ducem, adeuntem ordines hortantemque, invadunt; dissipatis inde equitibus, qui cum eo aderant, ipsum circumfistunt, insidentemque equo captum ad consulem Romanum rapiunt. Revocata eo tumultu prima signa Samnitium: proeliumque jam profligatum integratum est, nec diutius sustineri potuit. Cæsa ad sex millia hominum: duo millia & quingenti capti: in eis tribuni militum quatuor: signa militaria triginta: &, quod lætissimum victoribus fuit, captivorum recepta septem millia & quadringenti; præda ingens sociorum: accitique edicto domini ad res suas noscendas recipiendaſque. Præstituta die, quarum rerum non exstitit dominus, militi concessæ; coactique vendere prædam, ne alibi, quam in armis, animum haberent.

XXI. Magnum ea populatio Campani agri tumultum Romæ præbuerat: & per eos forte dies ex Etruria allatum erat, post deductum inde Vo-

lumnianum exercitum Etruriam concitam in arma , & Gellium Egnatium , Samnitium ducem , & Umbros ad defectionem vocari , & Gallos pretio ingenti sollicitari . His nuntiis senatus conterritus iustitium indici , delectum omnis generis hominum haberi jussit . nec ingenui modo aut juniores sacramento adaecti , sed seniorum etiam cohortes factæ , libertinique centuriati . & defendendæ urbis consilia agitabantur ; summæque rerum prætor P. Sempronius præerat . Ceterum parte curæ exonerarunt senatum L. Volumnii consulis literæ , quibus cæsos fusosque populatores Campaniæ cognitum est . Itaque & supplicationes ob rem bene gestam consulis nomine decernunt . iustitium remittitur , quod fuerat dies decem & octo , supplicatione perlæta fuit . Tum de præsidio regionis , depopulatæ ab Samnitibus , agitari cœptum . Itaque placuit , ut duæ coloniæ circa Vescinum & Falernum agrum deducerentur : una ad ostium Liris fluvii , quæ Minturnæ appellata ; altera in saltu Vescono , Falernum contingente agrum , ubi Sinope dicitur Græca urbs fuisse , Sinuessa deinde ab coloniis Romanis appellata . Tribunis plebis negotium datum est , ut plebeiscito juberetur P. Sempronius prætor triumviros in ea loca colonis deducendis creare . nec , qui nomina darent , facile inveniebantur , quia in stationem se prope perpetuam infestæ regionis , non in agros , mitti rebantur . Avertit ab eis curis senatum Etruriæ ingravescens bellum , & crebræ literæ Appii , monentis , ne regionis ejus motum negligerent : *quatuor gentes confer-*

re arma, Etruscos, Samnites, Umbros, Gallos. jam castra bifariam facta esse, quia unus locus capere tantam multitudinem non possit. Ob hæc, & (jam appetebat tempus) comitiorum causa L. Volumnius consul Romam revocatus: qui prius, quam ad suffragium centurias vocaret, in concionem advocate populo, multa de magnitudine belli Etrusci differuit. jam tum, cum ipse ibi cum collega rem pariter gererit, fuisse tantum bellum, ut nec duce uno, nec exercitu geri potuerit: accessisse postea dici Umbros, & ingentem exercitum Gallorum. Adversus quatuor pupulos duces consules illo die deligi meminissent. se, nisi confideret, cum consensu populi Romani consulem declaratum iri, qui haud dubie tum primus omnium ductor habeatur, dictatorem fuisse extemplo dicturum.

XXII. Nemini dubium erat, quin Q. Fabius omnium consensu destinaretur; eumque & prærogative, & primo vocatae omnes centuriæ consulem cum L. Volumnio dicebant. Fabii oratio fuit, qualis biennio ante: deinde, ut vincebatur consensu, versa postremo ad collegam P. Decium poscendum. id senectuti suæ admiculum fore: censura duobusque consulatibus simili gestis expertum se, nil concorde collegio firmius ad rempublicam tuendam esse. populo imperii socio vix jam assescere senilem animum posse: cum moribus notis facilius se communiciaturum consilia. Subscriptis orationi ejus consul, cum meritis P. Decii laudibus, tum, quæ ex cordia consulum bona, quæque ex discordia mala in administratione rerum militarium evenirent, memorando, quam prope ultimum discriminis suis & collegæ

certaminibus nuper ventum foret : admonendo Decium Fabiumque, ut uno animo, una mente viverent. esse præterea viros natos militiæ, factis magnos, ad verborum linguæque certanina quæs : ea ingenia consularia esse. Callidos solertesque, juris atque eloquentiæ consultos, qualis Ap. Claudius esset, urbi ac foro præsides habendos, prætoresque ad reddenda jura creandos esse. His agendis dies est consumtus. postridie ad præscriptum consulis & consularia & prætoria comitia habita. Consules creati Q. Fabius & P. Decius: Ap. Claudius prætor; omnes absentes. & L. Volumnio ex senatusconsulto & scito plebis prorogatum in annum imperium est.

XXIII. Eo anno prodigia multa fuerunt : quorum averruncandorum causa supplicationes in biddenum senatus decrevit. Publice vinum ac tus præbitum. supplicatum iere frequentes viri feminæque. Insignem supplicationem fecit certamen in sacello Pudicitiæ patriciæ, quæ in foro boario est ad ædem rotundam Herculis, inter matronas ortum. Virginiam, Auli filiam, patriciam plebejo nuptam L. Volumnio consuli, matronæ, quod e Patribus enupsisset, sacris arcuerant. Brevis altercatio inde ex iracundia muliebri in contentionem animalium exarsit. cum se Virginia & patriciam & pudicam in patriciæ Pudicitiæ templum ingressam, & uni nuptam, ad quem virgo deducta sit; nec se viri honorumve ejus ac rerum gestarum pœnitere, vero gloriaretur. Facto deinde egregio magnifica verba adauxit. in vicu Longo, ubi habitabat, ex parte ædium, quod satis esset loci modico facello,

exclusit; aramque ibi posuit. &, convocatis plebejis matronis, conquesta injuriam patriciarum, *Hanc ego aram*, inquit, *Pudicitiae plebejæ dedico: vosque hortor*, ut, quod certamen virtutis viros in hac civitate tenet, hoc pudicitiae inter matronas sit: *detisque operam*, ut hæc ara, quam illa, si quid potest, *sancius & a castioribus coli dicatur*. Eodem sermone ritu & hæc ara, quo illa antiquior, culta est; ut nulla, nisi spectatæ pudicitiae matrona, & quæ unī viro nupta fuisset, jus sacrificandi haberet. Vulgata dein religio a pollutis, nec matronis solum, sed omnis ordinis feminis, postremo in oblivionem venit. Eodem anno Cn. & Q. Ogulnii ædiles curules aliquot fœneratoribus diem dixerunt: quorum bonis multatis, ex eo, quod in publicum redactum est, ænea in Capitolio limina, & trium mensarum argentea vasa in cella Jovis, Jovemque in culmine cum quadrigis, & ad sicum Ruminaliæ simulacra infantium conditorum Urbis sub uberibus lupæ posuerunt; semitamque faxo quadrato a Capena porta ad Martis straverunt. & ab ædilibus plebejis L. Ælio Pæto & C. Fulvio Curvo, ex multaticia item pecunia, quam exegant pecuariis damnatis, ludi facti; pateræque aureæ ad Cereris positæ.

XXIV. Q. inde Fabius quintum & P. Decius quartum consulatum ineunt, tribus consulatibus censuraque collegæ; nec gloria magis rerum, quæ ingens erat, quam concordia inter se clari. quæ ne perpetua esset, ordinum magis, quam ipsorum, inter se certamen intervenisse rcor: patriciis ten-

dentibus, ut Fabius Etruriam extra ordinem provinciam haberet; plebejis auctoribus Decio, ut ad sortem revocaret. Fuit certe contentio in senatu; &, postquam ibi Fabius plus poterat, revocata res ad populum est. in concione, ut inter militares viros, & factis potius, quam dictis, fratres, pauca verba habita: Fabius, quam arborem conservisset, sub ea legere alium fructum, indignum esse, dicere; se aperuisse Ciminiam silvam, viamque per devios saltus Romano bello fecisse. Quid se id aetatis solicitassent, si alio duce bellum gesturi essent? Nimirum adversarium se, non socium imperii, legisse, sensim exprobrat: & invidisse Decium concoraibus collegiis tribus. Postremo, se tendere nihil ultra, quam ut, si se dignum provincia ducerent, in eam mitterent: in senatus arbitrio se fuisse, & in potestate populi futurum. P. Decius senatus injuriam querebatur: quoad potuerint, Patres annisos, ne plebejis aditus ad magnos honores esset: postquam ipsa virtus pervicerit, ne in ullo genere hominum inhonorata esset, quare, quemadmodum irrita sint non suffragia modo populi, sed arbitria etiam fortunae, & in paucorum potestatem pertantur. Omnes ante se consules sortitos provincias esse; nunc extra sortem Fabio senatum provinciam dare. Si honoris ejus causa: ita eum de se, deque republica meritum esse, ut faveat Q. Fabii gloriae, quæ modo non sua contumelia splendeat. Cui autem dubium esse, ubi unum bellum sitasperum ac difficile, cum id alteri extra sortem mandetur, quin alter consul pro supervacaneo atque inuili habeatur? Gloriari Fabium rebus in Etruria gestis. velle & P.

Decium gloriari; & forsin, quem ille obrutum ignem reliquerit, ita ut toties novum ex improviso incendium daret, eum se extinxerum. Postremo se collegæ honores præmiaque concessurum verecundia ætatis ejus majestatisque; cum periculum, cum dimicatio proposita sit, neque cedere sua sponte, neque cessurum. &, si nihil aliud ex eo certamine tulerit, illud certe latrum, ut, quod populi sit, populus jubeat potius, quam patres gratificantur. Jovem optimum maximum Deosque immortales se precari, ut ita sortem æquam sibi cum collega dent, si eandem virtutem felicitatemque in bello administrando daturi sint. certe id & natura æquum, & exemplo utile esse, & ad famam populi Romani pertinere, eos consules esse, quorum utrolibet duce bellum Etruscum geri recte possit. Fabius, nihil aliud precatus populum, quam ut prius, quam intro vocarentur ad suffragium tribus, Ap. Claudii prætoris allatas ex Etruria literas audirent, comitio abit. nec minore populi consensu, quam senatus, provincia Etruria extra sortem Fabio decreta est.—

XXV. Concursus inde ad consulem factus omnium ferme juniorum: & pro se quisque nomina dabant. tanta cupido erat sub eo duce stipendia faciendi. Qua circumfusus turba, *Quatuor millia*, inquit, peditum & sexcentos equites dumtaxat scribere in animo est: hodierno & crastino die qui nomina dederitis, mecum ducam. majori mihi curæ est, ut omnes locupletes reducam, quam ut multis rem geram militibus. Profectus apto exercitu, & eo plus fiduciae ac spei gerente, quod non desiderata multitudo erat, ad oppidum Aharnam, unde haud pro-

cul hostes erant, ad castra Appii prætoris pergit.
paucis citra millibus lignatores ei cum præsidio
occurrunt: qui, ut lictores prægredi viderunt, Fa-
biunque esse consulem accepere, læti atque ala-
cres Diis populoque Romano grates agunt, quod
eum sibi imperatorem misissent. Circumfusi dein-
de cum consulem salutarent, quærerit Fabius, quo
pergerent; respondentibusque, lignatum se ire, *ain'*
tandem, inquit, *num castra vallata non habetis?* Ad
hoc cum suclamatum esset, *duplici quidem vallo,*
& fossa, & tamen in ingenti metu esse: habetis igitur,
inquit, *affatim lignorum. redite, & vellite vallum.*
Redeunt in castra, terroremque ibi, vellentes val-
lum, & iis, qui in castris remanserant, militibus,
& ipsi Appio fecerunt. Tum pro se quisque aliis
aliis dicere, *consulis fe Q. Fabii facere jussu.* Po-
stero inde diē castra mota, & Appius prætor Ro-
mam dimissus. inde nusquam stativa Romanis fue-
re. negabat utile esse, uno loco sedere exercitum:
itinibus ac mutatione locorum nobiliorem ac fa-
lubriorem esse. siebant autem itinera, quanta fie-
ri sinebat hiems haud dum exæcta. Vere inde primo,
relicta secunda legione ad Clusium, quod Camars
olim appellabant, præpositoque castris L. Scipio-
ne proprætore, Romam ipse ad consultandum de
bello rediit: sive ipse sponte sua, quia bellum ei
~~✓~~ majus in conspectu erat, quam quantum esse fa-
mæ crediderat; sive senatusconsulto accitus. nam
in utrumque autores sunt. Ab Ap. Claudio præ-
tore retractum quidam videri volunt; cum in se-
natū & apud populum (id quod per literas assidue

fecerat) terrorem belli Etrusci augeret: non sufficieturum ducem unum, nec exercitum unum, adversus quatuor populos. Periculorum esse, sive juncti unum premant, sive id diversi gerant bellum, ne ad omnia simul obire unus non possit. Duas se ibi legiones Romanas reliquisse: & minus quinque millia peditum equitumque cum Fabio venisse. sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. Si consul malit in suam provinciam ire; Volumnium in Etruriam ad consulem cum exercitu justo consulari proficisci. Cum magnam partem moveret oratio praetoris, P. Decium censuisse ferunt, ut omnia integra ac libera Q. Fabio servarentur, donec vel ipse, si per commodum reipublicae posset, Romanam venisset, vel aliquem ex legatis misisset; a quo disceret senatus, quantum in Etruria belli esset, quantisque administrandum copiis, & quot perduces esset.

XXVI. Fabius, ut Romanam rediit, & in senatu & productus ad populum medium orationem habuit, ut nec augere, nec minuere videretur belli famam; magisque in altero assumendo duce aliorum indulgere timori, quam suo aut reipublicae periculo consulere. ceterum, si sibi adjutorem belli sociumque imperii darent, quonam modo se obliviousi P. Decii consulis per tot collegia experti posse? Neminem omnium secum conjungi malle: & copiarum suis sibi cum P. Decio, & nunquam nimium hostium fore. Sin collega quid aliud malit; at sibi L. Volumnium darent adjutorem. Omnium rerum arbitrium & a po-

pulo, & a senatu, & ab ipso collega, Fabio permisum est. & cum P. Decius se in Samnium vel in Etruriam proficisci paratum esse ostendisset; tanta lætitia ac gratulatio fuit, ut præciperetur victoria animis, triumphusque, non bellum decretum consulibus videretur. Invenio apud quosdam, extemplo, consulatu inito, profectos in Etruriam Fabium Deciumque, sine ulla mentione fortis provinciarum certaminumque inter collegas, quæ exposui. Sunt, quibus ne hæc quidem certamina exponere satis fuerit. adjecerunt & Appii criminationes de Fabio absente ad populum, & pertinaciam adversus præsentem consulem prætoris, contentionemque aliam inter collegas, tendente Decio, ut suæ quisque provinciæ fortē tueretur. Constare res incipit ex eo tempore, quo profecti ambo consules ad bellum sunt. Ceterum, antequam consules in Etruriam pervenirent, Senones Galli multitidine ingenti ad Clusium venerunt, legiōnem Romanam castraque oppugnaturi. Scipio, qui castris præerat, loco adjuvandam paucitatem suorum militum ratus, in colle, qui inter urbem & castra erat, aciem erexit. Sed, ut in re subita, parum explorato itinere ad jugum perrexit, quod hostes ceperant, parte alia egressi. ita cæsa ab tergo legio, atque in medio, cum hostis undique urgenteret, circumventa. Deletam quoque ibi legiōnem, ita ut nuntius non superesset, quidam auctores sunt; nec ante ad consules, qui jam haud procul a Clusio aberant, famam ejus cladis perlatam, quam in conspectu fuere Gallorum equites,

pectoribus equorum suspensa gestantes capita, & lanceis infixa, ovantesque moris sui carmine. Sunt, qui Umbros fuisse, non Gallos, tradant; nec tantum clavis acceptum: & circumventis pabulatibus cum L. Manlio Torquato legato Scipionem proprætorem subsidium e castris tulisse, victoresque Umbros, redintegrato prœlio, victos esse: captivosque eis ac prædam ademptam. Similius vero est, a Gallo hoste, quam Umbro, eam cladem acceptam; quod, cum saepè alias, tum eo anno, Gallici tumultus præcipuus terror civitatem tenuit. Itaque præterquam quod ambo consules profecti ad bellum erant cum quatuor legionibus, & magno equitatu Romano, Campanisque mille equitibus delectis, ad id bellum missis, & sociorum nonnisi Latini majore exercitu, quam Romani; alii duo exercitus haud procul urbe Etruriæ oppositi, unus in Falisco, alter in Vaticano agro. Cn. Fulvius & L. Postumius Megellus, proprætores ambo, stativa in eis locis habere jussi.

XXVII. Consules ad hostes, transgresso Apennino, in agrum Sentinatem pervenerunt. Ibi quatuor millium ferme intervallo castra posita. Inter hostes deinde consultationes habitæ: atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adjecti. dies indicta pugnæ: Samniti Gallisque delegata pugna: inter ipsum certamen Etrusci Umbrique jussi castra Romana oppugnare. Hæc consilia turbarunt transfugæ Clusini tres, clam nocte ad Fabium consulem transgressi. qui, editis

hostium consiliis, dimissi cum donis, ut subinde, ut quæque res nova decreta esset, exploratam perferrent. Consules Fulvio, ut ex Falisco, Postumio, ut ex Vaticano exercitum ad Clusium admoveant, summaque vi fines hostium depopulentur, scribunt. Hujus populationis fama Etruscos ex agro Sentineate ad suos fines tuendos movit. Instare inde consules, ut absentibus iis pugnaretur, per biduum lacestiere prælio hostem. biduo nihil dignum dictu aëtum. Pauci utrinque cecidere: magisque irritati sunt ad justum certamen animi, quam ad discrimen summa rerum adducta. tertio die descensum in campum omnibus copiis est. Cum instructæ acies starent, cerva fugiens lupum e montibus exacta per campos inter duas acies decurrit: inde diversæ feræ, cerva ad Gallos, lupus ad Romanos cursum deflexit. Lupo data inter ordines via; cervam Galli confixere. Tum ex antesignanis Romanus miles, *Illac fuga*, inquit, & cædès vertit, ubi sacram *Dianæ* feram jacentem videtis. Hinc victor Martius lupus, integer & intactus, gentis nos Martiæ & conditoris nostri admonuit. Dextro cornu Galli, sinistro Samnites constiterunt. adversus Samnites Q. Fabius primam ac tertiam legiones pro dextro cornu; adversus Gallos pro sinistro Decius quintam & sextam instruxit. secunda & quarta cum L. Volumnio proconsule in Samnio gerebant bellum. Primo concursu adeo æquis viribus gesta res est, ut, si affuissent Etrusci & Umbri, aut in acie, aut in castris, quoconque se inclinassent, accipienda clades fuerit.

XXVIII. Ceterum, quanquam communis adhuc Mars belli erat, needum discriminem fortuna fecerat, qua datura vires esset; haudquaque similis pugna in dextro lævoque cornu erat. Romani apud Fabium arcebant magis, quam inferebant, pugnam; extrahebaturque in quam maxime serum diei certamen: quia ita persuasum erat duci, & Samnites & Gallos primo impetu feroce esse, quos sustineri satis sit; longiore certamine sensim residere Samnitium animos: Gallorum quidem etiam corpora intolerantissima laboris atque æstus fluere; primaque eorum prælia plus quam virorum, postrema minus quam feminarum esse. In id tempus igitur, quo Vinci solebat hostis, quam integerrimas vires militi servabat. Ferocior Decius & ætate & vigore animi, quantumcunque virium habuit, certamine primo effudit. & , quia lentior videbatur pedestris pugna, equitatum in pugnam concitat, & ipse, fortissimæ juveni turmæ immixtus, orat proceres juventutis, in hostem ut secum impetum faciant: duplē illorum gloriam fore, si ab lævo cornu & ab equite victoria incipiat. Bis avertere Gallicum equitatum. iterum longius evectos, & jam inter media equitum agmina prælium cientes, novum pugnæ conterruit genus: effedis carrisque superstans armatus hostis ingenti sonitu equorum rotarumque advenit, & insolitos ejus tumultus Romanorum conterruit equos. Ita victorem equitatum velut lymphaticus pavor dissipat: sternit inde ruentes equos virosque improvida fuga. Turbata hinc etiam signa legionum: multique impetu equo-

rum ac vehiculorum raptorum per agmen obtriti antesignani : & infecuta, simul territos hostes vidit , Gallica acies nullum spatium respirandi recipiendique se dedit. Vociferari Decius , Quo fugerent ? quamve in fuga spem haberent ? obsistere cedentibus , ac revocare fuisos. deinde , ut nulla vi perculfos sustinere poterat , patrem P. Decium nomine compellans , Quid ultra moror , inquit , familiare fatum ? datum hoc nostro generi est , ut luendis periculis publicis piacula simus. Jam ego mecum hostium legiones maestandas Telluri ac Diis Manibus dabo. Hæc locutus , M. Livium pontificem , quem descendens in aciem digredi vetuerat ab se , præire jussit verba , quibus se legionesque hostium pro exercitu populi Romani Quiritium devoveret. Devotus inde eadem precatione eodemque habitu , quo pater P. Decius ad Veserim bello Latino se jussérat devoveri. Cum secundum sollemnes precationes adjecisset , præ se agere sese formidinem ac fugam , cædemque ac cruorem , cœlestium , inferorum iras : contacturum funebribus diris signa , tela , arma hostium ; locumque eundem suæ pestis & Gallorum ac Samnitium fore. Hæc exsecratus in se hostesque , qua confertissimam cernebat Gallorum aciem , concitat equum : inferensque se ipse infestis telis est interfactus.

XXIX. Vix humanæ inde opis videri pugna potuit. Romani ; duce amissso , quæ res terrori alias esse solet , sistere fugam , ac novam de integro velle instaurare pugnam. Galli , & maxime globus circumstans consulis corpus , velut alienata mente , vana

incassum jactare tela. torpere quidam, & nec pugnæ meminisse, nec fugæ. At ex parte altera pontifex Livius, cui lictores Decius tradiderat, jusserratque proprætorem esse, vociferari, *Vicisse Romanos, defunctorum consulis fato. Gallos Samnitessque Telluris matris ac Deorum Manium esse. Rapere ad se ac vocare Decium devotam secum aciem; surarunque ac formidinis plena omnia ad hostes esse.* Superveniunt deinde his restituentibus pugnam L. Cornelius Scipio & C. Marcius, cum subsidiis ex novissima acie jussu Q. Fabii consulis ad præsidium collegæ missi. ibi auditur P. Decii eventus, ingens hortamen ad omnia pro republica audenda. Itaque cum Galli strætis ante se scutis conferti starent, nec facilis pede collato videretur pugna; jussu legatorum collecta humi pila, quæ strata inter duas acies jacebant, atque in testudinem hostium conjecta. quibus plerisque in scuta, verutis in corpora ipsa fixis, sternitur cuneus; ita ut magna pars integris corporibus attoniti conciderent. hæc in sinistro cornu Romanorum fortuna variaverat. Fabius in dextro, primo (ut ante dictum est) cunctando extraxerat diem: deinde, postquam nec clamor hostium, nec impetus, nec tela missa, eandem vim habere visa; præfectis equitum jussis ad latus Samnitium circumducere alas, ut signo dato in transversos, quanto maximo possent impletu, incurrerent; sensim suos signa inferre jussit, & commovere hostem. Postquam non resisti vidit, & haud dubiam lassitudinem esse; tum, collectis omnibus subsidiis, quæ ad id tempus refer-

vaverat, & legiones concitavit, & signum ad invadendos hostes equitibus dedit. Nec sustinuerunt Samnites impetum; præterque aciem ipsam Gallorum, relictis in dimicatione sociis, ad castra effuso cursu ferebantur. Galli, testudine facta, conferti stabant. Tum Fabius, audita morte collegæ, Campanorum alam, quingentos fere equites, excedere acie jubet, & circumvectos ab tergo Gallicam invadere aciem: tertiae deinde legionis subsequi principes, &, qua turbatum agmen hostium viderent impetu equitum, instare ac territos cædere. Ipse ædem Jovi Victori spoliaque hostium cum vovisset, ad castra Samnitium perrexit; quo multitudo omnis consternata agebatur. Sub ipso vallo, quia tantam multitudinem portæ non recepere, tentata ab exclusis turba suorum pugna est. Ibi Gellius Egnatius imperator Samnitium cecidit. compulsi deinde intra vallum Samnites: parvoque certamine capta castra, & Galli ab tergo circumventi. Cæsa eo die hostium viginti quinque millia, octo capta. nec incruenta victoria fuit. nam ex P. Decii exercitu cæsa septem millia; ex Fabii, mille ac ducenti. Fabius, dimissis ad quærendum collegæ corpus, spolia hostium coniecta in aceruum Jovi Victori cremavit. Consulis corpus eo die, quia obrutum superstratis Gallorum cumulis erat, inveniri non potuit. postero die inventum relatunque est cum multis militum lacrimis. Intermissa inde omnium aliarum rerum cura, Fabius collegæ funus omni honore laudibusque meritis celebrat.

XXX. Et in Etruria per eosdem dies ab Cn.

Fulvio prætore res ex sententia gesta; &, præter ingentem illatam populationibus agrorum hosti cladem, pugnatum etiam egregie est: Perusinorumque & Clusinorum cæsa amplius millia tria, & signa militaria ad viginti capta. Samnitium agmen, cum per Pelignum agrum fugeret, circumventum a Pelignis est. ex millibus quinque ad mille cæsi. Magna ejus diei, quo in Sentinati agro bellatum, fama est, etiam vero stanti. sed superjecere quidam augendo fidem; qui in hostium exercitu peditum quadraginta millia trecentos triginta, equitum sex millia, mille carpentorum scripsere fuisse: scilicet cum Umbris Tuscisque, quos & ipsos pugnæ affuisse. &, ut Romanorum quoque augerent copias, L. Volumnium pro consule ducem consulibus, exercitumque ejus legionibus consulum adjiciunt. In pluribus annalibus duorum ea consulum propria victoria est. Volumnius in Samnio interim res gerit, Samnitiumque exercitum, in Tifernum montem compulsum, non deterritus iniquitate loci, fundit fugatque. Q. Fabius, Deciano exercitu reliquo in Etruria, suis legionibus deducatis ad urbem, de Gallis Etruscisque ac Samnitibus triumphavit. milites triumphantem secuti sunt. Celebrata inconditis carminibus militaribus non magis victoria Q. Fabii, quam mors præclara P. Decii est: excitataque memoria parentis, æquata eventu publico privatoque filii laudibus. Data ex præda militibus æris octogeni bini, sagaque & tunicæ; præmia illa tempestate militiæ haudquaquam spernenda.

XXXI. His ita rebus gestis, nec in Samnitibus

adhuc, nec in Etruria pax erat. nam &, Perusiniis auctoribus, post deductum ab consule exercitum rebellatum fuerat: & Samnites praedatum in agrum Vescinum Formianumque, & parte alia in Æserninum, quæ Vulturno adjacent flumini, descendere. Adversus eos Ap. Claudius praetor cum exercitu Deciano missus. Fabius in Etruria rebellante denuo quatuor millia & quingentos Perusinorum occidit: cepit ad mille septingentos quadraginta: qui redemti singuli æris trecentis decem. præda alia omnis militibus concessa. Samnitium legiones, cum partim Ap. Claudius praetor, partim L. Volumnius pro consule sequeretur, in agrum Stellatem convenerunt. ibi & Samnitium legiones omnes confidunt, & Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties, illinc ab ultima jam dimicantibus spe. Cæsa ergo Samnitium sexdecim millia trecenti, capta duo millia septingenti. ex Romano exercitu cecidere duo milia septingenti. Felix annus bellicis rebus, pestilenta gravis, prodigiisque sollicitus. nam, & terram multifariam pluisse, & in exercitu Ap. Claudii plerosque fulminibus ictos, nuntiatum est: librique ob hæc aditi. Eo anno Q. Fabius Gurses, consulis filius, aliquot matronas ad populum stupri damnatas pecunia multavit. ex quo multatioæ Veneris ædem, quæ prope Circum est, faciendam curavit. Supersunt etiam nunc Samnitium bella, quæ continua per quartum jam volumen, annumque sextum & quadragesimum, a M. Valerio, A. Corne-

lio consulibus, qui primi Samnio arma intulerunt; agimus: & ne tot annorum clades utriusque gentis laboresque actos nunc referam, quibus nequiverint tamen dura illa pectora vinci; proximo anno Samnites in Sentinati agro, Pelignis, ad Tifernum, Stellatibus campis, suis ipsi legionibus, mixti alienis, ab quatuor exercitibus quatuor ducibus Romanis cæsi fuerant, imperatorem clarissimum gentis suæ amiserant; socios belli, Etruscos, Umbros, Gallos, in eadem fortuna videbant, qua ipsi erant: nec suis, nec externis viribus jam stare poterant; tamen bello non abstinebant. adeo ne infeliciter quidem defensæ libertatis tædebat: & vinci, quam non tentare victoram, malebant. Quinam sit ille, quem non pigeat longinquitatis bellorum scribendo legendoque, quæ gerentes non fatigaverunt?

XXXII. Q. Fabium, P. Decium, L. Postumius Megellus & M. Atilius Regulus consules secuti sunt. Samnium ambobus decreta provincia est; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit: Atilius extemplo profectus, ut in Samnio hostes (ita enim placuerat Patribus) nondum egressos opprimeret. Velut ex composito ibi obvium habuere hostem; ubi & intrare, nedum vastare, ipsi Samnitium agrum prohiberentur: & egredi inde in pacata socrorumque populi Romani fines Samnitem prohiberent. Cum castra castris collata essent, quod vix Romanus toties viator auderet, ausi Samnites sunt (tantum desperatio ultima

temeritatis facit) castra Romana oppugnare. & quanquam non venit ad finem tam audax incep-tum, tamen haud omnino vanum fuit. Nebula erat ad multum diei densa adeo, ut lucis usum eripe-ret, non prospētu modo extra vallum ademto, sed propinquō etiam congregientium inter se con-spectu. Hac velut latebra insidiarum freti Samni-tes, vixdum satis certa luce, & eam ipsam pre-mente caligine, ad stationem Romanam in porta segniter agentem vigilias perveniuunt. Improviso op-pressis nec animi satis ad resistendum, nec virium fuit. Ab tergo castrorum decumana porta impetus factus. itaque captum quæstorium: quæstorque ibi L. Opimius Pansa occisus. conclamatum inde ad arma.

XXXIII. Consul, tumultu excitus, cohortes duas sociorum, Lucanam Suesianamque, quæ pro-ximæ forte erant, tueri prætorium jubet: mani-pulos legionum principali via inducit. Vixdum sa-tis aptatis armis, in ordines eunt: & clamore magis, quam oculis, hostem noscunt: nec, quantus numerus sit, æstimari potest. Cedunt primo in-certii fortunæ suæ, & hostem introrsum in media castra accipiunt. inde cum consul vociferaretur, expulsive extra vallum, castra deinde sua oppugnaturi effent, rogitans; clamore sublato connisi primo re-sistunt: deinde inferunt pedem urgentque, & im-pulsos semel terrore eodem agunt, quo cœperunt. Expellunt extra portam vallumque. inde pergere ac persequi (quia turbida lux metum circa insidia-rum faciebat) non ausi, liberatis castris contenti,

recepérunt se intra vallum, trecentis ferme hostiū occisiſ. Romanorū stationis primæ vigilumque & eorum, qui circa quæſtoriū oppreſſi, periē ad ducentos triginta. Animos inde Samnitib⁹ non infelix audacia auxit; & non modo proferre inde caſtra Romanū, ſed ne papulari quidem per agros ſuos, patiebantur. retro in pacatum Soranū agrū pabulatores ibant. Quarum rerum fama, tumultuosior etiam, quam res erant, perlata Romam, coegit L. Postumiū conſulem, vixdum validum, proficiſci ex urbe. Prius tamen, quam exiret, militiibus edicto Soram jussis conveniare, ipſe ædem Victoriæ, quam ædilis curulis ex multatice pecunia faciendam curaverat, dedicavit. Ita ad exercitum profectus, ab Sora in Samnium ad caſtra collegæ perrexit. inde postquam Samnites, diffiſi duobus exercitibus refiſti poſſe, recesserunt; diversi conſules ad vastandos agros urbesque oppugnandas diſcedunt.

XXXIV. Postumiū Milioniam oppugnare adortus, vi primo atque impetu, dein, postquam ea parum procedebant, opere ac vineis demum injunctis muro cepit. Ibi, capta jam urbe, ab hora quarta uſque ad octavam fere horam omnibus partibus urbis diu incerto eventu pugnatū est. poſtremo potitur oppido Romanus. Samnitium cæſtria millia ducenti: capti quatuor millia ducenti, præter prædam aliam. Inde Ferentinum ductæ legiones: unde oppidani cum omnibus rebus ſuis, quæ ferri agique potuerunt, nocte per aversam portam silentio excesserunt. Igitur, ſimul advenit con-

sul, primo ita compositus instructusque mœnibus successit, tanquam idem, quod ad Milioniam fuerat, certaminis foret: deinde, ut silentium vastum in urbe, nec arma, nec viros in turribus ac muris vidit, avidum invadendi deserta mœnia militem detinet, ne quam occultam in fraudem incautus rueret. Duas turmas sociorum Latini nominis circumequitare mœnia, atque explorare omnia jubet. equites portam unam alteramque eadem regione in propinquo patentes conspiciunt, itineribusque iis vestigia nocturnæ hostium fugæ. Adequitant deinde sensim portis, urbemque ex tuto rectis itineribus perviam conspiciunt: ad consulem referunt, excessum urbe; solitudine haud dubia id perspicuum esse, recentibus vestigiis fugæ, ac strage rerum in trepidatione nocturna passim relictarum. His auditis, consul ad eam partem urbis, qua adierant equites, circumducit agmen: constitutis que haud procul porta signis, quinque equites jubet intrare urbem, &, modicum spatium progressos, tres manere eodem loco, si tuta videantur; duos explorata ad se referre. Qui ubi redierunt, retuleruntque, eo se progressos, unde in omnes partes circumspactus esset, longe lateque silentium ac solitudinem vidisse; exemplo consul cohortes expeditas in urbem induxit; ceteros interim castra communire jussit. ingressi milites, refractis foribus, paucos graves ætate aut invalidos inveniunt, reliquaque, quæ migratu difficultia essent. Ea direpta; & cognitum ex captivis est, communi consilio aliquot circa urbes consciisse fugam: suos prima vi-

gilia profectos. credere , eandem in aliis urbibus solitudinem inventuros. Dictis captivorum fides existit: desertis oppidis consul potitur.

XXXV. Alteri consuli M. Atilio nequaquam tam facile bellum fuit. Cum ad Luceriam duceret legiones , quam oppugnari ab Samnitibus audierat , ad finem Lucerinum ei hostis obvius fuit. ibi ira vires æquavit. Proelium varium & anceps fuit: tristius tamen eventu Romanis ; & quia insueti erant vinci , & quia digredientes magis , quam in ipso certamine , senserunt , quantum in sua parte plus vulnerum ac cædis fuisset. Itaque is terror in castris ortus , qui si pugnantes cepisset , insignis accepta clades foret. Tum quoque sollicita nox fuit , jam invasurum castra Samnitem creditibus , aut prima luce cum victoribus conserendas manus. Minus cladis , ceterum non plus animorum , ad hostes erat. ubi primum illuxit , abire sine certamine cupiunt. Sed via una , & ea ipsa præter hostes , erat: qua ingressi , præbuere speciem recta tendentium ad castra oppugnanda. Consul arma capere milites jubet , & sequi se extra vallum: legatis , tribunis , præfectis sociorum imperat , quod apud quemque facto opus est. Omnes affirrant , se quidem omnia facturos , sed militum jacere animos. tota nocte inter vulnera & gemitus morientium vigilatum esse. Si ante lucem ad castra ventum foret , tantum prætoris fuisse , ut relicturi signa fuerint : nunc pudore a fuga contineri , alioquin pro viâlis esse. Quæ ubi consul accepit , sibimet ipsi circumdeundos aliquendosque milites ratus , ut ad quosque vene-

rat, cunctantes arima capere increpabat: *Quid ces-
sarent, tergiversarenturque?* Hostem in castra ventu-
rum, nisi illi extra castra exissent, & pro tentoriis suis
pugnaturos; si pro vallo nollent. armatis ac dimican-
tibus dubiam victoriam esse. Qui nudus atque iner-
mis hostem maneat, ei aut mortem, aut servitutem
patiendam. Hæc jurganti increpatique responde-
bant: *Confectos se pugna hesterna esse: nec virium
quidquam, nec sanguinis supereesse: majorem multitu-
dinem hostium apparere, quam pridie fuerit.* Inter hæc
appropinquabat agmen: &, jam breviore inter-
vallo certiora intuentes, vallum secum portare Sam-
nitem affirmant; nec dubium esse, quin castra cir-
cumvallatur sint. Tunc, *enimvero*, consul, indig-
num facinus esse, vociferari, tantam contumeliam
ignominiamque ab ignavissimo accipi hoste. Etiamne
circumsedebimus, inquit, *in castris*, ut fame potius
per ignominiam, quam ferro, si necesse est, per vir-
tutem, moriamur? Dii bene verterent, facerentque,
quod se dignum quisque ducerent. Consulem M. Ati-
lum vel solum, si nemo aliis sequatur, iturum ad-
versus hostes: casurumque inter signa Samnitium po-
tius, quam circumvallari castra Romana videat. Dicta
consulis legati, tribunique, & omnes turmæ equi-
tum, & centuriones primorum ordinum, appro-
bavere. Tum pudore victus miles segniter arma ca-
pit, segniter e castris egreditur. longo agmine, nec
continenti, mœsti ac prope vieti procedunt adver-
sus hostem, nec spe, nec animo certiore. Itaque
simul conspecta sunt Romana signa, extemplo a
primo Samnitium agmine ad novissimum fremitus

perfertur, *Exire, id quod timuerint, ad impediendum iter Romanos.* Nullam inde ne fugæ quidem patere viam. illo loco aut cadendum esse, aut, stratis hostiis, per corpora eorum evadendum. ✕

XXXVI. In medio sarcinas conjiciunt; armati suis quisque ordinibus instruunt aciem. Jam exiguum inter duas acies erat spatum, & stabant expectantes, dum ab hostibus prius impetus, prius clamor inciperet. neutrī animus est ad pugnandum. Diversique integri atque intacti abiissent, nīcedenti instaturum alterum timuissent. sua sponte inter invitatos tergiversantesque segnis pugna, clamore incerto atque impari, cœpit: nec vestigio quāquam movebatur. Tum consul Romanus, ut rem excitaret, equitum paucas turmas extra ordinem immisit: quorum cum plerique delapsi ex equis essent, & alii turbati; & ab Samnitium acie ad opprimendos eos, qui ceciderant, & ad suos tuendos ab Romanis procursum est. Inde paululum irritata pugna est, sed aliquanto & impigre magis, & plures procurrerant Samnites: & turbatus eques sua ipse subsidia territis equis proculcavit. hinc fuga cœpta totam avertit aciem Romanam. Jamque in terga fugientium Samnites pugnabant, cum consul, equo prævectus ad portam castrorum, ac statione equitum ibi opposita, edicto que, *ut, quicunque ad vallum tenderet, sive ille Romanus, sive Samnis esset, pro hoste haberent; haec ipsa minitans, obstat profuse tendentibus suis in castra. Quo pergis, inquit, miles? & hic arma & viros invenies. nec, vivo consule tuo, nisi viator castræ*

intrabis. Proinde elige, cum cive, an hoste, pugnare malis. Hæc dicente consule, equites infestis cuspidibus circumfunduntur, ac peditem in pugnam redire jubent. Non virtus solum consulem, sed fors etiam adjuvit; quod non institerunt Samnites, spatiumque circumagendi signa, vertendique aciem a castris in hostem fuit. Tum alii alios hortari, ut repeterent pugnam: centuriones ab signiferis rapta signa inferre: & ostendere suis, paucos & ordinibus incompositis effuse venire hostes. Inter hæc consul, manus ad cœlum attollens, voce clara, ita ut exaudiretur, templum Jovi Statori vovet, si constitisset a fuga Romana acies, redintegrataque prœlio cecidisset vicissetque legiones Samnitium. Omnes undique annisi ad restituendam pugnam, duces, milites, peditum equitumque vis. numen etiam Deorum respexisse nomen Romanum visum: adeo facile inclinata res, repulsique a castris hostes; mox etiam redacti ad eum locum, in quo commissa pugna erat. Ibi, objacente sarcinorum cunulo, quas conjecterant in medium, hæfere impediti: deinde, ne diriperentur res, orbem armatorum sarcinis circumdant. Tum vero eos a fronte urgere pedites, ab tergo circumvecti equites. ita in medio cæsi captique. Captivorum numerus fuit septem millium ac ducentorum, qui omnes nudi sub jugum missi. cæsos retulere ad quatuor millia octingentos. Ne Romanis quidem læta victoria fuit. recensente consule biduo acceptam cladem, amissorum militum numerus relatus septem millium ac ducentorum. Dum hæc in Apulia

gerebantur, altero exercitu Samnites Interamnam, coloniam Romanam, quæ via Latina est, occupare conati, urbem non tenuerunt: agros depopulati cum prædam aliam inde mixtam hominum atque pecudum, colonosque captos agerent, in victorem incident consulem, ab Luceria redeuntem: nec prædam solum amittunt, sed ipsi longo atque impedito agmine incompositi cæduntur. Consul, Interamnam edicto dominis ad res suas noscendas recipiendaisque revocatis, & exercitu ibi relieto, comitiorum causa Romam est profectus. Cui de triumpho agenti negatus honos, & ob amissatot millia militum, & quod captivos sine pactione sub jugum misisset.

XXXVII. Consul alter Postumius, quia in Samnitibus materia belli deerat, in Etruriam traducto exercitu, primum pervastaverat Volsiniensem agrum: dein cum egressis ad tuendos fines haud procul moenibus ipsorum depugnat. duo millia octingenti Etruscorum cæsi: ceteros propinquitas urbis tutata est. In Rusellatum agrum exercitus traductus. ibi non agri tantum vastati, sed oppidum etiam expugnatum: capta amplius duo millia hominum, minus duo millia circa muros cæsa. Pax tamen clarius majorque, quam bellum in Etruria eo anno fuerat, parta est. Tres validissimæ urbes, Etruriæ capita, Volsinii, Perusia, Arretium, pacem petiere; &, vestimentis militum frumentoque paeti cum consule, ut mitti Romam oratores liceret, inducias in quadraginta annos impetraverunt. multa præsens quingentum millium æris in singu-

las civitates imposita. Ob hasce res gestas, consul cum triumphum ab senatu, moris magis causa, quam spe impetrandi, petisset, videretque alios, quod tardius ab urbe exisset, alios, quod injussu senatus ex Samnio in Etruriam transisset, partim suos inimicos, partim collegæ amicos, ad solatium æquatae repulsæ sibi quoque negare triumphum : *Norita*, inquit, *Patres conscripti, vestræ majestatis meminero, ut me consulem esse obliviscar.* eodem jure imperii, quo bella gesti, bellis feliciter gestis, *Samnia atque Etruria subactis, victoria & pace parta, triumphabo.* Ita senatum reliquit. Inde inter tribunos plebis contentio orta : pars intercessuros, ne novo exemplo triumpharet, ajebant ; pars auxilio se adversus collegas triumphantи futuros. Jactata res ad populum est : vocatusque eo consul, cum M. Horatium, L. Valerium consules, C. Martium Rutilum nuper, patrem ejus, qui tunc censor esset, non ex auctoritate senatus, sed jussu populi triumphasse diceret ; adjiciebat, se quoque laturum fuisse ad populum, ni sciret, mancipia nobilium tribunos plebis legem impedituros : voluntatem sibi ac favorem consentientis populi pro omnibus jussis esse, ac futura. Posteroque die auxilio tribunorum plebis trium, adversus intercessionem septem tribunorum & consensum senatus, celebrante populo diem, triumphavit. Et hujus anni parum constans memoria est. Postumium, auctor est Clavius, in Samnio captis aliquot urbibus, in Apulia fuisum fugatumque, faucium ipsum cum paucis Luceriam compulsum : ab Atilio in Etruria res gestas, eumque triuni-

phasse. Fabius, ambo consules in Samnio & ad Luceriam res gessisse, scribit, traductumque in Etruriam exercitum, (sed ab utro consule non adjectit) & ad Luceriam utrinque multos occisos. inque ea pugna Jovis Statoris ædem votam, ut Romulus ante voverat: sed fanum tantum, id est, locus, templo effatus, sacratus fuerat. Ceterum, hoc demum anno ut ædem etiam fieri senatus juberet, bis ejusdem voti damnata respublica in religionem venit.

XXXVIII. Sequitur hunc annum & consul insignis L. Papirius Cursor, qua paterna gloria, qua sua: & bellum ingens victoriaque, quantam de Samnitibus nemo ad eam diem, præter L. Papirium patrem consulis, pepererat: & forte eodem conatu apparatuque omni opulentia insignium armorum bellum adornaverant: & Deorum etiam adhibuerant opes, ritu quodam sacramenti vetusto velut initiatis militibus, delectu per omne Samnium habitu nova lege: ut, qui juniorum non convenisset ad imperatorium edictum, quique injussu abisset, caput Jovi sacratum esset. Tum exercitus omnis Aquiloniam est indictus. ad quadraginta milia militum, quod roboris in Samnio erat, convenerunt. Ibi mediis fere castris locus est consitus crateribus pluteisque, & linteis contectus, patens ducentos maxime pedes in omnes pariter partes. Ibi ex libro vetere linteo lecto sacrificatum, sacerdote Ovio Paetio quodam, homine magno natu, qui se id sacrum petere affirmabat ex vetusta Samnitium religione; qua quondam usi majores eo-

rum fuissent, cum adimendæ Etruscis Capuæ clandestinum cepissent consilium. Sacrificio perfecto, per viatorem imperator acciri jubebat nobilissimum quemque genere factisque. singuli introducebantur. Erat cum aliis apparatus sacri, qui perfundere religione animum posset; tum in loco circa omni coniecto aræ in medio, victimæque circa cæsæ, & circumstantes centuriones strictis gladiis. Admovebatur altaribus miles, magis ut victimæ, quam ut facri particeps: adigebaturque jure jurando, quæ visa auditaque in eo loco essent, non enuntiaturum. Dein jurare cogebatur diro quodam carmine, in exsecrationem capitis familiæque & stirpis composito, nisi issent in prælium, quo imperatores duxissent: & si aut ipse ex acie fugisset, aut, si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt: jacentes deinde inter stragem victimarum documento ceteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis dictum, ut vir virum legerent, donec sexdecim millium numerum confecissent. ea legio linteata ab integumento concepti, quo sacrata nobilitas erat, appellata est. His arma insignia data, & cristaæ galeæ, ut inter ceteros eminerent. Paulo plus vinti millium aliis exercitus fuit, nec corporum specie, nec gloria belli, nec apparatu linteatæ legioni dispar. hic hominum numerus, quod roboris erat, ad Aquiloniam confedit.

XXXIX. Consules profecti ab urbe: prior Sp.

Carvilius , cui veteres legiones , quas M. Atilius , superioris anni consul , in agro Interamnati reliquerat , decretæ erant , cum eis in Samnum profectus , dum hostes , operati superstitionibus , concilia secreta agunt , Amiternum oppidum de Samnitibus vi cepit . Cæsa ibi millia hominum duo ferme atque octingenti : capta quatuor millia ducenti septuaginta . Papirius novo exercitu (ita decretum erat) scripto , Duroniam urbem expugnavit . minus , quam collega , cepit hominum , plus aliquanto occidit . præda opulenta utrobique est parta . Inde pervagati Samnum consules , maxime depulato Atinate agro , Carvilius ad Cominium , Papirius ad Aquiloniam (ubi summa rei Samnitium erat) pervenit . ibi aliquamdiu nec cessatum ab armis est , neque naviter pugnatum : laceffendo quietos , resistentibus cedendo , comminandoque magis , quam inferendo pugnam , dies absumebatur . quod cum inciperetur , remittereturque , omnium rerum etiam parvarum eventus proferebatur in dies . Altera Romana castra viginti millium spatio aberant : & absentis collegæ consilia omnibus gerendis intererant rebus : intentiorque Carvilius , quo maiore discrimine res vertebatur , in Aquiloniam , quam ad Cominium , quod obsidebat , erat . L. Papirius , jam per omnia ad dimicandum satis paratus , nuntium ad collegam mittit : *sibi in animo esse , postero die , si per auspicia liceret , confligere cum hoste . Opus esse , & illum , quanta maxima vi posset , Cominium oppugnare , ne quid laxamenti sit Samnitibus ad subsidia Aquiloniam mittenda . Diem ad proficiscendum*

nuntius habuit: nocte rediit, approbare collegam consulta referens. Papirius, nuntio missso, extem-
plo concionem habuit; multa de universo genere
belli, multa de præsenti hostium apparatu, vana
magis specie, quam efficaci ad eventum, differuit.
*Non enim cristas vulnera facere; & per picta atque
aurata scuta transire Romanum pilum: & candore tu-
nicarum fulgentem aciem, ubi res ferro geratur, cruen-
tari.* Auream olim atque argenteam Samnitium aciem
a parente suo occidione occisam: spoliaque ea hone-
stiora victori hosti, quam ipsis arma, fuisse. Datum
hoc forsan nomini familiæque suæ, ut adversus maxi-
mos conatus Samnitium opponerentur duces; spolia-
que ea referrent, quæ insignia publicis etiam locis de-
corandis essent. Deos immortales adesse propter toties
petita fœdera, toties rupta: tum, si qua conjectura
menitis divinæ sit, nulli unquam exercitui fuisse infe-
stiores, quam qui, nefando sacro mixta hominum pe-
cudumque cæde respersus, ancipiti Deum iræ devotus,
hinc fœderum cum Romanis ictorum testes Deos, hinc
jurisjurandi adversus fœdera suscepti exsecrations
horrens, invitus juraverit, oderit sacramentum, uno
tempore Deos, cives, hostes metuat. ✕

XL. Hæc, comperta perfugarum indiciis, cum
apud infenfos jam sua sponte milites differuisset,
simul divinæ humanæque spei pleni, clamore con-
sentienti pugnam poscunt: pœnitet in posterum
diem dilatum certamen; moram diei noctisque ode-
runt. Tertia vigilia noctis, jam relatis literis a
collega, Papirius silentio surgit, & pullarium in
auspicium mittit. Nullum erat genus hominum in

castris intactum cupiditate pugnæ : summi infimi-
que æque intenti erant : dux militum , miles du-
cis ardorem spectabat. Is ardor omnium etiam ad
eos , qui auspicio intererant , pervenit. nam , cum
pulli non pascerentur , pullarius , auspicium menti-
ri ausus , tripudium solistimum consuli nuntiavit.
Consul latus , auspicium egregium esse , & Deis auc-
toribus rem gesturos , pronuntiat ; signumque pug-
næ proponit. Exeundi jam forte in aciem nuntiat
perfuga , viginti cohortes Samnitium (quadringe-
nariæ ferme erant) Cominium profectas. quod ne
ignoraret collega , extemplo nuntium mittit : ipse
signa ocios proferri jubet , subsidiaque suis quæque
locis , & præfectos subsidiis attribuerat. Dextro
cornu L. Volumnium , sinistro L. Scipionem , equi-
tibus legatos alios , Cajos Cædicium & Trebonium ,
præfecit. Sp. Nautium mulos , detractis clitellis , cum
cohortibus alariis in tumulum conspectum propere
circumducere jubet , atque inde inter ipsam diimi-
cationem , quanto maxime posset , moto pulvere
ostendere. Dum his intentus imperator erat , alter-
catio inter pullarios orta de auspicio ejus diei , exau-
ditaque ab equitibus Romanis : qui , rem haud sper-
nendam rati , Sp. Papirio fratri filio consulis , am-
bigi de auspicio , renuntiaverunt. Juvenis , ante
doctrinam Deos spernentem natus , rem inquisitam ,
ne quid incompertum deferret ad consulem , de-
tulit. cui ille , *Tu quidem mæle virtute diligentiaque
est : ceterum qui auspicio adeſt , si quid falsi nuntiat ,
in ſemet ipsum religionem recipit. Mihi quidem tri-
pudium nuntiatum , populo Romano exercituique egen-*

X

gium auspiciū est. Centurionibus deinde imperavit, ut pullarios inter prima signa constituerent. Promovent & Samnites signa, insequitur acies ornata armataque, ut hostium quoque magnificum spectaculum esset. Priusquam claimor tolleretur, concurrereturque, emissō temere pilo iētus pullarius ante signa cecidit. quod ubi consuli nuntiatum est, *Dii in prælio sunt, inquit; habet pœnam noxiū caput.* Ante consulem hæc dicentem corvus voce clara occinuit. quo lætus augurio consul, affirmans nunquam humanis rebus magis præsentes interfuisse Deos, signa canere, & clamorem tolli jussit.

XLI. Prælīum commissum atrox, ceterum longe disparibus animis. Romanos ira, spes, ardor certaminis, avidos hostium sanguinis in prælīum rapit: Samnitium magnam partem necessitas ac religio invitos magis resistere, quam inferre pugnam, cogit. nec sustinuissent primum clamorem atque impetum Romanorum, per aliquot jam annos vincī assueti, ni potentior alius metus insidens pectoribus a fuga retineret. Quippe in oculis erat omnis ille occulti paratus sacri, & armati sacerdotes, & promiscua hominum pecudumque strages, & respersæ fando nefandoque sanguine aræ, & dira exfæcratio, ac furiale carmen, detestandæ familiæ stirpique compositum. his vinculis fugæ obstricti stabant, civem magis, quam hostem, timentes. Instare Romanus a cornu utroque, a media acie, & cædere Deorum hominumque attonitos metu. repugnatur segniter, ut ab iis, quos timor morare-

tur a fuga. Jam prope ad signa cædes pervenerat, cum ex transverso pulvis, velut ingentis agminis incessu motus, apparuit. Sp. Nautius (Octavium Metium quidam eum tradunt) dux alaribus cohortibus erat. pulverem majorem, quam pro numero, excitabant: insidentes mulis calones frondosos ramos per terram trahebant: arma signaque per turbidam lucem in primo apparebant: post altior densiorque pulvis equitum speciem cogentium agmen dabat. Fefellitque non Samnites modo, sed etiam Romanos: & consul affirmavit errorem, clamitans inter prima signa, ita ut vox etiam ad hostes accideret, *captum Cominium, viçtorem collegam adesse: anniterentur vincere prius, quam gloria alterius exercitus fieret.* Hæc insidens equo. inde tribunis centurionibusque imperat, ut viam equitibus patefaciant. Ipse Trebonio Cædicioque prædixerat, ut, ubi se cuspidem erectam quatient vidissent, quanta maxima vi possent, concitarent equites in hostem. Ad nutum omnia, ut ex ante præparato, fiunt. panduntur inter ordines viæ: provolat eques, atque infestis cuspidibus in medium agmen hostium ruit; perrumpitque ordines, quacunque impetum dedit. instant Volumnius & Scipio, & percussos sternunt. Tum, jam Deorum hominumque viæ vi, funduntur linteatae cohortes: pariter jurati injuratique fugiunt, nec quenquam, præter hostes, metuunt. Peditem agmen, quod superfuit pugnæ, in castra ad Aquiloniam compulsum est. nobilitas equitesque Bovianum per fugerunt: equites eques sequitur, peditem pedes

ac diversa cornua, dextrum ad castra Samnitium, laevum ad urbem tendit. Prior aliquanto Volumnius castra cepit: ad urbem Scipioni majore resistitur vi; non quia plus animi victis est, sed melius muri, quam vallum, armatos arcent. inde lapidibus propulsant hostem. Scipio, nisi in primo pavore, priusquam colligerentur animi, transacta res esset, lentiorem fore munitæ urbis oppugnationem ratus, interrogat milites, *Satin' æquo animo paterentur, ab altero cornu castra capta esse: se victores pelli a portis urbis?* Reclamantibus universis, primus ipse, scuto super caput elato, pergit ad portam: secuti alii, testudine facta, in urbem per rumpunt: deturbatisque Samnitibus, qui circa portam erant, muros occupavere. penetrare in interiora urbis, quia pauci admodum erant, non audent:

XLII. Hæc primo ignorare consul, & intentus recipiendo exercitui esse: jam enim præceps in occasum sol erat, & appetens nox periculosa & suspecta omnia etiam victoribus faciebat. Progressus longius ab dextra, castra capta videt: ab laeva clamorem in urbe mixtum pugnantium ac paventium fremitu esse. & tum forte certamen ad portam erat. Advectus deinde equo proprius, ut suos in muris videt, nec jam integri quidquam esse, quoniam temeritate paucorum magnæ rei parta occasio esset, acciri, quas receperat, copias, signaque in urbem inferri jussit. Ingressi proxima ex parte, quia nox appropinquabat, quievere. nocte oppidum ab hostibus desertum est. Cæsa illo die ad Aquiloniam Samnitium millia triginta trecenti qua-

draginta : capta tria millia octinginti & septuaginta : signa militaria nonaginta septem. Ceterum illud memoriæ traditur, non ferme alium ducem lætiorem in acie visum, seu suopte ingenio, seu fiducia bene gerendæ rei. Ab eodem robore animi neque controverso auspicio revocari a proelio potuit; & in ipso discrimine, quo templa Diis immortalibus voveri mos erat, voverat Jovi Victori, si legiones hostium fudisset, pocillum mulsi prius, quam temetum biberet, sese facturum. id votum Diis cordi suit : & auspicia in bonum verterunt.

XLIII. Eadem fortuna ab altero consule ad Cominium gesta res. Prima luce, ad mœnia omnibus copiis admotis, corona cinxit urbem; subsidiaque firma, ne qua eruptio fieret, portis opposuit. Jam signum dantem eum nuntius a collega trepidus de viginti cohortium adventu & ab impetu moratus est, & partem copiarum revocare instructam intentamque ad oppugnandum coegit. D. Brutum Scævam legatum cum legione prima & decem cohortibus alariis equitatuque ire adversus subsidium hostium jussit: quocunque in loco fuisset obvius, obsisteret ac moraretur; manumque, si forte ita res posceret, conferret: modo ne ad Cominium eæ copiæ admoveri possent. Ipse scalas ferri ad muros ab omni parte urbis jussit, ac testudine ad portas successit. simul & refringebantur portæ, & vis undique in muros fiebat. Samnites, sicut, antequam in muris viderent armatos, satis animi haberunt ad prohibendos urbis aditu hostes; ita, postquam jam non ex intervallo nec missilibus, sed

cominus gerebatur res, &, qui ægre successerant ex plano in muros, loco, quem magis timuerant, victo, facile in hostem imparem ex æquo pugnabant; relictis turribus murisque, in forum omnes compulsi, paulisper inde tentaverunt extremam pugnæ fortunam. Deinde, abjectis armis, ad undecim millia hominum & quadringenti in fidem consulis venerunt. cæsa ad quatuor millia trecenti octoginta. Sic ad Cominium, sic ad Aquiloniam gesta res. Inde medio inter duas urbes spatio, ubi tertia exspectata erat pugna, hostes non inventi. Septem millia passuum cum abessent a Cominio, revocati ab suis neutri proelio occurrerunt. Primis ferme tenebris cum in conspectu jam castra, jam Aquiloniam habuissent, clamor eos utrinque par accidens sustinuit: deinde e regione castrorum, quæ incensa ab Romanis erant, flammæ late fusa certioris cladis indicio progredi longius prohibuit. Eo ipso loco prope temere sub armis strati passim inquietum omne tempus noctis, exspectando timendoque lucem, egere. prima luce, incerti quam in partem intenderent iter, repente in fugam consternantur, conspecti ab equitibus: qui, egressos nocte ab oppido Samnites persecuti, viderant multitudinem, non vallo, non stationibus firmatam. Conspecta & ex muris Aquiloniæ ea multitudo erat, jamque etiam legionariæ cohortes sequebantur. Ceterum nec pedes fugientes persequi potuit: & ab equite novissimi agminis ducenti ferme & octoginta interfici. Arma multa pavidi ac signa militaria duodeviginti reliquere. alio agmine incolumi,

ut ex tanta trepidatione, Bovianum perventum est.

XLIV. Lætitiam utriusque exercitus Romani auxit & ab altera parte feliciter gesta res. uterque ex alterius sententia consul captum oppidum diripiendum militi dedit; exhaustis deinde tectis ignem injecit: eodemque die Aquilonia & Cominium deflagravere. & consules, cum gratulatione mutua legionum suaque, castra conjunxere. In conspectu duorum exercituum & Carvilius suos pro cuiusque merito laudavit donavitque; & Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, & quatuor centuriones, manipulumque hastatorum, armillis aureisque coronis donavit: Nautium propter expeditionem, qua magni agminis modo terruerat hostes: juvenem Papirium propter navatam cuin equitatu & in proelio operam, & nocte, qua fugam infestam Samnitibus ab Aquilonia clam egressis fecit: centuriones militesque, quia primi portam murumque Aquiloniae cuperant. equites omnes, ob insignem multis locis operam, corniculis armillisque argenteis donat. Consilium inde habitum, cum jam tempus esset deducendi ab Samnio exercitus, aut utriusque, aut certe alterius. Optimum visum, quo magis fractæ res Samnitium essent, eo pertinacius & infestius agere cetera & persequi: ut perdomitum Samnium insequentibus consulibus tradi posset. Quando jam nullus esset hostium exercitus, qui signis collatis dimicaturus videretur, unum superesse belli genus, urbium oppugnationes; quarum per excidia mili-

tem locupletare præda, & hostem pro aris ac focis
dimitantem confidere possent. Itaque, literis missis
ad senatum populumque Romanum de rebus ab se
gestis, diversi, Papirius ad Sæpinum, Carvilius ad
Volanam oppugnandam legiones ducunt.

XLV. Literæ consulū ingenti lætitia & in cu-
ria & in concione auditæ; & quatridui supplica-
tione publicum gaudium privatis studiis celebratum
est. nec populo Romano magna solum, sed perop-
portuna etiam, ea victoria fuit; quia per idem forte
tempus rebellasse Etruscos allatum est. Subibat co-
gitatio animum, quonam modo tolerabilis futura
Etruria fuisset, si quid in Samnio adversi venisset;
quæ, conjuratione Samnitium erecta, quoniam am-
bo consules omnisque Romana vis aversa in Sam-
nium esset, occupationem populi Romani pro oc-
casione rebellandi habuisset. Legationes sociorum,
a M Atilio prætore in senatum introductæ, quere-
bantur, uri & vastari agros a finitimis Etruscis,
quod desciscere a populo Romano nollent: obte-
stabanturque Patres conscriptos, ut se a vi atque
injuria communium hostium tutarentur. Respon-
sum legatis, curæ senati futurum, ne socios fidei suæ
pœniteret: *Etruscorum propediem eandem fortunam,*
quam Samnitium, fore. Segnius tamen, quod ad E-
truriam attinebat, acta res esset, ni Faliscos quo-
que, qui per multos annos in amicitia fuerant, al-
latum foret, arma Etruscis junxisse. Hujus propin-
quitas populi acuit curam Patribus, ut feciales mit-
tendos ad res repetendas censerent. quibus non
redditis, ex auctoritate Patrum ius suu populi bel-

lum Faliscis indictum est: jussique consules fortiri, uter ex Samnio in Etruriam cum exercitu transiret. Jam Carvilius Volanam, & Palumbinum, & Herculaneum ex Samnitibus ceperat: Volanam intra paucos dies, Palumbinum eodem, quo ad muros accessit. Ad Herculaneum bis etiam signis collatis ancipiti prælio, & cum majore sua, quam hostium, jaætura dimicavit. Castris deinde positis, mœnibus hostem inclusit. oppugnatum oppidum captumque. In his tribus urbibus capta aut cæsa ad decem millia hominum: ita ut parvo admodum plures caperentur. Sortientibus provincias consilibus, Etruria Carvilio evenit secundum vota militum, qui vim frigoris jam in Samnio non patiebantur. Papirio ad Sæpinum major vis hostium restitit. sæpe in acie, sæpe in agmine, sæpe circa ipsam urbem adversus eruptiones hostium pugnatum: neque obsidio, neque bellum ex æquo erat: non enim muris magis se Samnites, quam armis ac viris mœnia, tutabantur. Tandem pugnando in obsidionem justam coegit hostes: obsidendoque vi atque operibus urbem expugnavit. itaque ab ira plus cædis editum, capta urbe: septem millia quadringenti cæsi: capta minus tria millia hominum: præda, quæ plurima fuit, congestis Samnitium rebus in urbes paucas, militi concessa est.

XLVI. Nives jam omnia oppleverant, nec durari extra teæta poterat: itaque consul exercitum de Samnio deduxit. Venienti Romam triumphus omnium consensu est delatus. triumphavit in magistratu, insigni, ut illorum temporum habitus erat,

triumpho. Pedites equitesque insignes donis transiere, ac transvecti sunt: multæ civicæ coronæ, vallaresque, ac murales conspectæ. Inspectata spolia Samnitium: & decore ac pulchritudine paternis spoliis, quæ nota frequenti publicorum ornatu locorum erant, comparabantur. nobiles aliquot captivi, clari suis patrumque factis, ducti. Æris gravis transvecta vicies centena & ad triginta tria millia. id æs redactum ex captivis dicebatur. argenti, quod captum ex urbibus erat, pondo millia trecenta triginta. omne æs argentumque in æarium conditum. Militibus nihil datum ex præda est. autemque ea invidia est ad plebem, quod tributum etiam in stipendum militum collatum est: cum, si spreta gloria fuisset captivæ pecuniæ in æarium illatæ, & militi tum dari ex præda, & stipendum militare præstari potuisset. Ædem Quirini, quam in ipsa dimicazione votam apud neminem veterem auctorem invenio, (neque, Hercule, tam exiguo tempore perficere potuisset) ab dictatore patre votam, filius consul dedicavit, exornavitque hostium spoliis. quorum tanta multitudo fuit, ut non templum tantum forumque his ornaretur; sed sociis etiam colonisque finitimis, ad templorum locorumque publicorum ornatum, dividerentur. A triumpho exercitum in agrum Vesinum, quia regio ea infesta ab Samnitibus erat, hibernatum duxit. Inter hæc Carvilius consul, in Etruria Troilium primum oppugnare adortus, quadringtonos septuaginta ditissimos, pecunia grandi pactos, ut abire inde liceret, dimisit: ceteram mul-

titudinem oppidumque ipsum vi cepit. inde quinque castella, locis sita munitis, expugnavit. Cæsa ibi hostium duo millia quadringenti, minus duo millia capti. Et Faliscis pacem potentibus annuas inducias dedit, pactus centum millia gravis æris, & stipendium ejus anni militibus. His rebus actis ad triumphum decessit, ut minus clarum de Samnitibus, quam collegæ triumphus fuerat, ita cumulo Etrusci belli æquatum. Æris gravis tulit in ærarium trecenta octoginta millia: de reliquo ære ædem Fortis Fortunæ de manubiis faciendam locavit, prope ædem ejus Deæ ab rege Ser. Tullio dedicatam. & militibus ex præda centenos binos asses, & alterum tantum centurionibus atque equitibus (malignitate collegæ gratius accipientibus munus) divisit. Favor consulis tutatus ad populum est L. Postumium legatum ejus: qui, dicta die a M. Cantio tribuno plebis, fugerat in legationem (ut fama ferebat) populi judicium: jaetarique magis, quam peragi, accusatio ejus poterat.

XLVII. Exacto jam anno, novi tribuni plebis magistratum inierant: iisque ipsis, quia vitio creati erant, quinque post dies alii suffecti. Lustrum conditum eo anno est a P. Cornelio Arvina, C. Marcio Rutilo, censoribus: censa capitum millia ducenta sexaginta duo trecenta viginti duo. Censores vicesimi sexti a primis censoribus; lustrum undevicesimum fuit. Eodem anno coronati primum, ob res bello bene gestas, ludos Romanos spectaverunt: palmæque tum primum, translato e Græcia more, victoribus datae. Eodem anno ab ædili-

bus curulibus, qui eos ludos fecerunt, damnatis aliquot pecuariis, via a Martis silice ad Bovillas perstrata est. Comitia consularia L. Papirius habuit: creavit consules Q. Fabium Maximi filium Gurgitem & D. Junium Brutum Scævam. ipse Papirius prætor factus. Multis rebus lætus annus vix ad solatium unius mali, pestilentiae urentis simul urbem atque agros suffecit; portentoque jam similis clades erat. & libri aditi, quinam finis, aut quod remedium ejus mali ab Diis daretur. Invenimus in libris, Æsculapium ab Epidauro Romanum arcessendum. neque eo anno, quia bello occupati consules erant, quidquam de ea re actum: præterquam quod unum diem Æsculapio supplicatio habita est.

JOANNIS FREINSHEMII
SUPPLEMENTORUM
LIVIANORUM
LIBER I.
IN LOCUM LIB. XI LIVIANI.

E P I T O M E
LIBRI UNDECIMI.

Cum Fabius Gurges consul male adversus Samnites pugnasset, & senatus de removendo eo ab exercitu ageret, Fabius Maximus pater, deprecatus hanc sibi ignominiam, eo maxime senatum movit, quod iturum se filio legatum pollicitus est, idque praeslitit. ejus consiliis & opera filius consul adjutus, cæsis Samnitibus, triumphavit. C. Pontium, imperatorem Samnitium, duclum in triumpho securi percussit. Cum civitas pestilentia laboraret, missi legati, ut Æsculapii signum Romam ab Epidauro transfeirent, anguem, qui se in navem eorum contulerat, in quo ipsum numen esse constabat, deportavere: eoque in insulam Tiberis egresso, eodem loco ades Æsculapii consecrata est. L. Postumius consularis, quoniام, cum exercitui præfasset, opera militum in agro suo usus erat, damnatus est. Cum Samnitibus pacem petentibus fœdus quarto renovatum est. Curius Dentatus consul, Samnitibus cæsis, & Sabinis, qui rebellaverant, violis, & in deditio[n]em accepiis, bis in eodem magistratu triumphavit. Coloniae deducere sunt, Ca-

lustrum, Sena, Hadria. Triumviri capitales tunc primum creati sunt. Censu aëlo, lustrum conditum est. censa sunt civium capita ducenta septuaginta duo millia. Plebs propter æs alienum, post graves & longas seditiones, ad ultimum secessit in Janiculum: unde a Q. Hortensio dictatore deducta est, isque in ipso magistratu decepsit. Res præterea contra Volsinienses gestas continet: item adversus Lucanos, contra quos auxilium Thurinoris ferre placuerat.

I. **F**RACTÆ jam multis præliis Samnitium opes erant: neque dubium habebatur, quin bello finis imponi posset, si perculso & debilitato hosti quam minimum ad confirmandos animos spatii relinqueretur. Igitur Q. Fabius consul ardens juventa, & confecti belli gloriam sibi comparare certus, delectu haud segniter acto, protinus in Campaniam cum exercitu profectus est. Samnites enim, dura gens, & ad desperationem potius quam timorem tot cladibus acta; quod superioris anni consules ad triumphum suum legiones deduxerant, occasione temporum usi, non pœnitendas copias ex reliquis priorum pugnarum & novis delectibus coegerant: & quoniam pestilentia Romanos urgeri sciebant, præterea consules, nec experientia bellorum, nec auctoritate magnopere metuendos, eum in annum factos esse audiverant; in spem erecti, Campanos semper spretos, tum autem ut auctores periculorum malorumque suorum invisiiores, populationibus & vastatione agrorum lacescebant.

II. Erat in duce Romano par dignitati Fabiæ dominus animus, sed contemptus toties a suis victæ gentis, & rei gerendæ cupiditas, consilium eripuerant. raptim ad hostes exercitu ducto, cum præmissos ab imperatore Samnitium speculatores vidisset, qui conspecto Romanorum agmine se recipiebant ad suos; universam hostium multitudinem fugere arbitratus, non locorum, non hominum ex-

plorato habitu, tanquam omnis victoriæ spes in celeritate posita esset, quanta maxima festinatione poterat, signa inferri jussit. Apud Samnites, a suis præmonitos, omnia circumspectius acta sunt: præcipi opportuna loca, strui acies, alloquiis ducum accendi militis animi potuerunt. Igitur eventus proelii qualis esse debuit, fuit. Fessos ex itinere & cursu, turbatis ordinibus, tanquam ad prædam magis quam pugnam venientes, instructus paratusque miles haud magno negotio pepulit: Fabius, desideratis suorum millibus tribus, majore etiam numero sauciorum, quo minus omnem exercitum amitteret, superventu noctis defensus est.

III. Tum loco paulo æquiore capto, quantum in illa trepidatione fieri potuit, castra communita sunt. in quibus haud multo melior quam in ipsa acie aut facies rerum, aut fiducia animorum fuit. non requies fessis, non cibus esurientibus, non fomenta fauciis suppeterant; tantum cum armis egressi, prioribus in castris impedimenta omnia reliquerant. Igitur inter genitus morientium & querelas superstitum tota nox exacta est, omnibus imminentem diem cum horrore ac desperatione, ut supremam, operientibus. *Neque enim laboribus fessos, exhaustos vigiliis, vulneribus debiles, perculfos infelici prælio, numero etiam multum imminuto, resistere posse hostibus, quos incolumis adhuc, integris animis corporibusque, & optima spe incensus exercitus sustinere nequivisset.* Rebus conclamatis, uti solet, remedium ab hostiis errore fuit. Ille venientis alterius consulis fama perterritus, ne, si oppugnare castra Fabiana adortus esset, recentium copiarum adventu a tergo circumveniretur, rerum supra spem felicium successu contentus, motis castris iter alio convertit. Digressis hostibus, Romani quoque ad tutiora loca se receperunt.

IV. Postquam ista Romam allata sunt, magis ignominia quam accepto detimento mota civitas, molestissime tulit, temeritate consulis effectum, ut bellum, quo diuturnius

nullum fuerat, cum jam in exitu esset, nova spe repletis Samnitium animis, formidabilius iterum, quam a longo tempore fuisset, renasceretur. Neque tribuni modo plebis, quorum hæ propriæ artes erant, frequentibus ad populum concionibus invidia & odio cuncta repleverant: verum etiam apud patres agitata re, atroces sententiae dicebantur. factumque Senatus consultum est, quo certum ante diem *Fabius consul ad dicendam Romæ causam adesse* jubebatur. Venientem magna vis accusatorum adorta est: neque defendi factum quibat, & quod unum maxime prodeesse debebat reo, Fabii senis gratia, in contrarium verterat. Minus enim ignoscendum ei putabant, qui a præstantissimo viro genitus, & inter paternos triumphos educatus, non modo Romanum nomen, sed suæ quoque familiæ laudes, & partas a majoribus victorias, per tantam imprudentiam accepta clade fœdavisset.

V. Exulcerati animi, & defensionem paranti reo vix æquas aures præbituri, Fabii patris insigni pietate primum, mox etiam oratione leniti sunt. Is enim veritus, ne propter rem male gestam filius ab exercitu removeretur, ab ipsa quidem culpa purganda penitus abstinuit: sed sua & majorum merita modeste commemorans, tam acerbam sibi jam seni, tam ignominiosam genti Fabiæ notam deprecabatur. Neque tamen se posulare, ut ceteris tot Fabiis, qui ab ipsis prope Urbis primordiis Romanam rem virtute consilioque auxissent; ut trecentis etiam illis, qui Rempublicam sua & tantum non universi nominis Fabii internecione texissent, error unius condonetur; si immedicabilis ille sit, majusque commodum ex pena filii sui, quam incolumitate, perventurum esse videatur: se enim caritatem patriæ affectibus aliis omnibus anteferre satis didicisse. Verum enimvero, quidquid in hoc adolescentे metuendum fuit, transalum est: bona autem, qua mens illius indolesque, ac sub me non ineptissimo magistro, uti vobis visus sum, instituta & exercita virtus pollicentur, adhuc exspectari possunt, nisi spem istam,

non quidem iniqua, sed tamen intempestiva severitate præcidimus. X
 Multis initio rerum gerendarum impegiſſe, ad prudentiam & cau-
 tionem profuit: qui erroris admoniti, mediocria ſæpe damna ingen-
 ti utilitate redemerunt.

VI. Et nescio, an non ad fortunæ potius invidiam, quam homi-
 nis cuiusquam peccatum referri verius sit, quod & Reipublicæ no-
 stræ, & Fabiæ gentis diurna felicitas mediocri detrimento ca-
 ſligata eſt: quanquam benevolentia magis hæc Deorum, quam
 invidia vocanda ſit, cuius beneficio adverſus exitiabilem super-
 biam, quæ res nimium ſecundas ſequi ſolet, non tam damnoſa
 civitati clade, quam ad documentum efficaci, conditionis huma-
 næ admonemur. Quidquid id eſt, Quirites, mihi certe ſinistri
 aliquid præſagiebat animus, cum die comitiorum ſollicite vobis-
 cum agerem, ne filium meum conſulem faceretis. Cum enim pa-
 trem meum, avum, proavum, alios majores meos ſæpiſſime,
 ad hæc me ipsum quinqueſ hoc magistratu funēlum eſſe cogitarem,
 incipiebam vereri, ut eadem in gente ſummos honores continuari,
 vel Dii, vel homines, animo ſatis æquo paterentur. Atque uti-
 nam vel iſto tempore, preces meæ valuiſſent; vel vobis benefi-
 cium veſtrum tueri placet, ne quod honoris cauſa, me recuſan-
 te, tribuiftis filio meo, inaudita haclenus ignominia occatio utri-
 que fieret: vosque temeritatis argueremini; quos, ſi priorem de
 Q. Fabio ſententiam alio judicio reſcinditis, aut dediſſe im-
 perium ſine cauſa, aut abrogaffe posteri credent.

VII. At ſi mitiora decreveritis, & veſtra vobis auſtoritas, &
 Fabiæ gentis exiſtimatio ſalva erit, errorque juvenilis, uti cum
 aliquo reipublicæ danno commiſſus eſt, ita majore cum ejus emolu-
 mento emendabitur. Sed quis ſpondere hoc auſit? Ego, Qui-
 rites, ego pro filio meo ſponsorem me Reipublicæ dabo: &, quod
 Senatui Populoque Romano, deinde noſtræ domui felix fauſtum-
 que ſit, conſuli legatus ibo, particeps futurus omnis fortunæ,
 quam aut invenire dabitur, aut facere. Viget adhuc animus;
 neque, ut in hac ætate, virium corporis pœnitet: poſſum perſeire
 militiæ labores, poſſum in acie ſlare, &, ſi nihil aliud, memo-

ria veterum pugnarum terrere hostes , alacritatem augere nostrorum ; & , quod caput est , possim adolescentiam consulis , que sola rerum secius gestarum causa est , regere consilio , & etatis præfervida impetus senili cautione temperare . Nisi filii ingenium tenerem , cumque recte monenti morem gesturum considerem , nollem in fine prope vitæ sine dedecore ætæ , post tot consulatus ex sententia mea vestraque gestos , post ingentes victorias & illustres triumphos , tot annorum laboribus periculisque partam belli domique gloriam , unius juvenis inconsultæ temeritati corrumpendum permittere . X

VIII. Huic orationi nec ad movendos præsentium animos pondus ; nec ad sponsonem melioris eventus fides defuit . Summo omnium consensu legatione decreta , rebus omnibus intentissima cura provisis , non minore favore speque profectus consul est , quam paulo ante conviciis & indignatione redierat . In itinere deinde & castris , nihil non ex disciplina veterisque imperatoris artibus curatum est : & socii , quos Q. Fabius pater multis beneficiis & virtutis admiratione devinxerat , ad omnia , quæ imperabantur , praesto fuere . Milites etiam ipsi delenda ignominiae cupidi , confisque consiliis ejus ducis , sub quo eandem illam gentem , a se patribusque suis saepè fusam fugitamque meminerant , copiam cum hoste configendi dari votis omnibus desiderabant .

IX. Neque minores a recenti victoria Samnitibus animi erant . ita , cum hi partum decus retinere , illi recuperare amissum niterentur , summis utrinque viribus concursum est . Et iam deteriore loco res Romana esse cooperat , consulemque ipsum dux hostium C. Pontius Herennius cum delecta manu circumveniebat : cum animadverso filii periculo , Maximus in confertum Samnitium agmen admisso equo se intulit . Secutus est equitum globus , supra solitani alacritatem pudore accensus , si tot florentissimi juvenes animis & robore a sene vincerentur . Hic impetus totius

prælii fortunam traxit: sustinuere primum Romanæ legiones hostem, equitatus audacia animatæ, mox impulerunt: frustra obnitente Herennio, qui omnibus boni & ducis & militis muneribus eo die functus, dum redintegrare ordines, retinere fugientes, obsistere ingruentibus tendit, neque inhibere fugam suorum potuit, & opportunitatem evadendi ipse amisit. Capta cum duce millia Samnitium quatuor: ad millia viginti prælium & fuga hauserunt. Etiam castra hostium in potestatem redacta sunt, cum ingenti præda, quam statim agri hostium late vastati, paßimque expugnata, aut dedita oppida luculenter auxerunt.

X. Tanta rerum commutatio accessione unius hominis facta est, ut paulo ante victor exercitus a victo cæderetur: & eum imperatorem, a quo fusus fugatusque consul fuerat, ipse nunc captivum abduceret, ingens populo Romano spectaculum, & ornamentum triumphi sui: quem anno sequente ad urbem reversus summa omnium voluntate impetravit. Dum hæc a Fabiis in Samnio administrantur, etiam alter consul, D. Brutus, cui Falisci provincia cœnerat, prosperis rebus usus est. Quippé adjutus a Sp. Carvilio legato (nam & Bruto legatum adjungi placuerat) viro bellorum & hostis gnaro, adversus quem superiore anno consul rem feliciter gesserat; & ceteræ Etruriæ partem non exiguum perpopulatus est; & Faliscos occurrere ausos prælio vicit.

XI. His rebus in Urbem nuntiatis, cum tempus comitorum venisset, consulesque a rebus gerendis avocari parum e republica videretur; interregnū est initium. Interrex L. Postumius Megellus, comitiis quæ ipse habebat, consul declaratus est: nullo ad eam diem exemplo, præterquam Appii Claudii, quod bonus nemo probaverat. Sed Postumius non minore arrogantia magistratum geslit, quam acceperat. Jamprimum nobilitate generis & tertio tum consulatu inepte ferox, collegam ejus anni C. Junium Brutum, plebejum hominem, ut se longe inferiorem, olim

§ IX. Orosius 3, 22. Zonaras. Eutrop. I. 11. § X. Zonaras.

T. Livii Vol. III.

F

habebat despectui. Ut vero de provinciis agi cœptum est, neque comparare cum Bruto, neque fortiri voluit, *administrationem Samnitici belli extra ordinem poscens, tanquam sibi debitam*, quod duobus prioribus consulatibus res fœse magnas *adversus eundem illum hostem gessisse* diceret. Multis in Senatu contentionibus jactato negotio; cum C. Junius se hominem novum adversus gratiam & potentiam collegæ ius suum obtainere non posse videret, ad extreum, *ne discordia consulum bono publico fraudi esset, sponte se cedere testatus* est.

XII. Premebat adhuc Urbem agrosque pertinax contagionis malum: quod tertium jam annum expertis omnia, neque divina ope ulla, neque humana pelli potuerat. Igitur five Sibyllinis ex libris, five Delphici oraculi admonitu (nam hoc quoque traditur) decem legati missi sunt, qui Æsculapium ab Epidauro, qua in urbe natus esse credebatur, Romam arcesserent. Quanquam enim perplexum satis responsum erat, neque providere eventum rei Patres poterant, obsequendum tamen diis statuerunt; ipsos viam explicaturos esse rati, quā possent eorum fata procedere. Res inde mira dictu sequitur; sed multis fidisque auctoribus, ipsaque structura ædis, quæ tum in Tiberis insula facta dedicataque est, compertæ veritatis. Cum apud Epidaurios mandata legati Romani edidissent; excepti quidem benigne, sed quia parum liquebat quid concedi posset, ut ipsi deportarent, quidquid ex usu videretur, in templum Æsculapii deducti sunt.

XIII. Apud Græcos ferme locis apricis excelsisque numinis istius constitutæ sedes sunt: Epidaurii quoque quinque millibus passuum ab urbe distans templum habebant, celeberrima iis temporibus fama, donisque hominum, qui valitudinem credebant ibi receperisse, prædives. Huc adducti, dum ingentis molis simulacrum, Thrasymedis Parii nobili ingenio fabrefactum, admirantur; ingens repente serpens

§ XI. Liv. 27, 6. 3, 35. Dionys. apud Vales. Liv. 9, 44 & 10, 33. § XII. Suidas in posth. Val. Max. 8, 2. Ovid. Metam. 15. Paxian. l. 2.

ex ipsis adytis prolapsus animos omnium horrore summo & religione perfudit. Sacerdotes enim venerabundi, *ipsum in hoc angue numen esse, & nonnunquam hac forma conspici, salutari semper ostento*, clamitabant. Biduo conspectus in templo serpens, deinde iterum reconditus est: tertio die per medios spectantium venerantiumque cœtus recta perrevit ad portum, ubi Romana triremis stabat; quam ingressus, in tabernaculo Q. Ogulnii, qui princeps legationis erat, multiplici spirarum orbe se composuit. Ferebatur antiquitus fabula, *eundem illum Aesculapium forma serpentis indutum, aliquando Epidauro Sicyonem mularum jugis deportatum fuisse, Nicagora quadam, Echetimi uxore, deducente.*

XIV. Læti ergo prodigo Romani, tanquam præsentem Deum veherent, vela dedere, paucisque diebus interjectum mare permensi prosperrimo cursu Antium tenuerunt. Ibi cum inhorrescens mare navigationem impediret, prorepens ex navigio serpens, qui totum per iter quietus ibi se tenuerat, in vestibulum fani, quod ea urbe celeberrimum erat, allabitus, eoque loco tres continuos dies exigit: magno cum metu legatorum, ne avelli inde non posset; quod toto eo tempore ad consuetos cibos non reverterat: donec navigio redditum magna cum alacritate Romam detulerunt. Ad spectaculum incredibilis rei tota effusa civitate, passim in ripa fluminis, quo subvehebatur, positæ aræ sunt, accensiique odores, & victimæ cæsæ. Jam ad eum locum pervenit erat, ubi divisus modico intervallo Tiberis insulam efficit; cum relicta nave serpens eam insulam, quæ post Aesculapii vocata est, natatu petens, cerni ulterius ab hominibus desit. Patres *deletum a Deo locum* interpretati, decreverunt, ut *eadem in sede templum Aesculapio strueretur*. Morbi, sive illa ope, sive quod alioquin desituri fuerant, cessavere. Templum mox insignibus donariis, & hominum, qui *remediis salutaribus ab eo nomine se adjutos* ferebant, prædicatione nobilitatum est.

§ XIII. Plut. quæst. Rom. 94. Liv. 45, 28. Paus. & An. de viris illust. c. 22. P. Diacon. 2, 21. Liv. Epit. 11. § XIV. Author de viris illustr. Ovid. Val. Max.

XV. L. Postumius consul superbiam in Urbe adversus collegam suum exercitam, etiam in provinciam detulit. Cum enim Q. Fabius Gurses, qui priore anno consul fuerat, ex Senatusconsulto proconsule res in Samnio gereret: scripsit ad hunc Postumius arroganter, *excedere* jubens *provincia sua*, se *administrando ei bello sufficere*. Obtendente *jussa Patrum* Fabio, neque *integrum sibi deserere negotium, quod Senatus imposuisset*; cum Romam nuntiata res esset, metus incessit, ne per discordiam imperatorum respublica detrimentum caperet. Quare *mitti ad consulem legatos* placuit, qui *verbis Senatus peterent, ut Fabium ad exercitum & in Samnio esse pateretur*. Cum alias absurdum & præfractum fuisset responsum ferunt; tum etiam vocem adjectam singularis pervicaciæ: *Non se Senatui, quamdiu consul esset, sed Senatum sibi die lo audientem esse oportere*. neve locutus esse ferocius, quam fecisse videretur, protinus dimissis legatis Cominium (eam tum urbem Fabius obsidebat) cum exercitu progreditur, si alia ratione amoliri æmulum non posset, bello certaturus. Fœdum spectaculum præbuissent hostibus Romana arma, si pari stoliditate, qua petebatur, resistere Fabius voluisset. Sed ille natura & consiliis paternis moderatior, non furori *consulis*, sed utilitati *Reipublicæ cedere* præfatus, provincia excessit. Cominium post paucos dies a Postumio expugnatum est. Inde Venuſiam ductus exercitus. hac quoque capta circumlatum ad alia oppida bellum: quorum complura, partim vi, alia ditione in potestatem venerunt. Hostium in ea expeditione decem millia cæsa sunt, sex millia ducenti traditis armis fidei victoris se permiferunt. Non erant spernendæ res, quas bello gesserat consul, sed gratiam earum superbia contumaciaque corruperat.

XVI. Itaque cum ad Patres missa epistola de rebus suis perscripsisset, *Venusinamque urbem & agrum deducendæ coloniæ*

§ XV. Suet. in Claud. c. 25. Tab. Marm. ap. Mercurial. de ar. gymn. Dionys. apud Vales.

accommodatissimum esse monuisset; accepta quidem res est, sed præterito auctore victoriæ consiliique ab aliis deducta sunt colonorum millia viginti, sic enim apud scriptores minime contemnendos reperio; ingens numerus, & prope excedens fidem, nisi quod videri potest inter gentes indomitas, communi adversus Apulos Lucanosque præsidio, collocari validam manum placuisse. Ceterum importunitas L. Postumii, quemadmodum ipsi supra veteres offensas, ingentem conflavit invidiam; ita Q. Fabio ad favorem omnium valde profuit: eique, postquam ad Urbem venit, deque rebus a se gestis differuit, triumphus haud ægre decretus est. Triumphavit proconsule de Samnitibus, qui *Pentri cognominantur*, Kalendis Sextilibus. Currum equo secutus est senex Fabius: quem non adjutorem magis victoriæ, quam auctorem, spectantium deducentiumque voces celebrabant.

XVII. Ipse summam rei bene gestæ gloriam ad consulem populi Romani trahens, sicuti nomine legati, sic etiam modestia utebatur; haud minori cum voluptate honores filii intuitus, quam eum adhuc parvulum in curru suo circumtulerat, cum ipse triumpharet. Ceterum prædæ partem militibus consul dedit: reliqua in ærarium relata: C. Pontius Samnis in triumpho ductus, mox securi percussus est. Vir acer & memorabilis, qui vim Romanam iis temporibus diu sustinuit, cladesque non contemnendas, sed ignominiam multo maximam ad Caudinas furculas intulit. Quem ajunt dicere solitum, *Si in ea tempora natus esset, quibus munera accipere Romani didicissent, se illos diutius imperare non fuisse passurum.* Ita tum fortuna civitatis non armorum magis industria, quam innocentia morum stetit.

XVIII. L. Postumius interea non minus honoribus, qui æmulo concessi, quam qui sibi negati fuerant, fremens, per impotentiam animi, cum auctoritate Patrum contumacia certando, neque mederi acceptis vulneribus potuit; &

§ XVI. Horat. Sat. 2, 1. Col. Capitol. Plut. in Q. Fab. § XVII.
Dio apud Vales. Val. Max. Zonaras. Liv. Epit. 11. Cic. de off. 2, 21.

ultra irritavit iras, quas modestia fernionum factorumque mitigare debuisset. Quippe non querelis adversus inimicos, non conviciis in ipsos ordines abstinenſ, quo Patribus ægre faceret, prædam omnem militibus distribuit, exercitumque, priusquam ſucceſſor mitti poſſet, dimiſit. Triumphi etiam contra voluntatem Senatus actum, quanquam ad ſecondum ejus consulatum relatus fit, ad hæc potius tempora pertinere crediderim; idque scriptores diligentiae fideique non poſtremæ in historiis suis prodiderunt. Ob hæc facta recentioribus odiis petitus eumque, ſimul atque magistratu abiit, duo tribuni plebis corripuerunt, die ad populum dicta. Præter ea, quæ memoravimus, criminis dabatur, quod priusquam paludatus ex Urbe exiret, ex legionibus suis deleſtos milites, ad duo hominum millia, in agrum ſuum ad saltum repaſinandum miſerat: eosque in opere iſto per multos dies detinuerat, immemor, non mancipia ſibi, ſed milites; neque ut ſuum agrum excoleret, ſed ut publicum extenderet, datos. His criminibus accusatus atrociter, fruſtra tentata defenſione, ſuffragiis omnium tribuum damnatus, ei- que lis ducentis millibus nummum æſtimata eft.

XIX. Jam P. Cornelius Rufinus, M. Curius Dentatus novi consules magistratum inierant. Hi cum ſuis quiske legionibus, Samnium populationibus agrorum, & ruinis urbijum foede vaſtavere: Samnitesque multis locis congredi ausos ingentibus cladibus ad pacem foedusque petendum compulerunt. Cum enim tot prœliis juventutem pleramque, capto autem C. Pontio, consilium etiam & ducem amifſſent; miſſis ad consules, & horum affensu Romam legatis, ut foedus cum iſpis quarto renovaretur, impetrarunt: credo Romanis etiam vincendo fefiſis, cupientibusque bellum difficile, iſpiſque ſæpe calamitosum, tandem aliquando certæ pacis tranquillitate componere. Illata primum Samnitibus arma M. Valerio tertium, A. Cornelio Cofſo consulibus reperio: quæ ad quartos & quinquagesimos inde consules vario Marte exercita, aut foederibus parum diu-

turnis suspensa, populum utrumque occupatum follicitumque habuerunt.

XX. An ex hoc bello triumphaverit Cornelius, in obscurō est: de Manio non ambigitur; cuius fortuna eo fuit illuftrior, quod aliis subinde vīctis hostibus, bis eodem in magistratu triumphavit. Quippe Sabini valida gens, & longa tum pace opulenta, sive precibus Samnitium & propinquitatis misericordia commoti; sive vīctis vicinis ad se quoque perventuro incendio volentes obſistere, armata juventute Romani juris loca quēdam invaferunt. Adversus hos egressus cum exercitu Curius, ut diduceret hostes, simul ne Sabinorum agri cladium bellicarum expertes haberen-
tur, occultis itineribus copiarum partem misit; datis mandatis, *ut quam latiflīmē poſſent, terrorem ubivis vafitatemque facerent.* Ea necessitas, ad sua tuenda diversis abeuntibus agminibus, formidabile Sabini exercitus robur solvit, fa-
cilemque adversus dispersos victoriam confuli præbuit. X

XXI. Hac expeditione usque ad Adriaticum mare per-
uentum est: agrorum hominumque tanta vis in potestatem
venit, ut celebrata deinde fuerit Curii vox; qui pro tem-
porum illorum disciplina factis quam verbis promtior, cum
explicare singula nequiret, *Tantum, inquit, agrorum cepi,*
ut ſolitudo futura fuerit, niſi tantum etiam hominum cepiſſem:
tantum autem hominum, ut interituri fame fuerint, niſi tantum
cepifſem & agrorum. Sabinis pacenti orantibus, veteris sub
Tatiō affinitatis memoria, & quia minime gravibus odiis
certatum fuerat, etiam civitas, sed sine ſufragio, data est.
Consulatus, quem anno ſequente M. Valerius Corvinus,
cum Q. Cæditio Noctua geffit, tenuis admodum ad nos
fama pervenit, niſi quod ſub idem tempus colonias deduc-
tas eſſe reperio, Caſtrum & Adriam, unde mari nomen, &
Senam in Gallico agro. Verumtamen nondum eousque pa-
catis illis regionibus, magis eſt ut accedam auctoribus

§ XIX. Dionys. Eutrop. l. 2. Oros. 32, 2. Liv. Epit. 11. § XX.
Front. Strat. 1, 6.

aliis, qui coloniarum istarum originem ad inferiora tempora retulerunt.

XXII. Sed in Urbe coercendis, quæ increbuerant, maleficiis novus magistratus institutus est, qui vinculis fontium servandis, & cum animadverti oporteret, supplicio sumendo auctores atque moderatores præcessent, triumviri capitales appellati. Legis, a L. Papirio tribuno plebis eo de negotio latæ, hæc verba invenio: *Quicunque Prætor posthac factus erit, qui inter cives jus dicet, tresviro Capitales populum rogato. Iisque tresviro, quicunque facti erunt, sacramenta exigunto judicantoque, eodemque jure sunt, ut ei ex legibus plebeique scitis exigere, judicare, esseque oportet.* Quo capite mulætarum quoque exigendarum potestas ipsis data videtur: *sacramentum enim iis temporibus vocari solebat, quod pœnæ nomine pendebatur æs, quoniam illud ob facrorum publicorum multitudinem, & angustias ærarii, sacrificiorum impensis destinari consueverat.* Census quoque eo anno acti memoria non alia superest, quam quod *civium capita ducenta septuaginta tria millia censa* dicuntur. Principem Senatus ab his quoque censoribus lectum fuisse Q. Fabium Maximum certa conjectura est, quod aliunde scimus, ex ea gente continuum eum honorem tribus mansisse, ut Maximus acceptum ab Ambusto patre, mox ad Gurgitem filium transmiserit.

XXIII. Interea cum foris res satis lætæ essent, gravibus domi discordiis seditionibusque laboratum est. Plebs ære alieno oppressa novas tabulas flagitabat, rem veterem, & ab ducentis amplius annis varie jactatam, ut turbulentus aliquis tribunus ad commovendos multitudinis animos stimulat eum admoverat; aut improbitate scenerorum populi indignatio exarserat. Sed sub prioribus aliquot consulibus, morborum aut hostium metus remissiores in urbe contentiones fecerat: Q. Marcio Tremulo, P. Cornelio Ar-

§ XXI. Flor. 1, 15. Auct. de vir. ill. c. 33. Vell. 1, 14. Cic. de leg. 3, 3. L. 2. § 30. ff. de off. Jud. § XXII. Epit. Liv. 11. Festus in voce Sacramentum. Plin. hist. nat. 7, 41.

vina consulibus; deinde proximo anno, cum M. Claudius Marcellus, C. Nautius Rutilus magistratum gererent, maiores aliquanto motus existiterunt. ad quos comprimendos, magis quam ullius alterius negotii bellive causa, dictatorem fuisse dictum existimem Appium Claudium, qui deinde Cæcus est cognominatus, quem dictatorem fuisse, in antiquis monumentis reperio.

XXIV. Sane præter acerbitatem iniquissimi fœnoris, etiam nefaria C. Plotii libido, ægris jam hominum animis, ut cito atque vehementius exardescerent, subjecit faces. Huic T. Veturius, filius ejus Veturii, qui consul ob turpe fœdus Samnitium populo deditus fuerat, cum ob calamitatem domesticam ad æs alienum compulsus solvendo non esset, in nexum se dedidit lubens, omniaque servilia ministeria patienter exsecutus est. Plotius adolescentulum forma liberali, ex magna spe consularis familie, ad infimæ fortunæ fôrdes depresso non contentus, etiam pudicitiam extorquere instituit, cui jam & rem familiarem omnem, & libertatem ipsam eripuerat. Deinde Veturium aspernatum, & quidvis potius quam tantum flagitium pati paratum, verberibus crudelissimis lacerat: ille in publicum se proripiens, & ad consulum tribunal ab accurate multitudine deductus, *de intolerabili crudelitate & libidine creditoris* queritur: & apparebant vibices, verberumque recentes notæ. Consules igitur rem non negligendam rati, de ea retulerunt ad Senatum: dictisque sententiis Plotius in carcere induci jussus: omnesque per totam Urbem, quotquot æris alicuius causa nexi erant, lege de eo negotio lata, liberati sunt.

XXV. Non sum nescius, pro T. Veturio ab aliis Publum quandam, tribuni, qui inter Caudinæ pacis auctores fuisse, filium memorari: sed & anno ante hæc tempora quadragesimo simillimam ob causam lex de nexione lata fertur. Ceterum nihil vetat, ut plurimi fœnectorum ea improbitas fuerit; & priori lege, ut fit, etiam per debitorum

patientiam, inter angustias rei familiaris nihil recusantium, sensim neglecta, ejusdem exempli recens factum admonuerit, ut in posterum ea de causa plenius atque diligentius caveretur. Sed populo non modo nexu, verum etiam fœnoris fævitia liberari cupienti, gratae licet ultionis legisque impetratio non satisfecit. Verum, ut in morbis quibusdam acrioribus remediorum diligentia cum mitigatus videri potest, magis accenditur dolor; non multo post adeo exulcerata res est, ut cum tribuni plebis legem de novis tabulis summo nisu perferre contenderent, neque minoribus aut copiis aut animis a creditoribus resisteretur, plebs exemplo majorum urbe relicta, trans annem in Janiculum montem secederet: obstinato consilio, nisi re impetrata, ad penates suos non redeundi.

XXVI. Cum parum adversus hæc opis in consulibus esset, (M. Valerium Potitum, C. Ælium Pætum fuisse conjectant) ad ultimum arduis temporibus remedium devenatum est, ut dictator diceretur. dictus est Q. Hortensius. Is adhibitis, quæ tempus & causa postulabat, fomentis, cum eo maxime distineri pacem civitatis intelligeret, quod sciota sua contemni, legemque Publiliam sperni plebs indigne ferret, quanquam multis reluctantibus, cedendum temporibus esse censuit: novaque lege in Esculeto lata iterum accuratius sanxit, ut, quod plebes jussisset, omnes Quirites teneret. His aliisque lenimentis revocata ad concordiam & lares suos plebe, dictator sive morbi subita vi, sive curis & laboribus oppressus, quod antea nemini contigerat, in magistratu mortuus est. Inde minor aliquamdiu ordinum in Urbe dissensio fuit: sed imperii sensim deformata dignitas, cum plebe ad ambitiosorum hominum fraudes parum cauta, & vel potestatis exercendæ causa quibuslibet rogationibus accipiendis facilis, multa sciscerentur, quæ reipublicæ decus, & ad extremum ipsa fundamenta convellerent. documentum insigne res regentibus, ne vulgus, si re familiaris commoda uti possit, majora non cogitaturum, injuriis opu-

lentiorum ad cupiditatem potestatis, qua uti non didicit,
adigi patientur.

XXVII. Legem quoque de suffragiis circum hæc tempora latam esse crediderim, qua Patres in comitiorum incertum eventum auctores fieri cogebantur. Haec tenus enim eo jure utebantur, uti magistratum gerere non posset, cui populi suffragiis datus esset, nisi Patres auctores fuissent facti. Continebantur interdum hoc vinculo improvida plebis studia, & quanquam raro reprehenderent comitia Patres, tamen quia jus ipsis erat, tanquam reprehensuri metuebantur. Tum vero ferente legem tribuno plebis Mænio, populi quidem aucta potestas; sed eadem opera salubris & reipublicæ decora comitiorum severitas debilitata est. Q. Hortensio dictatore mortuo, creatum alium, quidam auctores sunt, rei gerendæ causa, Q. Fabium Maximum, cujus tertia hæc dictatura fuerit. ei L. Volumnius C. F. C. N. Flamma Violens magister equitum fuisse dicitur.

XXVIII. Bellum enim ea tempestate cum Volsiniensibus erat Etrusca gente: id opportunum fuit, ad exhaustiendum, quidquid in urbe novis rebus prouum, ac superioris discordiæ nimium memor esset. Accessit etiam nova bellandi cum Lucanis causa: qui Thurinos, Italæ, qua magna Græcia est, civitatem, prægraves accolæ multis injuriis ad fidem Romanorum confugere compulerant: bellumque adversus Lucanos C. Ælio tribuno plebis rogante populus sciverat. Educi igitur exercitus, & utrobique res gestæ sunt, quarum memoria, cum auctorum, qui eas prescripserant, annalibus, amissa est. Thurini C. Ælio statuam & coronam auream dono dederunt. Consulatus C. Claudii Caninæ, M. Æmilii Lepidi nulla re memorabili, quæ tradita repetiatur, insignis sequitur; nisi quod Etrusca & Lucana bellum etiam gesta videntur. Manii etiam Curii de Lucanis repeatitur ovatio: quæ & inter quatuor ejus triumphos, toties enim

§ XXVI. Epit. Liv. 11. Liv. 8, 12. Plin. 16, 10. Agel. 15, 17. Aug. de civ. Dei. 3, 18. § XXVII. Liv. 1, 17. Cic. pro Plancio. Cic. in Bruto.

triumphasse illum invenio , numeranda est. Sed quo anno , quove in magistratu aut imperio res eas gesserit , ignoratur.

XXIX. Major inde moles & clade non contemnenda nobilis exorta est , bello cum Senonibus Gallica gente contracto. Hi saepe bellum cum populo Romano , saepe pacem habuerant ; jamque decimuni ferme annum post cladem in agro Sentinati acceptam , cum Decio se devoente magnus eorum numerus cæsus est , quieverant ; nisi quod juventutem suam aduersus Romanos mercede ab Etruscis conducti paterentur : tum vero majore cum manu , quam aliquot ab annis suevissent , in Etruriam progressi , Arretium obsidebant. Arretini fœdus a Romanis & antea petierant , sed eo negato , impetraverant inducias , quarum tempus nondum exierat. Ceterum major in eo spes erat venturi auxili , quod arma Gallica nunquam concuti sciebant , quin eam rem magnopere ad se pertinere Romani arbitrarentur. Itaque missis in urbem legatis , ut sibi subveniretur aduersus communem hostem , petebant. Interea se circumegit annus , quo C. Servilius Tucca , L. Cæcilius Metellus consules fuerunt. Pro Cæcilio Cœlium annales quidam memorant : sed Cœliæ gentis inferior nobilitas ante annum ab Urbe condita sexcentesimum sexagesimum , consularem imaginem nullam habuisse creditur.

§ XXVIII. Pigh. Annal. Rom. an. 466. Liv. Epit. 11. Plin. 34. 6. Auët. de vir. ill. c. 33. § XXIX. Polyb. 2. Liv. 10, 19, 37.

JOANNIS FREINSHEMII
 SUPPLEMENTORUM
 LIVIANORUM

LIBER II.

IN LOCUM LIB. XII LIVIANI.

EPI TOME
 LIBRI DUODECIMI.

Cum legati Romanorum a Gallis Senonibus interfeci essent, bello ob id Gallis indicio, L. Cæcilius prætor cum legionibus ab iis cæsus est. Cum a Tarentinis classis Romana direpta esset, duumviro, qui præcerat classi, occiso, legati ad eos a senatu, ut de iis injuriis quererentur, missi, pulsati sunt. ob id, bellum iis indicium est. Samnites defecerunt. Adversus eos & Lucanos, & Bruttios, & Etruscos aliquot præliis a compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Cum in præsidium Reginorum legio Campana cum præfecto Decio Jubellio missa esset, occisis Reginis Rhegium occupavit.

I. P. CORNELIO Dolabella, Cn. Domitio Calvino consulibus, cum iterum Galici belli terror se commovisset, multosque Tuscorum arma cum Senonibus sociare nuntiatur, Arretinorum periculum sibi minime negligendum esse

Patres censuerunt. Sed quia neque Dolabella ex Volsinienti agro, neque ex Lucania Domitius exciri sine rerum gerendarum incommodo poterant; *L. Cæcilius Metellum prioris anni consulem*, *tum prætura fungentem*, *ad Arretinos obsidione liberandos quamprimum coactis copiis exire Senatus jussit*. Ne tamen temere sumtum esse bellum videretur, præmitti legatos placuit, nuntiaturos *Arretium in fide Romanorum esse: justiusque facturos videri Gallos*, quando fœdus cum Romano populo habeant, si adversus amicos atque socios juventutem suam conducti non patiantur. Hæc legatio cum pagos Senonum circumiret; Britomaris quidam regii generis ferox adole-scens, cuius pater inter Etruscorum auxilia cæsus a Romanis fuerat, insana vindictæ cupiditate flagrans, non homines modo comprehensos, sed & ipsa sacrosancti munera insignia, minutatim dissecuit sparsitque.

II. Rei tam atrocis fama cum hinc in Urbem, inde in castra Dolabellæ consulis accidisset, irritatis vehementer animis, bellum Senonibus indictum est: statimque missos fecit Etruscos Dolabella, magnisque itineribus cum exercitu per Sabinum ac Picenum agrum, ad fines Senonum contendit. Senones subito hostium incursu, & absente copiarum suarum robore, cum paucis & inconditis occurrentes facile profligantur. Consul nullo dato victis spatio exurit vicos, ædificia omnia diruit, vastat agrum omnem, denique puberibus occisis, imbelli mulierum & puerorum multitudine abducta, quam paucissima potest humani cultus vestigia in locis relinquit. Britomaris captus, & vario cruciatum genere tortus, ad triumphum servatur. Per eosdem dies haudquaquam pari fortuna res apud Arretium gestæ. *L. Cæcilius prætor ante ipsum oppidum cum Senonibus Etruscisque adverso Marte conflixit*. Septem tribuni militum, multique præterea insignes viri cum ipso prætore cæsi sunt: ex legionibus & auxiliis hominum millia plus minus tredecim desiderata.

§ I. Polyb. 1, 7. Marian. Scotus. Appian. ap. Ful. Urs. § II. Epis. Liv. 12. Appian. Dionys. ap. Fulv. Ursin. Polyb.

III. Sed minor apud Gallos hujus victoriæ lætitia, quam cognito patriæ excidio luctus atque consternatio fuit. Contractis qui ubique per Etruriam militabant popularibus, homines iræ ac doloris pleni, consilii speique inopes, cum sedes, quibus reciperentur, nullas usquam haberent; quasi fato quodam ad exitium eos trahente, Romam pergendi capiunt impetum: *non aliter patriæ suæ vastatoribus rependi vicem posse, quam si urbem ipsorum simili clade affectam intueri cogerentur, neque minoribus animis viribusque, causis etiam acrioribus ab Arretio Romam petere; quam majores sui ab ejusdem Etruriæ oppido Clusio profecti, eandem illam urbem occupassent.* His inter se vocibus instincti, ruunt; natura impatientes moræ, & tum, ut incautos hostes opprimerent, etiam consilio properi. Sed per hostilem regionem ducentibus, varia impedimenta objecta sunt: spatiumque fuit, quo provideri adversus hunc tumultum posset.

IV. Ita rejecti, dum per ignota & infesta omnia, nulla certa destinatione vagantur, in Domitium consulem incident: protinusque cum eo conserunt manus. Sed adversus rationem atque disciplinam infelix temeritas fuit: occisis in pœlio multis, reliqui desperatione atque rabie accensi, ferrum, quod frustra in hostes strinxerant, suis corporibus admoverunt. Ita florentissimam modo nationem, ob scelus interfectorum legatorum tam velox tamque vehemens ultius comprehendit; ut aliquot mensium intervallo penitus excisa, inter gentes, quarum jura violaverat, numerari defierit. Nam & parvæ Senonum reliquæ, quæ ad Bojos, vicinam & confanguineam gentem, se receperant, eodem anno a Dolabella consule internecione deletæ sunt. Cum enim atrocitate cladium suarum, & ejusdem calamitatis metu, Bojos Etruscosque concivissent, ad lacum, qui Vadimonis appellatur, pugna commissa, magnus Etruscorum numerus cæsus est, Boji perpauci effugerunt, Senonum omne nomen ita periit, ut nemo superesse putaret ex ea gente, quæ Romam urbem incenderat.

§ III. Aug. de civ. Dei 3, 17. Appian. Eutrop. l. 2.
IV. Flor. 1, 13. Polyb.

V. Sub id tempus, Senam coloniam deductam esse vero proprius videtur: quo Romanis universa regione potitis, nomen Senonum in ea parte Italæ funditus interiit. Etrusci tamen Bojique, sequente statim anno, cum ex iis, qui puberes interea facti fuerant, exercitum supplevissent, iterum fortunam pugnæ tentare sunt ausi. Tum igitur a Q. Æmilio Papo victos fuisse crediderim: hujus enim & C. Fabricii consulatus primus eum in annum incidit; Papoque provinciam Etruriam obvenisse constat. Sed in plerisque annalibus, qui adhuc leguntur, rerum istarum memoria, majorum interventu oblitterata est. Quod enim tot continuis bellis atque victoriis, maxima virtutis & potentiae incrementa Romanus populus quotidie caperet; adductæ in metum, quæ adhuc per Italiam sui juris erant civitates gentesque, maximum atque periculosisimum conflavere bellum: junctis, tanquam ad communes omnium hostes prædonesque opprimendos, consiliis & viribus. Neque differri arma visum est, donec adhuc Bojorum Etruscorumque reliquæ distinendis Romanorum copiis sufficerent.

VI. Primi Samnites, fracto rursum fœdere cum Lucanis Bruttisque palam sociantes consilia, proruperunt. Sed hos C. Fabricius consul compluribus prœliis vicit. Uno maxime memorabili, cum Thurinam urbem iterum premente Statio Statilio, signis collatis dimicatum est; fusisque magna cum strage hostibus, ipsa etiam castra expugnata captaque. Memoriae proditum est, cum strenue castra defenserentur, scalas afferente quodam vasti corporis juvēne, Romanos animatos, plenari victoriam reportavisse. Cæsa dicuntur in prœlio & castris hostium millia viginti: quinque millia, cum ipso imperatore, signisque militaribus viginti capta sunt. Postero die cum donaret eos consul, quorum insignis opera fuerat, vallaremque coronam ei se daturum dixisset, qui castra hostium primus transcendisset, quæsusus ingenti studio reperiri non potuit, si miles fuisset, ultro se oblaturus huic tanto honori. Creditum igitur vulgatumque

est, Martem ipsum auctorem ejus operis causamque victoriae fuisse: consulisque edicto supplicatio ei est habita, militesque lau- reati magna cum lætitia supplicatum ierunt.

VII. Conspirantes adversus Romanum populos, nullis adhuc auxiliis publice Tarentini juverant: qui præcipui fœderis istius auctores, tamen aliorum laboribus quam suo discrimine lacesti Romana arma, bellique eventum prætentari, sapientius arbitrabantur. Sed minime diu tenuit ista dissimulatio, quin casu quodam insanæ plebis temeritatem provocante, civitatis consilia nudarentur. Jam tum ea Italæ ora, consuetudine Græcorum, a quibus Tarentus ceterarumque urbium pars pleraque conditæ fuerant, de- liciis spectaculorum atque histrionum immode dic gaudiebat, præcipua Tarentinorum luxuria, quos adeo corruptis moribus egisse memorant, ut plures epulas ludosque sollemnes reciperent, quam anni dies essent. Forte in theatro majore juxta portum sito ludos spectabant; cum L. Valerius (alii Cornelium nominant) duumvir navalis, decemque Romanæ naves portum introiturae se ostendunt: perniciose utrisque errore; cum ignari rerum omnia Romani tanquam amicum & hospitale litus peterent; Tarentini conscientia vecordes, classem hostili animo confilioque mis- sam esse interpretarentur. Adebat Philocharis, quem ob turpi- tudinem vitæ cives sui *Thaidem* appellabant: is veterum quorundam fœderum illata mentione, fas esse Romanis negat Lacinium promontorium præternavigandi: *obviam iri stolidi ferocibus barbaris, superbiamque malo coereri* jubet. Acclamat tenieraria multitudo præ continua crapula non be- ne mentis compos. Hominis fœdissimi de tanta re senten- tia omnium assensu accipitur. nec mora: decurritur ad ar- ma navesque. Romani nullam ad rem minus quam ad pugnam parati, fugæ se committunt. Sed celeriter infe- quentibus Tarentinis evadunt naves quinque, totidem a pluribus circumventæ in portum rediguntur: ex his depri- muntur cum ipso duumviro quatuor; unius capitur: homi-

nes ætate & robore militari interficiuntur: cetera turba servitutem venditur. Mox ab eadem animi levitate bellum Thurinis inferunt, criminantes, *eorum opera Romanum ea in loca venisse*, qui Græci cum essent, barbaram gentem, quam cognatos vicinosque Tarentinos, dubiis rebus defensores habere inluisserint. Urbs in potestatem redacta diripiatur: ejiciuntur principes: præsidium Romanum pacta incolumitate dimittitur.

VIII. Romæ re audita, erat quidem pro magnitudine injuriæ non levis indignatio; sed bellum novum ea tempestate sumi non piacuit: legatio, quæ de injuriis quereretur, decreta, mandatumque legatis, *ut captos restitui, Thurinis res ablatas aut estimationem justam reddi, exsules reduci, rerum istellarum auctore's populo Romano dedi postularent*. More Græcarum urbium in theatro concionem populi cogere Tarentini solebant: huc ægre admissi legati, turbam ebrietate & otio lascivientem repererunt. nam tum quoque dies festus agebatur. ibi cum legationis princeps L. Postumius verba facere orsus esset, ludibriis petulantissimæ multitudinis exceptus, multo etiam acriores odiorum causas retulit Romam, quam extulerat. Quippe tam contemtim habuerant eum, ut sermoni ejus de cetero quidem attenderet nemo: sed quoties aliquid ut ab homine Romano parum Græce prolatum esset, tota concio solveretur in risum, barbarum increpantes conviciarentur: cultum Legatorum, nam togati aderant, exploderent: postremo etiam theatro extruderent; jura gentium nequidquam invocantes. Fœdum inde dictu, sed ad licentiæ popularis coercendam temeritatem utile exemplum traditur. abeuntibus legatis inter confertam Tarentinorum turbam, quæ in ipso theatri exitu constiterat, scurra quidam Philonides (nam hoc quoque moribus suis corrupta civitas debet, ut celebrata sint annualibus scurrarum nomina; Tarentinorum principum ignorentur) sacra legatorum vestimenta, canis. impudentis

§ VII. Strabo l. 6. Flor. 1, 18. Zonar. Appian. Dio ap. Fulv. Oros. 4, 1. Diod.

Instar, urina respersit. Unius spurci & furiosi hominis ea noxa videri potuisset, nisi protinus agnovisset temulenta civitas, risuque & plausibus factum illud comprobantium totum theatrum insonuisset. Postumius hac voce edita, *accipimus omen, o scurra, quando & ea nobis datis, quæ non petimus*; conversus ad multitudinem, vestemque ignorinaria affectam ostentans, ubi redintegratis cachinnis, etiam versus in populum Romanum contumeliosos cani saltarique videt; *ridete, exclamat, ride Tarentini, dum licet: nam posse quidem large flebitis, iratis ad hæc Tarentinis, & quo magis, inquit, stomachemini, prædico, vestem istam sanguine multo vobis eluendam esse*. Post hæc, nullo alio accepto responso, abnavigarunt.

IX. Jam Romæ magistratum óccepérant L. Æmilius Barbula, Q. Marcius Philippus consules. His senatum habentibus, cum & prætextam (nam uti erat fœdata, eam attulerant legati) cernerent; & ipsis exponentibus ceterum injuriæ tam multiplicis ordinem discerent patres: commotis majorem in modum animis omnium, dubium non erat, quin armis vindicari contumeliam oporteret. Sed quia toraliis adversus validissimas gentes bellis districtæ vires erant, statimne, an postea, contra Tarentinos mittendus exercitus esset, parum expediebant: multosque per dies ab orta luce ad occasum solis re in senatu disceptata, cum alii nihil tentandum, priusquam ceteræ civitates, aut saltem quæ finitimæ Tarento essent, pacarentur; alii sine mora decernendum esse bellum, pugnarent: postremo numeratis sententiis Senatus-consultum factum est, *ut de bello Tarentinis inferendo ad populum ferretur*. Id cum populus consensu jussisset; ad Æmiliūm consulem, qui jam in Samnum ad exercitum profectus fuerat, scriptæ sunt literæ, *ut omisis presentibus castra in Tarentino agro ponere, & nisi de illatis injuriis satisfaceret populus Tarentinus, eum justo pioque bello persequeretur*.

X. Tarentini non amplius cum paucis & inermibus ho-

§ VIII. Liv. Epit. 12. Appian. Dio ap. Fulv. Zonar. Dionys. ap. Fulv. Val. Max. 2, 2, 5. § IX. Zonar. Dionys. Appian.

minibus, sed instructo exercitu negotium sibi futurum esse cernentes, tanquam ex diurna crapula expergesfacti, jam serio, quid faciendum esset, consultabant. bellum accipere periculoseum; imperata facere servile videbatur: neque vitari utrumque poterat. Variantibus igitur sententiis exsurgens quidam, *Quid frustra dies altercando terimus, inquit, Tarentini? Venerunt tempora, quæ facta magis quam verba possulent: sed ad quæ ex usu publico administranda consiliis rectis opus sit, & ore libero. Neque sane moveor, quod antehac communi quodam liberarum civitatum morbo, dictis ad gratiam compositis, etiamsi crebro nocerent, estis oblectati: tum enim, ut sit inter res prosperas, quid potissimum reipublicæ conduceret, parum animadvertebat. Jam autem in finibus nostris exercitus Romanus, & ante ipsas portas hostilis terror est: eo magistro profutura jucundis facile discetis anteponere.*

XI. Neque sic accipiatis, tanquam exprobratus præterita surrexerim. nam veterem quidem culpam in tempestate obiecere, inimici & alienis erroribus petulanter insultantis animi est: probi viri & salutis communis studie, peccata civitatis tegere, aut excusare malunt; nisi quoties ad calamitatem publicam amolendam, præteriorum offensarum recordatio grande momentum habet. Nam ab errore quidem omni, homines cum sumus, immunes haberi velle, nimium est superbium: sed ad eundem lapidem crebro impingere, neque saltē eventu temeritatem castigante ad cautionem erudiri, id vero jam vix bene humanum est. Ad unius hominis vocem naves Romanas depresso: mox Thurios cognatam gentem hostilibus odiis vexavimus, quod ab Romanis defendi, quam a Lucanis Brutisque diripi maluerunt: legatos Romanorum per turpem dictu contumeliam violari tulimus. Bellum igitur, quo carere potuimus, & grave bellum, & periculoseum, & improvsum, alienissimo tempore nostro attractum est. Denique jam in agro Tarentino Romana castra sunt: & nos adhuc incerti omnium, bellum formidabile an pacem indecoram satius sit accipi, deliberamus.

XII. Atque utinam nunc demum obliiti blanditiarum, obliiti

X. Appian. Eclog. ex Diodor. I. 21. § XI. Flor. 1, 18.

privatorum commodorum, dignitatem utilitatemque publicam spectantes in commune consulcremus! esset unde vel fæderi honeste, vel arma tuto sumerentur. nunc in duas vos abire partes, & propemodum factiones video, non judiciis, aut ex conditione rerum sumto consilio; sed suis quisque causis ducitur. cur enim tam paucos juvenes & pauperes in ea sententia esse video, quæ pacem laudat? aut cur nemini fere divitium & seniorum bellum placet? an alia tam æqualiter divisæ civitatis causa est, quam quod hi rebus quietis fœnori suo agrisque frui volunt: illi, si bellum conflatum sit, in imperiis, aut ex licentia prædæ compendium sperant? etiam olim hoc morbo laboramus, neque a longo jam tempore respublica nostra hominibus caruit, qui domesticas opes augere studebant, etiam cum periculo & detrimento civitatis.

XIII. Quibus omnibus occurvere poteritis rectissime (dicendum enim est, quod ex præsentibus utilissimum esse censeo) si neque pacem ematis ea conditionum vilitate, quæ jura liberæ civitatis minuat: neque vestras tantummodo vires belli tam difficilis terroribus opponatis. Sæpe a majoribus copiarum nostrarum imperium externis ducibus commissum est. Archidamum Agesilui filium, postea Cleonymum, mox Agathoclem, Peloponneso aut Sicilia evocavimus. Memoria nostra, cum finitimarum armis infestaremur, Alexandrum Epirensem patres nostri acciverunt: eo consilio non solum ipsi commodis rebus usi sunt, sed etiam nobis florentes reliquerunt. Est eadem hodie inter nos & Epirotas amicitia: neque illi hodie exercitu ac duee minus valent. Et recens beneficium nostrum Pyrrhus habet, quem Corcyraeos oppugnantem justa classe juvimus. Ergo non meum hoc, sed qui ante nos Rempublicam hanc felicissime rexerunt, hominum sapientissimorum consilium esse existimatote: quod vel ideo sequi debetis, quia in priore exemplo quasi totam ejus rationem cum eventu ipso perspicere potestis.

XIV. Sed tamen etiam alioquin argumenta magna sunt & evidentiæ. Nemo inter nos ita excellit, ut ei æquo animo parituri sint ceteri. quæ vero sint æmulationis pericula, quoties acri

§ XII. Zonar. Diod. § XIII. Appian. Strabo l. 6. Liv. 8,
24. Paus. l. 1.

& potente cum hoste res est, scitis : & quemcunque faceretis imperatorem, vel nimio pacis studio, vel cupiditate gerendi belli, detrimentum vestris rebus afferre posset : taceo adversum Romanos, gentem armis induratum, non quolibet duce bellum tuto geri. Verum enimvero, quemadmodum nemo dubitat, virtute & consilio militari ante Pyrrhum nemo est. sed venire forsitan nolet ? immo vero quia rerum gerendarum cupidissimus, bellum in praesentia nullum aliud habet, non modo veniet ipsi lubenter, sed etiam adducet copias validas & praeliorum non rudes. & ne ab ipso libertati nostrae metuamus, iis cum eo conditionibus transfigetur, quibus respublica in tuto sit. Hac ratione fiet, ut bona cum spe sumere bellum, & vel impetrare pacem commodum, vel etiam dare gloriosam possimus. quanquam hoc potius eventurum non improba spei est, ut prius Romani nobiscum aequis legibus transfigant, quam hoc rerum statu Pyrrhum accipient in Italiam, qui quondam ex eadem Epiro minoris aliquanto gloriae potentiaeque regem timuerunt. ✕

XV. Hoc consilium non eo tantum vicit, quod publicæ salutis viam haud aspernandam aperuisse videbatur ; sed etiam contrarias in opiniones divisa concione, cum neutra pars, obstante altera, pertendere posset, quod proximum erat, sententiam, quæ media quodammodo videbatur, universi prætulerunt. Ferunt vulgato per civitatem rumore, decretum de Pyrrho acciendo factum esse, Metonem quendam hominem frugi, sumta corona marcida & facula, ebriorum more, cum tibicina theatrum intravisse : populum Tarentinum, solita lascivia, justissime, ut progressi in medium, ille voce, mulierculæ tibia canerent. cum Metonem, facto silentio, dixisse : Bene facitis, Tarentini, quod saltandi canendique copiam præstatis, quibus libet : nam Pyrrho in urbem admisso vix erit, ut licet amplius noscio nobis arbitram vivere. Moto ad hæc populo, atque orto murmure, veriti qui autores injuriarum adversus Romanos fuerant, ne pacificis consiliis valentibus ad supplicium ipsi dederentur, increpito vulgo, quod ab homine temerario tam insigne derideri p-

teretur, impetu facto, Metonem theatro exegerunt. ita nomine deinceps adversante, decretum ratum fuit.

XVI. At Romanus consul, cum nihil ab Tarentinis pacati responderetur, præterea mitti ad Pyrrhum legatos cum muneribus accepisset, ad belli confilia conversus, agrum populatur, oppida alia pugnando, alia ditione capit, damno ac terrore compleat omnia. Mittuntur etiam ad prohibendas injurias ab Tarento copiæ: sit conflictus acer, sed superiore Romano, multis suorum amissis, Græci in urbem compelluntur. Æmilius regionem oinnem impune vastat uritque. Territis ea clade Tarentinis, ut multitudo, quanto secundis rebus insolentior, adversis tanto impensius in timorem præceps est, Agidi, qui Romanæ amicitiae retinendæ perpetuus auctor fuerat, imperium permittitur. Cupiditatem spemque pacis auxerant ex principibus quidam ab Romano duce dimisli, qui *humanitatem ejus, & ceteros etiam Tarentinos superiore prælio, aut per agros passos exceptos, indulgenter atque benigne haberi*, prædicabant.

XVII. Sed mutavit animos erexitque Cineæ fiducia, cum auxiliaribus copiis ab Epiro venientis. Namque Pyrrhus ingens animi, & Magni modo Alexandri æmulatione vastissimum imperium spe complexus, ipsis quasi fatis invitatis, ad perficienda quæ destinasset, pandi sibi viam credebat. Confirmatum etiam oraculi Delphici voce narrant, ambigui quidem sensus, & utramvis in partem facilis flecti, sed quod interprete cupiditate rex pro certo & secundo acceperit. quippe de belli, quod suscepturus esset, eventu consulenti redditum responsum ferunt: *posse eum Romanos vincere*. Sed plus, opinor, animorum dabat Tarentina legatio, quæ ex sua civitate, Lucanisque, Messapiis, & Samnitibus, ceterisque populis, qui eodem fædere tenerentur, facile viginti millia equitum, trecenta quinquaginta pedum conscribi posse, attulerat. His igitur copiis si Romanos in ordinem redigisset, haud magno negotio ceteræ Italæ dominationem se adepturum sperabat. Inde brevis in Sici-

liam trajectus ostentabat insulam Agathoclis excisa domo vacuam & discordem : quam etiam hereditario jure, quod ex Lanassa filia Agathoclis liberos suscepserat, suæ domui posse vindicari rebatur. His ex sententia confectis, Carthaginem bello erat petiturus.

XVIII. Fama est, Cineam præstanti sapientia virum, quo immodicas regis cupiditates, paratamque felicitatem præsentibus bene utendi turbaturas, ipsius quoque confessione coercendas esse ostenderet, *quid de vietiis Romanis agere constituisse?* interrogasse. Atque illo subinde alias ex aliis victorias nascituras esse demonstrante, subiecisse: *quid igitur confessis istis omnibus acturi sumus?* Tum vero pacis & otii bonis affectus in fructuros respondente, excepisse Cineam: *quid igitur vetat, o Rex, quin statim iis fruamur, cum præsto sint: novis autem bellis suscipiendis corrumpi penitus amittique possint.* Sed Pyrrhus iterata legatione Tarentinorum, & ambitione sua vici-
tus, *patrium esse* respondit Epirotis, non pro se tantum, sed etiam pro sociis & amicis bella capeſſere. Ceterum tegendo interiori consilio suo, cum legatis anxie pepigit, *ut lato iphis auxilio flutum rediret domum; neque diutius, quam necſum effet, ab iis in Italia detineretur.*

XIX. Inde confestim ad bellum apparandum ingenti studio versus, navium longarum magnum numerum complevit; alias præterea, quibus equi virique transportarentur, adornavit: plerisque legatorum Italicorum, quo sub specie honoris obsidum vicem retineret, in delectu agendo copiisque conducendis usus, ceteros cum tribus armatorum nullibus, addito, qui præcesset Cinea, Tarentum præmisit. Horum adventu spes pacis abrupta, abrogatum Agidi imperium, & uni eorum, qui ex legatione redierant, decreto populi datum est. Neque multo post mislus a rege Milo Tarentinam arcem firmavit præsidio, murorumque custodiā & tutelam sibi depoposcit: gratulante imperita

§ XVII. Aug. de civ. Dei 3, 17. Ennius apud Cic. in divin. 2, 26. Plut. in Pyrrh. c. 27. Just. 18, 1. § XVIII. Just. Diod. Ecl. ex 1. 22.

multitudine, quod penes percgrinos molestiam & labores esse, sibi otium cum securitate relictum existimabat. annona igitur militibus, pecunia Pyrrho, alacriter decreta.

XX. Interea L. Æmilius transmarini militis adventu cognito, quo tutioribus locis hibernaret, exercitum in Lucanianis transducere instituit. Erat iter per angustos quosdam calles, quos ab altera parte præruptæ inviaque rupes, ab altera mare cludebant: & intellecto ducis Romani consilio Tarentini naves scorpionibus & ballistis instructas admoverant litora; militemque per arctos & obnoxios tramites incedentem missilibus impetebant. Æmilius viam virtuti negatam astu explicuit, captivis, quos in ultimum agmen rejecerat, latera prætexens ordinum, quæ periculo patebant. Horum misericordia Tarentini, dum suos ferire metuunt, etiam hostibus pepercerunt. Hæc ferme eo anno ad Tarentini gesta. Romæ vero C. Fabricius Luscinus, qui in consulatu suo Samnitas Bruttiosque & Lucanos præclare vicerat, triumphans Capitolium ingressus est. Eundemque honorem non ita multis post diebus Q. Marcius consul obtinuit, ex Etruria, rebus ibi prospere gestis, reversus.

XXI. Quæ eum causa, bello Etrusco nondum finito, ex provincia revocaverit, tempore alieno (nam Fabricius a. d. III Nonas Martias triumphavit) non traditur: ego accitum a Senatu conjicio, qui tum exspectatione Pyrrhi sollicitus, præsidia undique conquirebat. Nam & eo primum tempore, cum tanta undique belli mole coorta, imperium pluribus exercitibus defendi oporteret, proletarii, quibus antiquitus vacatio militiae fuerat, sacramento rogari cœpere. arma, quæ parare per inopiam non poterant, publice data: ut legionibus alibi occupatis, hæc manus per globos in muris foroque disposita, stationibus & excubiis urbem tueretur. Neque tamen his consiliis averti potuisset immensas clades, nisi fortuna urbis imperaturæ periculosisstimas temporibus ingentes viros reservasset, ac nescio an maximos omnium, qui unquam in ista civitate fuerint, non ita

divitiis & splendore generis , quam contentu opum , & a virtute nobiles. Hæc enim ætas Curios , Fabricios , Coruncanios tulit : nullarum imaginum aut facultatum viros , sed amplissimæ gloriae , quam rectissimi exempli homines , summo rei militaris usu , parique morum innocentia pererunt: utrobique falutares patriæ , quæ adversus regem ambobus metuendum , non magis opus habebat viris , qui ferrum hostile retundere possent , quam qui aurum contemnere.

XXII. Pyrrhum interea vere non exspectato peditum duo & viginti millia , tria equitum adducentem , elephantos præterea viginti , & funditorum sagittariorumque modicam manum , orta in medio cursu tempestas ita jactavit , ut ab extremito periculo minimum abesset. Clasæ disjecta , pluribusque navigiis afflictis , cum etiam prætoria navis laboraret , in mare se dedit Pyrrhus , & maximo cum labore vix tandem enatavit. Corporis tamen male habiti ægritudinem , animi robur sublevabat : & cura Messapiorum , qui suum in litus ejectum , omni studiorum officiorumque comitate coluerunt. Eorundem opera navibus quibusdam , quæ procellæ vim evaferant , adductis , pauci equites cum duobus elephantis , & minus duobus millibus peditum collecti. Cum hac manu Tarentum processit : obviam egresso cum militibus suis , Regemque deducente Cinea. Magnis Tarrentinorum gratulationibus exceptus , paucos dies quieti dedit . quo spatio cum civitatis mores ira comparatos escerneret , ut his obtinentibus , neque servari a quoquam possent , & ipsos quoque defensores suos pessimumdaturi essent , dissimulavit in præsentia. Sed ubi paulatim convenientibus , quæ dispersæ fuerant , navibus , copias idoneas habuit ; gymnasia & porticus , in quibus otiosa juventus dies totos obambulando nugandoque consumebat , occlusit : epulas compotationesque vetuit : follemnia ludorum ex intemperantissimo usu ad justam mediocritatem reduxit.

§ XXI. Orof. 4 , 1. Aug. de civ. Dei 3 , 17. Enn. ap. Agell. 16 , 10. § XXII. Zonar. Plut. in Pyrrh. c. 31.

XXIII. Post hæc delectum juniorum severe egit: monitis, ut solebat, conqueritoribus suis, *grandes eligerent, se eos fortis redditurum*. Hos manipulis suorum permixtos, ne seorsim habitu seditiones agitarent, eadem duritia & severitate disciplinæ exercuit; capitis poena infrequentibus proposita. Qui vero in armis non essent, eos majorem dici partem in foro agere coegit. Quarum rerum insolentia homines inter pudendas delicias nati educatique, mirifice angebantur, *servitutem* appellando, si perire socordia & luxuria cupientes, salvi esse cogerentur. Onerabat invidiam satellitum quorundam regiorum intemperies, qui suo arbitratu hospitia diligentes, etiam invitatis & reluctantibus dominis occupabant: parique deinde licentia inter uxores eorum liberosque versabantur. Ergo fastidio praesentium multi relicta urbe in agros emigrabant: donec id quoque clausis portis appositi custodes prohibuerunt.

XXIV. Tum vero Tarentini se pro socio dominum accepisse fero intelligentes, quod unum poterant, per indignationem & questus fortei suam niserabantur, aliquanto liberius, ubi per aliquam idoneam causam convenientes, præter solitos animi affectus, etiam vino incaluisserent. Neque deerant, qui ad Pyrrhum referrent: arcessitique nonnulli, quod inter convivium parvum honorifice de Rege locuti esse arguerentur. Sed horum quidem periculum cuiusdam inter eos simplex & ingeniosa confessio discussit: *Et hæc diximus, inquit, & longe graviora dicturi fuimus, nisi vinum defecisset.* Ibi Pyrrhus, ut qui vini quam honinum eam culpam videri mallet, arridens dimisit eos. Ceterum diffusus civitatis moribus animisque, ut quemque plurimum apud Tarentinos auctoritate consilioque pollere animadverterat, causis repertis structive, ad filium Ptolemaeum (quem discedens ipse regno præfecerat annorum quindecim adolescentem) ablegabat: alios per occultas insidias de medio tollebat: erant, quos affectata humani-

tate complexus, inter familiarissimos haberet, quo populo suspectiores fierent.

XXV. In his Aristarchus erat, vir inter primates amore civium & eloquentia excellens. hunc, quia nihilominus in magna apud multitudinem gratia esse cernebat, per causam certi negotii navigare in Epirum jussit. Aristarchus, cum refragari Regis imperio praesentis exitii; obedire, non quidem æque velocis, sed tamen æque certi videretur: consensa navi paulum proiectus, flexit cursum ad urbem Romanam, & receptus in fidem de rebus multis magnisque Senatum largiter edocuit. Dum haec Tarenti Pyrrhus administrat, nihilo segnius ad bellum gerendum apud Romanos delectus agebantur, cogebantur pecuniae, missio ad socias civitates C. Fabricio, qui auctoritate gratiaque sua deterret a studiis rerum novarum: quidam, quorum suspecta levitas erat, etiam praesidiis in opportuna loca impositis in fide retinebantur.

XXVI. Quidquid enim ubivis injuriæ acceptæ persuasione ægrum, aut cupiditate novandi turbidum erat: id oinie, tot adversus unam gentem conspirantium populorum robur, & bellicosissimi Regis exspectatio commoverat. quo intentiores Romani, capita seditionum mature opprimendo, securitati suæ providebant. Eo tempore causus Prænestinorum principum memorabilis fuit: qui nocte jam ingruente cum adducti Romanam essent, custodiæ causa conclusi sunt in ærario publico, tum demum intellectis fallacis oraculi ambagibus, cuius fide popularibus suis, ad defectionem eos impulsuri, saepe spöonderant, in fatis esse, uti Romanum ararium a Prænestinis occuparetur. Sollicitos Patrum animos (nam & Fabricium a sociis retineri audiverant, ut eo pignore suos ab Romanis incolumes recipierent; & ad Etruscos, ad Umbros, ad Gallos contra populum Romanum incitandos, legatos mitti) nova insuper cura oppressit rei cum facto ipso atrocis, tum formi-

§ XXIV. Zonar. Val. Max. 5, 1, 3. Plut. Pyrrh. c. 16. Just. 18, 1. § XXV. Dio ap. Fuiv.

dabilis exempli, ne apud omnes Italos alienissimo tempore Romana fides in suspicionem & odium adduceretur.

XXVII. In extremo Italæ litore contra Siciliam Rheygium est, Græci nominis, temporibus illis florens & opulenta civitas. Ea cum adventu Pyrrhi magnum & terribile bellum cerneret consurgere, præterea classibus Carthaginensium in illo mari vagantibus terroreretur; diffusa viribus suis arcessendum a Romanis præsidium existimavit. Missa sunt militum millia quatuor, ex Campaniæ coloniis scriptra manus, & inde legio Campana appellata; tribuno militum Decio Jubellio deducente. His ab initio quidem neque fides in defendenda urbe, neque diligentia defuit. Deinde, quia belli propinquus metus nullus erat, paulatim otio & Græcæ consuetudinis imitatione in luxum resoluti, præsentemque copiam cum dura & laboriosa vita, quam eisque egerant, comparantes, opportunitatem urbis, & incolarum felicitatem, sermone cupiditatis & invidiæ pleno, in circulis & hospitiis suis agitare cœperunt.

XXVIII. Delectabatur eo facto Decius, qui & ipse pari vecordia ductus, sceleratum occupandæ urbis consilium pridem animo conceperat. Favebat occasio præsentis belli, quo sciebat ita disstringi Romanos, ut Reginam rem curaturi non essent: & in adverso litore Manertinos, exemplum simul felicis sceleris, & similis perfidiae haud dubios propugnatores, præterea communis patriæ necessitudine junctos, intuebatur. Nam & hi ex Campania oriundi, cum superioribus annis inter Agathoclis auxilia stipendium fecissent, a Messeniis pro amicis excepti, civibus trucidatis aut ejecitis urbem occupaverant, domosque & conjugia misserorum inter se partiti fuerant. Etiam' veterum Campanorum subibat memoria, qui Capuam possederunt, simili latrocinio Tuscis ademtam.

XXIX. Cum res satis placeret, ea consultatio supererat, quonam modo facinus impune patraretur, neve, ut

§ XXVI. Zonar. Dio ap. Fulv. § XXVII. Polyb. 1, 7. Liv. Epit. 12. Liv. 28, 3. § XXVIII. Polyb. 1. 21. Liv. 4, 57.

in urbe populosa , pauciores a pluribus circumventi cæderentur. Confinxit epistolas tanquam a Reginis ad Pyrrhum scriptas , ut præsidium Romanum ei proderetur. Vocantur secreto milites : epistolæ , quasi interceptæ , recitantur : queritur acerbe de perfidia Reginorum Decius : ex militari multitudine quidam , ad hoc præparati , suclamant , *armis expediendam salutem , & exitium ipsis destinatum , in auctorum capita vertendum esse* : adeo etiam ex compacto , qui nuntiet , *in Regino litore classem Pyrrhi conspectam esse , & secreta colloquia habita*. Miles supra priorem animi cupiditatem , etiam perfidia hostium & periculi metu accenditur. Consensu omnium in hanc sententiam disceditur , *ut ignari imparatique oppidani opprimantur : cæde virorum facta , fortunæ publicæ privataeque omnes legioni cedant*. Fit facinus indignum & atrox : Decius quosdam ex principibus ad coenam vocatos , inter sacra hospitalis mensæ obtruncat : alii passim in domibus suis trucidantur : majori parte Reginorum imperfecta , ceteri patria ejiciuntur ab iisdem illis , quos paulo ante , ut cum patria fervarentur , amicorum atque sociorum nomine in eam acceperant.

XXX. His patratis , nova fit publicæ rei forma : ædes atque facultates misericordia , tanquam hostilis præda , inter latrones dividuntur : cæde adhuc recenti , matronæ virginesque maritorum atque parentum suorum interfectoribus nubere coguntur : jura nomenque Reginæ civitatis crudelis & perfidiosa legio sibi vindicat. Sed bene consuluit mortaliū generi Deus , quod plerumque scelerum insignia exempla , eadem & vindictæ illustris documenta sunt : ne quis magis succelū maleficiorum animari ad paria consilia possit , quam exitu eventuque deterreri. Adeo veræ felicitati cum facinorosis non convenit : neque ulla certior est infania , quam exultimare , scelere quenquam fieri beatiorem. Ut enim quæ post hanc vitam manent supplicia , quæ maxima sapientes esse sciunt , nulla putentur : (solet enim hominum incredibilis stultitia vix iis habere fidem , quæ

vident: nedum ut inexpertis moveantur) attamen etiam cum prosperrime procedunt omnia, interno vulnere lacerat animum delictorum conscientia: viventium nomen, mortuorum memoria, apud homines in odio & detestatione est: ac plerumque id ipsum quoque, quod fœdissime partum, laboriosissime retentum est, non Deo, non hominibus inulta scelera diu patientibus, ingenti cum dolore eripitur.

XXXI. Juvat hic referre breviter Decii Jubellii ceterorumque furoris ejus participum pœnas, quæ quidem eaurum temporibus his connexa sunt: nam extremum exitium, interea variis casibus torti, decimum in annum distulerunt, ut in tempore memorabimus. Igitur prædonibus istis non diu lætæ, aut etiam inter ipsos tranquillæ res fuere. Metum a Romanis & Pyrrho uterque, præter occasionem temporum, Mamertina societate propellebant, & consilio neutros lacefendi Hoc enim tutissimum visum ex præsentibus, inter initia sua, dum ex violenta & subita origine nova civitas coalescit, abstinere bello: quod neque adversus Regem se tuto sumtuos esse videbant; & prontiores sperabant a Romanis veniam, si contra ipsos arma non tulissent. Prima dissensionis causa, ut inter latrones oportuit, ex iniqua divisione raptarum rerum orta est. Ejecitus per seditionem Decius Messanam confugit: qui Rhegii erant milites scribam ejus M. Cæsium imperatorem legerunt: eodem honore Decius, cum pecuniam secum grandem attulisset, a Mamertinis auctus est; neque læta sibi, neque diuturna fortuna.

XXXII. Nam evenit, ut oculorum gravi ægritudine corruptus, medicum infligem acciendum curaret; ultione divina jam ad plures acerbioresque pœnas nefarium hominem rapiente. Adductus ergo medicus est Reginus domo, sed quia multis ab annis Messanæ habitaverat, origine non Decio tantum, nunquam ulli Reginorum se commissuro, sed plerisque ejusdem urbis incolis incompta. Ille me-

mor patriæ, & injurias ejus ulcisci certus, persuadet homini, se strenuum quidem afferre remedium, sed eventus tuti, celerrimæque efficaciæ. Sic admoto medicamento, quod cantharidum succo temperaverat, vetitoque tolli, priusquam ipse reversus ad ægrum esset, sine mora consensu navigio, ex urbe Messana profugit. Decius incredibili dolore satis diu tolerato, postquam medicus non reddit, amoveri collyrium jubet: eo diluto, luminibus orbatum se reperit. Ita infamis, exsul, contemptus, cæcus, animo & corpore ægro, tanquam vinculis constrictus, ad pœnam servatur: miro quodam divinæ ultiōnis ingenio, ut ab eo, cui salutem suam crediderat, cladem istam pateretur; qui prius ipse, quos tueri debuerat, immanitate perfidiaque circumvenisset. Quæ documenta historiis consignari tradique generis humani interest; cui nunquam satis persuadetur, quantum a recta prudentiæ ratione absit ea calliditas, per quam ob falsa quædam bona, virtute fideque spretis, per fœdas & iniquas libidines in vera mala ruitur.

§ XXXII. Appian. ap. Vales. Diodor.

JOANNIS FREINSHEMII
 SUPPLEMENTORUM
 LIVIANORUM
 LIBER III.
 IN LOCUM LIB. XIII LIVIANI.

E P I T O M E
 LIBRI DECIMI TERTII.

Valerius Lævinus consul parum prospere adversus Pyrrhum pugnavit, elephantorū maxime inusitata facie territis militibus. Post id prælium cum corpora Romanorū, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabri- cius, missus ad eum a senatu, ut de redimendis captivis age- ret, frustra, ut patriam desereret, a rege tentatus est. Cap- tivi sine pretio remissi sunt. Cineas, legatus a Pyrrho ad senatum missus, petiit, ut componendæ pacis causa rex in urbem reciperetur. de qua re cum ad frequentiorem senatum reserri placuisset, Ap. Claudius, qui propter valetudinem ocu- lorū jamdiu consiliis publicis se ablinuerat, venit in cu- riā, & sententia sua tenuit, ut id Pyrrho negaretur. Cn. Domitius censor primus ex plebe lustrum condidit. censa sunt civium capita ducenta septuaginta octo millia, ducenta vi- ginti duo. Iterum adversus Pyrrhum dubio eventu pugnatum est. Cum Carthaginensibus quartum fœdus renovatum ejt. Cur- T. Liv. Vol. III.

H

C. Fabricio consuli is, qui ad eum a Pyrrho transfugerat, polliceretur, se regi venenum daturum, cum indicio ad regem remissus est. Res præterea contra Etruscos, Lucanos, Brutios, & Samnites prospere gestas continet.

I. INTEREA Romæ parte copiarum ad præsidium urbis, & incertos belli casus retenta, novis consulibus exercitus & provinciæ datæ sunt. P. Valerio Lævino Tarentini & Pyrrhus; Ti. Coruncanio Etrusci belli reliquiae obvene-runt. Lævinus magnificum ad famam & terrorem ratus, hostem a se laceſſitum videri; simul utile civitati, si quam longissime belli metum & incommoda ab agro Romano avertifset: confestim in Lucaniam moto exercitu, castel-lum opportuno situ operibus permunivit, valido præfido imposito, quo & Pyrrhi cœpta tardarentur, & Lucani, quorum perfidia timebatur, ad hostem non auderent de-fiscere. Auditio Romani consulis adventu Pyrrhus, quam-quam socii nondum convenerant, turpe sibi & detrimen-tosum fore judicans, si inter primordia belli formidinis in-dicium ullum edidisset; cum copiis, quæ aderant, incunc-tanter obviam progressus est.

II. Ut tamen per causam aliquam honestam traheret nego-tium, caduceatorem misit cum literis, quarum hæc sententia fuit: *Rex Pyrrhus Lævino Salutem. Audio te contra Taren-tinos venire cum exercitu. Sed eo dimisso, cum paucis ad me venito: causa enim cognita, quod alteros alteris præflare æquum erit, etiam nolentes præflare cogam.* Ad hæc Lævinus: *Nos neque controversiarum nostrarum te sumimus arbitrum, neque ho-stem pertimescimus. Tu vero absurde facere videris, causas alienas cognoscere satagens, qui propriæ culpæ reus, nondum Italæ, injussu nostro, initæ pœnas nobis pependiſti.* Ergo non aduersus te minus, quam aduersus Tarentinos instruendo cum exer-citu venio, Marte juacie, auctore generis nostri, de nostro jure disceptaturus. Neque diu moratus signa movit; & inter Pan-

dosiam & Heracleam urbes, loco campestri, ab hostilibus castris divisus Siri amne, consedit. Fama est, Pyrrhum speculandi causa ad amnem progresum, cum castra Romana diligenter spectavisset, uni ex amicis, cui Megacles nomen erat, dixisse: *Ordo certe barbarorum istorum minime barbarus est: at facta mox noscemos.*

III. Tum autem ad ripam firma collocata statione, quæ transitum tentantes arceret, opperiri socios constituit: super rationem belli, quod Romanos in hostili regione rerum necessiarum inopia laboraturos esse sperabat, etiam fiducia Lævini anxius: cujus ille admirationem novo testimonio nuper auxerat; diuinissimis impune hostibus, qui ad exploranda castra venerant: & adjecto, *sibi præterea maiorem alium exercitum esse.* Inter hæc, ut vicinis castris, velitationes continuæ fiebant: ad summam rerum proficiebatur nihil. Igitur diebus ferme quinquaginta per hæc leviora certamina consumtis; consul, quod iisdem causis ad festinandum prælium, quibus Pyrrhus ad differendum monsabatur, milites in concionem vocatos consilii sui certiores facit, adversus novi hostis metum confirmat. Pyrrhi famam, beluarum terrorem, quantum potest, elevat: denique rebus ita se parat, ut vel volente cum hoste congrederiatur, vel etiam invitum cogat ad ceitamen.

IV. Itaque postquam Pyrrhum manere in sententia videt, equitatum omnem, tanquam ad agrorum prædam excursurum, præmittit: ipse cum instructis legionibus opperitur, donec in adversa ripa tumultus & clamor fiat. Equites magno a castris intervallo circumvecti, qua incustoditum flumen erat, transjiciunt; stationem pro hostili ripa collocatam cursu petunt: Epirotæ, subita re perterriti, ad castra sua se recipiunt. Pyrrhus intellecto hostem adesse, equitatum omnem, (tria millia erant,) quanta maxima celeritate potest, ad amnem rapit: sperans, Romanos inter transeundum ordinibus solutis, & cæco vado cum iniquitate aquæ solidi-

que luctantes, occupari posse. Sed cum Romani equites se objecissent, invectus ante primum suorum agmen, non imparem famæ suæ pugnam edidit, splendidis armis conspicuus, neque minus insigni robore animique præsentia: cum ita totam aciem consilio imperiisque regeret, tanquam omni alio labore solitus esset; ita ubi res poscebat accurrens præliaretur, tanquam solum ad se miltis officium, ad alium universæ rei cura pertineret.

V. Interca Leonnatus quidam Macedo, cum ex hostibus quendam notasset, qui ceteris omissis omnibus, unum in Regem tota volitantem acie intentus, quacunque parte illum se inferre vidisset, eo quoque equum agebat, monuit Pyrrhum. Cui ille, *fatum*, inquit, *o Leonnate, mortalium effugerit nemo.* Ceterum neque hic Italus tecum, neque aliis quisquam, impune congregietur. Vix elocutus haec fuerat, cum Oplacus (hoc nomen erat viro, Frentanæ turmæ præfecto) infesta lancea equum percutit Regis: atque illius equum vicissim excipiens Leonnatus. ibi circumfusi Regis amici Oplacum pugnantem interficiunt; Regem cripiant. Sed iste casus magnopere perculit regios, ipsum esse cæsum opinantes. Quare ut confirmaret suos, simulque pericula sibi intenta declinaret, paludamentum & arma cum Megacle commutat: illoque in pugna relicto, ad phalangem ordinandam adducendamque pergit. Occurrunt & Romanæ legiones. certatur diu acerrime, eventu adeo dubio, ut memorie sit proditum, septies alternante prælii fortuna, modo Romanos hostium, modo Tarentinos Epirotasque Romanorum terga vidisse.

VI. Sed proxime desperationem Pyrrhi res adduxerat Megacles cædes, quem regiis armis monstratum ex diversa acie fortissimus quisque regis intersecti gloriam affectans impetrabat: donec eques nomine Dexter, interemto detractani chlamydem galeamque maximis cum clamoribus ad consulem ferens, fidem patratæ cædis utriusque exercitui fecit. Jam

omniz terroris atque conternationis apud Græcos plena erant: fugissentque haud dubie, nisi quamprimum nudo capite obequitans Pyrrhus, *seque vivere & adesse* voce magna testatus, tantundem fiduciae Romanis, quantum suo militi formidinis desperationisque demississet. Lævinus adesse tempus ratus, quo ultima remedia experiretur, signum equitibus sustulit, quos in infidiis collocaverat, ut terga hostium incurrerent. At Pyrrhus in hoc agmen elephantes agi jubet, ipsos quoque in ultimum terrorem hostium reservatos.

VII. Id consilium affixit spes Romanas, eventumque totius pugnæ secundum Pyrrhium dedit. nam & homines ipsi vastorum corporum mole, terribilique superstantiæ armatorum specie stupentes, quodvis potius ingens & formidabile portentum, quam animalium a natura productorum formam videre videbantur: & equi ad conspectum odoremque & stridorem tum primum visarum belluarum exterriti, protinus confusis ordinibus, qua cuique proximum erat, abripiebantur; fessoresque vel excutiebant, vel frustra retinentes secum auferebant in fugam: & in suorum aciem incurrentes omnia trepidatione tumultuque miscabant. Insecutis elephantorum rectoribus, multi fugientium ab iis, qui in turribus belluarum constiterant, vulnerati sunt: plures ab elephantis ipsis confecti obtritique. Sed consule omnia experto, cohærebat utcunque acies; donec immissa Pyrrhi imperio Thessalica ala male resistentes frigit disjecitque.

VIII. Neque dubium habetur, quin eo situ loci, quo tum conclusi tenebantur, cæsi omnes captive forent, ni præter confuetudinem Pyrrhi, qui hoc imperatorum rebatur, non pertinaciter instare fugientibus, ne alio tempore desperatione salutis acrius resisterent; etiam præceps in vesperam dies regios a persequendo desistere coegisset. Adjuvit etiam fortuna reliquias infelicis exercitus, quod elephantis accepto vulnere conversus, etiam ceteros barritu turbavit. Ea res

§ VI. Front. 2, 4. Plut. Zonar. § VII. Front. 2, 4. Pausan. I. 1.
Flor. I, 18. Plin. 8, 6. Zonar. Plutarch.

morata hostes, spatum fugientibus dedit, quo transmisso
anne pervenire in Apuliam possent; ibique urbis cuiusdam
munitionibus adversus instans periculum tegerentur. Cæsa
eo prælio Romanorum sociorumque peditum millia qua-
tuordecim & præterea octingentos septuaginta reperio; du-
centos quadraginta sex equites, captos in universum mille
octingentos duodecimi; in his equites duos & octingentos:
amissa signa militaria duo & viginti.

IX. Quo magis miror, auctores qui hæc tam accurate
exscuti sunt, negare numerum ex regio exercitu desidera-
torum annotatum esse: cum Dionysius scribat, Lævinum
amisisse paulo minus millia quindecim; tredecim interiisse
ex victoribus: Hieronymus autem Cardianus, æqualis isto-
rum temporum scriptor, de Romano exercitu non plus
septem millibus cecidisse tradat; de regio, intra quatuor
millia. Sed hoc inter omnes constat, flore ducum mili-
tumque suorum victoriam eam Pyrrho constituisse: exceptæ-
que dicuntur voces, *non minus viclum se eo prælio, quam*
victorem discessisse, ferentis. etiam cum Tarentino Jovi spolia
donaque figeret, fassus hoc fertur, inscripto ejus sententiæ
titulo, querentibusque sociis respondisse: *næ ego, si iterum*
sic vicero, sine milite revertar in Epirum! Ipsum quoque Re-
gem hoc prælio grave vulnus accepisse auctorem habeo:
sed quoniam alii tale nihil tradiderunt, casusque diversa-
rum pugnarum miseri nonnunquam video; non ausim
uni, in silentio plurium & accuratiorm, credere.

X. Magna profecto pertinacia certatum esse hoc etiam
argumento fuerit, quod postridie ejus pugnæ, cum cæso-
rum corpora Pyrrhus inspicceret, quæ ad humanitatis &
clementiæ famam humari jussérat; Romanos omnes in ho-
stem versos honestis vulneribus oppetiisse cernens, exclamavít:
O quam proclive mihi erat orbis imperio potiri Romanos
habenti milites! Neque cunctatus est eorum, quos in
potestate habebat, animos appellatione blanda magnisque

§ VIII. Front. 2, 6. Eutrop. I. 2. Gotefr. Viterb. Orof. 4, 1.
§ IX. Plutarch. Orof. 4, 1. Just. 18, 1, 7.

promissis adoriri, ut apud se stipendia facerent: & abnuere perseverantes nihilo sequius humaniter clementerque habuit; & vinculorum, & omnis, quæ fortunam captivorum comitari solet, contumeliae expertes. At Romanos prælio tam male acceptos alia mox clades terruit, ut longe impar detrimento, ita majoris aliquanto formidinis & religionis. Nam ad manifestam deorum iram referebatur, quod pabulatores forte dimissos subito coorta tempestas ita perculerat, ut inter horribilem cœli fragorem cadentibus fulminibus quatuor & triginta interirent, afflati & semi-mortui relinquerentur duo & viginti: jumentis etiam eodem turbine exstinctis aut debilitatis compluribus.

XI. Pyrrhus interea cum vacua & deserta Romanorum castra cepisset; victoria non segniter usus, promovit copias, vastandisque proximorum quorumque agris, ab amicitia Romanorum permultos populos avertit. Supervenere deinde socii Lucani Samnitesque, quibus leviter castigatis, *quod pugnaturo non affuerint*, partem tamen spoliorum dedit: eo ipso magnopere latus & exsultans, *quod præter suas copias Tarentinis tantum auxiliis adjutus, Romanorum ingentem numerum fudisset*. Intento in victoriæ fructum Pyrrho, alia ex parte Lævinus curando saucios, colligendo dispersos, manum rursus haud contemnendam effecerat. & Senatus, quanquam multi culpam acceptæ cladis imputabant consuli, Fabriciusque dixerat, *non sibi Romanos ab Epirotis, sed Lævinum a Pyrrho viatum videri*: supplementum ei mittendum censuit.

XII. Cum voce præconis edictum esset, *qui in occisorum locum patriæ navare operam vellent, uti nomina darent*; certatim dantibus, celeriter duarum legionum numerus expletus est. His copiis auctus consul, Pyrrhi vestigia sequendo, quibus poterat exercitum ejus incommodis vexabat: & cum occupandæ Capuae consilia Regem agitare compiserit; festinanter exercitu ducto, prævenit eum, cunctis-

§ X. Liv. Epit. 13. Eutrop. Flor. 1, 18, 17. Zonar. Dio ap. Vales. Oros. Plutarch. § XI. Just. 18, 1. Zonar. Appian. ap. Fulv. Urs.

que ad defensionem paratis, ab invadenda urbe deterruit. Pyrrhus Neapolim flexo itinere, atque ibi quoque spe sua frustratus, protinus ad ipsam Romam magnis itineribus Latina via contendit. Jam ab Anagnia & Hernicorum agro, Freueillis obiter expugnatis, Prænesti pervenerat, intra vicecum ab Urbe lapidem; sed urbani magistratus simul atque de clade auditum fuerat, novis de'ctibus ex Senatusconsulto juniores armaverant; aliudque non invalidum auxilium populi Romani fortuna tempore necessario providerat. Consul enim alter Tib. Coruncanius meliore fortuna cum Etruscis congressus, universam gentem novis fœderibus obstrinxerat, & ad tutelam patriæ revocante Senatu, nullo alio hoste distractus cum exercitu victore accurrebat.

XIII. Pyrrhus cum Etruscis ad arma retrahere frustra tentavisset, præter urbem suis præsidii tutam, duos consulares exercitus, alterum a fronte, alterum a tergo imminere cogitans, in Campaniam regressus est. Ubi Lævinum majoribus sibi copiis, quam ante cladem habuisset, occurrere videns, *cum Hydra Lernæa sibi negotium esse dixit, cuius præcisa capita paulo post, numero etiam auctio, renascerentur.* Quia tamen priori victoriae confidebat, eduxit copias, & tanquam pugnaturus instruxit. quoque suorum simul alacritatem experiretur, simul perterrefaceret hostem, clamorem tollere milites, ac elephantes ad barritum ciendum incitari jussit. Redditus est a Romanis longe major atque terribilior clamor: unde de animis utrorumque conjectans, abstinentem sibi prælio in præsentia judicavit: & victimarum exta parum lata caufatus, exercitum in castra, & inde magna cum præda & captivorum agnine, Tarentum reduxit.

XIV. Romani, qui durissimo tempore de constantia sua nihil remiserant, sed de totius belli eventu semper amplas spes & orationes magnificas habuerant, præmia virtutis cum maxime celebranda rati, L. Æmilio Barbulæ ob res in con-

§ XII. Zonar. Appian. ap. Fulv. Urs. Flor. 1, 18. Plutarch.
§ XIII. Eutrop. Flor. 1, 18, 18. Zonar.

fulatu gestas decreverunt triumphum : isque de Tarentinis, Saminitibus, & Sallentinis, qui inter auxilia Tarentinorum fuerant, a. d. VI. Idus Quirtileis triumphavit. Sed P. Valerio consuli negotium datum, ut *Setinum in agrum abductis exercitus vielli reliquiis, castra muniret, hiememque sub pellibus agere cogeret.* Per eadem tempora cum de captivis in Senatu agitatum esset, *redimine eos placeret?* ista sententia tenuit. credo præcipue movisse animos equitum casum, quos fortiter sustentata pugna donec elephanti aberant, horum superventu consternati equi sine ulla fessorum culpa cædendos vineiendosque hostibus præbuerant. Missi sunt hujus negotii causa præcipue dignationis legati, P. Cornelius Dolabella, Senonum deleta gente nobilis, C. Fabricius Luscinus, Q. Æmilius Papus, qui biennio ante collegæ in consulatu fuerant. ×

XV. Pyrrho a natura magnorum animorum indivisa comes inerat humanitas; sed hanc ambitione auxerat, errore pervulgato ministras imperii virtutes esse putans, cui unius intemperantissime deditus, huc rationes suas omnes referbat. Et quanquam audacia bellique artibus nemini sua ætate ducum postponendus esset; omnia tamen prius experi-ri solebat, quam armis rem permitteret: animosque hostium, ut quisque opportunus erat, metu, cupiditate, voluptate, misericordia, denique conditionum æquitate ac utilitate moliebatur. Igitur nuntiato Roma legatos venire, tot consulares ad majorem certe aliquam rem mitti suspicatus, pacis componendæ mentionem illaturos esse sperabat. Quo igitur & tutior, & honoratior accessus corum foret, ad ipsos usque fines agri Tarentini Lyconem natione Molossum cum præsidio misit obviam: ipse vero cum ornato equitatu venientibus extra portam occurrit: deductosque perquam honori se ac hospitaliter, rebus omnibus laute atque liberally habuit. Illi que ad moderationem anini pertinent præfati, *quanta fortis inconstancia, quam subita bellerum vi-*

§ XIV. Aypian. Plut. Tabul. Capitol. Front. 4, 1. Dionys. ap. Fulv. Cic. in Brut. 34.

ces essent, neque præsciri futura posse; mandata edunt: se ad recipiendos captivos suos venisse, sive certo in capita pretio redimi, sive cum Tarentinis aliisve permutari pateretur.

XVI. Pyrrhus nihil magnæ rei sine consilio amicorum statuere confueverat: quo tum quoque convocato, Milo quidam suadebat, *ut captivis retentis fortuna sua uteretur, neque bellum nisi perdonitis Romanis omitteret.* Longe diversa Cineæ oratio fuit: qui, conimemorata Senatus populique Romani constantia, quam sc̄epe extremis temporib⁹ suis invictam ostendisset, subjecit: *Aliorum fortassis hostium aut mores oderimus, aut contemserimus arma: cum hac gente, o Rex, amicitiam tibi potius quam bellum habendum esse censeo, neque reddi modo captivos, sed etiam donari ex usu tuo fuerit: neque differendum arbitror, quin legatos cum muneribus Romam mittas, qui conditionibus æquis pacem conficiant.*

XVII. *Hoc enim illud tempus esse arbitror, quo rem tibi necessariam, si quid judico, etiam cum dignitate facere possis.* Nunc enim rebus adhuc prosperis de pace agens & facilius, quæ volueris, impetraveris; & nulla alia causa, quam animi solita magnitudine, pacem obtulisse videberis iis, quos integrum fuisset armis ad servitutem cogere. Et absit quidem omen, tuæque res, sicut cœperunt ire, pergent. Sed tamen homines sumus; & si fortuna verterit, neque tam facile porro negotium erit pacis, neque pari cum decore trahabitur. In hanc sententiam locutis quoque ceteris, & ipse Rex assensus, vocari legatos Romanos jubet. Qui ubi venerunt, hunc in modum egisse fertur: *Res equidem indigna est, quam facitis, Romani!* Cum enim amicitiae mecum ineundæ rationem nullam habeatis, bello captos repetitis; ubi reddidero, iisdem illis adversus me usuri. Quod si igitur revocatis ad meliora & utrisque profutura mentibus, fœdus atque societatem mecum instituitis; vestros & ci-
vates universos, & socios, quos cepi, sine pretio recipite: sin vero vobis hostiles animi manent, neque ego pro fano me fakturum arbitror, si odia vestra tot fortium virorum manibus instruam.

Neque vero tanta mihi rei nummariae difficultas est, ut pecuniis Romanorum indigem; quos decebat potius, si amici essemus, liberalitate mea locupletari. Simul non spernendi pretii munera legatis dari juslit; plura se & meliora alias daturum professus.

XVIII. Hæc in commune legatis omnibus præsentibus dicta actaque. Ceterum cum solo deinde C. Fabricio longior & accuratior sermo fuit: neque referre piget, quod apud idoneos auctores reperi. Cum itaque remotis arbitris colloquerentur, inter cetera regem ita dixisse postea vulgatum est: *Ego vero cum ceteros Romanos omnes amicos habere expeto; tum præsertim te, C. Fabrici, quem inter ceteros civili militarique virtute præstantissimum esse judico. unum deesse tibi indignor, quod re familiari angustiore utens, debitum magnis viris splendorem tueri minime potes. Sed hanc fortunæ injuriam ego diutius tibi molestam esse non patiar, daboque auri argenteique fasti & infecti eam copiam, quæ ditissimorum quorumque census facile vincas. Hoc enim in primis loco fortunæ meæ convenire persuasum habeo, eximiorum hominum, qui potius gloriae quam pecuniæ accumulandæ studuerunt, gravem inopiam consolari: id quidem ego valde pulchrum opus esse reor: neque magnificentia regiæ vel monumentum illustrius usquam ponи, vel augustius diisque gratius donarium suspendi posse. Quare non tam dedisse beneficium putabo, quam accepisse, si meis te copiis adjuvari siveris.*

XIX. Neque tamen id a te petiturus eram, si mihi glorioſa largitio tantum, tibi vero parum decora suisset: nunc autem, quia non ad proditionem aut indignum moribus tuis facinus ullum emeris; quid est, cur hospitale munusculum, amicissimo animo oblatum, infesto & pertinaci velis aspernari? Ego enim aliud a te desidero nihil, nisi quod a viro optimo patriæque amantissimo fieri possit, immo debeat; ut Senatum a præfraelia illa pervicacia ad aequitatem & consilia mitiora transducas, quod res est docendo, neque bellum sine maximo uestro & damno & pe-

XVII. Dionys. ap. Fulv. Urs. Appian. ap. Fulv. Urs. Zonar.
§ XVIII. Dionyi. ap. Urs.

riculo geri; neque a me, qui Tarentinis auxilium pollicitus, primo etiam prælio victor discessi, integra fide atque dignitate deseriri posse. Neque vero me delectat vobiscum dimicare, quos amicitia mea quam odio digniores arbitror: & multis interca- negotiis obortis, quæ præsentim meam desiderent, in regnum: meum reverti mallem. In hoc fidem, quam postulabis, dabo: quo & tu de animo meo securus esse possis, & ceterorum dubitatio- nes tollere, si qui forte negabunt Regibus tuto credi posse pro- ter unius aut alterius vesaniam, qui nullo intellectu honesti, pacis atque federibus, donec utilia viderentur, stantes, simul at- que levitatis pretium apparuit, fidem quam occasionem negligere maluerunt. Pace vero confecta, nihil aut mihi jucundius, aus- utilius utrisque fieri possit, quam si tecum in Epirum naves, primo inter meos loco, & in bello legatus futurus, omnisque fortunæ meæ particeps. Nam & ego possessionem nullam pretio- storem esse puto, quam fortis & fidelis amici: & animo tuo Re- giae fortunæ apparatus, Regiorumque negotiorum majestas con- gruit. Hæc ergo si in commune conulerimus, quæ maxima per homines censentur bona, vicissim alter alterum adjuvantes nullo- negotio adipiscemur.

XX. Hic ubi finem dicendi Rex fecisset, post modicum intervallum Fabricius infit: *De virtute quidem, si quid ejus in me bellè domive animadverti potuit, mihi supervacaneum est quidquam attingere; quando jam aliis de ea credidisti. neque quidem de paupertate necessum est exponere, quod exigui agelli zuguriolique dominus, non fænore, neque mancipiorum operis, sed laboribus hujus corporis alor. nam & ista referentibus aliis, existimo te accurate didicisse. Si vero me deteriore ob paupertatem conditione, quam Romanorum quemlibet, esse suspicaris; cer- te, sive ultro, sive alienam secutus opinionem ita conjectisti, mirifice falsus es. Mihi enim contemnis opibus virtutem & officium seculanti nullus unquam misericæ sensus fuit; neque fortunæ meæ, vel in privatis negotiis, vel in publicis ingemui. quaenam enim tandem causa convicium ei facerem? nisi forte criminis dabo, quod ita ista paupertate mea, his omnibus, quæ cuilibet animo magno*

§ XIX. Plut. in Pyrrh. 1, 43. Appian. ap. Fulv. Urf. Dionys.

excellēque sola desideranda videntur, non modo cum divitibus, sed etiam præ illis, in patria perfruor.

XXI. Honoribus enim, quæ apud nos amplissimi sunt, fungor: *bella gravissima rego: splendidissimis adhibeor legationibus: religionum sanctissimarum curam gero: vocor in Senatum: de summa republica rogor sententiam: laudant me multi imitanturque hilariter: neque minoris fio, quam quilibet in civitate nostra potentissimus: videorque specimen & exemplum ad virtutem gloriamque capessendam esse ceteris; nihil in hæc omnia sumptus de meo faciens, sicut neque aliorum quisquam.* Nam alibi quidem, ubi plerumque privatim opes magnæ, publice vix mediocres sunt, magistratus ex re familiari dignitatem splendoremque loci sui sustinent: *nostra civitas longe diversis instituis utitur; neque fortunis privatorum ulla parte gravis est.* Omnis iste apparatus, quo nostri cives, quotquot ad rerum magnarum administrationem diliguntur, magnifice instructi sunt, præbetur publice. quæ res exæquat omnes, neque pauperrimo alicui quidquam patitur ad tuendum publicum aut suum decus defesse, neque diffissimo superefesse. Quando igitur pauperrimus omnium, tamen locupletissimo cuique nulla in re bona cedo; quid est, quod de fortuna queri debeam? an postulandum erat, ut me Regibus patrem saceret, quibus ingentes auri cumulos licet fecundere?

XXII. Sed hæc quidem ad publicam vitam: in privata vero tantum abest, ut mea mihi inopia sit oneri aut incommodo; ut contra, quoies me cum divitibus istis compono, mea fors incomparabiliter videatur beatior: & ego me inter illos plane paucos numerem, quibus, quanta esse in vita potest, felicitas conrigerit: eoque nomine & mihi plurimum gratulor, & gratias ago paupertati meæ. Cum enim supervacula persequi mihi inceptum & otiosum esse videatur; necessaria vero agellus recte colenti dispensantique suppeditet; nescio quem in usum de majoribus divitiis debet esse sollicitus, nam omnem mihi cibum famæ suæ vissonum efficit; omnem potum fitis: somnum facilem & tranquillum labore paro: vestis, si frigus arceat, mihi se probavit fitis: in supellestili, ut quodque ad usum, cui destinatur, ma-

xime commodum atque parabile est, ita p'acet impensis. quare sic quoque sem in iuriis, si accusem fortunam, quod mihi non majores facultates subministraverit illa, quam natura mea desideret: quae mihi neque cunctiducentem ejus, quod nimium esset, ingenuit; neque profecto dexteritatem parandi.

XXIII. Quare cum ista paupertate mea, & aliis opulentissimis hominibus, & te quoque ipso me copiosorem esse judico: nam ego tantum habeo, ut plus non desiderem; tu, nisi Epirum, & cetera quae tenes possidens, inopem te esse crederes, in Italiam trahecisses? sed pulchram facultatem, beneficia hominibus dandi, praefat opulentia! ego per inopiam subvenire queo nemini! Hoc vero non magis me angit, quam quod aliis quoque rebus non supra modum instructus sum: quod neque scientiam praeclaram mihi Deus, neque vaticinandi artem tribuit, quibus prodesse indigentibus possem: neque alia itidem permulta. Eorum vero, quae in me sunt, si & civitati & amicis copiam facio, & unde quemquam juvare ullo pacto possum, id commune omnibus esse prius; hoc quoque crimine haecenus me vacare posse existimo. Neque vero tibi quidem haec parva aut contemptibilia vocare licet, qui praet te feras illa videri maxima, adeoque ingenti pecuniae modo emere paratus es.

XXIV. Quod si vero ad sublevandas necessitates egentium omnino facultates magnae optandae essent; atque hoc nomine pecuniarum possessio partem aliquam felicitatis ficeret; uti vobis quidem regibus videtur: utra mihi via parandarum opum erat melior, ut a te nunc acciperem cum dedecore; an vero ut olim pararem, cum possem honestissimis rationibus? Nam mihi sane ditescendi opportunitates praeclaras res publica bene gesta praebuat. cum alias saepe; tum vero maxime ante hoc quadriennium, quando in Samnitas, Lucanos, Bruttiosque consul cum exercitu missus, amplissimas regiones populabundus percucurri: praeliis multis viator urbes opulentas vi cepi diruique: unde donatis largiter militibus, redditoque privatis, quod reipublice in usus belli mutuum dederant, res tamen supercessit quadringentorum talen-

torum, quæ in ærarium publicum intuli. Postquam igitur justas & decoras ex manubiis opes, quæ in promtu erant, aspernatus sum; & exemplo Valerii Publicolæ multorumque aliorum, qui rem Romanam hunc in statum produxerunt, gloriam pecuniis anteposui: nunc a te munera capiam, contemta pulcherrima ditescendi occasione, pudoris atque periculi plenam amplexus? & illam quidem opulentiam honestos justosque ad usus expendere liberrime & cum voluptate quadam potuissim: nunc vero ne hu-jus quidem boni ulla futura effet copia.

XXV. Creditæ enim verius quam donatæ pecuniæ censenda sunt, quæ alieno beneficio obvenerunt, animoque ingenuo & eredo graves incumbunt, donec relictui queant: ut jam per hospitii, vel amicitiæ, vel benevolentiæ speciem datæ acceptæque fuerint. Jam vero, quid futurum censes, si vulgata fama (neque enim celari poterit) magistratus, qui morum apud nos præfectorum amplissima cum potestate exercent, quos Censores appellamus, pro jure suo, quo in civium vitas inquirere, & a patriis institutis discendentes multare consueverunt, me publice citatum causam captorum munerum dicere jussérint? Addunt plerique, a Pyrrho, virum virtutis tantæ quantivis bene emi certo, acrius continentiam ejus constantiamque tentatam esse; post alia magnifica promissa, etiam parte regni oblata: neque motum esse Romanum, nisi hactenus, ut se consilii Regii rationem expedire negaret. Si enim malum me virum judicas, inquit, cur ambis? si vero bonum; cur corrumpis? Adjecisse deinde dicitur, etiam ipse Pyrrho negotium hoc neque jucundum futurum, neque conducibile, si processisset. suam enim libertatem & amicis Regiis, & ipsi Regi gravem futuram: justitiam autem & abstinentiam si Epirotæ experti forent, relicto Rege ad ipsum transfuros.

XXVI. Quæ omnia, & quod deinceps adjecturus sum, variis ab auctoribus tradita, conquiri exponique non inconveniens nec intutile judicavi; quo virorum, quibus fulta res Romana per durissimos casus ad imperii gloriaeque

§ XXIV. Dionys. § XXV. Eutrop. l. 2. Flor. 1, 18, 25. Augt.
de vir. ill. c. 35. Zonar. Appian. ap. Euv. Ust.

incomparabilem magnitudinem pervenit, animi sensusque noscerentur: claroque sub exemplo facilius deprehendetur, quibus moribus studere oporteat admirationi futuros homines, majoremque & meliorem transdituros posteris rempublicam, quam a majoribus ipsi accepissent. Igitur his ita dictis auditisque Regem in praesentia quidem quievisse accepimus: postridie vero vocari ad se Fabricium jussisse: parato ante ad perterrendum eum elephanto, qui a tergo colloquentium post aulæum adstantis, magistri imperio repente diducto aulæo, super Fabricii caput demisit manum, horrendumque stridorem & barritum edidit. Sed vir ingens animi, cum sensim se convertisset, arridens, *Neque heri me aurum tuum pellexit*, inquit, *neque hodie perterrefecit bellua*.

XVII. Deinde cum admotus cœnæ de Græcis sapientibus differentem audiret Cineam, quibus Epicuri secti placet, eos voluptatem in arce bonorum; reipublicæ curam inter præcipua felicitatis impedimenta ponere: similemque vitam agere Deos arbitrari; nulla rerum humanarum cura, nullo, neque in improbos ira, neque in bonos favoris affectu, soli otio voluptatique deäitos; exclamavisse Fabricium ferunt: *Dii faxint, iſhæc sapientia Pyrrho Samnitibusque cordi sit, donec bellum cum populo Romano gerent!* Hi temporum istorum mores fuerunt: hæc magnorum virorum certamina, non opibus & luxuria, sed virtute, consilio, patientia, patriæ caritate excellere. Nec enim subiti impetus, aut ad præsentem usum meditatæ simulationis istæ voces fuerunt; sed perpetuo tenore vitae verborum suorum fidem admirabiles potius nostris temporibus, quam imitabiles viri affirmarunt.

XVIII. Idem ille Fabricius, cum ejus tota supellex argentea salino uno constaret, & patella, quæ tamen ipsa corneo pediculo sustineretur; Samnitium legatis pecuniam & supellectilem splendidam dono afferentibus, planas manus ad aures, hinc ad oculos, nares, os, gulam, deinde ad imum usque ventrem deducens, *donec his*, inquit, *im-*

§ XXVI. Plut. in Pyrrh. c. 43 sq. § XXVII. Cic. in Cat. c. 72. Plut. Val. Max. 4, 3, 6.

*peritare potero, nihil deerit: vos autem pecuniam ad eos, qui
hac indigent, reportate.* Denique vitam universam sic exegit,
ut in hereditate ejus non esset, unde filiarum dos expe-
diretur: gloria paupertate, cum ex ærario publico ero-
gata pecunia Senatum puderet indotatas pati virgines, quas
patrem non puduerat ita relinquere. Sed & ceteri Senatus
principes eadem ferme virtute tolerantiaque tum agebant.
Ex quibus Q. Fabium Maximum, qui toties in summis im-
periis fuerat, qui Censura gesta noluerat iterum Censor
fieri, negans, *ex usu Republicæ videri, ut iidem sapienter Cen-*
sores crearentur; simili & paupertatis & amoris publici testi-
monio populus Romanus affecit. mortuo enim tantum con-
gessit æris, ut inde filius Q. Gurses & viscerationem & epu-
lum publice daret.

XXIX. Curius ab eadem altitudine animi Sabinorum
munera, quemadmodum Fabricius Samnitica, sprevit. Æmi-
lius Papus in plerisque imaginistratis collega Fabricii, Tib.
item Coruncanius, aliique præclarri viri, ex similitudine
morum amicissime inter se conjunctissimeque vixerunt: ut
vere mihi temporum illorum speciem amplexus animo vi-
deatur poeta, qui *moribus virisque antiquis rem Romanam sletisse*
prædicavit. His igitur animadversis expensisque rebus, ma-
jore componendi cum hac gente belli desiderio Pyrrhus
inflammatus, ducentos ex captivis protinus sine pretio re-
stituit: ceteris, si qui ad instantia Saturnalia Romam ad
visendos suos proficiisci cuperent, ejus rei potestatem fe-
cit; unius Fabricii secutus fidem, qui *reversuros exillis se-
riis, nisi pax interea convenisset, sponderat.* Eaque tum
& gravitas Senatus, & singulorum fides fuit, ut ad diem
a Patribus præstitutam universi Pyrrho se restituerent; post-
quam obfirmatos suorum animos impellere nequidquam te-
tendissent.

§ XXVIII. Val. Max. 4, 4, 3 & 10. Hygin. ap. Agell. 1, 14.
Auct. de Vir. ill. § XXIX. Cic. Leg. Enn. ap. Cic. de Resp. l. 5.
Aug. de civ. Dei 2, 21. Just. 18, 1. Plut. in Pyrrh. c. 44. Appian.
ap. Urs.

XXX. Rex enim callidus, hunc temporum articulum sibi tenendum arbitratus, dum aspectu carissimorum pignorum mollitos, & cupidine isthæc retinendi incensos animos, ad belli odia deponenda promptiores haberet; legationem mittere Romam statuit, ut iis conditionibus, quas Fabricio præsenti exposuerat, pacis & amicitiae foedera coniungerentur. Petebat autem, ut iisdem fæderibus Tarentini comprehendenderentur: ceteri Græcorum Italianam incolentium, liberi, & suis legibus, agerent: Samnitibus, Apulis, Lucanis, Bruttiis, quæ erepta a Romano forent, redderentur: Romanis captivos a Pyrrho sine pretio reciperent. Erat apud Pyrrhum ea tempestate Ciheas, cuius supra quoque facta est mentio; vir cum civilium rerum apprime gnarus, tum animo propositoque honestus: & qui naturæ proclivem indolem eruditione usque ad efficacem facundiam excrucisset. Hunc eas ob artes carissimum Rex habebat: crebroque prædicabat, plurium se urbium imperium per eloquentiam Cineæ, quam armis suis adeptum esse.

XXXI. Romam iste cum legatus venisset; callido consilio moras noctens, priusquam Senatum adiret, munera passim per illustrium domos Pyrrhi nomine misit. Introductus deinde in curiam, cum Regis virtutem & propensum in Romanos animum multis extollens, de conditionum, quas afferret, æquitate differuisse, magna pars Senatus mota est, ut admittendas esse dubitaret. Quippe super cetera, si socios suos oppugnare desinerent, tanta auxilia policebatur, ut iis haud difficulter imperium ceteræ Italæ possent acquirere. Sed quoniam ob magnitudinem rei, sollicitis patribus, multos in dies extracta deliberatio, pacis futurae suspicionem rumoremque fecerat; Appius Claudius, ob senectam & cætitatem abstinere curia olim solitus, confessim in Senatum se deferri lectica jussit; ubi conspectum protinus exceperunt filii generique, honorisque & officii causa circumfusi deduxerunt ad locum dignitati ejus congruentem.

§ XXX. Flor. 1, 18, 14. Just. 18, 2. Appian. Plut. in Pyrrh. c. 27. § XXXI. Zenar. Plut. c. 39. Cic. Phil. 1, 5.

XXXII. Ibi , cum ipsius rei novitate , tum reverentia viri silentibus omnibus , exspectantibusque cuius rei causa post longi temporis desuetudinem Senatum ingressus esset ; ab incommodo valetudinis exorsus , sibi quidem haec tenus molestam fuisse cæcitatem dixit , nunc autem non modo illa delectari , ne quæ fierent , videret , sed etiam ægre ferre , quod aures nondum obsurduissent , ne tam scada & Romano nomine indigna audire cogeretur . Q[uo]d enim vobis mentes illæ cesserunt ? quo reciderunt spiritus ? Certe præ vobis ferre solebatis , cum Alexandri Macedonis gloriam , ut invicti Regis , celebrari auditatis ; non tam virtuti ejus , quam felicitati , famam istam impunitandam esse : nam si Romana in bella fortuna ipsum impulisset , aliun longe eventum futurum fuisse , aliamque de eo apud homines opinionem . At nunc quantum ab ista vestra magnanimitate deseceritis , respicite . Macedonibus superiores vos futuros confidebatis : at nunc Molosso & Chaonas perpetuam Macedonum prædam metuitis .

XXXIII. Alexandrum contemnebatis : nunc expavescitis Pyrrhum , ne ipsius quidem Alexandri , sed satellitis ejus , satellitem . qui fugiens potius veteres hostes , quam quærens novos , in Italiam trajecit : quibus copiis ne minimam quidem Macedoniæ partem retinere potuit ; iisdem , si diis placet , imperium Romanis quoque paratus . Hunc igitur nisi grandi infortunio matlatum ejicimus , certum habeamus , alios quoslibet merito nostri contemtu , tanquam ad parcam prædam , ita in Italiam cupide venturos esse . quid enim aliud de nobis quam de hominibus ignavissimis judicari poterit ; si Pyrrhus in amicitiam receptus , etiam præmium referat illatae nobis ignominiae , quod ejus opera factum sit , ut Tarentinis atque Samnitibus ludibrium Romanis debeamus . Hic fere sensus fuit orationis , quæ ab ipso statim Appio est edita : qua omnium adeo sunt inflanimati animi , ut severissimæ sententiæ auctorem secuti , consensu decernerent , bellum prosequendum esse ; Cineamque eodem die Urbe excedere , Pyrrhoque renuntiare , juberent : neque recipi-

cum in Urbem (nam & hoc petitum fuerat) neque priusquam Italiam omisisset, de amicitia & societate agi posse.

XXXIV. Paris deinde trifitiæ decrectum ex ejusdem Appii sententia de captivis factum est, eos neque adversus Pyrrhum duci, neque adeo conjunctim usquam haberi Senatui placere; sed alios alia in præsidia mitti, mutata ignominiae ergo militia: ut qui equo meruissent, peditum stipendia facerent: qui pedites legionarii fuissent, ad levem armaturam transcriberentur: priores ordines recuperaret nemo, nisi bina hostium spolia retulisset. Ajunt, legatis cum responso tam atroci reversis, miraculo Romanæ constantiæ attonitum Regem, qualis Urbs ipsa, qualisque Senatus visus esset, interrogasse: responsunque tulisse a Cinea, Urbem templum sibi visam, Senatum vero Regum confessum esse. Post hæc demum gesta Fabricium ad Regem legatum venisse quidam putant: sed, præter aliorum auctorum testimonia, rerum ipsarum recte animadversarum serie erroris haud difficile convincuntur. Pace desperata, conversi ad bellum animi, ac intenta cura facti utrinque apparatus hiemem satis negotiosam haberunt. x

XXXV. Hæc fuisse tempora puto, quibus ferunt Pyrrhum, quo naufragiorum casus vitarentur, faciliusque Itali ac Epirotæ ad auxilia mutua commeare possent, ab Hydrunte, qua longissime in pelagus procurrit Italia, ad Apolloniam ex adverso situm oppidum pontes jacere cogitavisse, spatio quinquaginta millium: tanto enim intervallo circum eos locos Græciae Italiæque litora dirimuntur! Idem postea molitus esse M. Terentius Varro dicitur; cum piratico bello Cn. Magni legatus Siculum Joniumque mare clavisbus observaret. Inter hæc Ti. Coruncanius consul, de Vulsciensibus & Vulcientibus Etruscorum populis, a. d. Kal. Februarias triumphavit. Insignis eo anno Censura fuit, tum primuni a plebejæ stirpis censore lustro condi-

§ XXXIII. Cic. Cat. 6. & Brut. c. 16. Zonar. Liv. Epit. 13. L. 2. § 36. de O. J. § XXXIV. Eutrop. 1. 2. L. 1 § 5 de postui. Zonar. Val. Max. 2, 7, 15. Front. 4, 1. Plut. Just. 18, 2. Flor. 1, 18, 20. Appian.

to. Censa referuntur civium capita ducenta septuaginta octo millia, ducenta, viginti duo. Principem Senatus per ea tempora Q. Fabium Maximum legi consueisse constat. hujus filium cognomento Gurgitem censorem tum fuisse conjectura colligitur: Cn. Domitii certum nomen & quia lustrum is condidit, jure plebis amplificato nobilitatum est.

XXXVI. Vere primo Pyrrhus contractis sociorum copiis in Apuliam movit: multaque ibi oppida partim pugnando, partim conditionibus cepit. Adversus quem novi consules P. Sulpicius Saverio, P. Decius Mus, cum duobus consularibus exercitibus profecti, castra castris opposuerunt prope Asculum Apuliæ urbem, cognominem ei, quæ est in Picentibus. Non erat dubium, quin collatis signis depugnandum foret: ceterum ne per dies aliquam multos hoc fieret, præter torrentem profundum, qui diversos exercitus interfluebat, etiam mutuo metu cunctabantur. Romanos prioris fortuna præclii, & victor Pyrrhus terrebat: Epirotis formidabilis erat Romanorum pervicacia, & alterius consulis fatale hostilibus legionibus nomen. P. enim Decium, patris avique exemplo sua morte victoriani suorum redemiturum esse fama vulgaverat: præriorumque, quibus illi cederant, eventus, terribiles omnibus Decianæ devotionis minas effecerat.

XXXVII. Eam rem Pyrrhus haudquaquam negligendam ratus, convocatis militibus accurate docuit, *arbitria præliorum penes Tellurem deam, aut inferos, qui carmine illo sollicitarentur, esse non posse: neque tam iniquos credi debere deos, ut in unius honinoris vesani gratiam fata exercituum mutant darentur: non præstigiis & superstitionibus, sed pugnando viatorias parari: vel ipsis Romanis testibus, qui non sacrificiorum & votum agmen, sed armatas militum acies hostibus consueverint opponere.* Quia tamen ignori rerum plerumque superstitionum inanum ludibriis, quam veris timendi causis, acrius percelantur; *hunc quoque metum præverti posse ostendit exposita*

§ XXXV. Zonar. Plin. Appian. in Mithrid. Tab. Capitol. Epit. Liv. 13. Plin. Panvin. in Fastis. § XXXVI. Zonar. Eutrop.

ornatu, quo priores Decii se devovissent: monitisque militibus, si quis similibus insignibus nescendus occurisset, ab eo abstinerent telū, vivumque comprehendenderent, sed ipsi quoque Decio nuntiandum curavit, desineret ineptire inter armatos: neque enim consilium istud successurum esse: & si vivus venisset in manus, forte graviora passurum, quam voluisse.

XXXVIII. Responsum a consulibus est: se armis satis confidere, neque opus habere tantæ desperationis auxilio. id quo magis scire posset, optionem se dare, ipse transire flumen, (quod inter exercitus medium fuisse diximus) an in sua ripa Romanos expectare mallet: nam aut reducitis copiis transitum regi tutum relikturos esse; aut, eo recedente, transfinissuros: quo integrō robore congressi, nulla alia in re, quam suis viribus animisque, spem victoriae reposuisse demonstrant. Puduit Pyrrhum timoris aut dubitationis signum ullum edere: quare postiore accepta conditione transfeundi fluminis potestatem hostibus fecit. Levior jam sua sponte belluarum terror erat, ipsa consuetudine videndi: manusque earum facillime amputari posse, pugnæ prioris experimento constabat; qua C. Minucius quartæ legionis primus hastatus uno gladii iictu proboscideni elephanti præciderat. Sed tum alia quoque præsidia excogitaverant tutioris audaciæ. Equi ferreis obducti laminis currum trahebant, & ipsum contis ferro præfixis horrentem: in curru erant collocati milites, qui belluas irruentes missilibus aut igne jacto averterent.

XXXIX. Cum hoc apparatu transgressis flumen legionibus, Pyrrhus ex diverso exercitum instruxit, pro usu, quem iis in rebus maximum, cum singulari quadam ingenii sagacitate, supra ceteros ejus ætatis imperatores excellentem habere credebatur. Animadverso igitur loci genio, qui propter asperitatem soli & enata passim virgulta non nisi pedestrem aciem pateretur, equitatum elephantosque locavit in subsidiis: dextrum cornu suis militibus & Samnitium auxiliaribus copiis firmavit; Brutios, Luca-

nos, Sallentinos, esse jussit in sinistro: Tarentinos, quorum virtuti minus credebat, in medium aciem recepit. Consulum acies legionarios habebat milites, auxiliis levis armaturae aptissime intermixtis: parique ingenio & tempe- ramento subsidiorum ordines distinxerant. Equitatus in cornua diffusus, neque impedimento futurus erat pedestri prælio, & si quis casus agendæ rei viam aperuisset, præsto erat. Inter exercitus non animis tantum, sed etiam numero pa- res (quadraginta utrinque millia fuisse constat) haud se- gnius, quam debuit, certatum est. anticipi adhuc victoria prælium nox diremit.

XL. Postera luce Pyrrhus, cum impeditiora loca præsi- diis præcepisset, in campum paulo æquiorem Romanos de- scendere coegit. ibi elephantorum aliquis usus fuit: alia parte aciei, qua currus adversum eos parati constiterant, subito inducti, equos hostium, sicuti priore prælio facturæ fuerat, perterritos averterunt in fugam: peditibus nihil magnopere nocuerunt. Valde diversa istius pugnæ fama est. Secundum Romanos eventum fuisse, quidam auctores sunt, etiam cæsu adjuvante victoriam: cum adversus Apulos impedi- menta diripientes, missæ Regis imperio cohortes, ceteris copiis fugientium speciem discessu suo præbuissent, eoque metu & errore facta apud Regios fuga esset. Quin & cælorum ingens nume- rus exprimitur: viginti millia de Pyrrhi exercitu; vittorum ad millia quinque desiderata. Regem ipsum brachio pili jaclu transmisso graviter vulneratum, cum fugientes retinere nequivis- set, postremum fere omnium a satellitibus suis ex acie relatum: signa capta ex hoste tria & quinquaginta, Romana vero un- decim amissa esse. Fabricium quoque, legatum alterius consulis, vulnus accepisse.

XLI. Ex diverso, parem hujus atque superioris prælii for- tunam fuisse, alii tradiderunt: & vicinia castrorum defensos Romanos minus quidem sensisse detrimenti; sed tamen confusa-

§ XXXIX. Veget. de re mil. 3, 24. Zonar. Ammian. 1. 24. Lix. 35, 14. Plut. Front. 2, 3. § XL. Plut. Zonar. Front. Eutrop. Flora 1, 18. Oros. 4, 1. Just. 18, 1.

fuga discessisse, sic quoque sex millibus amissis : de exercitu Pyrrhi tria millia quingentos & quinque cecidisse, idque in commentarios Regios relatum esse, Hieronymus scribit. Atque hæc tanta non varietas modo, sed etiam pugna scriptorum me valde movet, ut iis potius credendum esse judicem, qui dubio eventu pugnatum esse tradiderunt. folet enim, quoties pari fere damno discessum est, utraque pars sibi asserere victoriae famam : quam deinceps aliorum negligentia, aliorum improbitas temere committit litteris : pessimo facinore, magna cum infamia eorum, qui pro veris atque compertis, inani rumore vulgata, aut affectu servili-
ter corrupta, posteritati prodiderunt.

XLII. Quare propior veio videtur eorum annalium naratio, qui, *semel tantum ad Asculum pugnatum esse*, referunt : & post acerrimam contentionem ac multas utrinque cædes, Sole jam occaso, vulnus Regis & direptorum impedimentorum casum, dirimendæ pugnæ locum, licet ægre, fecisse. Tum recepui signum esse datum in utroque exercitu, cum jam utrinque millia circiter quindecim occubuissent. Atque hoc fuisse tempus, quo Pyrrhus cuidam quasi de victoria gratulanti responderit : si de-
nuo sic vincendi sunt Romani ; periimus. Affirmant etiam hanc opinionem, quæ secuta sunt. Nam & Pyrrhus Tarentum concessit : & consules hostem non infecuti, copias in hibernis per Apuliæ oppida distribuerunt, cum anni tempus, & ratio belli, potius victoriam tam illustrem prosequi, alterum facile passum fuisset, altera etiam omnino coegisset. Accedit, quod neque triumphatum ab his consulibus reperio, sed & P. Decium consulem eo prælio se devovisse, seque post patrem & avum pari genere mortis sublatos, e continenti geneie tertiam victimam reipublicæ præbuuisse, multi putant : quod historiis omnibus silentibus ne referendum quidem, nedum refellendum putavissent : nisi magnus auctor M. Tullius Cicero in philosophicis quidem libris, sed loco non uno, posuisset.

§ XLI. Liv. Epit. 13. Plut. § XLII. Zonar. Cic. Tusc. quæst.
1, 37. & de fin. 2, 19.

XLIII. Pugna ad Asculum, quocunque eventu certata, reliquum anni quietum a bellicis expeditionibus habuit: sed consultationibus & apparatum cura tempus omne consumtum est. Pyrrhus cum veterum copiarum magnam partem, ducumque & amicorum plerosque perdidisset, in Epirum misit, cum mandatis, ut veniente vere milites & pecuniae sibi mitterentur. Sed priusquam classis ea instrui posset, novae spes exortæ consilium Regis mutaverunt. Macedoniam olim Demetrio ademptam Pyrrhus tenuerat, deinde Lysimachi vi extortam amiserat; hanc iterum novæ occasioni aperuisse videbatur Ptolemæi Cerauni casus, qui a Gallis imperfectus, dum bellum in Italia gerit Pyrrhus, uti turbatum regni statum, ita vacuam possessionem reliquerat. Ea ratio suasit, ne copiis militaribus Epirus nudaretur: simul ne pateret injuriis Gallorum, vicinam adhuc Macedoniam urentium. Neque tamen eo tum accessit, in Siciliam vocantibus aliis causis, ut postea trademus.

XLIV. Hieme inter has curas circumacta, novi consules ad exercitum venerunt C. Fabricius Luscinus, Q. Æmilius Papus: qui alium quoque consulatum una gesserant. Hoc auditio, Pyrrhus etiam contra eduxit copias, & obserbare consilia hostium instituit. Cum ita castra utrique locis haud valde distantibus haberent, res evenit ad memoriam celebris, & a plerisque non ita magno dissensu tradita. Timochares quidam Ambraciensis, in amicitia Regis honestum gradum obtinens, ad C. Fabricium consulem sursum accessit, regem, si præmium ejus rei dignum daretur, veneno tollere pollicitus. Id vero se per filios suos facile consecutum autumabat, quod inter pocillatores Regios illi haberentur. Fabricius, minime delectatus proditione, rem tamen perscripsit ad Senatum. Senatus legatos ad Pyrrhum misit, Timocharis quidem, qui quomodo cunque Romanis prodesse statuisset, insidias non indicaturos; sed monituros in universum, *ut Rex ageret circumspiciens*, *videretque, quorum hominum, quamque fidelium, ministri*.

riis uteretur. Hæc ita apud Valerium Antiateni leguntur.

XLV. At Claudius Quadrigarius pro Timochare *Niciam beneficii istius promissorem prodit: neque legatos a Senatu missos, sed a consulibus; litteris quoque consulum recensitis, quibus detecto Niciæ consilio, negant, se dolis aut pecunia pugnaturos; sed virtute & armis: salvumque ab insidiis Regem optare, ajunt, quem suæ viæloriaæ suorumque triumphorum splendidam sperarent materiam fore.* Sunt, qui medicum Regis Fabricium eo de negotio coram aut litteris adiisse, consilisque indicio pœnas dedisse Regi, tradiderint, suspendio necatum. Sed ut hæc dubitationem habere possent, certum est errare, qui medicum a Curio ad Regem remissum esse scripserunt. Ajunt, Pyrrhum hoc tantæ virtutis experimento stupentem exclamasse: *Hic est ille Fabricius, qui difficilius ab itinere justi & honesti, quam a cursu suo Sol averti posset!* statim certe, ne vinci beneficio videretur, captivos, quos habebat, omnes Romanis restituit; Cineamque denuo misit, ad pacem & amicitiam impetrandam.

XLVI. Minime decorum visum est, vel donum ab hoste accipere, vel ob lucrum potius, quam amore virtutis, a facinore abhorruisse videri: gratis igitur ne acciperentur captivi, totidem pro his alii Tarentinorum Samnitiumque missi sunt. Hanc publicam abstinentiam conspectiore mox fama privatorum est secuta gravitas; cum Pyrrhi munera (multa enim & pretiosa utrique sexui Cineas attulerat) non a viris modo omnibus, sed etiam a mulieribus, repudiata sunt. quo quidem tempore, cum aspernantibus, quibus primum oblata fuerant, ad alios aliquos deferrentur; nemo vir mulierge tam aut tenuis aut cupidus inveniri potuit, ut recipiendis Regiis muneribus ostium domus suæ patere vellet. Legatis deinde prius responsum redditum: *dunc Italia Pyrrhus excessisset, hostem eum populo Romano fore.* Perplexum hisce Regem, & neque bellum læto animo prosequentem, neque cupientem cum aliqua dignitatis jactura

§ XLIV. Agell. Cic. de off. 3, 22. Val. Max. 6, 5, 1. § XLV.
Ammian. 50, 5. Tacit. 2, 88. Plut. Flor. 1, 18. Eutrop.

discedere , extricare visa est Siciliensis expeditio , quam post longam & ancipitem deliberationem , tandem statuit suscipere. Sic enim & Romanum bellum honeste declinari posse sperabat : & imperium insulæ locupletissimæ occupari : simul vindictam de Carthaginensibus , ut prior ab ipsis lacefitus , sumere cupiebat.

XLVII. Nam illi , suspecto Regis consilio , paulo ante Magonem ducem cum centum viginti navium classe misserant , *adversus externum hostem externis etiam auxiliis populum Romanum adjuv indum esse* , dicitantes : & quanquam illorum opera Romani non sunt usi , Senatu respondente , *se consueuisse talia bella suspicere , quæ suo milite geri possent* ; fœdus tamen inter utrumque populum quarto renovatum est. Prioribus capitibus additum , *ut five Romanus populus , five Pœnus , cum Pyrrho fœdus saceret , nominatim exciperetur , ut his populis invicem auxiliari liceret , uter eorum bello petceretur : utque quoties utravis eorum auxilio opus esset , naves & Carthaginensibus præberentur : stipendia suis quisque daret : auxilia Punica Romanos mari juvarent ; exire navibus invitane cogerentur.*

XLVIII. Quo confecto , per speciem pacis conciliandæ Pyrrhum adierat Mago , speculatorus consilia Regis , quem in Siciliam acciri Carthaginenses audierant ; classemque Romanis obtulerant , non tam illorum caritate curaque , quam ut Pyrrhus Italico bello implicatus , res Pœnorum in insula magnis successibus efflorescentes non everteret. Tum quoque fretum , qua in Siciliam trajectus est , magno numero navium observabant , Regini quidem obsidendi studium præferentes , sed verius , ut Pyrrho transmittere cupienti viam intercluderent. His igitur de causis ad Siciliensi negotia adjecit animum : spes ipsi magnas faciente cum rerum ipsarum statu , tum etiam legationibus Siculorum , quæ aliæ super alias ex insula venientes , omnium votis expecti eum affirmabant , tanquam unicum levamen malorum , quibus

§ XLVI. Front. 4, 4, 1. Appian. Liv. 34, 4. Just. Val. Max. 4, 3, 14. Zonar. § XLVII. Liv. Epit. 13. Polyb. 3, 25.

miserima terrarum nunquam acerbius confidat & esse videbatur.

XLIX. Nam post Agathoclis miserabilem magis quam indignum exitum, Mœno quidam, Ægesta Siciliæ urbe oriundus, qui & venenum Regi dederat, affectata tyrannide, a Syracusanis Hiceta prætore pulsus, ad Carthaginensium opes se contulerat. ita bellum gravius, & Syracusanis adversum fuit, per quod tamen privatim opes Hicetæ creverunt: qui postea versis in Agrigentum Phintiam armis, inquietam diu insulam tenuit; donec Thoenionis cuiusdam audacia, principatu, quem nonum jam annum obtinebat, pelleretur. Thoenioni dominationem retinere nienti exortus est adversarius ex Syracusana nobilitate Sosistratus: diuque certatum inter hos armis est; insulam, quæ Syracusanæ urbis pars est (ipſi *Nasum* vocant) obtinente Thoenione, cum in cetera urbe Sosistratus tyrannidem ageret. Postremo cum utrinque nihil ex his discordiis præter communem interitum imminere cernerent; vocandum esse Pyrrhum consenſu decreverunt: qui gener Agathoclis, filio ex Lanassa suscepto, successioni proximus, animoque & viribus ad constituendas res Siciliæ suffecturus habebatur.

L. His accedebant Agrigentini Leontinique principes, qui & ipſi suarum urbium, totiusque adeo insulæ imperium offerentes, una voce rogabant, *ut quamprimum in Siciliam trajiceret, fessis rebus, & laboranti sub barbarorum armis libertati, præsentia sua succursurus*. Carthaginenses enim, Syracusanorum agris vastatis, ipsam quoque urbem classe centum navium, & pedestri quinquaginta millium exercitu terra marique clauerant. Igitur Pyrrhus non ultra differendum ratus, Cineam, cuius ingenio fideque plurimum uti consueverat, præmitit, cum Siculis civitatibus conditiones legesque fœderum & amicitiae compositurum. Ipse focios, discessum ægre ferentes, consolatus, *si a Romanis premerentur, e vicina insula in tempore affuturum esse, novorum etiam sociorum accessione instruclorem*, spondit. Cum

§ XLVIII. Justin. Diod. Ecl. ex lib. 21 & 22. § XLIX. Diod. Liv. 25, 24. Appian.

autem præsidium in urbe Tarentina relicturus esset, ægre passi Tarentini, ut sibi vel præstaret promissum auxilium iis conditionibus, quibus venisset; aut saltem urbem suam relinqueret liberum, postulaverunt. Neutra res impetrari potuit; nihil æqui respondente Pyrrho, sed jubente suum tempus exspectari.

LI. Has inter curas Epirotæ Regis, consulibus bellum adversus ceteros hostes facilius fuit. Res itaque contra Etruscos, Lucanos, Bruttios, & Samnites prospere gestas hoc tempore lego. Cum Etruscis minus fuisse certaminum appareat, quod ex eo bello triumphatum non est: neque cum universa gente, sed cum una aut altera civitate, pugnatum esse puto, quæ a Samnitibus discessu Pyrrhi se nudari sentientibus, acrius sollicitatæ, posita nuper adversus Romanos arma resumserint. Ceteris in populis, uti major aliquanto belli moles; ita victoria illuſtrior fuit. C. Fabricius consul, profecto, ut conjectura est, in Etruscum bellum collega, quod Epirotis cessantibus unus consularis exercitus sufficere videretur; Lucanos, Bruttios, Tarentinos, Samnitesq[ue] cecidit: civitates aliquot, in quibus & Heraclæam, adstrinxit foederibus: deque his populis omnibus ante diem Idus Decembres triumphavit.

LII. Comitiis deinde peractis, consules in annum sequentem designati sunt P. Cornelius Rufinus iterum, C. Junius Brutus iterum. Cum Rufino nobiles etiam alii petierant; sed hic ut fieret, effecit Fabricii favor: qui tempora Reipublicæ habens in consilio, patriæ salutem privatis inimiciis anteponebat. Nam ex dissimilitudine morum simultas inter hos fuerat, cum Fabricius egregie firmus adversum pecuniam, una communis boni cura duceretur: Rufinus opunt cupidior, multa privati quæstus studio consuleret ageretque. Verumtamen cum cetera industrius & bonus imperator esset, competitoribus haudquaquam pari arriorum peritia & usu præditis Fabricius

§ L. Plut. Diod. Appian. § LI. Liv. Epit. 13. Eutrop. l. 2. Cic. pro Balbo c. 22. Tab. Capitol.

præferendum esse judicaverat. Ferunt, cum ei gratias deinde Rufinus ageret, quod se homo inimicus consulem fecisset, bello præsertim magno & gravi, respondisse: non esse mirandum, si compilari, quam venire, maluerit. Magna enim bellorum moles in Italia supererat; & Pyrrho in Sicilia (erat enim jam transgressus) omnia sibi prona reperiente, haud abs re metuebatur, ne paulo post auctis accessione nobilis insulæ viribus, ad bellum Romanum gravior hostis reverteretur.

§ LII. Quintil. 12, 1. Dio ap. Vales. Cic. de orat. 2, 66. Agell. 4, 8.

JOANNIS FREINSHEMII
 SUPPLEMENTORUM
 LIVIANORUM
 LIBER IV.
 IN LOCUM LIB. XIV LIVIANI.

E P I T O M E
 LIBRI DECIMI QUARTI.

*Pyrrhus in Siciliam trajecit. Cum inter alia prodigia fulmine
 dejectum esset in Capitolio Jovis signum, caput ejus per aru-
 spices inventum est. Curius Dentatus, cum delectum haberet,
 ejus, qui citatus non responderat, bona primus vendidit. Pyr-
 rhum iterum ex Sicilia in Italiam reversum vicit, & Italiam
 expulit. Fabricius censor P. Cornelium Rufinum consularem
 senatu movit, quod is decem pondo argenti faſli haberet. Lu-
 stro a censoribus condito, censa sunt capita civium ducenta
 Septuaginta unum millia, ducenta viginti quatuor. Cum Pto-
 lemæo Ægypti rege societas juncta est. Sextilia virgo Vestal-
 lis, damnata incesti, viva defossa est. Coloniae deducere sunt
 Posidonia & Cossa. Carthaginensem classis auxilio Tarenti-
 nis venit: quo faſlo ab iis fœdus violatum est. Res prætereas
 contra Lucanos, Samnites, & Bruttios feliciter geſtas, &
 Pyrrhi regis mortem continent.*

I. **D**UM hæc in Italia geruntur, Pyrrhus exercitu &
 elephantis in naves inpositis, ex Tarentino portu in Sici-

liam trajecit: postquam biennium, & menses præterea quatuor, in Italia fuisset. Deductus a Thoenione, qui cum navibus occurrerat, maximaque Siculorum alacritate exceptus est, oppida sua, copias, pecunias, naves, certatim tradentium. Ideoque Græcarum urbium omnium imperio brevi potitus, etiam Punicam ditionem universam armis obtinuit: una excepta urbe Lilybætana, quam opportunitate situs adjuti Carthaginenses, nequidquam oppugnante Pyrrho, retinebant. Unde non absque causa spes ingentes animo complexus, relictis maximo filiorum patriis opibus, ex duobus reliquis, Regem alterum Italæ, alterum Siciæ constituere agitabat.

II. Erat omnino Regis istius ea tempestate magna fama, magnæque virtutes: & Siculi per annos fane multos externa simul ac civilia bella, & nocentius utrisque malum tyrannidem passi, vel mediocrem aliquem Principem grantibus animis laturi videbantur. Sed tamen ipse paulo post ad exigendas ab invitis pecunias, & potentiorum cædes versus, odium immane concitavit: etiam accendentibus cupiditatibus & arrogantia ministrorum, quorum ei vitia non minus ubivis, quam sua nocuerunt. Adeo post primam illam & præcipuam curam, ut ipsi quam optimi sint, nulla aut dignior aut salubrior esse Regibus sollicitudo potest, quam ut amicos ex virtute deligant: quando inter privatos ob suam quisque culpam exofus est; principibus etiam aliena peccata imputantur. Sed hæc postea fecuta sunt. Tum vero calentibus adhuc studiis, primum a Taurominitanorum principe Tyndarione (nam ea parte insulæ primum appulerat) mox a Catanense populo maximis honoribus acceptus cultusque, cum pedestri exercitu Syracusas versus processit. Classem haud procul litoribus circumduci jussit, paratam instructamque: nec enim citra prœlii discrimen aditum ad Syracusanam urbem daturæ Carthaginensium naves videbantur.

§ I. Liv. Epit. 14. Appian. Diod. Ecl. Just. 23, 2. § II. Plut. Dionys.

III. Sed evenerat, ut paulo ante hoc tempus triginta naves Punicæ alios ob usus a classe discederent; quæ quia nondum reverterant, cum reliquis aleam belli tentare Pœnorum imperator recusabat. Igitur nemine prohibente ingressus, Thœnione & Sofistrato tradentibus, pecuniam publicam, naves tectas centum viginti, apertas viginti, tela, machinas, ceterumque belli apparatus accipit. Hoc agenti superveniunt a Leontinis legati, quorum princeps Heraclidas urbem suam Regi, prætereaque copias, peditum millia quatuor, equites quingentos offerebat. Neque segnius aliis ab urbibus occursum est, quodam veluti torrente fortunæ. Pyrrhus humaniter exceptos habitosque, conciliata omnium voluntate, suam quemque in civitatem remisit; ampliores jam animo spes agitans, & si destinata porro ita fluerent, etiam in Africam transitus.

IV. At sociis ejus in Italia haud perinde lœtæ res erant: quos absente Rege & robore exercitus, adversus infestiores quotidie Romanos, Milo cum parte copiarum Tarenti relictus, non satis tutabatur. Haec tamen profuit, ut Tarentinis ad tempus dilatis ambo consules in Samnum signa converterent. Samnites cum agros suos uri, castella expugnari, totam belli molem in se versari, seque a sociis derelictos esse cernerent; animis ac viribus impares, desertis oppidis atque vicis, in montes excelsos & arduos, cum uxoribus suis liberisque, ac carissimis rerum, quas inter tumultum & trepidationem avehere potuerant, se repererunt. Apud Romanos præter æmulationem ducum, etiam ex rebus prosperis & metu hostium, negligentia orta erat, perpetua felicitatis comes. Ea causa & danni aliquid, & aliquanto plus ignominiae attulit. Quippe milites per abrupta & invia contemtim repentes, loco adjutus Samnis pepulit fuditque: multi faxis telisve obruti, aut in præcipitia deturbati, interierunt: alii cum neque receptus copia, neque pugnandi facultas esset, vivi capti sunt.

V. Hic casus ducibus ad disjungendas iterum copias in-

citamento fuit: cum in collegam infelicis cœpti collata culpa, se quisque, si solus fuisset, melius atque prosperius rem gestorum fuisse prædicaret. C. Junius cum suis legionibus in Samnio mansit. P. Cornelius in Lucanos & Bruttios convertit impetum. Ibi terrorem cladesque belli populationibus agrorum & villarum incendiis circumferenti, majoris aliquanto rei tentandæ occasio nata est. In extrema Italiam ora, qua Orientem versus & Jonium mare Lacinii promontorii cornu protenditur, Croton est, veteri fama, & tum quoque non pœnitendis opibus, inclyta. Medium iis temporibus interfluebat Æsarus, juxta quem frequentia utrinque ædificia murus duodecim millia passuum in circuitu patens ambibat. Hanc aperta obsidione cingere non ausus consul, proditione occupaturum confidebat: quod a compluribus Romanæ factionis hominibus spes ei facta erat, posse urbem præsidio externo destitutam, studiis & auxilio eorum, quibus Pyrrhi dominatio gravis esse cœpisset, recipi, si copias mature muris admovisset.

VI. Sed per eosdem forte dies, sive metu hostilis in vicinia exercitus, sive jam proditione, quæ plerumque tegidiu non potest, suspecta, Crotonenses præsidium a Milone acciverant: veneratque Nicomacho duce Lucanorum valida manus, quæ ignarum rei consulem, nulloque periculi metu confidentius ad mœnia suggressum, eruptione subito facta, non sine cæde vulneribusque multorum rejicit. Rufinus acceptum temeritatis detrimentum consilio correcturus, rumorem adversi certaminis ultro adauget; quoque majori percussus esse timore videatur, cœpto se desistere simulat, colligi sarcinas jubet, ut quamprimum discessurus. In urbem, ut castris tam propinquis necessum erat, cito hæc nuntiantur: præter probabilem rei causam, juvatur eo quoque credulitas, quod verum hoc esse cupiebant: cum jam sponte hanc in partem inclinantibus animis, captivus quidam spe libertatis atque præmiorum inductus a consule supervenit; tanquam inter festinationem discedentium, occasione captata, custodiam effugisset.

VII. Ille *Cornelium Rufinum*, quod ad *Crotonis oppugnationem* parum haberet roboris, *Locros* pergere narrat, accitum & quibusdam urbem illam prodere pollicitis. Adebat paulo post & alter, qui de prioribus eadem; ceterum, jam iter ingressos esse *Romanos*, afferit. simul conspicuntur eminus signa & agmen incedentium via, quæ *Locros* dicit. Eo dolo captus Nicomachus, per compendia viarum celeriter cum suis accurrit *Locros*, ut eam quoque urbem defensurus. Quod ubi per occultos nuntios Rufinus cito comperit, converso itinere, *Crotonem* regressus, quanto consilio ac prius meliore, tanto etiam eventu feliciore usus est, diligentiamque ejus non modo securitas hostium, sed etiam fortunæ favor juvit. densa enim nebula opportune texit accendentem, priusque propemodum intra mœnia fuit victor exercitus, quam reversum Crotoniatæ didicissent. Atque hujus victoriæ per se satis magna lætitia, ut ferme neutram in partem fortuna tenet modum, aliis subinde rebus haud minus lætis cumulata est.

VIII. Nicomachus enim, intellecto se in errorem inen-
dabilem incidisse, dum incertus consilii Tarentum reddit,
exceptus a Rufino magnam suorum partem amisit, & cum
reliquis vix in tutum elapsus est; cum unam urbem de-
fendisse non contentus, duas perdidisset. Nam & *Loci*
successu isto animati, præsidio Pyrrhi præfectoque, quorum
injurias diutius perpeti nequibant, trucidatis, ad amicitiam
Romanorum se contulerunt. Rebus ad hunc modum pro-
cedentibus, non ideo in tantum ceciderant animi Samni-
tium ceterorumque populorum, quin super insitam perva-
ciam, spe quoque Pyrrhi Regis, & nuntiatis ejus in Si-
cilia successibus, ad omnia, quæ fors ferebat, perpetien-
da sustentarentur.

IX. Pyrrhus enim (ut hujus etiam extra Italiam gesta;
quod eorum temporibus locisque, ad hæc negotiis ipsis
cum Romanis rebus conjunctum est, exponantur) rebus
apud Syracusanos Leontinosque constitutis, circa eadem

tempora cum exercitu Agrigentum profectus, in ipso adhuc itinere occurrentibus nuntiis, ejectum ex urbe praesidium Punicum acceperat, & Agrigentinos ipsi se suaque omnia dedere paratos esse. Neque promissis abfuit fides. Venjenti Sosistratus, qui & Syracusas tradiderat, & urbem, & egregiae juventutis octo peditum millia, octingentos equites adjungit, copias Epiroticis, quas Pyrrhus adduxerat, nihilo deteriores. Oppida præterea triginta, quibus imperabat Sosistratus, eodem auctore se Regis arbitrio permiserunt. His ita gestis misit Syracusas, qui telorum omnis generis copiam, & machinas, quarum in obsidionibus urbium usus esse posset, subvehement. Nam ad urbes Punici juris oppugnandas animum adjecerat, parato jam exercitu triginta millium, præter equites mille quingentos, &, quos in Siciliam trajecerat, elephantes.

X. Prima ex his in potestatem venit Heraclea, ubi Carthaginiensium praesidium fuerat: exhinc Azonas cepit. statimque secuti fortunam Selinuntii primum, mox Halicyæ & Ægestani, defiendo a Carthaginiensium amicitia, compluribus etiam aliis in eo tractu oppidis idem audendi exemplum præbuerunt. Erycinos autem, & auxiliorum numerosa manu, & munitionibus loci fidentes, summa vi expugnare statuit. Instructo igitur exercitu, armatus ipse, ad mœnia procedens, votum Herculi vovit, si dignum genere suo locoque bellatorem eo die se Græcis ostendisset. Postquam signum oppugnandi datum, crebroque missilium jactu propugnatores dimoti locum admovendis muro scalis fecerunt; primus omnium Rex enifus, adversus concurrentes undique hostes insigne certamen edit: alios umbone deturbans, alios cædens gladio; magnitudine vero animi roborisque cunctos perterrefaciens. Neque magnifica tantum hæc ei pugna, sed etiam omni ex parte felix fuit: sine ullo suo vulnere, magna gloria parta, etiam urbem ipsam eodem impetu cepit: animatis non minus exemplo Regis ceteris, quam sollicitis pericu-

lo; & utramque ob causam summa contentione pugnantiibus. Sacrificavit deinde Herculi, voti reus; ludosque vari generis magnifico apparatu per complures dies edidit.

XI. Hoc quoque anno Romæ de Lucanis atque Bruttiis ante diem Nonas Januarias triumphatum esse reperio. sed C. Junio triumphum illum adscribi miror; cum in his populis res Rufinus gesserit, duasque nobiles civitates receperit: quem etiam alios apud auctores triumphalem virum nominari video. Civitate ob Pyrrhi progressus haudquam secura, novi quoque terrores ex prodigiis & morborum lue accesserunt. Fœdi maxime ominis habitum est, quod Jovis Capitolini signum fulmine tactum, caputque avulsum non nisi aruspicum arte curaque reperiri potuit. Graviore non jam metu; sed clade urbem affecit pestilentia, pecudes hominesque communī strage corripiens, sed præcipue gravidarum abortibus formidabilis; cum nulli propemodum jam aut partus humani, aut fœtus animalium ederentur incolumes; iraque Deorum omne viventium genus interiturum esse crederetur.

XII. Ea vis mali maxime insignem Q. Fabii Maximi Gurgitis alterum consulatum effecit, in quo collegam habuit C. Genucium Clepsinam. Neque tamen a bello Samnitico Lucanoque cessatum est. magnisque clades hostibus illatas duo certa sunt argumenta, quod eodem anno Q. Fabius de Samnitibus, Lucanis, Bruttiis, triumphavit Quirinalibus: quodque ii populi miserunt ad Pyrrhum litteras & oratores, *aetum de se, nisi subveniretur, neque vim Romanam ulterius suslineri posse, extremamque necessitatem ditione præveniendam esse, testatos*. Ea res, & quod senescalibus jam hominum studiis, aut ob injurias quasdam in contrarium versis, in Sicilia res ei diores esse cœperant, permovit Pyrrhum, ut insula relicta copias in Italianam reportaret. Quod ejus consilium, & rerum inde securarum series, quo plenius nosceretur; paulo plura de rebus interim ab eo gestis referenda putavi.

§ X. Plut. in Pyrrh. c. 49. Diod. § XI. Plin. 16, 6 & 33.
Liv. Epit. 14. Oros. 4. 3. Aug. de civ. Lci 2, 17. § XII.
Zenar. Justin. Plut.

XIII. Post occupatam igitur Erycem, præsidiumque loco impositum, ad Æginorum urbem profectus est, commodo ad Panormitanum portum situ, & munitionibus insignem. Ibi sponte oppidanorum receptus ad ipsam Panormum castra movit, cui ab argumento portus amplissimi pulcherrimique nomen est inditum. Hac quoque per vim occupata, cum insuper locum, qui Epieircte vocatur, inter Panormum & Erycem in monte ameno, sed arduis accessibus, situm cepisset; universa jam provincia Carthaginensium potiebatur, excepto Lilybæo. Hanc autem urbem non ita pridem Poeni condiderant, ut Motyensibus ea sedes foret, quorum oppidum Dionysius Tyrannus bello Carthaginensi diruerat. Cum igitur ex omni, quod in Sicilia haberant, imperio spes suas unum istum in locum conclusas viderent Poeni; apparatus ad obsidionem a Pyrrho fieri sentientes, majoribus eam viribus defendere decreverunt.

XIV. Introducto igitur non spernendo robore militum, commieatuque copioso, ad hæc magna vi machinarum ac telorum (cujus rei facultas ipsis ampla erat, quod in potestate mare haberent) ad oppidum undique permuniendum magna cura se contulerunt. Præcipue, qua terra patebat aditus, crebræ turres excitatae sunt, lataque fossa facta: celerius opere procedente, quod majore sui parte structum in cautibus marinis oppidum, toto illo spatio manu facta munimenta nulla desiderabat. Missis interea legatis, quamquam ad bellum magnos apparatus fecerant, magnasque copias, cum aliunde, tum etiam ex Italia, mercede conduxerant; si pax æquis conditionibus impetrari posset, pecuniam & classem pollicebantur. Pecuniæ mentionem non admisit Pyrrhus, urbes, quas occupaverat, retinere cupiens; de Lilybæo tamen concessurus videbatur. Sed amici Regis, civitatumque Sicularum principes, metu Carthaginensium vacauram esse insulam negantes, donec illi tantum valentes classibus Lilybæum, tanquam scalas quasdam ad excensionem faciendam paratas tenerent; perpulerunt, ut unam esse respon-

deret amicitiae conditionem, si universa Sicilia cedentes, utriusque imperii terminum esse mare paterentur.

XV. Ita spe pacis discussa, protinus ad urbem signa movit; neque procul maris castra metatus, manipulis ita dispositis, ut defessi a recentibus per vices exciperentur, oppugnationem orsus est. Sed Lilybætani, cum & numero propugnatorum, & machinarum apparatu juvarentur, locum tenuerunt. Tantam enim catapultarum scorpionumque vii Carthaginienses invexerant, ut murorum ambitus capiendis omnibus minime sufficeret. Cum igitur cujusque generis missilium velut imber quidam in Regios spargere tur, multique paucim caderent aut fauciarentur, incepit omiserunt. Machinas deinde & ipse fabricare instituit, praeter eas, quae Syracusis adychebantur: & effossis subter humum cuniculis, omnes obsidionum tentavit artes. Cum autem animose resistentibus Pœnis toto fere bimeltri nequidquam se fatigasset, videretque, donec apertus a mari obfissis aditus exitusque foret, expugnari Lilybæum non posse: obsidione soluta aliam in partem convertit impetum.

XVI. Quippe adversus Mamertinos freti accolas Graecæ quædam civitates fidem regis implorabant, super alias graves & crebras injurias etiam tributum pendere coactæ. Pyrrhus igitur exercitu propere ducto, cum iis in locis quædam Mamertinorum ad exigenda vectigalia missos comprehendisset, necavissetque: prælio cum occurrentibus facto discessit superior; ac multa eorum præsidia expugnavit diruitque. Et hactenus quidem rebus præclarissime gestis, eximiā sibi potentiam gloriāque Rex paraverat; præter alias virtutes etiam eximia humanitate amorem singulorum, studia civitatum, non adeptus magis, quam meritus. Sed felicitatem tantam, & quam existimare fundatissimam potuisses, momento fere dissipatam, præter levitatem ingeniiorum, quæ istis populis nunquam desuit, & amicorum intemperiæ, ipsius maxime Regis culpa traditur: qui ad-

versis egregius, secundis rebus, ut inter has ferme inferiores humanæ mentes sunt, in superbiam efferebatur.

XVII. Cum igitur, ut ante diximus, ad efficienda cœpta classem sibi necessariam esse duceret, naves autem haberet multas, sed parum instructas. a sociis navalibus; remigibus acerbe conquirendis valde offendit civitates: repente mutatus, & ex priori lenitate ad superba imperia, minasque, & postremo supplicia, præceps. Sed hæc tamen, quia communis boni specie tegebantur, utcunque tolerabant: postquam autem eos ipsos, quorum beneficio maxime Steliam obtinuerat, interimi videre; non paulatim, neque mora interposita, sed subito aversis animis, multi populi ab ejus amicitia desciscentes, ut cuique opportunitum erat, alii Pœnis, alii Mamertinis se applicaverunt. Adeo nimis crudelitas, etiam cum sola est, semper gravis, penitus fit intolerabilis, postquam adversus bene meritos exercita, propriis odiis etiam ingrati perfidique animi detestationem adjunxit.

XVIII. Hanc autem in necessitatem vi cuncta tractandi se maxime videtur induisse, dum pravis suorum cupiditatibus consiliisque nimis obsequitur. his enim opes, amicis aut necessariis Agathoclis adenitas, dono dabat; nihil quam fuerant illi melioribus: magistratus urbium præcipuos satellitibus aut centurionibus suis committebat, neque ex institutis aut moribus civitatum, neque in legitimum tempus, sed quomodo & quoad ipsi placuisse. Lites atque controversias publicorumque negotiorum administrationem omnem ad se traxerat, pleraque familiaribus committens, quos habebat avaritia luxuriaque detestabiles, qui cogendis per flagitium, perdendisque pecuniis pariter intenti, dum libidini suæ satisfacerent, jus injuriamque in promiscuo habebant. Irritatis ob hæc animis, missare primum homines, mox palam queri: *cur igitur prioris status pœnituisse, si nunc etiam toleranda eadem forent? frustra vocatum receptione Pyrrhūm, si fludeat æmulari mores, quos puniturus ad-*

venisset. neque acriorem ullius injuriæ sensum esse, quam cuius auctor haberetur idem ille, qui vindicta debuisset.

XIX. Jamque multi haud obscure studium novarum rerum præ se ferebant; cum ille ad pessima consiliorum conversus, augere causas offensionum, quam tollere, maluit: quasi, quod per injustitiam peccatum fuerat, emendari sævitia posset. Interea Carthaginenses, animadverso regem propriis viribus haud sane validum, quotidie minore apud Siculos affectu haberi, erecti in spem recuperandæ provinciæ, novum exercitum miserant: paßimque transfugientibus, qui Pyrrhi sævitiam metuebant, negotium Epirotis magnum exhibebant. Pyrrhus per causam Punici belli, præsidiis in urbes introductis, splendidissimum quemque falso prodictionis crimine oneratos necare instituit: his de medio sublatis, multitudinem facilius in officio mansuram esse ratus. Postremo Thœnionem & Sofistratum corripit, totius insulae longe principes, quorum præcipuis studiis imperio Siciliæ potitum fuisse ostendimus. Sed Thœnio quidem interfactus est: Sofistratus ad hostes effugit, non minus auctoritatis opisque collaturus ad ejiciendum Sicilia Regem, quam ad imponendum confirmandumque contulerat. 

XX. Tum igitur certatim plerisque ad Carthaginenses deficientibus urbibus, nonnullis ad Mamertinos; res Epirotarum ex florentissimi angustæ malæque redigi cœperunt. In hoc statu rerum non ingrata Regi sociorum Italorum legatio venit: quæ, ceteris omnibus amissis, vix paucas urbes hostem ægre a mœnibus submovere, questæ, honestum discedere cupienti prætextum præbuit, ut partibus laborantibus auxilio futurus, non ejeclus a Carthaginensibus, in Italiam reverti voluisse videretur. Abiturus, cum opes insulæ situmque, & hominum animos secreta cogitatione expenderet, dixisse fertur: *O amici, quam Romanis atque Carthaginensibus palestram relinquimus!* haud vano præfigio: quod paulo post longa inter hos bella, tot utrinque submersæ clasæ, tot acies cæsæ, satis superque impleverunt. Ceterum

hostium animis cum fortuna crescentibus, neque tutus ex Sicilia discessus Pyrro, neque in Italianam appellenti tranquillum ad Tarentinos iter fuit.

XXI. In ipso freto trajicientem adorti Carthaginenses, cum Epirotæ nulla ferme maritimorum rerum experientia, hominibus exercitatislimis pares esse non possent; septuaginta naves depressoerunt, ceteras reddiderunt inutiles. Ita cum duodecim navibus ex adverso prælio in Italianam effugit, qui navibus tectis amplius centum, & longe adhuc majori onerariarum actuariarumque numero cursum institerat. Sed undique collecto quod militum ex adverso prælio litora tenere potuerat, statim ita robustam effecit manum, ut R̄egii subito impetu expugnandi spem conciperet. Sed rejectus a Campanis Rhegium tenentibus, mox in periculum haud contemnendum incidit. Cum enim per loca cæca & saltibus impedita duceret, coorti ex insidiis hostes turbaverunt novissimum agmen, multosque milites cum duobus elephantis peremerunt.

XXII. Erat neque genere bellatorum, neque numero sfernenda manus. Deceni haud minus millia hominum in armis exercitatorum, Mamertini plerique: hi enim R̄eginorum amicitia & cognatione confisi, intellecto Pyrrhum in Italianam reverti constituisse, fretum priores transjece-
rant, & spe prædæ in opportunitate ad subitam irruptionem locis confederant. In eo certamine cum pro solita audacia Pyrrhus ante prima signa pugnaret; in capite vulnus accepit. Ad quod obligandum cum ex acie paulisper secessisset, quidam hostium magnitudine corporis & armorum cultu conspicuus longe ante alios procurrens increpavit eum elata voce, jussitque *prodire, si viveret*. Ibi Pyrrhus ardens ira, visuque & manante per faciem cruento terribilis, impetum in provocatorem, frustra retinentibus suis, vertit: occupatumque illata in caput plaga prosternit. Memoriam proditum est, eam gladii temperiem, eamque vim ferientis fuisse, ut infimum ad corpus vulnera continuato,

partibus utrinque dilabentibus, medium hominem eodem iactu dissecaret. Ejus spectaculi fœda novitate perculsi hostes, & ut majorem communi hominum forte virum reveriti, pugnam omiserunt.

XXIII. Pyrrhus hac molestia solutus, non ideo lætior agebat. Quod enim pars impedimentorum isto proelio amis- fa erat, & opes ex Siciliæ spoliis partas prioris cum Peñno pugnæ casus interceperat; in magna rei nummariae difficultate, cum poscentibus stipendia militibus non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem cum Pyrrhus animatis præsentia sua Regiæ factionis hominibus recepisset; multa in Locrenses fœda facinora edidit, cupidius & latius, quam interficti præsidii postulasset ultio, cædibus & rapinis in miseros grassatus. Postquam autem nihil supererat, quod conferre homines vellent possent, manus ad sacram pecuniam extendere cœpit, pessimis amicorum, qui plerumque nocentissimi cujusque contilii autores fuerant, cupiditatem ejus inflamnantibus.

XXIV. Erant autem hi Evogoras Theodori filius, Balacerque Nicandro, & Dinarchus Nicia genitus. Ii non suafores modo fuerunt Pyrrho, necessitati omnia cedere prædicantes; sed ministerium quoque suum sacrilegio præbuerunt: ingenti pondere auri, quod multos per annos subterraneis in specubus asservatum fuerat, cruto. Lætus ille, religione intempestiva nihil ineptius, opesque paratas non accipere dementis esse, dictitans, impositam navibus prædam Tarrentum avehi jussit: ipse terra est profectus. Ceterum facinus ei suum non turpius cœpto, quam infelicius eventus fuit. Subita tempestas adorta classem, ventis sub noctem mutantibus, qui ferentes hactenus fuerant, naves in tenebris circumactas partim in fretum expulit. Sed quæ sacram pecuniam vehebant, quassatae lacerataeque undis irrumpentibus, cum ipsis hominibus interierunt: pecuniam autem

reliquis ex naufragio tabulis hærentem, postridie quam exportata fuerat, in vicina fano litora fluctus retulerunt.

XXV. Re intellecta, thesaurum omnem diligenter conquisitum referri ad pristinas sedes jussit; pacem numinis, ut putabat, hoc facto impetraturus. Neque tamen ideo melioribus deinceps fatis usus est; omnes ejus conatus, etiam quibus consilium & virtus non abfuisset, eludente fortuna. Quam ille rem & postea constanter ad læsi numinis iram referebat, uti Proxenus historiæ scriptor, atque ipse in commentariis suis Pyrrhus memorat: & recenti adhuc malo, cum Proserpinæ sacrificans, multis hostiis litare non posset; exarsit adeo, ut cunctos infelicis consiliī auctores ac ministros, quique facinus istud aggressuro vel leviter consenserant, de medio tolleret. Atque hī quidem dignum moribus factisque suis exitum habuerunt: Pyrrhus autem institutum prosecutus, quieto deinceps itinere Tarentum pervenit.

XXVI. Romani, cum majorem in modum urgeret pestilentia, Pyrrhique in Italiam reditu belli timor crevisset, nihil adversus ista vel humani præsidii, vel divini intentatum reliquerunt. Vetus erat opinio, pestilentiam clavo ab dictatore fixo sedari posse: eam spem tum quoque tentatam, clavique pangendi causa dictatorem dictum esse P. Cornelium Rufinum, haudquaquam improbabilis conjectura est: cum & mali magnitudo ad omnia quærenda remedia stimulare nientes posset; & Rufinum anno sequenti a censoribus notatum fuisse constet, postquam bis consul & dictator fuisset: neque dictaturæ ejus vel certior inveniatur memoria, vel convenientior locus. Et adversus morbos quidem, ut potuit, provisum est: armorum cura majorem industriad contentionemque, præcipue ob difficultatem delectuum, postulabat. Nam præter diuturnitatem belli, etiam longo jam tempore infesta lues tedium rerum

§ XXIV. Dio & Dionys. ap. Valef. Suidas in Ἀριστος. Appian. Diodor. Liv. 7, 3. § XXV. Val. Max. 1, 1, 1. Suidas in παραιτησάμενος. Dionys. Appian. Plut. in Pyrrh. c. 53.

omnium hominibus injecerat : citatique juniores militiam mira obstinatione detrectabant. Sed pervicaciam istam severitas & constantia M. Curii Dentati secundum consulis fregit.

XXVII. Is enim, L. Cornelio Lentulo collega, magistratum jam iniverat. Cum igitur in Capitolio delectum haberet Curius, respondente nullo, vocabula tribuum omnium in urnam conjici, cumque Pollia tribus exiisset, quod ex ea nomen primum forte eductum erat, citari iussit. tacere perseverantis bona primum, deinde cum graviter de consulis injurya questus tribunos appellasset, ipsum quoque vendidit : *nihil opus esse reipublicæ eo cive, qui nesciret patere*, præfatus. neque tribuni auxilio fuerunt : & postea quoque salubris exempli judicata res in consuetudinem transiit ; ut delectu rite acto, qui miles factus non esset, in servitutem venderetur. Hoc terrore ceteri adacti ad nomina promptius danda : conscriptisque legionibus, quæ decretæ erant, in hosticum ambo consules moverunt : Lentulus in Lucaniam irruit ; Samnitas adortus est Curius. Excitus ad ejus rei famam Pyrrhus, lustrato Tarenti exercitu suo, peditum ferme viginti millia, tria equitum recensuit.

XXVIII. Cum his, & delecta Tarentinorum juventute, Samnum ingressus, Samnitas dicto minus audientes habuit ; tardiusque ad eum auxilia & infrequentius venere, animis non ob cladium modo magnitudinem fessis, sed etiam exulceratis, eo quod istarum causam Pyrrho imputabant, tam tristia non passuri, nisi proditis discessu suo Italicas sociis, expeditionem Siculam ille suscepisset. Verumtanien sic quoque magnis instructus copiis, partem eorum in Lucaniam, ad distinendum alterum consulem misit ; ipse Man. Curium oppugnare aggressus est, facilem sibi reliquam victoriam fore ratus, si hunc superavisset. Romanus autem, gnarus phalangi Macedonicæ, si explicari possit, nullam aciem parein esse, locis impeditis se tue-

§ XXVI. Pigh. in annal. Rom. Varro in Sat. Τέρπυτος διδούσκαλον. § XXVII. Val. Max. 6, 3, 4. Liv. Epit. 14. Cic. pro A. Cec. cap. 34. Plut. in Pyrrh. c. 54.

batur: & quoniam ex Lucania ventura sperabat auxilia, simul etiam auspicia & exta parum læta erant, copiam pugnandi minime faciebat.

XXIX. Tanto vehementius cupiebat configere Pyrrhus, priusquam duo consulares exercitus conjungerentur. Igitur assumtis ex omni exercitu promptissimis quibusque, præter aliquot elephantes, noctu, quo falleret hostem, ad castra Romanorum statuit accedere. Dum autem ad iter & oppugnationem futuram omnia apparantur, ipse in somnum lapsus majorem sibi dentium partem excidere, & ex ore copiosum erumpere sanguinem imaginatus est. Eo visu perplexus, abstinere in id tempus rebus gerendis decreverat; sed amicis obtestantibus, *ne occasionem forte non reddituram elabi pateretur*, signum ad proficiscendum dari jussit. Circa Maleventum urbem (hoc enim tum adhuc nomine erat) montosa, & silvestria loca sunt: quæ deinde paulatim æquioribus clivis demissa postremo, in planitiem late patenter desinunt, qui *Taurasini campi* appellantur. Itaque Pyrrhus ex inferioribus locis per objectos colles & saltus instituto itinere, cum lumina defecissent, erroribus & ignorantia locorum tardatus, luce jam orta ex castris Romanis conspici cœpit.

XXX. Commotis inopinato hostis adventu animis, quia tamen dubium haberi non poterat, quin pugnandum foret, extaque victimarum lætiora fuerant, consul celeriter ex castris progressus, primos quosque hostium divulsoſ a suis & incompositos adorit, pellitque. Hi in suos incurentes totum agmen turbavere; cæsusque est militum haud exiguus numerus, & nonnulli elephanti a suis relicti venerunt in potestatem victoris. Hic successus animavit Curiū, ut insistendum fortunæ putaret, & cum universis co piis ad pugnam instructis paratisque in campum se demitteret. Neque Epirenses moram fecere. Concursum est utrinque ferociter, sed quod priore certamine Romanus supe-

rior fuerat, plus etiam in præsens animorum atque spei attulerat. Cedentibus Epirotis, iterum a belluis subcidium petiit Pyrrhus, alteroque suo cornu fugiente, vicissim in altero Romanos ad præsidia sua pedem referre coegit.

XXXI. Firmam ibi stationem iturus in pugnam consul constituerat: hanc igitur recentibus viribus excipere prœlium, & elephantos amoliri jubet. Adversus hæc animantia promtam atque facilem opem usus monstraverat: ignique magis quam ferro averti posse superiores docuerant pugnæ. Parati igitur erant malleoli, stupa & pice multa obducti, quos incensos ardentesque in terga & turres belluarum jaculabantur: ii, five cuti elephantorum, five ligno turrium insedissent, uncis præacutis infixi hærebant. Cum igitur hi, & una varii generis missilia ex superiore loco confertim jacerentur, elephanti partim terrore flammæ, partim dolore vulnerum in furorem acti, cum amplius a magistris regi nequirent, in suorum aciem retrocesserunt, omnina, quo impetum verterant, trepidatione & clade miscentes. Narrant initium stragis ab elephanto pullo ortum, qui telo iictus in capite, cum stridorem querulum edidisset, matrem primum ad notam vocem exslientem, deinde hac etiam tumultum augente, ceteras belluas omnes turbaverit avertereque.

XXXII. Magna ea pugna & numero cæforum, & victoriæ fructu fuit. Tum enim debellatum est cum Pyrrho, neque ceteri deinceps Itali diu, neque post Italianam, aliæ nationes Regesque restiterunt. Triplo majorem ea pugna numerum in regiis partibus dimicasse tradunt. Octoginta enim peditum, sex equitum millia suisſe: ex his qui plurimum, sex & triginta millia; qui minimum, sex & vingtū cæsa memorant: captos mille trecentos, cum elephantis octo. Pyrrhus cum paucis equitibus Tarentum effugit. Capta ejus castra admirationi suisſe dicuntur, & in posterum usui. Antiquitus enim & Romani & alii populi castra passim per corpora cohortium constituere, mapaliorum in

morem, solebant: primus totum exercitum Pyrrhus dimensis rite spatiis sub eodem vallo continuisse fertur: atque illo exemplo adjutos Romanos; additis, quæ ex usu viderentur, ad metationem castrorum, quam sequentibus temporibus perfectissimam habuere, pervenisse.

XXXIII. Hic annus republica belli præclare feliciterque gesta, domesticis quoque rebus, & notabili severitate disciplinæ urbanæ illustris fuit. Q. Fabricius Luscinus, Q. Æmilius Papus, concordem censuram exercuerunt. multis equi publici ademti sunt; quidam etiam in Senatu legendō præteriti. Sed maxime insignis ad memoriam P. Cornelii Rufini nota fuit. Bis consul & dictator fuerat, rebusque magnis bello gestis triumphaverat. Hunc igitur Senatu moverunt censores, causamque isti animadversioni subscripte runt, *quod eum comperissent argenti facti cœnæ gratia pondo decem habere.* Isque casus non hominis modo, sed familiæ, ad longum deinde tempus fuit: nec ante Sullam dictatorem quisquam ex ea summis honoribus usus est. Tanta temporibus istis parsimonia, tantusque in eadem civitate postea luxus fuit, ut quæ supellex apud posteros contemtissimæ vilitatis argumentum futura erat, eadem a prioribus pro intolerabili luxuria damnaretur. Censu perfecto lustrum conditum est: censa civium capita ducenta septuaginta unum millia, ducenta, viginti quatuor.

XXXIV. In exitu anni consul uterque triumphantes Capitolium investi sunt. Prior Curius: cuius & triumphus cum fama rerum, & lætitia successus, tum etiam splendore pompa illustrior fuit. Nam ad eam diem ex vicinis & pauperibus populis in apparatu triumphi nihil ferme nisi armia fracta, aut carpenta Gallica; in præda, nili greges & armenta ducta fuerant; tum vero & varietate gentium, quarum captivi ante currum ducebantur, & spoliorum pulchritudine ac magnificentia, celebris species fuit: cum Epirotæ, Thessali, Macedones, Apuli, Lucani, Brutii, vinclî ante currum

¶ XXXII. Dionys. ap. Vales. Eutrop. 1. 2. Front. Strat. 4. 1.
¶ XXXIII. Zonar. Liv. Epit. 14. Agell. 4. 8. Plut. Val. Max. 2, 9, 4. Fasti Capitol.

agerentur: præferrentur autem tabulæ pictæ, signa nobilium artificum, aurum, purpura, ceteraque transmarinæ elegantiæ, & Tarëntini luxus instrumenta. Sed præcipui miraculi gaudiique spectaculum elephanti fuere. Cum ipsis turribus suis quatuor (nam reliqui ex vulneribus interierant) tum primum Romæ visi sunt: vulgus a nomine animalis, quod hactenus maximum noverat, & loci, ubi primum conspexerat, *boves Lucas* vocitabat.

XXXV. Alterius consulis paucos post dies obscurior triumphus fuit. Neque tamen illi pœnitendæ res fuerunt. Samnites & Lucanos vicerat; oppida multa ceperat, sed comparatione Curianæ gloriæ, horum splendor æstimatione decessebat. Inter eos, qui virtutis ergo donati sunt, Ser. Cornelio Merenda auream coronam ex præda dedit, ob Samniticum quoddam oppidum, ejus maxime opera captum. Romanis ad hunc modum victoriae suæ lætitia fruentibus, longe dispar animorum habitus apud hostes erat. Ii jam olim imperio Pyrrhi minime læti, post infelicem pugnam, animis timore atque indignatione plenis, nihil quietum agitabant. Rex ipse dudum Romani belli peritus, & nunc desperata penitus victoria, nihil nisi ratione tutius honestiusque discedendi meditabatur. Sed dissimulatio interea consilio, hortabatur socios, ne ob unum adversum prælium conciderent animis: non plus eos cladis postrema hac pugna accepisse, quam prima intulissent: neque ideo Romanos ad pacem etiam bonis conditionibus permoveri potuisse. horum constantiam si ipsi quoque æmularentur, seque fortunæ vertentii servarent, omnia commodius habitura; supercæsse vires ad hæc diuturno bello sufficiendas. In Græcia multos potentes amicos se habere, a quibus certa auxilia cæspectare posse.

XXXVI. Neque hæc incredibiliter fingebantur: cum & antea, præsertim a Ptolemæo, qui Macedoniam tum prærerat, luculenter adjutus fuisset: & in magna existimatione apud Græcos Læbarosque esset; aliisque beneficiorum memoria,

§ XXXIV. Flor. 1, 18. Senec. de brev. vitæ cap. 13. Eutrop. Plinius. § XXXV. Capit. Marmor. Plin. Just.

aliis metu devinctis, ab Ætolorum gente temporibus istis potentissima, ipsisque Macedonibus, præterea Illyriorum regulis coleretur. Ceterum hæc ita jactabat, magis ut desciscere parantes socios in fide retincret, donec aperto ad navigandum mari regnum repetere posset; quam quod aut bellum in Italia continuare vellet; aut magnam spem in transmarinis auxiliis haberet. Dimissis tamen circum Asiac Macedoniæque Reges legatis, ab aliis pecuniam, ab aliis auxilia, ab Antigono, qui Macedoniam tenebat, utrumque postulabat. Hac spe utcunque retenta sociorum voluntate, cum interea dissimulanter omnia paravisset ad discessum, legati cum litteris ab Antigono redierunt. Convocatis igitur suorum Italorumque principibus, non quidem quas acceperat litteras recitavit, sed ficticias alias, quibus paulo post ab Antigono auxilia magna affutura esse continebatur. +

XXXVII. Hoc astu non sociis modo delusis, sed etiam Romanis, qui propinquo loco præsidium agitabant; consecuta nocte citra ullum impedimentum vela fecit, Cerauniosque montes (Epiri id promontorium est) tenuit. Sed quo minori turpitudine deseruisse bellum videretur, fidesque hominibus fieret, perfectis quibus evocatus esset rebus reversurum, Milonem ad custodiā arcis Tarentinæ reliquit; eique, ut non modo spe præmiorum, sed etiam patris exitii metu in fide maneret, fellam dedit, cuius lora erant ex Niciæ pelle, quem compertis in caput suum insidiis occiderat. Huic igitur addito præsidio militum, cum ceteris copiis, octo peditum millia, quingenti equites erant, sexto quam exiverat anno, patrium in regnum reversus est. Interea Romæ cum comitia centuriata haberentur, Pyrrhusque bellum instauratus putaretur, M'. Curium refici consulem placuit; quod unus ille adversus Regem optime gesta re, ad reliqua quoque belli plus auctoritatis & fortunæ allaturus videretur. Ex patriciis Ser. Cornelius Merenda factus est, eum quoque provchente recenti glori., & com-

§ XXXVI. Dio ap. Vales. Pausan. 1. 1. Just. 23, 2. Polyæn. Strat. 6, 6.

mendatione gentilis sui, sub quo priore anno militaverat.

XXXVIII. His consulibus in Lucanos, Samnitesque & Bruttios conversa belli moles est. qui cum locis potius quam armis se defenderent, nihil rei ad reliquarum exemplum memorabilis geri potuit. Neque tamen imminuta inde Curii gloria est, sic quoque judicantibus omnibus, Regem acer- rimum, non modo cladem acceptam, sed etiam ducem ad- versus se denuo venturum Curium, exhoruisse. Confecti itaque belli hujus, fugatique ex Italia Pyrrhi penes illum laus atque fama permansit. Anno, qui tertium Curii consu- latum fecutus est, primum ab Alexandrinis Regibus legati cum muneribus Romam venerunt; in C. Fabii Dorsonis, C. Claudii Caninæ magistratu. Ptolemæus cognomento Philadel- phus, audita Pyrrhi fuga, gratulatum misit, petitumque, *ut populi Romani socius & amicus haberetur*. Lætum id honori- ficunque Patribus visum, quod amicitia Romana ultiro a tam potentibus tamque longinquis Regibus ambiretur. igi- tur comiter acceptis habitisque legatis, societatem cum Ptolemæo jungi placuit: simul delecti ex illustribus, qui confirmandæ ejus, reddendique officii gratia legatione ad regem fungerentur, Q. Fabius Gurses ex consularibus, & cum eo C. & Numerius Fabii Pictores, Quintusque Oguinius.

XXXIX. His profectis, adversus Italicos populos, qui arma adhuc necessitate & desperatione retinebant, a con- sulibus feliciter dimicatum est. Majores alterius res fuisse vias, triumphus C. Claudii Caninæ argumento est, quem de Lucanis, Samnitibus, Bruttis, in magistratu suo duxit Quirinalibus. Sed rerum fortis prosperarum lætitiam nontu- hil turbavit Sextilia, quæ Vestalis virgo cum esset, incesti comperta, temeratis religionibus, infensos civitati deos effecisse credebatur. Sed piaculis & sacris placata deum ira, sacerdos- que verso in noxiū caput suppicio, ad portam Collinam viva defossa est. Iisdem consulibus coloniae deductæ sunt,

§ XXXVII. Zonar. Plut. in Pyrrh. c. 59. § XXXVIII. Liv. Epit. 14. Eutrop. 1. 2. Zonar. Euseb. 2. 1729. Dio ap. Urs. Vai. Max. 4, 3, 9.

Cossa in Volscientibus, & in Lucania Pæstum, quæ Græcis Posidonia vocatur. Eam Lucani Sybaritis adenierant: ab his recens in ditionem populi Romani pervenerat. Illustrior anni sequentis memoria est, qui finem belli non adversum Samnitas modo ceterosque, sed etiam cum Tarentinis attulit.

XL. L. Papirius Cursor, Sp. Carvilius secundum consules, Samnites Brutiosque & Lucanum cum Tarentino populo provincias naœti, exspectationem hominum (nam in spem hoc anno finiendi belli par istud consulum studiose delectum fuerat) consiliis factisque magnificis expleverunt. Et Samnites quidem a Carvilio perdomiti, primum atque septuagesimum post annum, quam decertari coeperat, meliori quam antea fide conditiones pacis a Romanis impositas accepere. L. Papirius Bruttios & Lucanos magnis cladibus subactos ad pacem petendam compulit. Ut tamen in uno multorum finitimorum populorum bello, terminis quoque regionum ipsarum permixtis, etiam Papirio cum Samnitibus, Carvilio cum Bruttii. Lucanisque, & utriusque cum Tarentinis res fu^t. Nec enim modo copia Tarentinorum fusæ fugatæque; sed ipsa quoque civitas in fidem accepta est. Quod negotium, quia præter victoriani ex nobilissima urbe, Pyrrhi Regis mortem, & Carthaginensium calliditatem, & prima æmulationum inter Pœnos Romanosque initia continet, paulo accuratius explicandum est.

XLI. Pyrrhus ante biennium ex Italia sic abnavigaverat, ut, relicto in urbe Tarentina præsidio, spem reditus sui faceret. ea paulo post novo Regis istius in Macedonia successu non parum aucta, Italorum animos adversus præsentia damna sustentaverat. Vir enim ardentis animi cum diu quiescere non posset, Antigono, quod in Italia belligerantem nullis auxiliis juvisset, bellum intulerat, eunique proelio victum universo prope regno ejecerat. Unde Romanis

§ XXXIX. Marm. Capitol. Liv. Epit. Orof. 4. 2. Vell. 1. 14. Plin. 3. 5. Strab. 1. 5. § XL. Liv. 24, 9. id. 31, 31. ejusd. Epit. Zonar. Pausan. 1. 1. Plut. in Pyrrh. c. 57.

quoque continuus per ea tempora metus fuit, ne auctioribus copiis regressus in Italianam, majus priore bellum excitaret. Sed inopinata mors Regis spes metusque omnium subito incidit atque sustulit. Pyrrhus enim, ut erat potentiae in immensum augendae insatiabiliter appetens, per causam reducendi in regnum Spartæ Cleonymi, qui cum Areo dissidebat, Peloponnesum ingressus, ad illam etiam occupandam adjecit animum. Et Lacedæmonios quidem, licet urbe frustra oppugnata, magnis affectis incommodis.

XLII. Sed Argis interea, cum adversæ factiones duæ essent, principes earum Aristippus Antigonum, Aristias Pyrrhum ad opprimendos inimicos advocat. nam & Antigonus, contra communem hostem Laconibus auxilio futurus, in Peloponnesum venerat. Ita diversis portis, sub eandem noctem, utriusque Regis copiæ in Argivam urbem recipiuntur. Pyrrhus cognito urgeri suos, urbem & ipse ingressus, cum die jam oriente lupum & taurum ex ære, certantium inter se habitu, vidisset, imminentis fati indicio exhorruit. Oraculum enim erat vetus, fatalem Æacidæ locum fore, ubi taurum cum lupo dimicantem spectavisset. Igitur retrahere copias, & ex urbe recedere cogitabat. Sed occurrentes cum Heleno Pyrrhi filio subsidiarii milites elephantique, clauerant exitum: hisque in urbem irrumpere, illis exire nitentibus, cum hostes etiam acriter insisterent cedenti turbæ, & in angustis viarum spatiis Argivi, Macedones, Epitotæ, qui que cum Areo venerant Spartani Cretesque, ad hæc elephanti quidam truderent inter se trudcerenturque; omnia trepidatione & tumultu miscebantur.

XLIII. Dum inter hæc Pyrrhus ubique consiliis, clamoribus, manu, servare suos, arcere hostes, fatagit; a juvenc quodam Argivo lancea leviter vulneratus est. Matrem hic habebat anum pauperculam, quæ cum aliis mulieribus ex techo domus prælium spectans, cum Pyrrhum in auctorem vulneris sui toto impetu ferri videret, periculo filii attincta, protinus tegulam corripuit, ac utraque manu libra-

tam in caput Regis demisit. Tam in honorus & miserabilis exitus Pyrrho fuit, quo majorem animi robore, solertia consiliorum, scientia rei militaris, multisque præterea corporis ingeniique bonis, ætas illa non tulit. Sed fructum laboris operumque suorum, & ornamenta virtutum, ambitione corrupit, felicior futurus, si suis rebus contentus; potentissimus autem omnium, si quam in quærendis opibus industrios fuit, tam in retinendis circumspectus esse potuisset.

XLIV. Hæc igitur postquam in Italia sunt audita, pro variis hominum studiis, lætitia luctuve civitates affecere. Sed alii quidem populi, qui suæ spontis erant, pacem amicitiamque Romanorum, quibus poterant conditionibus, redimebant: Tarentinum, ne suis consiliis uteretur, præsidium Epirotarum & præfectus arcis Milò vetabat. Inter quos res paulatim ex levioribus injuriis atque contumeliis in apertas inimicitias processerat. Itaque maximis in difficultatibus constituti Tarentini, cum extra mœnia Romanos hostes, intus Epirotas haberent; missis legatis auxilium a Carthaginiensibus petiverunt. Poeni, qui Siciliæ magnam partem tenerent, & maritima Italiam loca sibi, quam Romanis, accedere mallen; specie ad ejiciendum Milonem, ceterum si Tarento potirentur, etiam adversus Romanos tuituri, cum instructa classe promte accurrerunt. Cum inter hæc etiam L. Papirius consul advenisset, undique clausa Tarentus erat, Romanis a terra urbem simul arcemque, Poenis eandem arcem a mari obsidentibus.

XLV. In hoc statu rerum, cum haud minor Romano cura esset, ne Carthaginienses arcem caperent, quam ne a se non caperetur, omnes victoriæ rationes subtiliter indagans, Milonem per idoneos internuntios tentat, si Tarentum ejus opera obtinuisset, ipsum popularesque cum rebus suis incolumes dimissurum esse, pollicitus. Milo nihil ex præsentibus videns potius, cum Tarentinis agit, ut junctis con-

§ XLIII. Strabo I. S. Ovid. Dionys. ap. Vales. Just. 25, 4 &
5. § XLIV. Zonar. Orof. 4, 3. Liv. Epit. 14.

filiis de communi salute deliberarent : sensimque persuadet, ut se legatum ad L. Papirium mitterent, de conditionibus ex omnium utilitate ferendis diligenter aeteturum. Ut homines tædio curarum periculorumque fessi lubenter assensi sunt, ad consulem identidem profectus, quocum fallaciam istam composuerat, luculentas plerumque conditiones, & spem non pœnitendæ pacis certam referebat. Ea credulitas, si quid in animis Tarentinorum diligentiae ac curæ superfuerat, securitate fiduciaque resolvit : occasionemque Miloni præbuit, qua non arx modo, sed etiam urbs ipsa Romanis traderetur.

XLVI. Carthaginenses hoc eventu minime læti, sed *amicos Romanorum se ferentes, neque aliam ob causam, quam ad expellendum Milonem venisse, discesserunt. Auctores habeo, Pœnos a Romanis monitos, si Tarentinæ rei se immiserent, contra fœdera facturos videri, non modo denuntiationem hanc insuper habuisse, verum etiam in acie Tarentina contra Romanos auxilia Punica stetisse: qua ex offensa maxime bellum, quod adversum Carthaginenses in Sicilia gestum est, eruperit. quanquam Pœni perjurio culpam tegere volentes, nihil ab se dolo malo factum esse, juravissent. Ego sicut non abnuerim, vel inter ipsos duces tale quid agi potuisse; dum Romanus Pœni præsentiam ægre patitur, Pœnus instituto suo quam potest causam prætexit; vel populos ipsos publice isthæc disputavisse: ita veriores belli mox exorti causas alias fuisse existimo; quod neque statim bellatum est, & postea natum in Sicilia bellum, ob Mamertinos præcipue, manentibus adhuc Punicis fœderibus, exarsit. Aucto ad hunc modum imperio, redeuntes Romam consules a gratulantibus excepti, magno omnium favore, magnaque sua gloria triumpharunt.*

XLVII. Inter hæc Q. Fabius Gurges & ceteri, qui missi Alexandriam fuerant, in Senatu legationem renuntiarunt: *Omni se genere hospitalitatis ac benevolentiae acceptos habitos-*

¶ XLV. Front. Strat. 3, 3. § XLVI. Zonar. Oros. Liv. Epit. Gotef. Viterb. Paul. Diac. hist. misc. 2, 23.

que : munera venientibus magnifica missa : majora etiam data discedentibus. Sed priora quidem illa modeste recusari , magis ex dignitate abstinentiae Romana visum esse : cetera , quæ omnino recipienda fuissent , a se prius quam aliarum rerum quidquam agerent , in ærarium populi Romani delata esse. Sed & Alexandriæ , cum ad solennes epulas invitatis , more apud Reges usitato , coronæ aureæ missæ essent , eas omnis causa acceptas , noctu statuis Regis imposuisse. Senatus & successu legationis , & gravitate legatorum mire lætus , gratiis actis , quod sua continentia mores Romanos externis quoque nationibus venerabiles reddidissent , restitui munera , quæ in ærarium detulerant , præcepit. Continua populus , ita demum rem publicam optime gestum iri , dictitans , si ditescendi ex publicis negotiis infame studium tolleretur , idem scivit : quæstoribusque pecuniam eam , uti jussi erant , promte restituentibus , digni hoc abstinentiæ fructu homines , pari gloria & recusarunt Ægyptias opes , & receperunt. Q. Fabium , qui caput legationis ejus fuerat , hoc quoque nomine prælatum tot egregiis viris existimo , ut a Censoribus M'. Curio , L. Papirio Princeps senatus legeretur : cum nobilitate domus , & paternis meritis , simul consulatibus duobus totidemque triumphis , nulli jam honori impar videretur.

XLVIII. Iisdem consulibus M'. Curius censor Anienis amnis aquam in Urbem ducendam locavit , ex manubiis hostium. Ex quibus adeo privatim ditari noluit , ut aliquando , cum a malevolis interversæ pecuniæ argueretur , gutto ligneo , quo ad sacrificia uti consueverat , in medium pro Jato , juraverit , se nihil præterea de præda hostili suam in dominum intulisse. Vir profecto tum rerum gestarum magnitudine , tum etiam aliarum virtutum illustribus experimentis meritus , ut quædam ejus insigniora dicta factaque , modo excursu annotentur. Neque vero indignum , aut historiæ condendæ officio alienum judico ea referri , per quæ homines in republica versaturi , haud sane minus quam consiliis

§ XLVII. Marm. Capitol. Just. 18, 2. Val. Max. 4, 4, 9. Tacit. 2, 57. Zonar. Front. de aquæduct. Plin. 7, 14.

operibusque militaribus, ad felicitatem ex virtute petendam instruantur. Bello Sabino cum tantum prædæ fuisset, ut tum primum Romanos gustum divitiarum cepisse scriptor historiæ Fabius autem, Curius nihil ex tam opulenta victoria, præter conscientiam famamque, sibi vindicans, in pristina paupertate duritieque mansit: etiam publicæ continentiæ magister idem idoneus, & severus custos.

XLIX. Agri enim captivi parte maxima publicata, privatis haud amplius quaterna dena jugera viritim divisit; ipse, cum senatus majorem ei portionem assignaret, eodem quem ceteris dederat agri modo contentus fuit, *malum esse civem dictans, cui non idem, quod aliis, satis esse posset.* Hæc deinde in Sabinis villa Curiana fuit, in qua forte rapa torrentem victi nuper Samnites cum adivissent, ingensque pondus auri afferrent dono; *ego hæc, inquit, in fictilibus meis esse malo, & aurum habentibus imperare.* Cui villæ cum vicina prædia senior Cato possideret, eo ventitabat crebro, tenuemque casam, & ruscum, quod vir tantus post tres triumphos manibus suis foderat, cum recordatione vitæ abstinentissime actæ contemplatus, animum ad parem constantiam, antiquæ simplicitatis & virtutis æmulatione componebat. Et profecto viris haud aliis opus fuit ad imperii futuri tam firma ponenda fundamenta, quæ & impositam molem perferre possent, & non exteris modo concutientibus resisterent, sed ipsis quoque domesticis vitiis ægre vixque convellerentur.

§ XLVIII. Au&t. de Vir. ill. c. 30. Strab. I. 5. § XLIX. Plut. in Apopht. Front. Strat. 4. 3. Plin. 18. 3. Au&t. de Vir. ill. Cic. in Catone. Plut. in Cat. maj.

JOANNIS FREINSHEMII
 SUPPLEMENTORUM
 LIVIANORUM
 LIBER V.
 IN LOCUM LIB. XV LIVIANI.

E P I T O M E
 LIBRI DECIMI QUINTI.

Victis Tarentinis pax & libertas data est. Legio Campana, quæ Rhegium occupaverat, obsessa, deditione facta, securi percussa est. Cum legatos Apolloniatum ad senatum missos quidam juvenes pulsassent, dediti sunt Apolloniatis. Picentibus victis pax data est Coloniae deductæ, Ariminum in Piceno, Beneventum in Samnio. Tunc primum populus Romanus argento uti cœpit. Umbri & Sallentini victi in dedicationem accepti sunt. Quæstorum numerus ampliatus est, ut essent octo.

SUPERATIS post multa certamina validissimis hostiis, partaque per Italiam pace, supererat ea deliberaatio Patribus, quemadmodum Victoria bene uterentur. Multari parte finium omnes, qui arma contra tulerant, populos placuit: severiore adversum Tarentinos vindicta, quanto intemperantius offenderant. arma navesque tradere jussis,

muri quoque diruti sunt, tributumque civitati impositum: pax modo cum libertate concessa. Nihil deinde visum antiquius, quam perfidiam puniri legionis, quæ Reginis do-
lo circumventis, oppidum eorum decimum jam annum pro suo possidebat. Hi cum ante providissent, Romanis rebus quotidie lætioribus, suum scelus inultum non fore, quid-
quid ad communiendo urbem, viresque defensioni pa-
randas pertinebat, sollicite administraverant: non ignari,
quod fraude vique partum esset, nisi iisdem illis artibus diu
retineri non posse. Præter infitam ferociam freti erant ami-
citia Mamertinorum; successuque adversus Carthaginien-
ses, deinde Pyrrhum, quo urbis suæ animorumque forti-
tudinem experti fuerant, hostibus ab obsidendi consilio cito
depulsi. Itaque in tantum creverant rebellium & deserto-
rum animi, ut Crotonem prodentibus quibusdam capere
ausi, præsidium Romanum trucidare, urbem diruere su-
stingerint.

II. Igitur L. Genucio, qui cum C. Quintio consulatum
eo anno gerebat, mandata est ultio: compulsisque intra
mœnia perduellibus urbs obsecsa. Sed illis suas & Mamer-
tinorum vires non instrenue opponentibus, cum incom-
moda quædam paſſus consul etiam rerum necessiarum pen-
nuria laboraret, ab Hierone, qui Syracusis principatum ob-
tinebat, frumento & milite adjutus est. Hic enim Mamer-
tinis infensus, etiam focios eorum Rhegium tenentes ode-
rat: incrementis quoque Romanorum, ut eorum animos ad
usumi sequentium temporum beneficiis occuparet, move-
batur. Sic ad extremum ad deditioñem urbe coacta, Ma-
mertinos certis conditionibus adstrictos dimisit consul, per-
fugas & latrones, quorum multi Rhegium, velut ad asyl-
lum concurrerant, affecit suppicio: legionarios autem mi-
litites abduxit Romam, ut de ipsis Senatus statueret.

III. Magnum inde publicæ severitatis exemplum se-
quitur. Senatus primum ^{omnes}, qui adducti a consule fuerant, in

§ I. Zonar. Liv. Epit. 15. Polyb. 1, 7. Oros. 4, 3. § II. Zonar. Liv. Epit. 15.

carcerem condì jussit : ut inde ad supplicium capitis promerentur. Deinde , cum intercessisset Senatusconsulto tribunus plebis M. Fulvius Flaccus , denuntians , ne in capita civium Romanorum *adversus leges & morem majorum animadverteretur* ; constantia Patrum tribunitii clamores spreti sunt : suppliciumque de nocentibus sumtum. Ne tamen invidia facta tam acerbi , plebisque mœstitia gravior foret , si tanta hominam multitudo eodem tempore interficeretur ; singulis diebus quinquaginta ducti sunt , quos virgis cæsos securi percusserunt. Senatus etiam corpora sepeliri , mortemque cum iusquam eorum lugeri vetuit. Decius Jubellius , qui ad eam usque diem oculis suis superstes vixerat , ut majore cum dolore moreretur , in carcere manus sibi attulit. Plures autores secutus legionem totam , hominum millia quatuor Romæ in foro securi percussa retuli.

IV. Sed verius puto , quod a Polybio traditur , ex ea locione vivos in potestatem venisse admodum trecentos ; reliquum numerum , dum urbs capitatur , ferociter repugnando cædi maluisse , non ignaris omnibus , post delicta tam enormia , nihil ex dedicatione aliud , quam plures cruciatus , mortemque graviore cum ignominia conjunctam exspectari posse. Urbs Reginæ prioribus incolis , quod eorum iusquam reperiri conquerique poterat , cum libertate legibusque suis , redditæ est. Hoc iustitiae fideique documentum Romanæ civitatis existimationem largiter auxit : neque minus amoris eo facto , quam per arma metus , apud Italicos vicinosque populos quæsumum. C. deinde Genuci , Cn. Cornelii consulatus bellum cum Sarsinatibus habuit. Umbrorum ea gens Apenninum incolentium , quibus causis in arma fuerit acta , quaque spe formidabili jam Romanorum potentiae se opposuerit ; silentibus scriptorum reliquiis , divinare non potui. Totius etiam belli series penitus intercidit , nihilque ad nos ex veteri rerum istarum memoria pervenit , nisi quod a Cn. Cornelio de Sarsinatibus triumphatus est.

§ III. Val. Max. 7. 2. 15. Front. 4, 1. Appian. ap. Vales. § IV.
Liv. 28, 28 & 31. 31. Polyb. 1, 17 & 2, 16.

V. Asperrimam his consulibus hiemem fuisse Romæ traditur; ut arbores emortuo succo aruerint, Tiberis densa glacie concreverit, jumenta & pecudes inopia pabuli contabuerint. tantaque fuit inclemensia cœli, ut in foro Romano nives horrendæ altitudinis per dies quadraginta continuos duraverint. Res inusitata, ut fit, a multis prodigii loco habita, vehementi terrore hominum animos percudit: intentiore statim metu, cum Q. Ogulnio Gallo, C. Fabio Picatore magistratum ingressis multa cernerentur ostenta, multa nuntiarentur. Romæ enim ædes Salutis, & pars muri sub eodem loco, de cœlo tacta. Lupi tres ante lucem Urbem ingressi semesum cadaver intulerunt, membratimque laceratum, in foro, ipsi strepitu hominum exterriti, reliquerunt. Formiis mœnia fulmine saepius icta disjectaque nuntiabantur: & in agro Caleno diducta repente terra flammam erupisse alatam, quæ triduo toto flagrans quinque agri jugera usque in cinerem exufferit, ut non modo fruges eo loco cunctæ, sed etiam arbores radicibus emorerentur. Plus ea res timoris Romæ, quam calamitatis attulit. Nihil enim magnopere consecutum est, nisi quod bellum a Picentibus ortum, annoque sequente consecutum, eam quoque regionem Romanæ ditioni adjecit.

VI. Interea in Urbe signandi argenti primum initium fuit, auctis jam successu rerum opibus, cum ad eam diem æ tantummodo Romæ in promiscuo pecuniae usu fuisset, tum autem denarii quinariique ex argento eusi, qui pro libris totidem æris essent; aliisque minores, qui dupondio & semisse cum æstimarentur, ex re sunt festertii appellati. Moneta dicta, quod in æde Junonis Capitolina cuderetur. Cognomen enim illud inditum Junoni fuerat, quod bello Pyrrhi & Tarentino consulentes de pecuniarum inopia Romanos monuisset, pecuniam non defore justitiam & armæ colentibus. Consules Q. Gallus, C. Fabius ad comprehendendum Lollium Samnitem profecti sunt: qui cum obses Romæ

§ V. Column. Capitol. Zonar. Aug. de civ. Dei 3, 17. Oros. 4,
4. Eutrop. l. 2.

fuisset, clam elapsus, castello quodam occupato faciebat. Iatrocinia: populariumque animos vix adhuc certa pace compositos, ad defectionem incitabat.

VII. Atque is quidem cum collectitia & maximam partem inermi turba non diu restitit; in Caricinis (ea quoque Samnii pars est, Frentanis propior) laboris periculique plurimum fuit. Dum locus munitus, qui praedarum Lollio receptaculum fuerat, expugnatur; ancipiti casu, ex spe magna in timorem, ex timore ad victoriam subito ventum est. Inducti quidam ex propugnatoribus impunitatis pacto, nocte sublustri Romanos intra moenia receperunt. Concurrentibus ad tumultum oppidanis, cum manus conseri cœpisset, magna vis nivis repente cœlo delapsa conspectum eripuit præliantibus. Ea res Caricinis adversus locorum ignaros ita profuit, ut maximo in discrimine Romana signa versarentur: jamque prope aberat, ut cogerentur referre pedem, quod inter tenebras fieri citra magnum detrimen-tum nequibat; cum subito, cessante nivium casu, reddit a luna est; cæcoque metu liberatis promitum ad victoriam iter virtute partum. Ex turbæ impedimento videntur fuisse, ne Picentes iis consulibus perdomarentur.

VIII. In sequente autem anno P. Sempronius Sophus, Appius Claudius Cæci F. Crassus consulatu inito bellum illud aggressi, rem ex sententia confecere. Sub eadem ista tempora in Piceno, qui ager Senonum Gallorum fuerat, Ariminum colonis occupari placuit; Maleventum in Samnio: sed nomine, quod ominosum esse videbatur, mutato, Beneventum colonia dicta est. Sabinis, qui ante aliquot annos accepti in civitatem fuerant, tum suffragii quoque jus datum. In Umbria res etiam a Claudio gestæ, Camarinumque oppidum captum: incolæ sub corona venditi. sed quia parum liquida fide gestum ab imperatore bellum videbatur, utilitatem populus Romanus justitiæ posthabuit: conquisitosque Camertes redimi ab emitoribus, receptisque in civita-

§ VI. Liv. Epit. 15. Zonar. Plin. 33, 3. Suid. in Mörniss.
§ VII. Ptolem. Zonar.

tem locum ad habitandum in Aventino colle assignari, & prædia sua restituui, jussit.

IX. At Picentinæ victoriæ majus gaudium fuit: resque digna visa, quæ denariis argenteis nuper cudi cœptis impressa, & pluribus statim innotesceret, & ad memoriam servaretur posteritatis. Nummos Picum repræsentantes, Saturni filium (nam is gentis auctor creditur) & ab alia parte dextram a magistratu Romano porrectam supplicanti, ex senatusconsulto cudendos curavit Q. Cædicius Quinti filius. Et certe luculentam ea gente pacata virium accessionem factam vel inde constare potest, quod trecenta sexaginta Picentum millia in fidem populi Romani venisse traduntur. Eo bello triumphum consules meruerunt duxeruntque: insigniore tamen P. Sempronii gloria, quod adversus validiores hostium copias, periculoque & contentione majore certaverat. Res enim prodigiosa tum accidit, ut instructa utrinque acie, sub ipsum committendi prælia tempus, terra subito moveret.

X. Sed consul apta tempori oratione territos militum animos confirmavit: *haud minus hostes religione non necessaria perturbatos dictitans, ejusque victoriam fore, qui excusso inani metu adversarium sui non bene compotem prior invassisset. Templo deinde Telluri deæ voto, si populo Ramano victoriam dedisset, impetum in hostes fecit.* Neque hi segnius excepere certamen, cædesque tam atrox fuit, ut etiam viatoris exercitus pars minor evasisse dicatur. Ab hoc prælio, cum alia Picentium oppida, tum caput gentis Asculum, situ murisque tutissimus locus, Sempronio se dediderunt. Hujus deinceps exemplo Picentium omne nomen imperata facere pollicitum, a Senatu pacem obtinuit. Iam Italia tota, qua Siculum Joniumque mare spectat, perdonita, soli restabant Sallentini, qui ad extremas Italie oras colunt, qua mare superum Jonio committitur. ad hos igitur a Picentibus

§ VIII. Eutrop. l. 2. Vell. 1, 14. Liv. Epit. 15. Val. Max. 6, 5, 1. Pigh. in ann. 485. § IX. Plin. 33, 3. Col. triumph. Eutrop. l. 2.

bellum, veluti contagione quadam pervasit, iisque M. Attilio Regulo, L. Julio Libone consulibus indictum est. Crimini datum, quod Pyrrhum ex Epiro venientem, portibus oppidisque suis receperissent.

XI. Ceterum commoditas portus Brundusini, qui eodem vento spirante & dimittere naves potest, & accipere, facilisque inde in Illyricum & Epirum trajectus, quodque opportunius videbatur ipsis Italæ finibus imperium terminare, veriores belli causæ putabantur. Triumpharunt ex his ambo consules una die, quæ fuit octava Kalend. Februar. Fusis acie Sallentinis, nobilissimum eo tractu oppidum Brundusinum ceperant: aliaque prospere gesserant: adjuti, ut ferebant, a Pale pastorum dea, quæ *præmium victoriae* petiisse ultro dicitur, *ut aedes sibi Romæ dedicaretur*. Majori parte Sallentinorum ab his subacta, victoriam sequentis anni consules absolverunt. Numerius Fabius C. F. M. N. & D. Junius D. F. D. nepos Pera fuere. Ab his Umbri simul atque Sallentini in ditionem accepti.

XII. Sic universa jam Italia perpacata, qua maribus & amne Pado finitur, e vestigio per insulas propinquas, & ad sitam Jonio Adriaticoque pelago continentem, aliorum spe, aliorum formidine celebrari Romana magnitudo cœpta est. Nam quibus studium erat per injurias vicinorum crescendi, suis consiliis impedimentum a Romano metuebant: aliis ex diverso praesidium istud adversus impotentiam adversariorum, tanquam divinitus oblatum amplexantibus. Primi omnium Apolloniatae missis Romam legatis in amicitiam recipi petierunt. Urbs illa sexaginta stadiis a mari recedit, a Corinthiis & Coreyræis condita, commodumque portum habet, qua proximus in Græciam a Brundusio trajectus est. Illyricæ Macedonicæque circum gentes colunt: igitur inter potentes & cupidos libertatem suam ægre tuebatur. Ab Senatu non tam civitatis ejus opes, quæ tenues

§ X. Front. Strat. 1, 12. Flor. 1, 19 & 20. Oros. 4, 4. Strab. 1, 6. Liv. Epit. Entrop. §. XI. Ænn. 1, 6. Zonar. Column. triumph. Flor. 1, 20. Liv. Epit.

erant, quam spem futuri, & apertam ad majora occasionem reputante, perquam humaniter accepta est legatio. quo gravior mox vindicta fuit in quosdam ordinis Senatorii juvenes, qui legatos orta contentione pulsaverant.

XIII. Q. enim Fabium neque magistratus dignitas, ædilitatem enim gerebat, neque generis amplitudo tutata est, quin Apolloniatis ob eam noxam dederetur. Deditus est etiam Cn. Apronius itidem ædilis, ejusdemque culpæ reus. *Hos igitur per faciales legatis Apolloniatarum tradi, quæstoremque cum his Brundusium ire Senatus censuit, ne quid in itinere legatis a deditorum propinquis amicisve noceretur.* Magnum sane fidei publicæ documentum; sed non inferius prudentiæ: cum enim opinione justitiae nationum exterarum animos ad amicitiam suam attrahere desiderarent; magnopere intererat, injurias eorum, qui primi ad societatem jungendam venissent, quam accuratissime vindicari. neque enim quidquam destinatis eorum tam inimicum fieri potuisse, quam si commissum esset, ut & Appolloniatas facti sui, & alios exempli poeniteret. Atque ab hac utilitate receptum, constanterque secutis etiam temporibus servatum est, ut qui legatos civitatis liberæ pulsavissent, iis, quorum erant legati, dederentur. Ceterum Apolloniatae deditis in suum oppidum adductis, plus se commodi ex humanitate, quam ex vindicta, consecuturos prudenter arbitrati, domum incolumes remiserunt.

XIV. Hoc anno ab utroque consule, bini sunt triumphi ducti. D. Junius ante diem quintum Kal. Octobres, Numerius Fabius ante diem tertium Nonas ejusdem mensis de Sarsinatibus Umbrorum populo triumpharunt: iterum Kalend. Febr. Fabius, Nonis Junius, de Sallentinis & Mefapiorum gente, quæ Sallentinos accolas auxiliis juverat. Is finis eo tempore bellorum Italicorum fuit. Nam quod anno sequente, Q. Fabio Gurgite tertium, L. Mamilio Vitulo consulibus, ad Volsinios gestum est, non cum justis

§ XII. Strab. l. 7. Liv. Epit. § XIII. Dionys. ap. Vales. Zonar. Val. Max. 6, 6, 5. L. 17. ff. de leg.

hostibus bellum, sed adversum scelestia servitia pro sociis ultio fuit. Etruscorum gens opulentissima Volsinii fidem populi Romani contra servos quondam suos implorabat. Usi enim inepto consilio, sive quod superioribus bellis attritae vires ita recreari posse sperabant; sive deliciis ipsi diffuentes, armorum laborem fugiebant: servis libertate & civitate donatis, ea permiserunt. Inde communicatis etiam honoribus in Senatum legi, magistratusque fieri cœperunt.

XV. Ita brevi oppressis veteribus civibus, translataque in se republica, datam a dominis libertatem adversus ipsos insolentissime exercuerunt. Matronas honestas virginesque per vim constuprati: maritis parentibusque de injuria conquerentibus pro vindicta legum, contumelias & Iudibria rependi: arbitrio petulantissimorum nebulonum rapi, trahi, vexari omnia, Volsiniis jam in morem venerat. Neve prætereatur insigne monumentum, quem ad finem servilium animorum belluina impudentia poslit procedere, si nacta potentiam fuerit; lege lata sanxerunt, *uti libertinis in patronorum filias ac uxores stupri jus esset: floremque virginis ingenuo nupturæ primum aliquis ex suo ordine delibaret.* Volsinienes igitur veteres, cum neque ferre diutius miseras istas, neque propulsare viribus suis possent; consilio clam inter se habito, legatos Romam mittere decreverunt. Ii secretis precibus impetrato, *uti privatis in ædibus Senatus cogeretur:* perniciem enim sibi, si res emanasset, impendentem prospiciebant: oratione flebili calamitates urbis suæ exposuerunt. qua moti Patres, opeū miseris ad recuperanda pristina jura promiserunt.

XVI. Sed hæc cum acta secreto putarentur, iis, qui fuerant accusati, per Samnitem quendam indicata sunt. Is, cum in ædibus, ubi Senatus convenerat, hospes domini ægrotaret, per oblivionem eo in loco relictus exceperat dicta, prodideratque. Quæstiones igitur de legatis Roma reversis habitæ sunt; compertoque negotio, & ipsi & prin-

§ XIV. Flor. 1, 21. Jo. Antioch. ap. Vales. § XV. Zonar. Val. Max. 9, 1, 2. Aut̄. de viris ill. c. 21.

cipes alii civitatis crudeliter imperfecti. Eo justior inferendi belli causa visa: missusque cum exercitu Q. Fabius Cos. occurrere ausos in fugam vertit, magnumque fugientium numerum cecidit: ceteros, qui intra munitamenta se receperant, actis operibus oppugnare instituit. Sed illis non segniter resistentibus, cum levia, ut solet, certamina crebro fierent, consul, dum incautius inter tela versatur, vulnus accepit, & in ejus deinde curatione decepsit. Obselli, casu eo cognito, eruptionem summis viribus fecere, sperantes, exercitum interitu ducis turbatum, si subito invaderetur, a mœnibus submoveri posse.

XVII. Verumtamen eventus prœliai contra dedit: excepti ferociter a militibus Romanis, & in urbem iterum cum clade compulsi sunt. Huic ego pugnae Decium Murem præfuisse crediderim: hic enim legatus esse Fabio, & post necenij ejus, donec successor veniret, bellum administrare potuit. atque inde esse reor, quod apud negligentiores historicos, Volsiniensis belli coepiti finitique titulus Decio Muri adscriptus est. Censores eo anno creati Cn. Cornelius L. F. Cn. N. Blasio, & C. Marcius, qui cum antea quoque censuram gessisset, in hoc honore Censorinus appellatus est. Memorabilis hujus Marcius moderatio fuit, qui accepta potestate, quam non ambiverat, populum ad concionem vocatum gravissima oratione increpuit, *quod magistratum illum bis eidem mandavisset, cuius tempora, non aliam ob causam, quam quia nimia potestas ejus esset, coarctanda sibi majores judicassen.* Inde profecta lex est, qua cautum, ne quis Censor iterum fieret.

XVIII. Eodem anno Quæstororum numerus ampliatus est. Quatuor hactenus suffecerant: urbani duo: totidem ad bellum exeuntibus consulibus adjungebantur. Sed proximis aliquot annis, aucta majorem in modum republica, vectigalibusque ac portoriis multis accendentibus, duplicari numerum istum necesse fuit. Appius deinde Claudius, qui

§ XVI. Jul. Obseq. de prodig. c. 27. § XVII. Auct. de Vir. ill. c. 36. Marni. Capitol. Valer. Max. 4, 1, 3.

in magistratu Caudex cognominatus est , & M. Fulvius Flaccus consules sequuntur : annus cœpto primum adversus Poenos in Sicilia bello memorabilis. Tum enim inter duas potentissimas civitates inimicitiae primum erupere , quæ multos post annos , illatasque & acceptas horrendas clades , non nisi alterius excidio finiri potuerunt. Sed prius de Carthagine quædam altius repetenda sunt , quam ad bellorum istorum expositionem accedamus. erunt enim his in rebus enarrandis multa intellectu judicatunque difficiliora , nisi primum origo urbis & incrementa cognoscantur.

§ XVIII. Plut. in Coriolan. c. 1. Liv. Epit. 15. Tacit. 11, 12,
6. Agell. 17, 12.

JOANNIS FREINSHEMII
 SUPPLEMENTORUM
 LIVIANORUM
 LIBER VI.
 IN LOCUM LIB. XVI LIVIANT.

EPI TOME
 LIBRI DECIMI SEXTI.

Origo Carthaginensium & primordia urbis eorum referuntur: contra quos & Hieronem regem Syracusanorum auxilium Mærtinis ferendum censuit Senatus; cum de ea re inter suadentes, ut id fieret, dissidentesque contentio fuisset. Transgressis tum primum mare equitibus Romanis, adversus Hieronem sæpius bene pugnatum. Petenti pax data est. Lustrum a censoribus conditum est. censa sunt civium capita ducentæ nonaginta duo millia, ducenta viginti quatuor. D'. Junius Brutus munus gladiatorum in honorem defuncti patris edit. primus. Colonia Æternia deducta est. Res præterea contra Pœnos & Volsinios prospere gestas continet.

I. **C**ARTHAGINEM a Tyriis Phœnicibus conditam esse, præter veteris historiæ fidem, etiam perpetua civitatum istarum, donec floruerunt, amicitia; præterea linguae nunc quoque manentis manifesta similitudine, certum atque testimonia est. Ex ea gente ferunt Elisam, quæ & Dido cogno-

minata est, filiam Agenoris Belo geniti, quod Pygmalionem iisdem parentibus ortum, ob injustam mariti sui Sichaei cædem odiasset, patria profugam, eum Africæ finum, peninsulaque in qua post condita Carthago fuit, tenuisse: parvis admiodum rei tantæ initiis, ac potentiae, quæ deinceps consecuta est, spem nullam ostentantibus. Quippe non plus terræ ab incolis emisse Elisa creditur, quam corio bovis amplecti posset: hoc in tenuissima lora dissesto majus aliquanto spatium, quam venditores intelligebant peti, comprehendit; arcique struendæ sufficit locus, quam ex eo *Byrsam* appellatam putant. Inde multis, commerciorum gratia cum advenis colendorum, sedes juxta statuentibus, cum jam instar civitatis effectum esset; Afrique manuetos homines & divites secum retinere cuperent: facile assensi sunt venientibus ab Utica legatis, qui *suo exemplo* (nam & Utica colonia Tyriorum erat) ad condendam iis locis urbem hortabantur. Ita convenit, ut Afri sedem oppidi Phœnicibus concederent; hi annum eo nomine *vestigal* penderent Afris.

II. Operi perfecto Elisa lingua sua nomen imposuit *Carthadas*, quod urbem novam significat; Græci Carchedona, Romanî aberrante, ut fit, pronuntiatione Carthaginem vocaverunt. Ea cum & vicinos faventes, & populum industrium, &, quod maximum est, sapientem reginam haberet; admirandis incrementis brevi convaluit. Hæc ante Romanam urbem conditam anno circiter septuagesimo acta videntur: nam inter auctores, ut in re tam antiqua, parum convenient. Sed Elise quemadmodum vita casuum varietate nobilis, sic etiam memoranda mors fuit. Jarbas Africanæ cuiusdam gentis regulus nuptias ejus ambibat, ni assequeretur, bellum minitans. Sed illa castitate insigni, & mariti prioris amore, nuptias aversabatur: bellum rebus adhuc nascentibus & teneris exitiosum fore intelligebat. Igitur tempore ad deliberandum sumto, quasi tandem vicisset ani-

mum, & ad nuptias Africanas adduxisset; in extrema tum urbis parte *rogum exstrui* iulit, *priusquam novum matrimonium ingredetur*, *Sichæo suo inferias daturam præferens*. tum hostiis multis immolatis, ad ultimum ipsa conscendit pyram, & gladio, quem secum attulerat, sibi mortem^{*} consciit; caritate viri & civium propriæ incolumitatis curam superante. Retulerunt Carthaginienses quam potuere gratiam: & admiratione virtutum ejus, donec respublica falva fuit, pro dea venerati sunt. ædes in loco, ubi vitam exuerat, structa: ipsa *Dido* (sic sermone suo virginem Pœni vocant) appellata.

III. Cum deinde nemo unus successione regni post Eli-sam dignus haberetur, mixta optimatum & populi potestate gubernari civitas cœpit. Regia tamen appellatio manebat, sed ii Lacedæmoniis regibus similes erant; nisi quod nulli certæ domui addictus honos, ut quisque nobilium divitiis & virtute ceteros anteibat, mandabatur. Hi foris bellorum administrationem habebant; unde *Prætores* atque *Dictatores* a Romanis, potestatem corum cum sua respublica comparantibus, appellari solent: domi principes consilii publici erant: cum eo de negotiis civitatis statuebant: de maioribus rebus referebatur ad populum; ejus judicium in dissensu Regum atque Senatorum valebat. eidem jus erat etiam adversus placita Regibus & consilio seiscendi, si forte contra rempublicam esse (id autem licebat cuivis coarguere) viderentur. Quæ nimia populi potestas, cum assentatorum studiis, ut fieri amat, in immensum augeretur, sequentibus temporibus Carthaginientium rebus vehementer nocuit: in Senatu porro Seniores triginta quasi sanctius consilium erat: & horum in ordine universo plurima vis. Decoris publici disciplinæque custodiam censoria potestate *Præfectus* morum exercebat.

§ II. Cato ap. Solin. Bernegg. ad Just. 18, 6, 9. Sil. Ital. I. 1. Serv. in Virg. Aen. I. v. 344. § III. Arist. Polit. 2, 11. Bongars. ad Just. 22, 7. Polyb. 6, 49. Liv. 30, 6. Corn. Nep. in Hamilc. c. 3.

IV. Successu temporum, majoribus jam populi Carthaginensis opibus, plures ad bellum imperatores deligi cœperunt. Ex quibus præcipuae virtutis & felicitatis Mago, cum duos filios, suis artibus instructos reliquisset, atque eisdem illi quoque numerosiori jam soboli veluti per manus traderent, evenit, ut ejus familiae nimia potentia novis remediis coercenda videretur: creatique centumviri, penes quos de ipsis quoque ducibus iudicia forent: formidabilis potestas, vel amplitudine juris, vel diurnitate temporis, perpetui enim erant; cum jam Reges ipsi non in perpetuum, neque longum adeo ad tempus, sed anni crearentur: quos domi frequentius *Suffetes*, id est, judices nominabant, consulibus Romanorum similes. Sed centumviroſ insolentius se gerentes lex Hannibal is in ordinem coegit, sancito, *ut in singulos annos judices legerentur, neu quis biennium continuum iudex esset.*

V. Sacra maxime Tyro advecta colebant; quædam etiam post assumta. Junonis cultus præcipuus: neque levis Æsculapii, cui magnificum templum in ipsa urbe struxerunt. Apollinis etiam locuples ædes fuit, laminis aureis tecta, cum celebri simulacro, quod excisa Carthagine Romani avectum, juxta circum maximum collocaverunt. Ad Herculem vero Tyrium quotannis magna cura delectam naveni, cum decimis annuoruni proventuum, aut partarum bello manubiarum, mittebant. Ab iisdem conditoribus suis, alium etiam ritum horrendæ religionis hauserant, ut Saturno, quem ipsi *Belum* vocant, quotannis victima humana facerent: cujus immanitatis reliquiæ ne cum ipsa quidem urbe tolli penitus abolerique potuerunt. Ceteros civitatis mores plerumque commerciorum utilitas moderabatur: quibus gens natura & majorum instituto deditissima, prudens imprudens omnes suas rationes confiliaque accommodabat.

§ IV. Just. Corn. Nepos. Liv. 30, 7. & 32, 32. § V. Virg. L. Strab. l. 17. Appian. in Punicis. Plutarch. in Flamin. cap. 1. Polyb. legat. 114, 3. Diod. 20, 14. Just. 18, 7. Hieron. in Ha. c. 4. Plin. 39, 5, 37.

VI. Hinc inevitabili malo, divitiarum admiratio honosque comitia corrupit magistratum; virtutem pecuniae subjectam debilitavit; populum inflammavit opum cupiditate, fraudumque & mendaciorum servili consuetudine infecit; remque publicam harum rerum se studio totam tradere compulit. Inde enim processit, ut neque fidei multum in Punicis foederibus, & virium publicarum longe maxima pars in classibus esset; pedestris militia, robur atque firmamentum omnis imperii, nullo equestris aut modico in honore usque: quoties teria bellandum, mercenariis copiis res gereretur; quarum neque caritas ulla in rempublicam, & fides venalis, & discordia molesta, & conspiratio terribilis esset: adeo capitali errore, ut non aliis hostis, ante ultimum excidium, rem Punicam tam prope ad extremam desperationem adduxerit. Neque minor ex ea malorum seges, quod qui in magistratibus & in curationibus erant, mutua dissimulatione peculatum impune exercebant: ut sic quoque minus mirandum esse videatur, si bello inter has civitates exorto, superiores Romani fuerunt; quorum Senatores duris temporibus suam pecuniam in publicum conferabant, cum Carthaginenses rempublicam haberent quæstui.

VII. Sed hæc vitia cum ipsa urbe adoleverunt: quare primum quidem ut infirma & modica, non ægre tolerabantur: post aliquanidiu sustinere potuit imperii magnitudo, & quidam singulari virtute duces, quorum maxime opera quidquid felicitatis Carthago habuit, comparatum stabilitumque comperio. Sed ab initio quidem adversus Afros vectigal pro solo urbis reposcentes dimicatum est: idque jus non nisi repetentibus bellum extortum. inde prolatum etiam imperium: Africæque pars cultissima sub ditionem populi Carthaginensis redacta. In Sardiniam autem, deinde Siciliam, ut trajiceretur, maris opportunitas & illius insulæ rudis ad resistendum barbaries, hujus ob discordias perpetuas potentiorum injuriis exposita pulchri-

tudo invitavit. In Corsicam ex Sardinia facilis transitus , & insulæ non opulentissimæ promptior occupatio fuit. At in Sicilia diutissime varia fortuna dimicatum est: maximasque & victorias ex iis bellis , & clades , Pœri retulerunt.

VIII. Hamilcar quidem , Hannonis F. cum trecenta hominum millia in Siciliam deportasset; a Gelone victus , interiit. qua calamitate perculsi Carthaginenses abstinuerent Sicilia , donec ab Ægestanis , quos Selinuntii premebant , exorati , Hannibalem Hamilcaris filio Gescone natum emisferunt. Is Selinunte ac Himera excisis , magnam iterum potentiam Pœnis in Sicilia comparavit. Imilco Leptinem Dionysii majoris fratrem ducemque in Siculo mari vicit , navesque cepit aut depresso centum , virorum interfecit plusquam viginti millia : multas Siciliæ civitates obtinuit , partem quoque Syracusarum cepit : sed orta repente pestilentia , toto ferme absunto exercitu , cum paucis eum Carthaginem redire compulit. Neque tamen spem Siciliæ occupandæ abjecerunt Pœni , sed paucis post annis cum alia classe Hannonem adversus Dionysium bellare jusserunt. Postea Magonem ab Íceta vocatum , & in ipsa jani Syracusana urbe castra cum peditum sexaginta millibus habentem , Timoleon ejecit. Mox Hannibalem & Hamilcarem septuaginta millia militum adducentes idem Timoleon pugna magna vicit , castrisque exuit.

IX. Sed haud temere velocior iis ullo bello majorve conversio fortunæ , quam adversus Agathoclem fuit : qui vicius in Sicilia , obfessus Syracusis , nulla evidente spe salutis , ultro transduxit in Africam bellum , Carthaginensesque multis præliis vicos , desciscientibus passim Libybus ; in maximum periculum metumque conjecit : domum deinde reversus , Sicilia tota expulit , donec mors regis , & ex ea turbæ , spem iterum occasionemque repetendæ possessionis aperuerunt. Exinde , ut diximus , vario Marte cum Pyrrho bellavere , ad extreum superiores. Interim

§ VII. Just. 4, 3 & 19, 2. Herod. 1, 165. § VIII. Diod. 13, 43 & 14, 60. Just. 20, 5. Plut. in Timoleon. c. 24 & 30.

etiam in Hispania civitates quædam stipendiariæ factæ, cum Gaditanis opem adversus accolas petentibus, cognato populo (nam & Gades Tyrii condiderant) auxilium Carthagine missum, vicinas aliquot Hispaniæ regiones Punici juris fecit.

X. Is ferme Carthaginis status erat, quo tempore bellum adversus Romanos sumfere. Siciliam vero, qua Punicæ ditioni subjecta non erat, majori ex parte Syracusani, & Rex eorum Hiero possidebat: reliqua Mamertinorum armis tenebantur. Ii donec Romanorum, qui Rhegium occupaverant, societate uti potuere, sua defendisse non contenti, etiam Punicos Syracusanosque fines incurvabant: deinde oppida Siciliæ multa, quo vastationem agrorum, & alia incommoda redimerent, vestigia pendere coegerunt. Sed expugnata urbe Reginæ, defectoribusque suppicio affectis, nudati hoc subsidio Mamertini priores opes tueri nequiverunt: & amissis ferme, quæ extra Messanam tenuerant, de urbe ipsa cum Hierone Syracusano dimicabant. De quo Rege, quoniam ipse quoque temporibus eisdem hostis populi Romani, mox per annos fane multos socius & amicus fidelissimus, & ingens ad res constituendas momentum fuit; paulo copiosius exponendum puto. Nam & in eo rara felicitas, & magna virtus, & prudentiæ vis exigua fuit: eaque tempestate Syracusanorum opes & floruerunt cum Hierone, & conciderunt.

XI. Hic igitur nullo neque divitiarum, neque gloriæ a majoribus relictæ, neque alio aliquo tali præsidio adjutus, omnem fortunam suam sibi debuit: non ut plerique ad magnam potentiam ex tenui loco criminationibus meliorum, aut nec fugave adversantium provectus; sed modestia & in parandis opibus, & in habendis, singulari recte conjiciens, nullum esse regnum stabilius, quam quod ita exercetur, ut magis hoc timeant amittere, quibus imperatur, quam qui imperat.) Itaque cum annos quatuor & quinquaginta præ-

§ IX. Just. 22, § & 23, 4. Curtius 4, 4. § X. Polyb. 1, § & 10.

fuisset, idque iis temporibus, quibus collisæ duæ potentissimæ civitates de principatu terrarum summa contentione pugnabant, ipse nullo foris bello, si primos annos excipias, nullis domi insidiis petitæ, nonagenario major, cum ad eam ætatem, certo temperantiæ argumento, sensus integrorum corporisque firmum pertulisset, obiit: non suis modo carus, sed etiam apud Romanos pariter Græcosque magna fama.

XII. Quem & principatunt deponere sæpe volentem cives sui publice prohibuerunt: & filius Gelon, qui natus annos plus quinquaginta ante Hieronem decepsit, rara inter mortales moderatione, regno quam patre carere perpetuo maluit, eumque ad extremum usque vitæ tempus constanti fidè atque pietate percoluit. Is igitur Hieron ab Hierocle genitore, qui stirpem suam ad Gelonem veterem Siciliæ tyrannum referebat, expositus est: quod virum nobilem suscepit ex ancilla prolem pudebat tollere. Sed omni humana ope destitutum apes, in os jacentis ingestu melle, per complures dies aluerunt. Eo prodigio, responsisque aruspicum, qui regiam puero potentiam portendi confirmabant, permotus Hierocles, infantem recolligit, agnoscit, & in spem futuræ magnitudinis diligenter instituendum curat. tum igitur inter æquales discenti, a lupo in turba puerorum repente conspecto tabulam ablataam esse ajunt: & mox militiæ *tirocinium* auspicanti aquilam in clypeo, noctuam in hasta confedisse. Consilii viriumque indicium id fuisse creditum est, summique, ob regiam alienum, fastigii.

XIII. Sed certiora signa mox ipse dedit, forma & robore corporis eximio: verum ingenii, temperantiæ, comitatis, justitiae, moderationis nomine clarior atque illustrior. Sæpe in acie, sæpe adversum provocantes singulari certamine congressus, semper victor, a Pyrrho multis miliaribus donis virtutis causa donatus est. Cujus postea ex

genere Gelon, Hieronis filius, Nereidem in matrimonio habuit. Pyrrho ex Sicilia fugato, cum inter Syracusanum exercitum & urbanos, solenni temporum istorum morbo, iterum orta esset diffusio, in castris circa Merganam Artemidorus & Hiero militaribus suffragiis duces creati, consiliis Hieronis, & amicorum ejus opera, clam intromissis militibus urbem in potestatem redegerunt. Ibi Hiero excelsum se virum & quanticunque imperii capacem ostendit. Nam ex diversis partibus occidit aut ejecit nenenem; sed clementia, moderamine, rectisque consiliis ita composuit motus, ut non minoribus studiis eorum, adversus quos venerat, quam a quibus adductus fuerat, praetor Syracusis crearetur.

XIV. Hic vero reipublicæ curam ut suæ toto animo complexus, cum a longo jam tempore vitium istud in Sicilia inolevisse cerneret, ut quoties magistratus copias eduxissent, vel in exercitu turbaretur aliquid; vel domi novarum rerum motus orirentur: circumspicere aliquem cœpit, cui res urbanas tuto crederet, si quando ipse ad bellum exire cogeretur. Uxorem igitur duxit filiam Leptinis, qui magna inter cives auctoritate, vir etiam cum primis honestus fideique tenax habebatur. Ita provisis domesticis rebus, adversus mercenariorum insolentiam, remedium necessarium magis, quam usquequaque laudabile, commentus est. Nam educto contra Mamertinos exercitu, cum illi juxta Centuripas occurrisserent, aciem ad Cyamosorum annem hoc dolo instruxit, ut inter cives mercenariosque intervallo relicto, hos committere prælium juberet, tanquam ipse cum urbanis signis alia parte impeditum & districtum hostem invasurus. Ita conductitii majore Mamertinorum numero circumventi cadunt: ipse, dum horum cæde distinentur hostes, otiose tutoque Syracusanas copias in urbem reducit.

XV. Ad hunc modum repurgato, quidquid in exercitu ægrum, & ad seditiones primum fuerat, urbanum militem studiose exercet: novas mercenariorum copias conductit:

atque ita benevolentia multorum comparata , remoto audacissimo quoque , reliquis adversus armatum & intentum mutare non ausis , principatum arbitratu suo administrat. Interea Mamertini recenti victoria ferociores , contemtim atque temere Syracusanorum fines populabantur. Adversus hos Hiero jam civibus & militi fidens , incunctanter egressus , ad ipsam hostium urbem , dimissis passim globis fere vacuam , castra posuit. Cujus intellecto discrimine Mamertini ad ferendam suis opem expedito cum agmine impigne accurrerunt. Hiero motis ex agro Mamertino castris Mylas urbem , & in ea milites mille quingentos capit : inde castellis aliquot aliis raptim potitus , Ameselum procedit , medio inter Agyrium & Centuripas loco situm. Id quoque , licet munitionibus & præsidio firmum esset , expugnatuni diruit : præfidiarios in fidem acceptos sibi militare cogit : agrum Ameselanum Centuripinis Agyrinisque dividit.

XVI. Hoc successu rerum alacrior denuo in fines Mamertinorum irruit ; Alesum oppidum deditione capit : Abacæninos atque Tyndaritas ipsorum voluntate adjungit. Sic ab utroque mari proximis Messanæ urbibus Hieroni parentibus (nam ad Etruscum mare Tyndaritani habitant ; Siculum Tauromenii accolunt , & ipsi Syracusanorum eo tempore socii) Mamertini in arctum coacti , Cio quodam prætore copias opponunt hosti , ad Longanum amnem in Mylae campo castra habenti. Pugna commissa , cum dubio Marte certaretur ; subito in latera Mamertinorum recens impacta cohors , haud dubiam Hieroni victoriam tradidit. Nam ante prælium Hiero ducentos Messeniorum exsules , fortitudine & Mamertinorum odio præstantes viros , additis de suo exercitu delectorum quadringentis , *vicinum collem* , cui *Thorax* nomen est , circumire , hostemque *incutum improviso incursu turbare* jusserat. Ii mandata gnaviter executi effecerunt , ut universus Mamertinorum exercitus internecione cæderetur.

XVII. Cios , re desperata , jam nihil aliud quam mortem

§ XV. Diod. Ecl. I. 21. § XVI. Polyb. I, 9. Diod.

mereri manu cupiens , multis vulneribus affectus capit , & in hostium castra deductus , fidem extorum aruspicumque prædictionem , alio quam speraverat eventu , comprobat . Nam ante pugnam immolanti vates inspectis extis promiserant , *fore ut in castris hostilibus pernoctaret* . Id ille in spem victoriæ trahens , sero se ambigua prædictionis interpretatione deceptum agnovit . Hac ægritudine confectus , cum postridie inter equos captivos eum videret , quo filius in prælio usus fuerat , hunc etiam occubuisse conjectans , fasciis fomentisque vulnerum revulsis spiritum indignante effudit . Mamertinos clade comperta desperantes , jamque victori cum infulis supplicum occurseros , ex inopinato fortuna servavit .

XVIII. Forte sub idem tempus Hannibal Carthaginensium prætor , in Liparæorum agebat insulis , quæ Siciliæ adjacent . Is audita Hieronis victoria , metuens ne Mamertinis penitus excisis Syracusana potentia Carthagini gravis & intoleranda fieret , specie gratulantis ad Hieronem ocius venit : eumque moratus ne statim ad Messanam duceret , urbem ingressus est prior , Mamertinosque deditioñem facere volentes non modo verbis ad spem retinendæ libertatis revocavit , sed etiam præsidium suorum militum introduxit . Hiero astutia Pœni se delusum intelligens , cum ad obsidionem jam difficiliorum futuram haud satis paratus esset , Syracusas rediit : exceptusque magna omnium lætitia , & ab universis copiis Rex acclamatus , postea quoque nomen istud civium externorumque consensu retinuit , Hierone digresso , Mamertini , cum fiduciam paulisper resumissent , de rebus præsentibus deliberantes , diuis in factiones scindebantur . Alii *non esse dubitandum autemabant* . *quin Carthaginensium tutelæ se permitterent* : *cum hoc non modo plures ob causas conducibile , sed etiam , admisso jam prædio , necessitatì proximum videretur* .

XIX. Contra dicebatur : *non minus insensos Mamertinis Pœnos , quam Hieronem fuisse* : *neque dubitandum , quin illi non*

benevolentia, sed cupidine dominandi Messanam defendere statuerint: a multis jam etatibus eos imperium affectare Siciliæ, non exercituum, non classum damno, ne suarum quidem rerum metu & Africis bellis, ab improba spe deterritos. His igitur si se committant, classem validam, & ipsius Siciliæ plerisque partem jam obtinentibus, sine exceptione ulla servituros esse. Minime igitur expedire vocari auxilio Carthaginenses, populum impotentem, infidum, graviusque jugum impositurum, quam a Syracusanis timuissent. Præsidium Punicum, si eo tantum consilio venisset, ne in manus Hieronis Mamertina civitas incidet; re jam perfecta dimitti bona cum gratia posse: si quæ vero clandestina subesset molitus; etiam intentiore studio anticipatis amicitiæ fallacias præveniri oportere. Romanos igitur potius implorarent, armis invictos, fide præstantes, neque causam retinendæ sub sua ditione Messanæ, neque facultatem habituros: quibus in Sicilia ne vestigium quidem soli, neque navalium rerum ullus usus, aut adeo cura esset.

XX. *Hos satis habituros, si Carthaginensibus & Hieroni Messana urbe tanquam obice quodam & fræno cupiditatis objecta, securam ab his Italianam retinere possint. Perseverarent igitur Romanorum potius fidem, quam cujusquam alterius gentis, experiri: neque honeste ipsos & parum opportune priora consilia mutaturos esse, missis jam legatis, & auxiliis spe impetrata. Quippe ante postremum cum Hierone prælium, diffidere jam rebus suis incipientes Mamertini, Romanorum opem, uti consanguineorum, imploraverant: & consulibus belli gerendi cupiditate plebem incitantibus, populus auxilium ferri Mamertinis jusslerat, sed Senatus auctor fieri pudore cunctabatur. Qui enim modo suos ob Rhegium per scelus captum severo suppicio affecerant, ii, si jam Mamertinis pari perfidia Messana potitis opitularentur, destrui videbant gloriam justitiae ac fidei, quam priore facto late quæsivissent. Ceterum clade Mamertinorum mox audita, cum jam dubium esse non posset, quin, relicti a Romanis, Pœnorum opes respecturi essent, prævaluit sententia juvandos esse censentium. nam & in Senatu plures eodem inclinare*

cœperant, prospicientes, ni fieret, Messanam statim, & pa-
lo post ceteram Siciliam totam Carthaginensium fore. quod
si evenisset, populum Romanum cum Pœno de Italæ pos-
sessione certaturum.

XXI. Nam istud periculum inevitabile, tum cupiditas
imperii potentibus insita, tum ipse locorum situs efficiebat.
Quippe Italiam a Liguribus & Venetis inter duo maria longo
traçtu procedentem, qua Brutiorum ager est, a contactu
Siciliæ tenuc fretum dividit. Neque dubitatur, continentes
olim has regiones fuisse: mox intercurrentibus aquis di-
remtas; sive humiliora ea parte loca mare acceperunt; sive
major aliqua vis terræ motus aut incumbentium undarum,
angustias Isthmi perrupit. a quo eventu *Rhegium* nomina-
tum putant: tali enim aliquo vocabulo quæ erupta sunt,
a Græcis appellantur. Itaque primos Siciliæ cultores ex
Italia venisse credibile est; etiam ipso nomine confirmante
conjecturam. Messanam enim ex adverso litoris Italici sitam
civitatem Opici condidisse traduntur: quam quia in sinu
falcis refetente figuram est posita, *Siciliam* credo appellau-
runt; quod advenientes postea Græci *Zancle* sunt inter-
pretati, utraque illa voce diversos apud populos falem
significante. Inde, ut solet, toti insulæ hæc appellatio
hæsit, ut ipsa quoque & Zancle, & a pluribus Sicilia
vocaretur.

XXII. Insula vero ista cum magnitudine, tum etiam
fertilitate, omnes, quæ in mediterraneo mari sunt, longe
antecellit: olei, vini, frumenti optimi supra fidem ferax:
populo frequens, multisque & maximis urbibus ad mira-
culum exulta: portuum autem situsque totius commodi-
tate vix alius magnum imperium constituere cupientibus,
et que idoneus locus est. Nam Italæ conjuncta ex diversa
parte Africam respicit; alio ex latere Sardiniam: ab Orien-
te Peloponnesum & Græciam Jonio mari discretas habet:
quaquaversum navigatione brevi, & ad emittendas accipien-

§ XX. Zonar. Polyb. 1, 9. §. XXI. Sallust. fragm. Cassiod. Var.
12, 14. Casaub. in Strab. Macrob. Strab. 1. 6.

dasque classes facillima. Neque dubium est, cupiditatem hac insula potiundi, quam eodem tempore & Romanus populus & Carthaginensis affectabat, causam bello dedisse, licet alia dicerentur. Nam Romani *Tarentinos contra fædus adjutos* arguebant: Pœni *societatem cum Hierone*, ut *adversus se initam*, criminabantur.

XXIII. Ceterum eo jam potentiae civitas utraque per venerat, ut evitari non potuerit, quin aliquando quacunque de causa colliderentur. Quemadmodum enim arbores non magno intervallo consitae, aliquam quidem diu non impediunt invicem magnopere; auctæ vero, alimentum atque succum mutuo intercipiunt; cum grandiores fieri cœpere, radicibus & ramis commissæ atteruntur: ita surgentibus imperiis vix per naturam diutius fida manere potest concordia, quam donec, extrito quod medium fuerat, conjunctis jam finibus concurrentia urgeant inter se trudantque; neque priorem intra modum standi impetrabili voluntate; neque libero, nisi remotis obsistentibus, ad majorem amplitudinem proculsu. Accedebat ad has causas in utraqne civitate magna plebis & potentia, & suscipiendo bellum cupiditas. Nam in Carthaginensi republica vulgus valebat plurimum: quod auctis civitatis opibus, variis & ipsum commodis locupletari solitum, quæstus dulcedine bella ex bellis feri non invitum patiebatur.

XXIV. Neque multum diversa conditio Romanæ multitudinis erat; quæ damnæ rei familiaris, superiori bello illata, Siculis divitiis facile reparari posse sperans, pro jure nuper Patribus extorto, sententiam bellum suadentium plebiscito confirmavit. Quo armatus consul Appius, cum alioqui, victis antiquæ sectæ viris, major Senatus pars afferens effet, sine mora C. Claudium tribunum militum cum paucis navibus præmittens, *observare occasionem*, & si qua obvenisset, in Siciliam transire, juslit. Ille cum Rhegium venisset, in casum dare triremes non ausus, quod longe ma-

§ XXII. Diod. Ecl. 1. 23. Flor. 2, 2. L. Ampel. c. 46. Zonar.
§ XXIII. Arit. Polit. 2, 11.

jori Pœnorum classe fretum obsidebatur , pectoria navi
conscensa Messanam vectus est. ibi cum Mamertinis , ita
ut præsens usus postulabat , collocutus ; cum Pœnis recla-
mantibus parum proficeret , infecto negotio rediit. Sed pau-
lo post cognito Messanæ discordiam esse , multis Romanos
advocandos esse negantibus , magna parte Carthaginiente
præsidium haudquaquam æquis oculis adspiciente , rursus
transmissio freto , cum alia tempori apta differuit ; tum hoc
maxime interjecit , se non nisi ad liberandam civitatem veni-
se : hoc ubi perfecisset , e vestigio discessurum esse. ✕

XXV. Cum ad hæc Pœni responderent , non esse Romanis laborem ullum suscipiendum in liberandæ civitate , quæ sui
juris esset : jam beneficio Carthaginensem provisum , ne Ma-
mertini servire Syracusanis cogerentur : faceſſeret igitur Romanus ; aut si quam aliam justam haberet causam , cur esset Mes-
sanæ , exponeret . negavit Claudio liberam videri civitatem ,
in qua præſidium alienæ gentis , non sponte oppidanorum ageret .
Ad ea cum responderet nemo , Pœnis præ superbia , Ma-
mertinis metu tacentibus , vir vafer & promptus , apparet ,
inquit , ex hoc ipso silentio vestro , Carthaginensem causam
injustam , & Mamertinos libertatis avidos esse : nam ni ita fo-
ret , & illi de jure suo differere non gravarentur , & isti , nulla ,
si cum Carthaginensibus sentirent , dissimulandi causa , palam
& aperte institutum illorum approbarent . Ad hæc verba fremi-
tu Mamertinorum orto , multisque orationem illam ut ve-
ram & intimis sensibus suis congruentem laudantibus , sa-
tis in præſentia promotum esse putans Romanus , quod
habitus tamen animorum exploravisset , Rhegium regres-
fus est .

XXVI. Neque multo post adornatis quas habebat trire-
mibus , tentavit transitum . Sed Pœnorum præfectis & mul-
titudine navium , & in maritimis rebus solertia longe in-
ferior , ad hæc fluctuum illorum violentia , quos orta subi-
to tempeſtas præter ſolitum exasperaverat , repulſus , amif-

sis aliquot triremibus, ceteris ægre servatis, in portum, unde exierat, rediit. Neque deterritus hoc incommodo, ut meliori alia opportunitate fortunam iterum experiri posset, naves reficiebat: cum ab Hannone (is Mamertino præsidio fretique custodiæ præerat) venerunt nuntii, quidquid triremium hominumve superiore certamine Pœni ceperant, adducentes. Cupiens enim foederuni ruptorum infamiam Romanis impingere, consilium hoc amplexus erat Hanno, questusque, *posseſſi Carthaginensibus freti per vim tentatam navigationem eſſe*, ad pacem & foedera majori deinceps cura servanda provocabat. sed auditio, Claudium nullas conditiones admittere, nisi Messana præsidium deduceretur; fretique trajectiōnem iterum moliri; exclamavit, *ſe vero non eſſe paſſurum, ut Romani vel manus in iſto mari abluerent.*

XXVII. Neque tamen prohibere potuit, quin Claudioſ observata freti natura, captatoque tempore cum refluxum ejus etiam ortus commode ventus adjuvaret, priusquam occurri posset, Siciliam teneret. Ibi Mamertinorum in portu repertorum coacta concione, persuasit, *ut Hannonem advo- carent, tanquam de præſenti negotio cum eo deliberaturi.* Han-no enim, oppidanorum discordibus animis parum confisus, arcem cum suis occupaverat: neque concioni Mamertinorum ſe audebat credere. tamen veritus, ne hoc ipsum querelas eorum accenderet, ſi diffidere videretur, & per suam absentiam ſe Romanis prothrus adjungerent; in colloquium venit. quo per diſceptationes & jurgia diu extracto, ad ultimum injectæ a Romanis Hannoni manus ſunt, ifque in carcerem conditus, Mamertinis factum comprobantibus. Ita partim dolo, partim terrore circumventus, cum alia conditio nulla eſſet, arce Mamertinis reddita, præſidium decu-re coactus eſt.

XXVIII. Pœni re comperta ſupra modum exacerbati, cum alioqui duces ſuos ob mala confilia quantumvis proſpero eventu punire ſolerent, ſimul ſtultitiam Hannonis, ſimul ignaviam accusantes, in crucem miserum ſuſtulerunt:

& continuo navales terrestresque copias Messanam pergere præceperunt; alio Hannone, qui Hannibalis erat filius, ad res gerendas in Siciliam missus. Ille coactis ad Lilybæum copiis Selinuntēm progressus, castrisque ibi factis, pedestrem exercitum reliquit: ipse procellit Agrigentū, & arce communīta, populum Carthaginensibus amicū, ad societatem armorum contra Romanos impulit. Hinc in castra reversum repererunt ab Hierone legati, qui & ipse Romanorum in Siciliā transītu minime latus, hoc maxime opportunū tempus judicabat, quo conjunctis Punicis viribus, & ipsi & Messanam obtinentes barbari penitus ex insula exterminarentur.

XXIX. Itaque colloquio cum Carthaginensi duce habitō, cum utriusque Messanæ occupandæ spe excidissent, facile adversus Romanum, utrorumque pari danno supervenientem, societatem instituerunt, ut Messanam communiter obſiderent; neque quenquam in Sicilia, nisi aut Syracusani, aut Punici juris esse paterentur. Ita Pœnus imperator, præmisso caduceatore, qui Romanos, si Carthaginensium amici esse vellent, relinquere Messanam, & intra præstutum diem excedere Siciliā juberet; totis viribus adversus Mamertinos movit. Naves circa Pelorum stationem agere iufæ: pedestre exercitus ad Cubilia, (Eunas Græci vocant) haud procul urbe Messana dissitum locum, castra communivit. Venit & ex pæcto cum Syracusano milite Hiero, & ab altera urbis parte, circum montem Chalcidicum nomine, confedit. Ita urbs undique circumdata, neque terra neque mari commeatum aut auxilia accipere tuto poterat.

XXX. Sub idem tempus cum Punicus caduceator nihil a Messana pacati retulisset; Carthaginenses partim ira, partim diffidentia permoti, omnes qui apud ipsos militabant Italici generis conductitios crudeliter occiderunt. Quæ postquam Romæ comperta sunt, e vestigio cum valido exercitu profectus consul Appius R̄hegium venit: inde præ-

§ XXVIII. Val. Max. 2, 7, 1. Polyb. 10 & 11. Diod. Ecl. I. 22. § XXIX. Diod. Ecl. I. 21 & 23. Zonar. Polyb.

missis, qui cum Pœnis & Hierone de obsidione solvenda agerent, ipse fretum acri custodia septum sciens, sollicitus intentusque rationem minore cum periculo trajiciundi circumspiciebat. Legati consulis neque a Pœnis amicum responsum retulerunt, & ab Hierone accurata oratione sunt increpiti, qui, commemoratis in populum Romanum officiis suis, *Ambigo*, inquit, *meamne vicem doleam magis, an vestram, Romani*. Nam ego quidem amicos aliquanto quam existimaveram deteriores; vos autem opinionem justitiae ac fidei, qua apud omnes clari eratis, amisistis. *Adversus Mamertinos nullæ yobis unquam societas aut amicitia fuit: fœdera cum Pœnis olim, mecum etiam nuper icistis.*

XXXI. *Hæc in gratiam aliorum nihil ad vos attinenium dissolvere cupientes, potestis dicere, qua vel injuria nostra, vel merito Mamertinorum hoc faciatis? sed quia Carthaginenses quod pro se dicant, non deerit; illorum omissa causa, quæ me tangunt unum, in præsentia memorabo. Mamertini, boni populares vestri, cum apud Syracusanos, uti non ignoratis, si pendia secissent, ut in Italianam redirent dimissi, Messanæ, postquam a misericordia & credulitate Messeniis tanquam amici & socii recepti sunt, facinus post hominum memoriam longe fœdissimum ediderunt; interemtis noctu hospitibus suis, eorumque bonis, uxoriibus, liberis, & urbe ipsa in potestate retenta. Quod nisi vos ipsi etiam eodem, quo ceteri mortales omnes, sensu nefandum & intolerabile scelus esse judicavissetis, profecto in iis, qui Mamertinorum imitatione idem in Reginos ausi sunt, illud ipsum tam severe non suissetis vindicaturi.*

XXXII. *Qua igitur indignitate vos moti pœnas ab nefariis hominibus repetendas esse putavistis, eadem & ego moveor, ne Mamertinos impunitos pati possim: præsertim cum postea quoque Latrocinii per universam Siciliam exercendis, primi sceleris memoriam novis subinde facinoribus propemodum obruerint. Nam, ut alia taceam, Camerina Gelaque urbes ab his excisæ, cum in fide Syracusanorum essent, satis mihi graves causæ videntur, cur hominum importunissimorum nefariam audaciam justo pioque bello prosequamur. Quod si vero tuendos vobis esse propter*

simulatis, quod eadem in Italia nati, quodammodo consanguinei vestri videantur: quanto justius fuit Rhegiensibus Italiam partiri, qui cives vestri fuerunt? Quid in urbe recuperanda cum ego vos auxiliis & commeatu juvarem, divinare debui futurum ut aliquando me non leviores ob causas Messanam obsidentem prohiberetis? sed quid ego multis ago, Romani? nam profecto si penes vos aliqua adhuc fidei famaque cura, si quis honesti intellexit, si denique pudor superest; dubitare non debeo, quin me tam justa tenentem arma vestris viribus adjuturi potius, quam impedituri sitis. si vero haec vobis levia videri cœperunt; eventus quidem armorum incertus est: sed hoc longe certissimum, omnes ubique mortales apertissime cognituros esse, non ulla juris aut æqui specie, non ob acceptas injurias, quod ne ipsi quidem audetis prætexere, nulla etiam Mamertinorum misericordia, sed sola ambitione & nobilis insulae vestro imperio adjungendæ improba cupidine, Romanos ad bellum nobis inferendum incitari.

XXXIII. Cum renuntiata ista essent, Appius olim animadverso, excubantibus in trajectu validis classibus, sine manifesto periculo transfretari non posse; consilium init calliditatis & astutiæ plenum placere sibi negat, Hieronem ab Romanis alienari: neque adversus ipsum decretum bellum esse; neque injussu populi suscipi posse. die igitur prædicta socios navales præsto esse jubet, ac navigia ad cursum instructa haberi, tanquam domum abnavigaturus. Sciebat autem, multos ex Syracusanis atque etiam Punicis castris milites, per speciem negotiatorum, Regino in portu versari, per quos famam illam celeriter ad eos, quibus maxime persuasum hoc cuperet, perventuram esse judicabat. Sic igitur accidit, ut providerat. quippe cum die claro navibus consensis juxta litus Italicum vela facere cœpisset; Carthaginenses, quibus freti claudendi negotium datum fuerat, re statim per suos nuntiata, nullum jam hostilis transgressus periculum esse reliquum existimantes, tran-

situm incustoditum dimisere, quo quinque ferebat annus dilapsi.

XXXIV. Consul, qui futurum hoc conjectaverat, converso sub noctem cursu, cum omni classe, nemine per tenebras venientem observante, nedum prohibente, in Siciliam vectus est. Audax id cœptum & periculosa aleæ plenum fuit: cum ignarus maris exercitus per freta, etiam si hostis & tenebræ abessent, suo ingenio metuenda, cum rudibus & imperite fabricatis navigiis noctu rueret; dignaque res visa, quæ etiam novi cognominis monumento posteris innotesceret. Quod enim caudicariis navibus multis in transvehendo milite usus esset, admiratione facti *Caudicem* istius ævi simplicitas appellavit. Haec tenus enim rerum maritimorum adeo nullus Romanis usus fuerat, ut ad hoc tanti momenti negotium, neque tectam navem, neque longam, ne lembum quidem unum haberent, sed tremibus, quas Tarentini Locrique cum Eleatis & Neapolitanis commodato dederant, & actuariolis, quæ quinquaginta remorum essent, uterentur.

XXV. Ceterum Appius, cum forte non longe ab eo loco, ubi castra erant Syracusanorum, appulisset; cohortatus suos, certamque viatoriam ostentans, si tale nihil suspicantes opprimerent, protinus ad hostium oppugnanda castra pergit. Hiero subito tumultu excitus, & ipse contra educit copias pro tempore instructas. fit aliquamdiu certamen acre; pelluntur Romani equites: sed legionibus fortissime præstantibus vincitur Hiero, seque cum suis trepidus intra valuum recipit. Appius spoliari corporibus hostium jussis, Messanam intrat, Mamertinosque præsentia sua ex timore magno recreatos spei melioris implet. Hiero victum se videns, priusquam vidisset hostem (sicut ipse postea confessus est) fretique transitum a Carthaginensibus proditum suspicatus, cum ambigua mente multa secum agitaret, de summa rerum vereri cœpit: proximæque noctis silentio co-

pias eduxit castris, & contento itinere Syracusas refugit.

XXXVI. Eo submoto Appius, cum terrore victoriae recentis ad Pœnos quoque debellandos uti vellet, militibus, ut cibum tempori capiant, imperat. deinde albescente jam die progressus, castra Pœnorum oppugnare instituit. Erant hæc loco satis tuto posita, & natura manuque diligenter permunita. hinc mare, inde profundæ paludes, in peninsula ferme speciem ambibant. inter has angustum spatum, quo uno adiri poterat, ductus adversum irrupturos murus obsepiebat. Hic ubi vim fecissent Romani milites, neque locorum simul iniquitatem, & propugnantium multitudinem vincere possent, missilibus maxime, sicut in urbium oppugnatione solet, rem gerentibus Pœnis, irrito incepto desistere coacti recesserunt. Sæpe in bellis meliori fortunæ locum sors durior, & adversi ab initio casus fecere: dum his affecti, consiliis animisque majoribus acceptum detrimentum sarcire student; hostes felicitatis opinione blanda fascinati, neque satis adversum fortuita providentes, in temeritatem auferuntur.

XXXVII. Quod illo tempore Carthaginiensibus usu venit. Qui repulisse hostem non contenti, tanquam fugientem eruptione ex castris facta prosequabantur: suæ virtuti non munitioni locorum Romanos cessisse existimantes. Itaque postquam ex angustiis, quibus defensi fuerant, processere, mutata cum loco fortuna prælii, magnusque eorum numerus cæsus est: reliqui ad castra, pars, ut cuique maxime promptum erat, in urbes circumjectas diffugere, neque deinceps, quamdiu Messanæ Claudius fuit, castris suis excedere sunt ausi. Consul etiam cum natura loci & difficultate situs iterato pugnare minime consultum arbitratus, cum tempus ibi frustra-terce videret; prætidio Messanæ relicto in Syracusanorum sociorumque fines impressionem fecit: iisque impune vastatis, tantum concepit fiduciae, ut jam ad ipsas Syracusas exercitum auderet admovere. Varia ibi fortuna certatum est; semel etiam consul magno in periculo fuit:

circumventusque foret, nisi mature capto consilio misisset ad Hieronem, quasi de conditionibus pacis acturus. Misit & ille certum hominem ex amicis. cum hoc cœpto colloquio, & de industria producto, sensim ex iniquo loco se subtraxit in tutum.

XXXVIII. Syracusani quoque secuti, sermones de pace cum diversis Romanis instituerunt, conventumque foret, ni Hiero auctor fieri noluisset. His rebus gerendis major anni pars consumta. tum Messanam rediit consul, & inde cohortibus aliquot relictis ad tuendos Mamertinos, cum ceteris Rhegium trajecit: mox Romam deceslit ad triumphum; quem de Poenis & Rege Siciliæ Hierone, quod primus ille de transmarinis populis ageretur, magna omnium gratulatione duxit. Hoc initium Romanis tentandi maria, & hic successus cœptorum in Sicilia fuit. Ceterum & ista & sequentium temporum gesta scriptorum ambitione corrupta sunt, cum eorum præcipui, Philinus Agrigentinus, & ex Romanis Fabius Pictor, dum ille Carthaginensium gloriæ, hic domesticæ nimium studet, officium & fidem insuper habuerunt.

XXXIX. Quorum levitatem merito Polybius arguit. quippe cum etiam privatorum minimis in causis falso testimonio circumvenire quemlibet exscrabile crimen habeatur; quanto fœdiore perfidia conditor historiæ principum atque populorum acta corrumpere censendus est? cui neque mortalium commodorum quidquam, neque spiritus ipse pulchra veritate debebat esse antiquior, tanto minori spe veriæ, quod ne prætextum quidem mentiri allegare idoneum ullum potest; cui, si libere, quæ vera sciebat, quaenque de causa non licuisset tradere, tacere certe licuisset. Potro, dum in Sicilia Claudius Hieronem & Poenos vincit, obsidionem Volsinienſium ad exitum deduxit alter consul M. Fulvius, qui homines adversus vim desperatione validos, inopia rerum necessariarum & famc domuit. Facta

deditione , ingratum illud & insolens libertinorum vulgus cum cruciatu interemtum est : urbs etiam ipsa diruta : reliqui Volsiniensium , & quod servorum fidem atque reverentiam erga dominos non exuerat , in attributas alibi sedes migraverunt . hoc quoque bellum dignum triumpho visum est : eumque consul a. d. Kalendas Novembres tanquam de Volsiniensibus egit .

XL. Iisdem consulibus a Cn. Cornelio , C. Marcio censoribus lustrum conditum : censa sunt civium capita ducenta nonaginta duo millia , ducenta , viginti quatuor : numerus sane magnus & propemodum incredibilis , tot bellorum a primis ferme Urbis initis nunquam cessantium continua detimenta , tot ex pestilentia morbisque saevissimis non minores bellicis strages , congitanti . Ceterum aliis aliisque subinde populis in civitatem recipiendis , quod institutum a Romuli sapientia profectum posteri constanter tenuerunt , invicta nullisque cladibus superabilis effecta est Respublica ; quam nec a Pyrrho data damna , neque naufragia frequentia primo Punico bello , neque secundo Trasimenus & Cannæ potuerunt affligere , quin ex incommode suis identidem alacrior ferociorque resurgeret .

XLI. At in Græcia Lacedæmonii militari laude & ipsi percelebres , neque impares Romanæ virtuti , quoniam arcebant peregrinos , nec imperium , quod pepererant , diu , neque libertatem suam semper tueri potuerunt . Sed cum Leuctrica pugna mille non amplius Spartiæ cecidissent , protinus potentia civitatis corruit : iterum ad Sellasiam , Lacedæmoniorum sex ferme desideratis millibus , statim amissa libertas est . Achæi vero , ejusdem Peloponnesi incolæ , vicinos omnes æquo jure complexi , pulcherrimam constituerunt rempublicam , & mansuram , nisi Romanam potentiam , tum etiam longe lateque imperantem , insania paucorum in perniciem suam patriæque provocasset . Atqui tam diversus eventus instituta tam dissimilia necessario fecutus

est. Sicut enim naturæ congruit, corpus quod justum ad modum falubri cibo reficitur, robustius & longioris ævi esse, quam si ingenito contentum succo extra se natum alimentum omne aspernaretur: ita florentiores fuere civitates, quæ suum efficere neverunt, quidquid usquam egregii erat, quam quæ inepta quadam arrogantia habentes despiciunt, quod in sua gleba natum non esset, semetipsas multis bonisque potentiae quærendæ tuendæve adjutoribus spoliarunt.

XLII. Idem annus rei sane crudeli, sed mox intemperantissime usurpatæ, initium attulit, ut sanguis humanus, in gratiam levissimi cujusque spectatoris affatim fusus, voluptas publica fieret. Barbari moris auctores M. & D. Junii Bruti, nescio qua pietate defuncti patris cineres honoraturi, gladiatorium munus ediderunt, magno favore civitatis. Sed hanc humanitatis injuriam ulta pestilentia est, quæ per istum & sequentem annum atrocissime fævit. Ob quam, cum Sibyllinos libros adiri placuisse, ira deum immisram esse, repertum. Ergo religiones profecto parum castæ haberí suspicione orta, Pontifices diligentius observando & inquirendo, plurima facella fanaque a privatis occupata esse invenerunt; & Capparoniam ex Vestalibus incesti crimen teneri. Sed illa, dum rea peragitur, suspendio prævenit supplicium: in corruptorem ejus consciensque servos legibus animadversum est. Loca sacra ex privatorum temeritate priscis usibus vindicata.

XLIII. Sic exsoluta religionibus civitate Patres animum rursus ad reipublicæ curam retulerunt; & quoniam Etruria jam pacata, nihil in Italia reliqui motus erat, ambos anni novi consules in Siciliam cum legionibus transgredi placuit. Fuerunt hi M. Valerius M. F. M. N. Maximus, qui in hoc honore Messalla appellatus est, & M. Otacilius C. F. M. N. Crassus. Ab his transportatas prospere copias eadem in rebus gerendis prosecuta felicitas est. Cum

§ XLI. Dionys. 2, 17. Plut. in Agesil. c. 49. Idem in Cleo. c. 41. Just. l. 34. § XLII. Liv. Epit. Val. Max. 4, 2, 7. Oros. 4, 5. Aug. de civ. Dei. 3, 17.

enim Adranitarum urbe post breve in obsidionem per vim capta, Centuripinos circumfiderent, venerunt ab Alæsinis legati oppidum suum dedentes. Inde consules diversas insulæ partes obeundo, modo divisis, modo junctis exercitibus, ut res & ratio suadebat, Pœnis Syracusanisque, quoties congregati erant ausi, profligatis, terrorem famamque late sparsere: tantaque fortunam sequentium felicitas, tantusque impetus fuit, ut paulo post oppida haud minus septem & sexaginta numerarentur, quæ Romanæ fidei se perinserant: quo in numero Tauromenitani quoque & Catinenses fuere.

XLIV. Unde consules imperatis, quæ volebant, auxiliis quotidie validiores, ad ipsas jam Syracusas castra ponere sunt ausi, obsidionem urbis meditantes. Quibus rebus animadversis Hiero, cum suis atque Carthaginiensium viribus diffidere cepisset, præterea plus apud Romanos esse fidei crederet, amicitiam & ipse cum Romanis inire constituit: legatosque cum mandatis de pace componenda ad consules misit. Neque Romanis displicebat Hieronem a societate Punica disjungere; maxime ut res annonaria suis legionibus expeditior esset. Nam Carthaginiensibus mare obtinentibus ex Italia transvehi commeatus nequibant; & ab ea re prioris anni consul plus propemodum, quam ab hostibus, incommodi molestiæque persenserat. Hierone vero adjuncto, Syracusanum regnum, abundantia frugum copia, res necessarias Romanis affatim erat præbiturum.

XLV. Itaque legibus his transactum: ut Hiero quæ de Romanis sociisve eorum loca, quosque homines cepisset, sine pretio restitueret: argentique talenta centum penderet. Ipse tuto imperaret Syracusis, ceterisque Syracusani juris urbibus. ex quibus erant præcipuae Acræ, Leontium, Megara, Elorus, Netini, Tauromenium. Legatis deinde ab Hierone Romam venientibus, eadem conditiones ratæ fuerunt, pacemque cum eo Rege servandam & Senatus censuit; & post paucos

§ XLIII. Tabul. Rom. Diod. Ecl. l. 23. Zonar. § XLIV. Eutrop. l. 2. Diod. Polyb. 1, 16. Pausan. l. 6. Diod. Ecl. l. 23.

dies Cn. Atilio Calatino populum rogante, populus jussit: Hoc foedus in annos quindecim pactum, deinceps perpetuo mansit: Hierone magnitudinem Romanam ita colente comiter, hisque vicissim illius studium tam benigne prolixique remunerantibus, ut neutros eorum societatis institutae pœniteret. Syracusanæ pacis audita fama, Hannibal Pœnus, qui Hieronem obsidione liberaturus cum navalibus copiis jam Xiphoniā acceſſerat, majori quam venerat festinatione recessit.

XLVI. Romani cum jam Hierone quoque focio & com-militone uterentur, non diu morati, Carthaginiensis ditio-nis oppida complura subegerunt. Et ab Adranone quidem, vico munito, Macellaque, post multorum dierum obsidio-nem disceſſerunt irriti: ceterum Segestanos, occiso Pœ-norum præſidio, ad ſe ultro descifcentes, receperunt. Præ-ter alia, cognitionis necessitudine ſe Romanis fratribus fa-vere dictitabant, originem ſuam & ipsi ad Æneam ex Tro-jano incendio profugum referentes. Neque multo poſt Alienæ Romanis acceſſerunt; ad Hilarum vero, Tyrittum, & Ascelum, vi & machinis opus fuit; eoque severius in-victos consultum. Quo terrore Tyndaritani, proximos ſe periculo, & auxilia longe eſſe cernentes, cum ipsi quoque de tradenda Romanis urbe consultarent, a Pœnis prohibiti ſunt. nam illi ex rebus ipſis conjectura capta, quid agere-tur, primores civitatis obſidum loco Lilybæum avexerunt: etiam frumento, vino, ceterarumque rerum apparatu af-pörtato.

XLVII. His temporibus Otacilii Crassi consulis utilis & conveniens Romanæ disciplinæ severitas fuit. qui milites ab Hannibale turpi pacto incolumentatis ſub jugum missos, extra vallum tendere jussit, ut hostium incursionibus expoſiti, neque alibi quam in virtute ſpem habentes, conſi-marentur animis, armisque potius quam loco ſe tueri di-

§ XLV. Zonar. Polyb. 1, 16. Diod. Ecl. 1. 24. Cafaub. in Po-lyb. Tabul. Messan. Diod. § XLVI. Diod. Zonar. Cic. Verr. 4, 33.

ſcerent. Post hæc & alia non majoris momenti gesta, cum hiems immineret, præſidiis per opportuna loca dispositis, consules, reliquo exercitu in Italianam reportato, Romam redierunt. Ibi M. Valerio, cujus eo bello felicior & utilior opera fuerat, triumphus decretus, quem ante diem XVI Kalendas Apriles de Pœnis & Rege Siculorum Hierone duxit. Prætervectum inter spolia horologium eſſe ideo annotatum eſt, quia res ad eam diem imcomperata Romæ euerat. id Catina recepta deportatum, deinde in publico secundum Roſtra, in columnā Valerius statuit. Idemque tabulam, in qua prœlium, quo Pœnos & Hieronem vicerat, depictum fuit, in latere Curiæ Hostiliæ proposuit; quod ante eum fecit nemo, poſtea plerique.

XLVIII. Messallæ cognomen huic Valerio ab urbe Messana inditum fuisse conſtat: ſed miror, ab ea capta haſſiſſe, non contemnendis auctoribus credi; cum potius ideo impositum ipſæ res evidenter arguant, quod Messanam a Pœniſ & Hierone diſceſſu Appiī Claudii acrius infestataam, illis ſubmotis, hoc reconciliato, liberaffet. Inter hæc cunz adhuc pestilentia vexaret Urbem, dictatorem clavi figendi cauſa dici placuit. Dictus eſt Cn. Fulvius Cn. F. Cn. N. Maximus Centumalus: is magiſtrum equitum Q. Marciū Q. F. Q. N. Philippum dixit. Eodem anno Aſernia colonia deducta eſt: cum ſuperiore Firmum deducta eſſet, &, ut quidam volunt, Caſtrum. L. deinde Poſtumius L. F. L. N. Megellus, Q. Mamilius Q. F. M. N. Vitulus conſuleſ ſaſti. Sicilia provincia utriue data; legiones vero duę tantum decretæ: ſufficere viſæ, poſtquam in ſocietatem accepto Hierone levius bellum factum erat; & rem frumentariam facilius expediri poſſe rebantur, ſi minor exer- citus mitteretur.

XLIX. Consules, trajectis in Siciliam legionibus, ſocio- rumque contractis auxiliis, minores ſibi res præterniſtendas

§ XLVII. Front. Strat. 4, 1. Zonar. Faſti Capitol. Varro ap. Plin. 7, 60. Varro ap. Macrobi. Saturn. § XLVIII. Marm. Capit. Liv. Epit. 17. Vell. 2, 14. Polyb. 1, 17.

rati, ad urbem Agrigentinam totis viribus obsidēdam animum adjecerunt. Eam rebus omnibus Pœni largissime instruxerant, belli arcem habituri. Quippe cum Hieronem ab amicitia sua defecisse, Romanos contra non perfuntorie rerum Sicularum curam capeſſere cernerent; diligentiore ad bellum apparatu opus esse rati, primum quidem præsentium virium majorem partem in Sardiniam miserunt, quæ Italæ litoribus insidiaretur, ut hoc metu Sicilia Romanos abstraherent; aut certe minoribus, quam voluissent, copiis rem ibi gerere cogerent. Mox Romanis ad sua tuenda, Siciliamque novo cum exercitu repetendam pariter sufficientibus, spe ista falsi, ex Liguribus Gallisque mortales multos, sed plures adhuc ex Hispania mercede conductos, simul rerum ad victum necessariarum magnam copiam, Agrigentum miserunt: ibi horreum annonæ, receptum exercituum suorum cōse volentes, loco, & opportunitate situs, & magnitudine oppidi, præ ceteris quæ in Sicilia posſiderent, his usibus accommodato.

L. Circum hanc igitur urbem tota belli mole contracta, consules, Pœnis intra munitiones compulsi, ad unum inde milliare castra locant. Erant tum in agriſ maturæ fruges, & quia diuturnam fore obsidionem apparebat, milites studio demetendi colligendique frumenti, longius & incautius, quam hoste tam propinquo par esset, vagabantur. Neque Carthaginenses imperite aut segniter occasione usi, magnam intulissent cladem, nisi tantundem virtute restituissent Romani milites, quantum negligentia perdidérant. Cum enim frumentatores subitum hostis impetum sustinere non potuissent, Pœni ad ipsa castra Romana perrexerunt, divisoque agmine quidam vallum rescindere parabant; alii cum statione pro castris locata prælium conserebant. Tunc igitur, sicut alias saepe, militæ leges & incorruptus disciplinæ rigor, rem ancipitem & exitio Romani exercitus casuram, erexit.

LI. Quod enim quacunque de causa stationem deseruisse

capitale apud Romanos est ; excubitores nihil in fuga spei repositum esse gnari, quanquam numero longe superarentur, pugnam præsentissimis animis sustinuere, multis quidem suorum amissis, sed hostium interfectis pluribus : donec armari cohortes laborantibusque succurrere potuerunt. Ita & hic pulsi hostes, & qui vallum jam prope ceperant circumventi magna ibi cædes fuit. ceteros ad urbem usque Romani persecuti sunt. Ea res in posterum & timidiores ad erumpendum hostes, & cautores Romanos ad frumentandum fecit. Inde cum segnior esse cœpisset contentio, rarius, nec nisi ad levia certamina, excurrentibus Pœnis, dividi copias placuit, & duabus urbis partibus, hinc ad Æsculapii fanum, inde via, quæ Heracleam dicit, castra statui. hæc fossis utrinque permunita : qua urbem spectabant, adversum eruptiones ; foris, quo tutiora contra invasuros essent, iterque subsidiorum in urbem introducendorum præcluderetur.

LII. Medium inter duo castra spatiū, frequentibus præsidii stationibusque septum est. In his omnibus multum juvabantur opera Siculorum, qui recens in fidem venerant : quorum jam una cum Romanis centum millia facta erant. Ab iisdem commeatus Erbessum usque subvehabantur : ab eo deinceps oppido (non aberat autem longe) ipsi Romanī sua in castra deportabant. Ita fiebat, ut affatim esset magna rerum necessiarum copia. Hoc in statu ad menses ferme quinque hæsit obsidio : cum neutris insigne ad victoriam momentum adeptis (præter leves enim velitationes tentatum nihil fuerat) res Punicæ deteriore loco esse cœperunt. Quia enim ingens hominum multitudo, haud minus quinquaginta millia bellatorum, tanto jam tempore idem intra oppidum conclusa, annonam fere omnem absulsiſſet ; sperari vero subvectio nulla posset, aditus omnes Romanis sollicite custodientibus ; propugnatorum animi tam præsentibus malis, quam exspectatione instantium haud mediocriter angebantur.

LIII. Igitur Hannibale Gisgonis filio, (nam hic rebus
T. Liv. Vol. III. O

Carthaginiensibus Agrigenti præerat,) crebris nuntiis opem
adversus famem & pericula poscente; cum militibus , qui
postea contracti fuerant, elephantisque, Hanno senior in
Siciliam transmittitur. Peditum erant millia quinquaginta,
sex equitum, sexaginta elephanti.. Cum his copiis Lily-
bæum vectus, inde versus Heracleam movit: statimque ve-
nerunt ad eum, qui ditionem Erbessi pollicerentur. Ho-
rum opera Erbesso potitus, unde haec tenus ad castra Roma-
na deferri commieatus consueverat, rem haud minimi mo-
menti perfecisse videbatur, cum exclusos omni propemo-
dum facultate necessariarum rerum Romanos haud levius
urget, quam ab his Agrigentini premebantur. Jamque de
obsidione solvenda deliberatum erat non semel, nihilque
propius factum, quam ut negotium istud pro desperato ab-
jiceretur ; nisi Rex Syracusanus omnes tentando vias non-
nihil frumenti ceterarumque rerum furtim submittens, præ-
sentem inopiam modico subinde levamento recreasset.

LIV. Hanno cum Romanos & penuria, & morbis, qui
sequi famem solent, graviter affectos, suas contra copias
viribus integris agere perpenderet; propius ad Romanos
accedere, prœliique, si facultas daretur, fortunam experiri
statuit. Elephantis igitur quinquaginta ceteroque toto exer-
citu assuntis, Heraclea profectus, Numidicum equitatum
præmittit, qui hostium castris obequitans, eliceret Roma-
nos equites, & in præparatas insidias deduceret. Numidis,
uti mandatum erat, ad castra consulum contemtim pro-
volantibus, erumpunt Romani, propelluntque resistentes
primo, deinde solutis ordinibus via, qua venire Hannonem
sciebant, refugientes, contento cursu persequuntur. Igitur
quanto longius abripi se passi fuerant, tanto difficiliorem
ad sua munimenta receptum habuerunt; multique eorum,
cum & recentes occurrisserent copiæ, & qui paulo ante fu-
gerant undique circumfunderentur, desiderati sunt.

LV. Hoc eventu magis etiam ad spem summae victoriæ
confirmatus Hanno, collem quendam, Torum nomine,

mille quingentis passibus a Romanorum castris distantem, infedit. Serius tamen aliquanto, quam inter exercitus tam propinquos sperari potuisset, commissa pugna est; modo Romanis, modo Pœnis unius prælia fortunæ spes universas committere formidantibus. Donec igitur pugnandi avidior Hanno fuit, Romani castris suis se tenuerunt: quod numero, & alacritate, ipsi detrimento equitum suorum perculsi & mœrentes, vincerentur. Postquam autem dubitatio-
ne sua sociorum animos languescere, hostes in spem erigi, duriusque sibi bellum cum inopia, quam cum Pœnis futu-
rum arbitrati, certamen detrectare desierunt; Hanno vi-
cissim tergiversari cœpit, & omnia metuere.

LVI. Duo menses sic exacti, ut præter levia prælia, quæ fiebant quotidie, nihil majoris rei gereretur. Ad extremitum frequentibus Hannibal's precibus motus, qui & nuntios mittebat assidue, & facibus accensis signa crebra edebat famam amplius obfessis tolerari non posse, multosque ea peste coactos ad hostem transfugere; dimicacioni moram ulterius nullam afferre decrevit: eodem tempore Hannibale quoque cum suis eruptionem ex urbe facturo. Quæ cum animadvertisserent consules, intra sua se castra quieti tenuerunt. eo ferocius Hanno aciem instructam ostentare, & ubi nemo contra exit, sub ipsa Romanorum munimenta fugredi, ad pugnam audacter provocare, cunctantibus timorem & ignaviam objicere: illi hostem levibus præliis a vallo repulisse contenti, neque contra manentes struebant aciem, neque recedentes insequebantur. Hoc ubi per aliquot continuos dies factum, Pœnisque jam persuasum esset, nihil ultra ausurum Romanum; L. Postumius consul contentum hostium in suam occasionem solerter vertit. Instruc-
tis enim silentio copiis omnibus, intraque vallum retentis, accendentem pro more Pœnum cum paucis submovens, a prima luce ad horam diei sextam velitando detinuit. tum demum recipientibus se hostibus productas ex castris legio-
nes immisit.

LVII. Hanno, quanquam contra opinionem suam pugnandum sibi videret, intrepide congressus in serum diei ambiguū certamen extraxit. Sed Romanos curatis bene corporibus, ad pugnam præparatos, æstus, sitis, labor, non æque fatigabat: Carthaginiensis autem acies ante communis sum proœlium inedia & stando fessa, quanto longius protrahebatur dimicatio, fatigentibus corporibus minus ad resistendum virium habebat. Postremo conductius miles, qui in prima fronte pugnabat, diutius sustinere laborem non potuit; neque solum ipse cessit loco, sed in elephatorum agmen, & alios a tergo stantes ordines trepida fuga se inferens, turbavit totam aciem, hostique acriter incubenti terga dare coegit. Eadem felicitate tamen quoque ab alia parte gesta res: Hannibalque, cum eruptione pugnavisset, majore suo quam hostium detrimento in urbem compulsus est. Capta Carthaginiensium castra sunt: elephanti vulnerati tres, cæsi triginta, undecim in manus Romanorum venere: similis & hominum fortuna fuit. de tanto exercitu pauci cum ipso duce Heracleam evaserunt.

LVIII. At qui in urbe clausi erant, rebus plane des�ratis, nullam salutis viam sibi relictam esse videntes, maximis terroribus affligebantur: cum Hannibal optimi, ut in fortuna niala, consilii auctor, animadverso, Romanos & labore certaminis defatigatos, & lætitia bene gestæ rei solutiones, negligentius solito excubias agere, circa tertiam vigiliam cum mercenariis exit oppido: & cratibus, quas hunc ad usum ante paratas stramento compleverant, in fossas injectis, transgressus, aliquantum itineris præcipit, donec Romani luce jam oriente quid actum esset sentientes, partem extremi agminis deprehenderunt; Hannibal cum reliquis in tuta loca pervenit. At Agrigentini, desertos a Poenis se videntes, multos eorum, qui in urbe remanserant, sive per iram, sive ut a victore gratiam inituri, concidere. Nec ideo minus direptum est oppidum: homines, amplius

quinque & viginti millia liberorum capitum, in servitutem venditi.

LIX. Hoc maxime modo captum a Romanis Agrigentum est, septimum intra mensem, quam obsideri cœperat, magna cum utilitate gloriaque populi Romani, sed multa quoque sanguinis impensa: quippe supra triginta hominum millia de consulum exercitu, Siculorumque auxiliis, inter istam obsidionem varia peste perierunt. Qua de causa, simul quia nihil jam magnæ rei ob hiemem propinquam suscipi poterat, Messanam redierunt. Anno deinde proximo cum imperio iverunt in Siciliam L. Valerius M. F. M. N. Flaccus, & T. Otacilius C. F. M. N. Crassus, consules; prioribus ducibus ad spem triumphi Romam digressi. Carthaginenses quidem classè tanquam ad vastandam Italiam misfa, novos consules a Siciliæ cura distinere cupiverant; sed ii constitutis circum litora globis militum, qui prædones arcerent, nihilominus in insulam transjecerunt. Tunc quoque multa Siculorum oppida in fidem recepta, recenti clavis Agrigentinæ exemplo & metu: neque obſſtentibus Pœnis, quos super prælium adversum etiam seditiones mercenariorum militum angebant: Gallis præcipue ob menſium aliquot stipendia non soluta tumultuantibus. Ad quos puniendoſ fraudem ejusmodi commentus est Hanno.

LX. Sermone blando mitigatos modicum ad tempus quiete ſcere jubet: *sibi effe certam & propinquam oppidi cuiusdam locupletis occupandi spem ostendit: ex ejus præda cumulate Gallis etiam pro solutionis mora satisfactum iri confirmat.* Ita ſedatis illis, adeoque gratias agentibus, opportuno tempore, cum dispensatore ſuo, quem habebat fideliflimum, agit, *ut ſpecie transfugæ, tanquam rationibus interversis ad Otacilium conſulem pergeret, indicaretque, nocte proxima Gallorum millia quatuor, ad urbem Lentellinam proditorum opera recipiendam venturos, locatis infidiis circumveniri posse.* Consul rem non ſpernendam arbitratus, licet transfugæ non omnino

§ LVIII. Polyb. Zonar. Diodor. Oros. 4, 7. § LIX. Diodor. Eutrop. 1, 2. Zonar. Polyb. Front. Strat. 3, 16.

confideret, mittit delectam militum manum. veniunt & Galli ab Hannone decepti. Consurgentibus ad hos excipiendos Romanis oritur proelium atrox, in quo Galli omnes interfecti, cum inulti noluissent occumbere, duplex Hannoni gaudium præbuerunt, conductitiorum insolentiam, cum hostium haud exiguo detimento, non incallide vindicanti.

LXI. Ronæ interim de aqua Anienis in urbem deducenda Minucius prætor in Senatu retulit. Opus illud ex manubiis censor M. Curius locaverat. sed variis exortis impedimentis, res nonum in annum prolata, tum retratabatur. Creatique duumviri Curius & Fulvius Flaccus: sed Curio quintum intra diem defuncto, gloria deductæ aquæ penes unum Fulvium fuit. Sub id tempus Hamilcar in Siciliam Hannonis successor Cartlagine venit. Hannonem namque, ex mala pugna domum redeuntem, ignominiose exceperant Pœni, mulctatumque sex millibus aureorum præfectura dimoverant. Eum Hamilcarem patrem Hannibalim, qui sequens bellum Punicum adversus Romanos duxit, fuisse, quidam similitudine nominum decepti non recte tradiderunt. nam genitor Hannibalim Hamilcar extremis ejus belli temporibus in Siciliam cum imperio adolescens venit; sed celebritas ejus effecit, ut alterius ignotioris Hamilcaris acta, Barcæ Hamilcari, omnium qui hoc nomine fuerunt nobilissimo, adscriberentur. Successor igitur Hannonis Hamilcar, pedestri utique exercitu Romanos longe superiores esse cernens, mediterraneas quidem urbes nullas audebat aggredi, neque ex locis montosis & arduis in plana descendere; sed classe validus, qua haud dubie maris imperium tenebat, ea parte virium haud segniter utebatur, missoque iterum Hannibale ad vastandam Italiæ oram, ipse Sicula litora circumvectus, pleraque maritima loca, quæ Romanis sese adjunxerant, facile recuperavit. Qua re fiebat, ut Romanis loca pro-

cul a mari remota, Pœnis litoralia & occupantibus facile, & tuentibus, æquo utrinque momento spes metusque librarentur, neque facile penes utrum populum totius belli victoria esset futura, judicari posset.

§ LXI. Front. de Aquæd. Diodor. Zonar. Cic. de off. Corn. Nepos Hamilc. c. 1. Polyb. 1, 20.

JOANNIS FREINSHEMII
 SUPPLEMENTORUM
 LIVIANORUM
 LIBER VII.
 IN LOCUM LIB. XVII LIVIANI.

E P I T O M E
 LIBRI DECIMI SEPTIMI.

Cn. Cornelius consul, a classe Punica circumventus, & per fraudem velut in colloquium evocatus, captus est. C. Duilius consul adversus classem Pœnorum prospere pugnavit, primusque omnium Romanorum ducum navalis victoriae duxit triumphum. ob quam causam ei perpetuus honos habitus est, ut revertenti a cœna, tibicine canente, funale præferretur. L. Cornelius consul in Sardinia contra Sardos, & Corsos, & Hannonem Pœnorum ducem feliciter pugnavit. Atilius Calatinus consul, cum in locum iniquum, a Pœnis circumseffum, temere duxisset exercitum, M. Calpurnii tribuni militum virtute & operi evasit: qui, cum trecentis militibus eruptione facta, hostes in se converterat. Hannibal dux Pœnorum viæ classe, cui præfuerat, a militibus suis in crucem sublatus est. Atilius Regulus consul, viæ navalی prælio Pœnis, in Africam trajecit.

I. **Q**UARTUS jam belli Carthaginensis annus exierat, neque pœnitiebat virtutis aut fortunæ Romanos: prœliis enim omnibus, quotiescunque congressi cum Syracusanis, aut cum Pœnis fuerant, victores discesserant: opulentas urbes oppugnando ceperant: aliae conditionibus in potestatem venerant: sed quando bellum in insula gerebatur, neque comeatus, neque supplementa, cum opus esset, submitti poterant: & naves Carthaginensium liberis & improvisis appulsibus non modo Siculas urbes ad mare positas ex tuto vexabant; sed etiam Italiae oram subinde vastantes, & detrimentum imperio Romanorum, & ignominiam famæ inferebant; cum interim Africa indennis, & periculorum malorumque omnium hostilium exsors haberetur. Itaque re diligenter deliberata Senatui Populoque Romano placuit, ut classe comparta, non terra tantum, uti cœperat, dimicaretur cum Pœnis, sed etiam maritimæ aleæ fortuna tentaretur.

II. Hæc prima Romanæ urbi de navalibus rebus seria cogitatio fuit: quam haud minus forti felicique opera complevit, ac animo consilioque fidenti suscepserat; ut non imerito judicaretur, orbis imperium genti Romanæ deberi, cui adversus exercitatissimum in re nautica populum classibus bellare volenti, nec ad rem aggrediundam audacia, nec ad regendam sollertia, nec ad perficiendam constantia defuisset. Cum enim ad eam diem Romani adeo maritimam militiam non attigissent, ut neque viros, qui navale prœlium vidissent, neque naves ullas bellicas, ne fabricandarum quidem artifices idoneos haberent, maxima fiducia tantum opus aggressi, brevissimo tempore & navigare cœperunt, & dimicarunt maritima pugna, & homines a multis æstatibus rerum earum peritissimos superaverunt. Cura classis fabricandæ mandata Cn. Cornelio L. F. Cn. N. Scipioni Asinæ, & C. Duilio M. F. M. N. qui consulatum recens iniverant.

III. Navis erat una quinqueremis , quam Claudio s , quo tempore freti transitum meditabatur , cupidine pugnandi proprius ad litus perlatam , locisque vadosis & brevibus impeditam pedestri manu ceperat : hujus ad exemplum classem exædificari consules juvæ , tantoque studio institerunt operi , ut sexagesimum intra diem , quam cæsa materia fuerat , classis centum sexaginta navium in ancoris staret . Sed nec ingenio minore quam industria consules expeditionem istam maturarunt . cum enim neque imperitos remiges in prælii discriminem adducere consultum putarent ; neque exercendis iis tempus rerum gerendarum coarctare vellent ; commenti sunt remi uti prima specie ridiculam , ita usu eventuque prolixè commendabilem : ut interea , dum naves campinguntur , futuri remiges in litore sedentes officia sua docerentur . Iisdem enim ordinibus dispositi , quos in ipsis navibus servaturi mox erant , hortatore in media turba collocato , ad illius vocem & præcepta , motu & impellere remos , iterumque quiescere , haud aliter , quam navigantes solent , jubebantur . Hac imaginaria exercitatione tantum profectum est , ut postquam paratis jam navibus paucos dies in ipso opere industriam suam probavissent , jam confidere ipsis auderent consules , suamque & legionum salutem credere .

IV. Provincias deinde cum fortirentur , C. Duilio terrestre in Sicilia bellum , Cn. Cornelio classis evenit . Qui assumptis navibus septemdecim Messanam progressus , quo in adventum classis , quam sequi , ut primum posset , jussicerat , necessaria præpararet ; priusquam ad fretum illa accederet , in manus hostium incidit . Factum id Boodis astuta , quem Hannibal Punicæ classis imperator legatum habebat , & credulitate consulis , qui Liparæis quibusdam ab hoste subornatis fidem habens , Liparæ urbis per proditio nem occupandæ spem temere conceperat . Ibi circumventus a Punicis navibus , conferere tamen manus , & pugnando salutem quærere cogitabat : nisi Boodes altera fraude

ipsum & tribunos militum, quasi de conditionibus cum Pœno locuturos, suam in triremem pellexisset. venientibus injectæ sunt catenæ: quo terrore cum ceteri sine certamine se tradidissent; Boodes navibus omnibus potitus captivos Carthaginem misit.

V. Simile mox Pœni ducis peccatum fuit, eoque majoris opprobrii, quod neque Romani consulis incogitantiam recenti exemplo ad cautionem profuisset. Didicerat Romanam classem, juxta litus Italicum vela facientem, ad fretum tendere, neque procul abesse jam posse. volens igitur eam ex propinquo considerare, ut numerum navium, & quæ in novo instituto Romanis agilitas & habitudo esset, accurate cognosceret, cum navibus quinquaginta proficiscitur: securus futuri, & classe, ut in cursu tuto solet, naviis temere permixtis, parum composita. Igitur in fluxu cujusdam promontorii cum in Romanam classem ordine commodo navigantem subito illatus esset; ante victus, quam ad pugnam parare se potuisset, amissâ meliori parte navium, postquam ipse quoque ad extreum periculi venisset, cum ceteris vix effugit.

VI. Victrix classis, cognito Cornelii casu, simul ad C. Duilium misit nuntios, qui suum adventum ei significarent; simul ad proelium se parabat, quod ceteras Carthaginensium naves propinquis locis agere compererat. ibi dum sollicitis animis incommoda suarum navium considerant, easque rudi opere constructas, a Punicis velocitate longe superari reputant; venit cuidam in intentem machinæ ad comprehendendas hostium naves tenendasque utilis, quam postmodum *corvos* vocaverunt. ejus hæc forma fuit. Tignum erat rectum teres, quatuor ulnas longum, crassitie dodrantali, trochleam in summo habens: huic in prora navis defixo aptabatur scala sex ulnas lata, longa pedes quatuor, composita ex transversis tabulis, quas impacti clavi ferrei firmiter continebant: in ea machina foramen

relictum erat oblongum, quo tigno inducta complectetur illud, eique cohæreret, per spatium ulnarum quatuor, quanta ipsius tigni longitudo erat.

VII. Scalæ vero reliqua pars & tigno non inserta, quæ ulnarum erat duarum, quibusdam velut articulis ita pendebat, ut facile attolli demittique posset: in extre.no scalæ validum affixum erat ferrum, pistilli forma, præacutum, quod in capite annulum habebat, ex quo furis alligatus per trochlearm tigni, in ipsam navis proram demittebatur. Tum quoties voluissent attracto fune erigebatur scala, remisso ruebat: quidquid comprehendendisset infesto ferrei stili acumine defigens & vinciens. Inter hæc C. Duilius consul pedestri exercitu tribunis tradito, ad naves venit: intellectoque Mylaiten regionem ab hoste vastari, cum universa classe ad eam oram proficiscitur. Grates Carthaginensibus fuit, qui adversum mediterraneos homines & rei nauticæ imperitissimos, certam sibi victoriam pollicebantur: ipsi quoque documento futuri, nullum unquam hostem ita contemni oportere, ut quidquam de cœvendi diligentia & disciplina remittatur. X

VIII. Dux classis Hannibal, is qui copias ex Agrigento eduxerat, septireme vehebatur, quæ fuerat regis Pyrrhi: hunc reliquæ naves sequebantur, non tanquam ad præclium, per aciem & distinctos ordines; sed ut cuique primum erat, hostium contemtu properantes: ac postquam propius suggesti suspensos ex proris adversæ partis minantesque corvos viderunt; rei novitatem admirati paulisper hæsere. tandem ferocissimo quoque imperitorum hominum rude commentum deridente, primæ quæque naves concitato impetu inveniuntur. Tum vero demissi repente corvi, ut in quamlibet inciderunt, ita perforato tabulato hærentes invitam retinebant: milites autem Romani, siquidem fors tulerat ut ex lateribus naves connecterentur, omni ex parte in hostiles insiliebant: quoties autem proræ tantum commissæ essent, per ipsum tignum annexumque pontem armati bini tran-

fibant, tanto expeditius, quod utroque a latere scalæ lorica genu tenus alta, tutiorem incessum gradumque firmioreræ præstabat: primi enim quique projectis ante se scutis frontem adversus hostium tela protegebant; pone sequentes sua scuta loricæ utrinque applicabant; sic etiam lateribus defensis, navem adversam collato gradu oppugnabant. fiebatque pugna non rostrorum, sed ensium virorumque cominus, & statariæ similis.

IX. Unde Romano, qui robore præstabat, adversum homines leviter armatos, naviumque potius agilitate quam manibus confisos, facilis victoria fuit: celeriterque sunt expugnatæ naves Punicæ triginta: in quibus & prætoria septiremis capta est. Hannibal tamen, cum ex navi, quæ jam capiebatur, in scapham saltu se demississet, captivitatem evasit. rapideque missò Carthaginem amico, qui famam cladis præveniret, imminens ob rem male gestam supplicium astu declinavit. Is enim curiam ingressus, quasi re adhuc integra consilium a Senatu petiit, *congrediendumne cum Romana classe videretur?* omnibus suclamantibus, ne dubitandum quidem, aut differendum suisse: Fecit, inquit, & vietus est. Ita non audentibus incusare factum, cuius, antequam fieret, auctores esse pro se quisque voluissent, capitis poena liberatus est imperator, præfectura navium ademta.

X. Ceterum post fugam ducis e prælio reliquæ Carthaginensium naves (supererat autem pars multo maxima) impedito consilio, quid faciendum esset, ambigebant: pudebat excedere pugna, nullo tum accepto incommodo, ne hoste quidem urgente: rursum Romanas naves aggredi corvorum metu cunctabantur: ad postremum undique circumvecti, & nauticas artes omnes experti, ubi omni ex parte opponi sibi rostra & objici formidabiles illas machinas vident; desperata victoria discessere. Mersæ traduntur eo prælio naves Punicæ quatuordecim, captæ una & triginta, cum septem hominum millibus, postquam pugnan-

do tria millia periissent. Hoc eventu C. Duilio consule aduersus Pœnos juxta Liparæorum insulas certatum est: unde magnus Romanis etiam prædæ fructus, sed longe amplissimus gloriæ famæque fuit. Consul assūlto terrestri exercitu Segetam profectus, urbem a Pœnis ad extremum spei adactam, periculo exemit: inde Macellam pugnando cœpit, Hamilcare nusquam occurrere auro: confirmatisque civitatum amicarum animis, æstate jam circumacta, Romanam rediit.

XI. Cujus discessu res Punicæ rursum efflorescere cœperunt. Primum enim ab obsidione Mutistrati, post septimum mensem multis suorum desideratis, discesserunt Romani: deinde cum inter ipsos & auxiliares dissensione orta, seorsim a legionibus inter Paropum & Thermas castra metatis socii essent; illorum recordia utendum ratus Hamilcar, improvisa irruptione supra millia quatuor occidit: neque multum abfuit, quin totus Romanorum exercitus eadem clade involveretur. Tum igitur multa iterum oppida, partim expugnata sunt ab Hannibale, partim proditione capta. Quæ licet Romæ haudquaquam lætis auribus acciperentur, levia tamen danina præ gaudio navalis victoriae reputabantur. Cum enim hactenus Romana virtus terrestribus bellis invictam fe praestisset, non abs re lætabantur isto prælio maritimorum quoque virium non contemnendam opinionem quæstam esse. unde ad spem totius belli mirifice confirmatis animis, auctorem decoris inusitati novis etiam honoribus dignum judicaverunt.

XII. Primus itaque Duilius navalem triumphum de Siculis & classe Punica egit Kalendis Intercalaribus: tulitque civitas, quod honore isto non contentus, alium sibi nullo exemplo privatus sumisit, ut a coena redeunti tibicinis inter cantum funale præluceret. Columna quoque rostrata Senatus consulto posita in foro est, ex Pario marmore candido, quæ mersarum captarumque navium numerum, &

§ X. Eutrop. I. 2. Oros. Florus 1, 2. Zonar. Polyb. § XI. Died. Ecl. I. 23. Eutrop. I. 2.

summam pondusque pecuniae captæ complexa, adhuc visatur, sed extritis vetustate vocabulis pluribus: auri tamen nummos captos esse ter mille septingentos, argenteorum supra centum millia, æris gravis vicies septies centena millia pondo, satis agnoscitur. Triumpho peracto comitia C. Duilius habuit, L. Cornelius L. F. Cn. N. Scipio, C. Aquilius M. F. C. N. Florus consules facti. Provincias consulares Senatus decrevit Siciliam, & classem. Cui classis obvenisset, ei in Sardiniam & Corsicam transjicere, si e republica videretur, permisum. Hæc fors Cn. Cornelio cum evenisset, instructa classe profectus est.

XIII. Hæc prima Romanorum in Sardiniam & Corsicam expeditio fuit. Insulæ sunt locis ita conjunctæ, ut eadem videri possint: cœli tamen solique natura, & quod sequitur, hominum ingenio, multum dissimili. Sardiniam, ut imaginem humani vestigii referentem, *Ichnusam* veteres, itemque *Sandaliotin* dixerunt. Inde *Sardum Hercule Libyco genitum* ajunt frequentatæ ab se insulæ nomen, quo hodie noscitur, *imposuisse*. Græcos etiam ad ea loca venisse cum Aristæo fabulis antiquis decantatum est; itemque post Iliaca bella, Trojanos. Terra neque spatio soli maximis ejusdem maris insularum, neque bonitate fertilissimis multum cedit. parens optima pecudum, frumenti optimi feracissima, metallorumque, sed præsertim argenti, dives. Cœlo tamen haud æque salubri utitur, laudemque fœcunditatis apud exterorū pestilentioris aeris infamia corrupit: per astatem enim morbosa est, & in locis fertilioribus, magis.

XIV. Herbam præterea producit vehementis veneni apastro persimilem, quæ in cibo sumta nientem adimit, nervisque violenter attractis labia distorquet in ridentium speciem; exitiali succo, nisi post vomitum lac aut aqua multa copiose bibatur: ita vis istius mali præsens diluitur;

§ XII. Tacit. 2, 49. Colum. Triumph. Cic. Cat. c. 13. Liv. Epit. 17. Plin. 3, 4, 5. Silius in fine l. 6. Pigh. Annal. § XIII. Sall. hist. 2, 1. Plin. 3. Silius l. 2. Sall. fragm. Pausan. Apian. hist. 22, 16, 34. Sol. c. 10.

ceteris deinde incommodis ea medentur, quæ in convolutionibus nervorum usui sunt. Etiam minimum animalculum per imprudentiam supersedentibus mortiferum est. *Solpugam* vocant, formicarum genus, tanto periculosioris malitiæ, quod & latet facile propter exiguitatem, & ab ignaris naturæ ejus, etiam animadversum non timetur. Saïdi, variis ex barbaris mixta natio, cum ingenio suo permittitur, Iubentius latrocino quam agricultura vicitant: pelta & brevi ense armantur: thoraces ex pelle musmonum confluunt; arietes ita vocant, quos insula gignit, non lanam ut alii, sed pro ea pilum caprorum more gestantes. Urbium celeberrima Caralis est, Africam spectans, & inde condita, cum pulcherrimo portu.

XV. Corsica nec amplitudine nec opibus Sardiniae comparanda, tertium tamen inter has insulas magnitudinis locum obtinere creditur. nomen a Corsa, muliere quadam, accepisse incolæ tradunt; cujus ab armento taurus in hanc insulam ex Liguria transjecerit. Græcis *Cyrnus* vocatur. Montosa est & aspera, & plerisque locis penitus invia: quare populum etiam terre suæ similem alit, nullo humano cultu feris propemodum ipsis intraestabiliorem. Capti in servitutem vix mansuescunt: sed aut impatientia laboris & jugi vitam exuunt; aut contumacia & stupiditate molesti sunt heris. Mel in insula copiosum est, sed amari saporis, quale fit ex flore buxi, quam Corsica multam & crassissimam profert. Idem tamen saluberrimum putatur; & sunt qui longævos in Corsicâ homines fieri opinentur, quod mel istud suum in continuo usu habeant. Oppida nec magna nec frequentia populo, sed tamen supra triginta numerantur: ex quibus facile principes sunt Aleria, Phocæensi Colonia; & Etruscoruni Nicæa. Hic quoque grave cœlum est, & præterea importuosum mare.

XVI. Cum his igitur gentibus diu Carthaginenses bella

§ XIV. Mela 2, 7. Strab. l. 5. Plin. 16, 16. Math. in Diosc. 6, 14. Plin. 29, 1. Lucan. 9. S37. Claud. de bell. Gild. § XV. Sall. hist. 2, 1. Strab. l. 5. Lycus ap. Athen. l. 2. Plin. 29, 4. Mart. Capella. Diod. 5, 3.

gesse, & utriusque insulæ dominatione, præter inaccessa loca potiti sunt. Sed quia facilius erat rudes & feros homines vincere, quam domare; tum alia, quibus eos continerent, excogitarunt, tum etiam quo res vitæ necessarias ex Africa petere cogerentur, quidquid ubivis frugum fructuumve erat, corruperant, etiam suppicio mortis indigenis proposito, si quis tale quid ferere aut plantare instituisset: donec longa consuetudine facti mitiores imperium æquioribus animis pati didicerunt. Has ad insulas navigationem eo tempore L. Cornelius consul instituit. & prius quidem in Corsica urbem expugnavit Aleriam: quo facto ceteras facile & citra laborem aut periculum adjunxit. In de Sardiniam petenti classis occurrit hostium: quam aggressus consul, antequam ad manus ventum esset, in fugam conjectit.

XVII. Mox ad Olbiām profectus, cum in portu multas Carthaginensium naves stare vidisset, neque se satis a pedestri robore instructum ad oppugnationem urbis situ & defensorum multitudine validæ crederet, omisso in præsens negotio, domum ad plures milites assumendos abnavigavit. Per idem tempus servills in urbe motus inter ipsa initia feliciter compressus, magna rempublicam follicitudine simul affecit, & liberavit. Ad classem instruendam ex gentibus recens devictis navales socii frequentes cogebantur: eorumque tum ad quatuor millia Romæ convenerant, Samnites plerique. ii, quod a mari abhorrent, conditionem suam secretis sermonibus miserati, eo usque exarserunt, ut urbem incendere atque diripere agitaverint. jamque ad tria servorum millia in eandem fententiam pertraxerant, quotidie sumente vires conspiratione, cum Erius Potilius præfectus auxiliorum prudenti consilio periculum omne discussit.

XVIII. Simulato enim ejusdem factionis studio, machi-

§ XVI. Senec. consolat. ad Helv. c. 8. Arist. περὶ Σαυματίων ἀκούσματων. Freinsh. ad Flor. 2, 2, 16. Zonar. § XVII. Oros. 4, 7.

nationes eorum omnes exacte perdidit: genus, numerum, nomina singulorum, qui in ea conjuratione essent, cognovit: loca, tempora, quibus ausuri quodque forent, exploravit. Nihil jam deerat ei, quo minus rem ad Senatum deferret, præter facultatem Curiam adeundi; nam voluntas supererat: sed, Samnitibus nusquam in comitatum finentibus, perfidere institutum nequibat; donec excogitato dolo persuasit eis, uti, quo die Senatus haberetur, in forum agminatim progressi, fraudem sibi in dimetiendo frumento factam esse vociferarentur: inde nascituram occasionem dicens aut exsequendū consilii sui, aut certe speculandi, quid adversus subitos ejusmodi motus animi consiliique Patribus esset. quoque plus fidei faceret, ipse processit una, neque comitem modo se tumultus ejus, sed principem ducemque præbuit. Unde vocatus ad Senatum, conspirationis occultæ periculum commentique sui causas exposuit.

XIX. Patres, dissimulata facti conscientia, miserunt qui turbam illam blandis verbis delimitam domos abscedere juberent: daturos operam Patres, ut *injuria*, quæ facta dicerebatur, sublata, juris sui cuique copia fieret. Ita conjurati, latere adhuc consilium suum existimantes, digressi sunt: nocte vero proxima suos quisque servos, quos indicio Potilii sceleris esse participes cognoverant, vinxit: Samnitium quoque plerique in hospitiis suis comprehensi. Nescio, an hæc cura, an vero aliud negotiorum aut valetudinis impedimentum C. Florum tenuerit, ne citius in Siciliam proficisciatur: in qua Hamilcar post proximam victoriam res Carthaginiensium magnis profectibus restituebat. Quippe Camarina & Enna proditione receptis, Drepanum, ubi portus egregius erat, commissivit, & in oppidi formam auxit, transductis illuc Erycinis, quorum urbem, ne Romanis usui foret, præter templum Veneris, everterat. Multa deinceps alia loca dolo aut armis in potestatem redegerat, totaque Sicilia potitus videbatur, nisi Florus, ob res istas ne sub hiemem quidem insulam relinquere ausus, obstitisset.

XX. Facilius alteri consuli bellum cum Sardis & Carthaginensibus ad Olbiam fuit. Quo reversus cum auctioribus copiis, Hannonem invenit, quem Hannibale remoto Carthaginenses rebus maritimis præfecerant. Pugna vehementi facta, Hanno fortissime dimicans, cum vinci suos videret, in confertissimos hostes irruens imperfectus est, secutaque oppidi deditic. Consul victoriae famam etiam humanitatis adversus hostem insigni documento decoravit. Nam e tabernaculo suo corpus Hannonis efferendum curavit, amplasque ipsi fecit exsequias, cessantibus post mortem odiis, virtutem etiam in hoste honorandam esse recte judicans. Inde recentis victoriae terrorem exolescere non passus, multas & alias Sardiniae urbes cepit, consilio doloque virtutem adjuvans.

XXI. Solebat enim noctu appulsa litori classe, delectos ex cohortibus haud procul oppidis, quæ adoriri constituerat, exponere: qui locum insidiis opportunum occupantes exspectabant, donec ad ipsas urbes suggressus consul oppidanos in arma compulsos, simulatione fugæ longius a mœnibus eliciisset: tum illi advenientes cursu, vacuas defensoribus urbes capiebant. eo astu complures in potestatem venere: tantumque vincendo processum est, ut neque in Corsica, neque in Sardinia Poenorum exercitus consistere possent. Qua de causa minime dubitatum est, quin Romam reverso triumphus amplissimus decerneretur. Triumphavit de Poenis & Sardinia & Corsica ante diem V Idus Martias, cum magnam ex insulis istis prædam, & multa millia captivorum adduxisset. At in Sicilia C. Florus Proconsule Mutistratum oblidebat, locum munitum, & semel iterumque frustra tentatum.

XXII. Ne tum quidem prius expugnari potuit, quam novus consul A. Atilius A. F. C. N. Calatinus veniret. huic enim Sicilia provincia, collegæ ejus C. Sulpicio Q. F. Q. N. Patrculo classis evenerat. Ii, quod Panormi Carthagi-

§ XX. Val. Max. 5, 1, 2. Silius 1. 6. Front. 3, 9. § XXI. Flor. 2, 2. Fasti Capitol. Eutrop. 1. 2. Zonar.

nientium hiberna erant, cum omnibus copiis eo profecti acie instructa fecere pugnandi copiam hostibus. Sed nemine contra prodeunte, Hippnam petierunt: quæ urbs ex itinere oppugnata statimque capta est. Iude Mutistratum perrexit Atilius, quam acriter defensam ad extremum fatigati lamentis mulierum atque puerorum propugnatorem deseruerunt. Ita prædio Carthaginensium noctu digresso, prima luce portas oppidani aperuerunt. Sed Romani, malorum quæ in obsidione pertulerant nimium memores, obvios sine discrimine sexus ætatisve cædebant: donec A. Atilius proclamari jussit, *prædam & homines capientium fore*. Tum demum crudelitatem avaritia vicit; servatique Mutistratensem reliqui sub corona venierunt: urbs direpta est & diruta.

XXIII. Camarinam inde ductus exercitus, ob regionem parum diligenter exploratam, maximum in discriminem incidit. Pœnus enim imperator obviam prefectus loca superiora prior occupaverat: Romanasque copias in vallem iniquam temere demissas circumsidebat. Certum ante oculos omnium exitium, & Caudinæ clavis imago versabatur: nisi consilium & virtus M. Calpurnii Flammiae, qui tribunus militum eodem in exercitu agebat, rebus pæne des�ratis subvenisset. Nam is P. Decii secutus exemplum, qui tribunus militum idem in Samnio fecerat, assumitis militibus trecentis ad tumulum quendam occupandum ivit: nulla spe evadendi, sed amore laudis & servandi exercitus cupiditate ipse militesque ejus accensi. Ferunt, cum eo duceret, ita suos allocutum esse: *moriāmur, milites, & morte nostra eripiamus ex obsidione circumventas legiones*. Atque ita factum est. hostibus enim in hos conversis, dum acerrima pugna quantumvis multos morituri detinent, consul evolvere se se locis infestis potuit: Carthaginenses imperfectis, qui se objecerant, nihil in detectis jam insidiis ponentes spei discesserunt.

§ XXII. Diodor. Zonar. § XXIII. Zonar. Agell. 3, 7. Front. Strat. 4, 5, 10. Liv. Epit. 17. Liv. 7, 34 & 22, 60. Flor. Qref. 4, 8.

XXIV. Itaque Calpurnii miraculo proxima fortuna fuit. Qui repertus inter suorum hostiumque cadaverum cumulos, cum solus omnium adhuc spiraret, sublatus atque diligentia refectus, cum inter multa vulnera letale nullum accepisset, diu postea fortè fidemque operam Reipublicæ præstítit, magnoque terrori hostibus fuit. Qui si apud Græcos tantum virtutis specimen edidisset, neque præmiorum, neque monumentorum satis potuisset decerni. nunc homini Romano tanti facinoris merces corona ex gramine fuit: memoria vero facti adeo negligens, ut vix de nomine fortissimi viri constet. eundem enim *Calpurnium Flammam* plerique, sed M. Cato Q. *Cædicium*, Claudio Quadrigarius *Laberium* vocatum esse, tradiderunt. Ceterum emersus ex his angustiis consul, cum & error pudorem, & periculum vigilantiam acuisset, majoribus iterum viribus & intentiore cura oppugnare urbem aggressus, postquam sine machinis parum proficiebat, ab Hierone petitas accepit. Earum violentiae cessit murus, redactosque in potestatem Camarinenses majori ex parte sub hasta consul vendidit.

XXV. Tum ad Ennam itum: ea quoque proditione recepta: præsidiarii partim a Romanis in oppidum admissis interfecti sunt, alii fuga dilapsi ad suarum partium loca se receperunt. Sittanæ possessionem non dolus sed virtus dedit: magna vi pulsis, qui defenderant, & urbe expugnata. Neque moram fecerunt minora quædam in ea Siciliæ parte oppida, quin protinus missis legatis consuli se traderent. Qui præsidiis per commoda loca dispositis, in Agrigentium agrum signa promovit, ibique Camicum castellum opera proditorum recepit. Unde perculsi, qui Erbessum tenebant, oppido relicto fugerunt. Sic Erbessus quoque ad Romanos rediit. Hoc successu consul animatus, & quod Liparæorum haud paucos sibi favere putabat, ad illorum urbem adiuvit exercitum. Ibi non pro cetera felicitate res processit. Hamilcar enim, Romani ducis consilio sagaciter

§ XXIV. Auct. de Vir. ill. c. 39. M. Cato ap. Agell. Plia. 22, 6. Front. Strat. 4, 5, 10. Agell. 3, 7. Diodor. Polyb.

deprehenso, Liparam clam intraverat, intentusque tempus bene gerendæ rei exspectabat. Quod Romanus cum ignoraret, audacius & incautius subiens muros, repentina Pœnorum eruptione turbatur. vulnerati sunt in eo conflictu permulti, cæforum quoque non exiguis numerus fuit.

XXVI. Interea C. Sulpicius consul in Sardinia cum Pœnis aliquoties prospere dimicavit: tantumque hinc accessit animi, ut Africani versus vela facere auderet. Id vero minime ferendum esse Carthaginenses arbitrati, Hannibalem, qui ex Sicula fuga Carthagine adhuc agebat, iterum navibus suis præponunt, multisque & præstantissimis præfectorum navalium adjunctis, *classem hostilem a patriis litoribus repellere* jubent. Solvit is quidem ut pugnaturus: ceterum, quo minus concurreretur, intercessit tempestas; quæ utrisque gravis incumbens, ad loca tranquilliora submovit invitatos. Sardiniae tamen portus ambo duces tenuerunt. Ibi cum in ancoris haberent naves, Sulpicius, quo Pœnum in apertum mare perliceret, quosdam subornat, qui transfugorum specie persuaderent Hannibali, *Romanos iterum in Africam navigare*. Deceptus ille hoc vaframento, celeriter educta classe, in consulem idoneo loco præstolantem imparatus incidit: multæque naves Punicæ depresso sunt, priusquam scire possent, quid ageretur; cum insidias consulis tempestatis favor & opportune orta caligo texisset.

XXVII. Tandem re intellecta reliquæ repetiverunt portum, aut in litus se ejecerunt; ibi profugientibus remigibus pleræque inanes captæ sunt. Hannibal enim, desperato teneri portum posse, in oppidum Sulcos se contulerat: ubi seditione orta comprehensus a Carthaginiensibus, qui eodem ex pugna configuerant, quod *ejus temeritatem & stultitiam clavis suæ causam fuisse* dicerent, crucique affixus periit. Sed hæc victoria Romanis paulo post detrimenti nonnullius causa fuit. cum enim sublato classis Punicæ metu in vastatione agrorum contemtius & securius versarentur, improviso Pœ-

norum Sardorumque incursu, Hannone quodam duce, fusi sunt. Censuram hoc anno C. Duilius geslit, Janique templum apud forum olitorium struxit. Triumphi dehinc duo spectati: prior C. Aquillii Flori proconsule de Pœnis a. d. IV Nonas Octobres; alter C. Sulpicjii consulis de Pœnis & Sardis, a. d. III Nonas.

XXVIII. Cum deinde C. Atilius M. F. M. N. Regulus, & Cn. Cornelius L. F. Cn. N. Blasio iterum consules essent, facra quædam procurandis prodigiis fieri solita Senatus facienda censuit; quod in Albano monte, locisque aliis pluribus, atque adeo in Urbe ipsa, lapides frequentes grandinis instar deciderant. Latinas ferias instaurari, causaque earum dictatorem dici visum est. Q. Oculnius L. F. A. N. Gallus dictator, M. Lætorius M. F. M. N. Plancianus magister equitum fuerunt. C. Atilius, qui classi præerat, ad Tyndaridem Siciliæ cum appulisset, classem Punicam ordine parum composito præternavigantem conspicatus, ejus oppugnandæ consilium subito cepit. Jussisque sequi ceteris navibus, ipse cum decem, quæ primæ parari potuerunt, evolat; & ad Pœnos jam longius evectos summa velorum remorumque contentione pergit.

XXIX. Hamilcar in ea classe vehebatur, non contemnendus imperator: qui paucas sibi naves instare videns, alias portu vix egredias esse, magnam partem etiamnum in ancoris hærere, converso cursu C. Atilium ejusque naves tota classe circumvenit. deprimuntur celeriter naves novem, impari adversum tanto plures certamine nequidquam omnia expertæ. Prætoria tamen meliori, quam ceteræ fuerant, remigio instructa, sociisque navalibus præsentia coœulis animatis, vi perrupit, salutemque invenit. jam enim aderant Romanorum aliæ naves, quarum superventu mutatur fortuna pugnæ, merguntur Punicæ naves octo, capiuntur cum ipsis remigibus decem: reliquæ ad Liparaeorum insulas intendunt cursum. Hæc mari gesta. terrestrium copia-

§ XXVII. Zonar. Polyb. Liv. Epit. 17. Marm. Capitol. Tacit. Annal. 2, 49. § XXVIII. Zonar. Fragm. Capitol. Polyb.

zum segnius bellum fuit, urbe Lipara sine successu oppugnata. sed in apertorum locorum vastationem desæviit hostilis ira; eademque calamitas etiam Meliten insulam haud longe distatam comprehendit. Ob hæc gesta C. Atilius consul triumphum navalem de Pœnis egit. Eodem anno etiam A. Atilius Proconsule ex Sicilia de Pœnis triumphavit a. d. XIV Kalendas Februarias. lætæque tum Romanis res erant, qui non terrestribus modo præliis, sed etiam maritimis superiores, non jam de Sicilia annexisque insulis, quarum imperium satis sibi certum esse putabant, sed de Africa invadenda, bellique terrore Carthaginis ipsius portis impinguendo, incipiebant consultare.

§ XXIX. Polyb. Zonar. Oroſ. Colum. Capitol. Auct. de Vir.
ill. c. 39.

JOANNIS FREINSHEMII
 SUPPLEMENTORUM
 LIVIANORUM
 LIBER VIII.
 IN LOCUM LIB. XVIII LIVIANI.

E P I T O M E
 LIBRI DECIMI OCTAVI.

Atilius Regulus Cos. in Africa serpentem portentosæ magnitudinis cum maxima militum clade occidit, & cum aliquot præliis adversus Carthaginenses pugnasset, successorque ei a senatu prospere bellum gerenti non mitteretur, id ipsum per litteras ad senatum missas questus est. in quibus inter causas petendi successoris erat, quod agellus ejus a mercenariis deseritus esset. Quarente deinde fortuna, ut magnum utriusque casus exemplum in Regulo proderetur, arcessito a Carthaginensibus Xanthippo Lacedæmoniorum duce, vietus prælio, & captus est. Res deinde a ducibus Romanis omnibus terra marique prospere gestas deformavere naufragia classium. Ti. Coruncanius primus ex plebe pontifex maximus creatus est. P. Sempronius Sophus, M^r. Valerius Maximus censores, cum senatum legerent, tredecim senatu moverunt. Iuslstrum condiderunt, quo censæ sunt civium capita CCXCVII millia, DCCXCVII. Regulus missus a Carthaginensibus ad senatum, ut de pace, &, si eam non posset impetrare, de captivis commutandis ageret, & jure-

jurando ad strictus redditurum se Carthaginem, si commutari captivos non placuisset; utrumque negandi auctor senatui fuit: &, cum fide custodita reversus esset, suppicio a Carthaginiensibus de eo sumto, periit.

I. **C**ONSULATUM deinde L. Manlius A. F. P. N. vulgo Longus inivit, & Q. Cædicius Q. F. Q. N. cui in magistratu mortuo suffectus est M. Atilius M. F. L. N. Regulus, qui semel consul fuerat. Hoc anno demum Africa, quæ hactenus cladium hostilium exsors egerat, sentire bellum cœpit, Romanis in eam ingressis, postquam Carthaginiensium classem magna pugna vicissent. Quæ uti gesta sint, ipsiusque Reguli utramque fortunam, & indignum viri virtute exitum, hoc libro exponemus. Anno superiore cum C. Attilio consule Carthaginenses ita prælio navalí contendenter, ut quanquam ipsi pluribus amissis navibus pugna priores excessissent, tamen quia Romanas etiam aliquot submerserant, se non inferiores fuisse interpretarentur: Romani contra eventum eum pro victoria haud dubia computabant. Ita fiebat, ut spe & fiducia pari populus uterque studium maritimarum rerum per æmulationem summam prosequeretur.

II. Igitur & consiles in Africam transferre bellum jussi, cum trecentarum triginta navium classe Messanam appulsi; atque inde litus Siciliæ dextrum legentes præter Pachynum ad recipiendas pedestres copias, tum castra circa Ecnomum collem habentes, pergebant: & sub idem tempus Hamilcar imperator Pœnorum, & præfectus classis Hanno, trecentarum sexaginta navium duces, Carthagine Lilybæum, & inde Heracleam Minoam transgressi. eo in portu stationem agitabant, consilia Romanorum observantes, & si versus Africam instituere cursum auderent, prohibituri. Quod edocti consules ad utrumque casum studiose cuncta comparant, ut sive navalis prælia tentandæ spes forent, sive alicubi exscensionem fieri oporteteret, consilium in ex-

pedito haberent. Itaque pugnacissimiis quibusque militum in naves impositis, quatuor classes, tanquam ejusdem universæ partes totidem, faciunt. legionem primam in prima classe, duas sequentes ordine suo constituunt: in quarta collocant triarios.

III. Has copias ita disponunt, ut singulis navibus trecenti remiges, milites vero centeni viceni vehantur: ita numerus hominum in universa classe ad millia centum quadraginta accedebat. Hunc numerum aliquanto superabant Poeni, plus centum quinquaginta millibus hominum adducentes. Et militum quidem genus præ suis parvi faciebant consules: major ea deliberatio erat, cum in alto mari pugnandum fore appareret, ubi celeritas navium & gubernatorum artes plurimum valent, quo ordine adversus istud discrimen aptissime componi acies posset. postremo rationem instruendæ classis talem ineunt. Hexeres duas, quibus consules ipsi vehebantur, pariter in fronte statuunt: utriusque harum hinc primam inde secundam classem longa & simplici serie annexunt, ita collocatis navibus, ut omnium prora foras obversæ essent: hexeresque propemodum conjunctæ irent, proximæ his longius inter se digrederentur: atque ita deinceps spatium inter duas oppositas naves relictum cum ipsis ordinibus cresceret.

IV. Sic minimo inter primas naves, maximo inter postremas intervallo, cum ex duabus ipsis classibus forma cuneata aciei effecta esset, tertiam deinde legionem admovebunt: quæ simplici navium ordine spatium ipsis inter priores duas apertum prætexens, triquetram totius aciei faciem exhiberet. Pone hanc, a tergo tertiae classis, hippagines funibus tractoriis ad naves tertianorum pertingentibus remulco trahebantur. Postremi omnium triarii navibus unam in seriem, sed semicircularem exorrectis ita priores ambibant, ut ab utroque cornu' prominenter. Ita totum corpus fronte cava, postremis partibus solidis, rostræ navalis similitudinem præferebat: non minus ad sustinendam

impressionem firmum, quam ad inferendam habile. Sed Carthaginensium duces Romanæ classis adventu per exploratores cognito, cum urbem suam aditu facilem, imbelles vulgus, accolas leves & ad mutandam fidem pronos cogitarent; obviam ire decernunt, omnia prius experiri certi, quam tutum in Africam cursum Romanis navibus permetterent.

V. Igitur suos paucis cohortati, *ut memores non de praesentibus modo, sed omnibus, quos domi quisque carissimos haberent, pugnandum esse, obfirmatis & alacribus animis prælum capeffarent*, naves descendunt & bonaque cum spe sua & navalium sociorum ex portu evehuntur. Neque longe Romana classis aberat: itaque haud procul Heraclea pari utrinque robore concurritur. Pœni duces inter se ita comparaverant, ut in dextro cornu Hanno curaret (erat autem idem ille, qui apud Agrigentum infeliciter pugnaverat) ceteris præfet Hamilcar, naves autem suas animadversa Romanorum acie quadripartito & ipsi divisorant. Harum quæ totius aciei sinistra erat in figuram arcus sinuata, terram versus inclinabat & ceteræ simplicibus ordinibus extentæ, proris navium in hostem versis. ex his dextrum cornu, in quo rostratarum & quinqueremium celerrimæ erant, Hanno versus altum mare quantum poterat exporrexit, si pugna aliunde commissa esset, circumdaturus hostem.

VI. Neque diu morati consules in medias Pœnorum naves cum duabus classibus suis se intulerunt. Hamilcar, quo Romanorum aciem distraheret, suis præceperat, ut commissa pugna fugam continuo capeffarent. Quod cum factum esset, Romanique cedentes avide persequerentur; illis quidem ob celeritatem navium innoxia fuga fuit; at Romanorum acies, uti voluerat Hamilcar prævideratque, divulsa est, triariis & tertia classe suo adhuc loco se tenentibus. Quod ubi perfectum esse vidi, subito dat e navi sua signum, ut conversis proris pugnam cum insequentibus ineant: certatur ambiguo Marte, Pœnis velocitate & peritia.

nauticæ rei, Romanis robore militum, longe superioribus. Itaque quamdiu navium potius quam hominum pugna esse potuit, Punica res haud dubie meliori loco erat: sed quoties corvorum jactu colligatis navibus minus pugnari cœperat, penes Romanum erat certa victoria; cum miles manu fidens, & in conspectu consulū pugnans, insigniore opera virtutem suam his approbare contuleret.

VII. Dum in ea parte sic dimicatur, Hanno cum dextro cornu, quod hactenus immotum habuerat, in triariorum naves invectus a mari fecit impetum, magnasque in angustias redactis molestum omnino negotium exhibuit. Eodem ferme tempore sinistra quoque Carthaginensium acies, mutata priore forma, & æquata fronte rostris infestis tertiam Romanorum classem, quæ hippagines remulco trahebat, invadit. Romani dimissis funibus ad resistendum se parant: hic quoque fortiter configitur. ita tribus locis, totidem navalia prælia, magno intervallō divisa nascuntur. Cum ita satis diu dubia victoria certatum esset, tandem evenit, quod necessum est, ubi simul pluribus locis æquali virium robore pugnatur, ut quæ pars prima pulsa fuit, totius certaminis victoriam daret. Cum enim Hamilcar vim hostium ulterius ferre non posset, ipsius fuga ceteras etiam Punicæ classis partes statim profligavit.

VIII. Nam ex consulibus L. Manlio in captivis navibus conquirendis, & ad suas alligandis occupato, M. Regulus commissum alibi certamen videns auxilium suis ferre festinavit, assumtis secundæ classis navibus, quotquot ex priore pugna integræ illæsæque evaserant. Celeriter opem istam senare triarii, receptisque animis, quos prope ad extremum periculum adducti desponderant, strenue dimicare cum adversariis cœperunt. Hanno cum & hos acrius resistere sibi, & a tergo se premi videret a recentibus, velis in altum datis imminens exitium prævenire studuit. Cum inter hæc L. Manlius quoque, tertiam Romanorum classem a Carthaginensium sinistro cornu ad terram urgeri conspicatus, cur-

fum eo intendisset, supervenit & M. Regulus, qui iam hippagines & triarios in tuto locaverat, ita subito facies rerum vertitur, claudunturque & cinguntur, qui paulo ante Romanos circumdederant. quos equidem in arctum constitutos & velut obfessos olim pessum dedissent, nisi metu cororum accedere veriti, spatium dedissent consulibus, ut & suos eriperent incolumes, & Carthaginensibus subito accursu circumfusi, naves quinquaginta cum vectoribus omnibus, velut indagine caperent: paucae reliquæ juxta litus ipsum se subducentes effugere.

IX. Fuit hoc præcium cum varietate casuum, & contentione pugnandi, tum etiam amissarum utrinque navium multitudine inter pauca memorandum. Tres & sexaginta Poenorum naves captæ; supra triginta depresso sunt: victores quatuor & viginti naves amiserunt fluctibus haustas; at in potestatem hostium nulla pervenit. Post hanc victoriā Messanam reversi paucos dies navibus hominibusque reficiendis, & ampliori commeatui parando dederunt. Inter quos Hamilcar, cum Africam ab Romanis adiri vehementer nollet, prohibere vero vi & armis non posset, ad dolos se contulit; missoque ad eos per causam petendæ pacis Hannone tempus extrahere fategit, donec copiæ, quas Carthagine sibi mitti sperabat, advenissent.

X. Hanno cum ad consules accessisset, audiretque voices *idem in illum statuendum esse clamitantium, quod quinto ante anno in Cn. Cornelium Afinum consulem Pœni designavissent*; astuto responso periculum intentatum elusit: *hoc vero, inquit, si feceritis, jam nihilo eritis Afris meliores.* statimque consules excepero sermonem, tacere jussis, qui vincendum dixerant, conveniensque Romanæ gentis gravitate vox audita est: *Isto te metu, Hanno, fides civitatis nostræ liberat.* De pace, quia neque Poenus serio agebat, consulesque victoriā quam pacem malebant, frustra agitatuin est. Africanam igitur expeditionem diutius differri non placuit. Neque Poeni duces oblitere, quanquam inter se constituis-

fent, quietum iter hosti non concedere, sed diversis ex partibus carpere morarique. Ceterum Hannone ad præmu-niendam Carthaginem festinante, Hamilcar nihil movere ausus, Heracleæ se continuit: naves Romanæ & ab ho-stibus & a tempestate pacatum iter habuerunt.

XI. Neque defuerant, qui longinquam navigationem, & hostile litus, ipsumque Africæ nomen exhorrescerent; ante ceteros imperium detrectante tribuno militum Man-nio: sed adversus hunc ita exarsit Regulus, ut virgas secu-ritimque minitaretur, ni paruissest. ita demum præstitum est obsequium consuli, formidinemque navigandi propior & ma-jor metus expulit. Hermæum promontorio nomen est, quod a sinu Carthaginis in mare Siculum late procurrit: eam oram primæ Romanorum naves tenuerunt. ibi paulisper exspectato, donec tota classis convenisset, litus Africæ præ-tervecti consules ad Clupeam urbem pervenere. hic legio-nes expositæ sunt, navibusque in portum subductis, val-lum ac fossa, quo tutiores essent, circumdata: urbs, quia deditio[n]em abnuebat, obfessi, statimque metu civium sive dedita sive deserta (nam utrumque traditur) in potestate[n] Romanorum concessit.

XII. At Carthaginenses, quamquam fane dura & insueta paterentur, tamen gratulabantur sibi, quod aliquanto mi-tiora formidatis accidissent. Metuerant enim auditio pugnæ navalis exitu, ne protinus ad ipsam Carthaginem victores co-piæ ducerentur. Itaque nonnihil ex priore metu respiran-tes in contrahendas copias urbemque & suburbanam re-gionem tuendam intenti erant. Consules interea missis Ro-mam nuntiis, qui & res hactenus gestas docerent, & de instantibus sententiam Patrum exquirerent, Clupeam mu-niunt, ut ea sede belli uterentur: præsidioque ad urbis & agri custodiam imposito, cum ceteris omnibus copiis longius progressi, cultissimam regionem, utpote quæ post Agathoclis tempora ferrum hostilem non viderat, perpo-

pulantur: villas magnificas multas destruunt: magnam quadrum pedum prædam, hominum præterea supra viginti milia abducunt, nemine prohibere auso. oppida quoque multa vi aut deditione capiunt: in his perfugarum aliquem numerum deprehendunt, magnamque vim captorum proximis bellis civium Romanorum liberant: quos inter & Cn. Cornelium fuisse crediderim, qui proximo post biennio consul iterum factus est.

XIII. Dum hæc aguntur, qui Romam a consulibus missi fuerant, cum mandatis Senatus revertuntur. jubebatur autem alter eorum in Africa manere cum ea parte virium, quam retineri ex republica judicassent; alter ceteram classem & copias Romani reducere. Sic imminente jam hieme, mansit M. Regulus cum quindecim ferme peditum millibus, equitibus quingentis, & navibus quadraginta: classem reliquam mancipiis & præda onustam L. Manlius Siciliæ litora tuto prætervectus in Urbem reportavit. Septem & viginti millia captivorum ab hoc Romam deducta reperio: navalemque de Poenis decretum ei triumphum esse. Post hæc Ser. Fulvius M. F. M. N. Pætinus Nobilior, & M. Æmilius M. F. L. N. Paullus consules facti. His Sicilia & classis provinciæ decretæ: Regulum res in Africa prosperrime gerentem ex medio cursu victoriarum revocari non placuit; jussusque Proconsule bellum in Africa administrare.

XIV. Id Senatusconsultum nemo accepit ægrius, quam idem ille, cuius in honorem factum fuerat. Igitur litteris ad Senatum missis ea de re questus est, interque causas petendi successoris posuit, *villici sui morte* (is agellum heri, quem habebat in Pupinia, jugerum septem coluerat) mercenarium occasionem noctum, amoto inde instrumento discessisse. quare necessariam esse præsentiam suam, ne rure deserto non esset, unde uxor liberique sui alerentur. Decreuitque Senatus, ut ager M. Reguli publice coleretur, res amissæ redimerentur, uxori liberisque ejus alimenta præberentur. Ii tum

§ XII. Zonar. Polyb. §. XIII. Polyb. Zonar. Orosius 4, §. Colum. Capitol.

mores fuere. Sed ego , quoties hæc atque talia lego trado-
ve , temperare non possum , quin cum animo meo recog-
tem , quanto sit virtuti firmior a laude , quam ex pecunia
merces. quippe tam multis post ætatibus gloria M. Reguli
manet : aliorum opes cum dominis , & saepe ante ipsos
perierunt .

XV. Carthaginienses interea duobus domi constitutis
ducibus Asdrubale Hannonis F. & Bostare , tertium etiam
Hamilcarem ex Sicilia accivere , qui cum peditum quin-
que millibus , equitibus quingentis Heraclea Carthaginem
propere venit. Hi coniunctu[m] inter se consilio statuerunt ,
*non manibus , ut ad eam diem factum fuerat , continendum exer-
citum ; neque Romanos impune quidvis agere sinendos esse.* sic
animis ad bellum gerendum incitatis exercitus educitur.
Interea M. Regulus proxima quæque subigendo in loca
pervenerat , per quæ flumen Bagrada labitur : ad quod ca-
stra habentes Romanos improvisa pestis & damno non me-
diocri , & terrore adhuc majore perculit. Magnitudinis enim
portentosæ serpens aquatum profectos milites invasit ; ter-
ritisque & nequidquam repugnantibus multos ingentis oris
hiatu forbuit : alias spirarum voluminibus & caudæ verbere
obtrivit : nonnullos ipso pestilentis halitus afflatu exanima-
vit : tantumque negotii M. Regulo faceſſere potuit , ut totis
viribus cum eo de possessione amnis fuerit dimicandum.

XVI. Quod ubi cum jactura militum fiebat , neque vin-
ci aut vulnerari draco poterat , durissimia squamarum lori-
ca , quidquid telorum ingereretur , facile repellente ; confu-
giendum ad machinas , advectisque ballistis & catapultis
velut arx quædam munita , dejiciendus hostis fuit. Post
aliquot jactus in vanum emissos ingens faxum spina dorsi
perfracta , vigorem impetu[m]que formidabilis monstri resol-
vit. Sic quoque difficulter confectum est , tanto cum hor-
rore legionum & cohortium , ut *se oppugnare Carthaginem* ,

§ XIV. Liv. Epit. 18. Front. Strat. 4, 33. Val. Max. 1, 8, 19.
Senec. ad Helv. Dio ap. Vales. Polyb. § XV. Zonar. Flor. 2, 2.
Liv. Epit. Val. Max. 4, 4, 6. Oros. 4, §. Tubero ap. Agell. 6, 3.

quam alteram talem bestiam, malle faterentur. Neque diutius ibi morari castra potuerunt, quin tabo infectas aquas, & omnem circa regionem foetore jacentis pestifero afflatani fugerent: non sine rubore aliquo humanæ superbiæ, quæ non raro viribus suis nihil negatum esse, stolidè putat. Exercitum certe Romanum, imperatore M. Regulo, terra marique victorem unus anguis & vivus exercuit, & imperfectus submovit. Quare nec puduit Proconsulem, hujus etiam hostis spolia Romam mittere, timorisque sui magnitudinem & victoriæ gaudium publico monumento fateri. Corium enim belluae detractum in Urbem dévehendum curavit: quod centum viginti pedes longum fuisse dicitur: & in templo quodam suspensum, ad Numantini usque belli tempora duravisse.

XVII. Motis a Bagrada castris, versus urbem Adin exercitum duxit consul, obiter expugnatis vastatisque oppidis & castellis, quæ in itinere occurrerant. Ad Adin vero, quam capere majoris erat operæ, vineis machinisque adlibitis justa instituta est obsidio. Ad quam prohibendam Pœni duces cum celeriter accurrissent, in colle quodam castris quidem Romanis imminentे, sed impedito silvosoque, confederunt. M. Regulus ingenio situs & genere copiarum hostilium æstimato, cum illis peditem suo neutiquam comprandum, sed in elephantis & equitibus spei plurimum esse videret, ceteruni eam virium partem in aperto campo formidabilem futuram, iniquitate locorum excludi, inutilēque redi; stultitia hostium sapienter usus, priusquam errorem suum animadvertere ac corrigere possent, in suis castris eos oppugnare statuit. Quapropter hortatus milites, & cetera, quæ suggerebat ratio, diligenter executus, nondum certa luce castris egreditur, aciemque in adversum collem, ubi Carthaginensium erant castra, erigit.

XVIII. Pœnos ipsa primo Romanorum audacia territabat, quod numero pauciores ex inferiore loco tantas copias

§ XVI. Plin. 8, 4. Oros. Silius 1. 6. Val. Max. Zonar. Polyb.
§ XVII. Zonar. Polyb.

in munimentis suis aggrediebantur : deinde major inde tumultus fuit, quod equites & elephanti, unde plurimum auxilii speravissent, non modo nullam utilitatem, sed ultro perturbationem & impedimentum, afferebant. Ipsum quoque tempus augebat trepidationem, quod inopinantes & magnam partem adhuc sopitos Romanus invaserat. Itaque multi suis in cubilibus trucidati sunt : alios trepida fuga pallentes, & quo se reciperent nescios, insidiæ secundum vias collocatae exceperunt. Mercenariis tamen Pœnorum Hispanis Gallisque raptim instructis, & extra vallum alacriter certantibus, in ancipiti aliquamdiu victoria fuit, fugiente jam legione prima. totusque Romanorum exercitus impulsus foret, ni cohortes, alia ex parte circumgredi jussæ, hominem cedentibus instantem opportune a tergo aggressæ forent. tum etiam qui paulo ante locum descruerant, recollii, & ad repetendam pugnam animari potuere. Sic utrinque impetus hostis, cum aliquamdiu fortissime restitisset, cedere coactus est.

XIX. Quod ubi fieri Carthaginenses videre, continuo se ejiciunt castris, & contento studio fugiunt. Et elephantis quidem equitibusque, postquam planiora loca attigere, facilis & tutus receptus fuit : peditatum paulo longius persecuti victores, ad castra diripienda redierunt. Hac pugna Pœnorum septemdecini millia cæsa, quinque capta referuntur, cum elephantis duodeviginti. Eventus hujus prœlli non modo totam circa regionem, sed etiam longius disfatos populos Romanis conciliavit, diebusque non ita multis oppida circiter octoginta in fidem venere. Unde Pœnos in magnas angustias redactos propemodum examinavit capti a Regulo Tunetis nuntium, urbis tam munitæ, & quæ ad duodecimum a Carthagine lapidem posita, ne occultu quidem hostibus sineret esse, quidquid ibi fieret, tum ad ipsam urbem, tum ad mare propinquum patente prospectu.

XX. Neque solum Romani belli terror circumsteterat,

§ XVIII. Zonar. Polyb. § XIX. Oros. 4, 9. Eutrop. 1. 2.
Zonar. Liv. 30, 9.

sed Numidæ quoque veteribus odiis, occasione nova stimulati arma moverant; vastandoque & urendo Punicos agros plus etiam terroris & cladis, quam Romanus hostis, inferebant. & in urbem undique confugientes rustici non consternationem modo maximam, sed jam famem quoque faciebant: absumente magnam annonæ vim tanta mortalium multitudine, & reliquam adhuc copiani avaritia dominorum occultante, qui ex calamitate publica quæstum auçupantes, cum ipsa rerum necessariarum penuria pretium earundem auctum iri quotidie sperabant. Unde factum est, ut proris auribus legatio M. Reguli acciperetur, qui belli confecti titulum ambiens, timensque, ne quis Roma successor missus eum interciperet, Pœnos ad pacem hortabatur.

XXI. Itaque missi sunt ad eum quidam ex principibus: sed cum a M. Regulo, qui se certain in manu habere victoriam putabat, intolerabiles conditiones ferri viderent, infecto negotio discesserunt. *Sicilia enim & Sardinia tota cedere, Romanis captivos gratis reddere, suos pecunia redimere, belli sumptus omnes restituere, prætereaque veçtigal annum pendere, jubebantur.* His alia, neque minus molesta, addebantur: *ut eosdem cum Populo Romano hostes amicosque haberent: ne navibus longis, præterquam una uterentur: Romanos autem, quotiescumque significatum esset, triremibus instructis quinquaginta juvarent.* Obstupefactis ad hæc legatis, & *ut mitiora imperaret orantibus; vincendum, aut vincentibus obtemperandum esse,* respondit. Quibus in urbem relatis exacerbati Pœni, quanquam rebus admodum accisis uterentur, omnia tamen prius pati decreverunt, quam cas admittere conditiones, quas nihil aliud nisi captivitatem civitatis suæ servitutemque esse arbitrabantur. In eo statu rerum naves, quæ ad conducendum militem in Græciam missæ fuerant, collecta mercenariorum haud exigua manu redierunt.

XXII. In his Xanthippus quidam erat genere Lacedæmonius, qui patriæ disciplinæ, quam edoctus a pueritia excellenter fuerat, usum rei militaris haud inferiorem adjun-

xerat. Ille rebus, quæ eousque gestæ erant, intellectis, & reliquo Punicarum copiarum, elephantorum, equitum apparatus cognito, non dubitavit jactare palam, *Carthaginenses non a Romanis, sed a semetipſis viatos esse, per imperium ducum, qui viribus suis uti nescivissent.* Hoc sermone celeriter vulgato, vocatus a magistratibus Xanthippus, rationes sententiæ suæ promit tam evidentes, ut prope manibus contrectari possint: *in faciundis itineribus, in caſtris ponendis, in præliis committendis, loca prorsus incommoda deligi consuevisse*, docet. *Si suum consilium audiant, non incolumitatem modo, sed etiam victoriam* promittit. Probant hanc sententiam cum ceteri civitatis principes, tum ipsi duces: & laudabili modestia patriæ saluti suam existimationem posthabentes, homini peregrino deferendum imperium exercitus sui consentiunt conciscuntque. Xanthippus accepta potestate quotidie milites ex urbe educens, canipestribus exercitiis ad servandos permutandosve ordincs, ducumque jussa celeriter exsequenda adsuefacit: copias hanc disciplinam cum priore comparantes admiratione sui, fiduciaque melioris deinde successus implet: tota civitas recreata ex rebus fere desperatis ad exspectationem futuri erigitur.

XXIII. Hanc alacritatem omnium ubi duces vident, animo & ipsi recepto in hostem iterum ducere constituunt: suosque uti tempus postulabat adhortati, cum duodecim fere millibus peditum, quatuor equitum, & elephantis non multo paucioribus centum adversus Romanos progrediuntur. Romanos unum illud movebat, quod instituto priore mutato Poenos, vitatis editioribus asperisque locis, per plana camporum videbant incedere: sed perpetua felicitate in superbiam elati, vinci solitas copias ductoremque Græculum despiciebant. Neque Regulus intactus erat hoc fortunæ obsequentis blando veneno. igitur cum se maritimæ Poenorū vires, cum pedestres fregisse, oppida ferme ducenta, hominum ad ducenta millia cepisse, urbemque ipsam Punicam variis incommodis laborantem cogi ad dedi-

tionem posse reputaret; pacem tolerabili conditione petentibus negavit, scripsitque Romam, *portas CARTHAGINIS a se metu obsignatas teneri*. Ita magnos etiam animos saepius in secundis rebus moderatio, quam in adversis constantia, deseruit.

XXIV. Ceterum Poenis castra loco aequo habentibus, M. Regulus, cui in peditatu plus roboris, eoque montosa & ardua loca sectanda erant, nihil referre virtutis putans, ubi dimicaret, non timuit & ipse campo se credere, etiam ad majorem ostentationem fiduciæ, fluvio, qui medius fuerat, transmisso: passuumque fere mille ducentorum intervallo ab hoste constituit. Xanthippus Romani ducis imprudentiam conspicatus, *hoc illud tempus esse, quo promissa sua CARTHAGINENSIBUS exsolveret*, testabatur. quod enim Romanos ex itineris labore defatigatos, qualibus optavisset locis, nactus erat: suam fore victoriam non dubitabat. tempus etiam opportunitissimum ad pugnam videbatur; quod præcipiti jam in vesperam die, Afris locorum gnaris, sive vincerentur, effugium per noctem facilius erat futurum; sive vincerent, nihil ad victoriam persequendam impedimenti. Consultantibus ergo Poenis, quid agendum esset, *deorum hominumque fidem* invocans, *ne tam præclaram occasionem perderent, ad prælium capessendum omnes impulit*, eo facilius, quod ipsi milites Xanthippi nomen inclamantes, insolita alacritate hostem ultro poscebant.

XXV. Summa igitur rei Spartano permissa, educit ille exercitum, instruitque hoc modo: Phalanx Carthaginensium, in qua robur erat peditatus, in subsidiis constituitur: huic, spatio relicto conveniente, prætexuntur elephanti, simplici serie latitudinem phalangis exæquantes. in utroque cornu expediti cum equitibus, post hos in dextro, mercennariorum gravis armatura collocatur. Acie sic ordinata velitibus iniperat, uti telis emisisse recipiant in apertos ad hunc usum suorum ordines: & hoste jam a validioribus

excepto, rursum erumperent a cornibus, Romanorumque cum adversa phalange pugnantium latera repente incurserant. Regulus contra copiis ex more instructis, cum elephantos in prima Pcenorum acie stantes conspexisset, consilium celeriter capit: leviter armatos in frontem adducit, in subsidiis locat densos legionum ordines, equites in cornua diffunduntur. sic acies in altitudinem firma, sed multo quam fuerat angustior.

XXVI. Ita cum & ab elephantis & ab equitibus hostium periculum esset; adversus belluarum quidem irruptionem recte provisum, sed in locis patentibus spatum equitatu*m* hostium datum, ut circumfundi contractis ordinibus posset. Prælium ab elephantis cœpit, quos in adversum agmen agi Xanthippus jussit, confestimque Romani clamore sublato arma pulsantes contulerunt gradum. Ab equitibus etiam utrinque in cornibus pugna commissa. sed longe hic minore Romanorum numero, cum sustineri vis hostium non posset, cito fuga facta est. At e peditibus qui sinistri adstiterant, sive elephantorum occursum vitaturi, sive faciliorem sperantes de mercenariis victoriam, horum in aciem irruunt, versosque in fugam ad vallum usque castrorum hostium persequuntur.

XXVII. Non æque facile reliquis adversus elephantos certamen fuit: quorum intolerabili mole dissipabantur ordines, proterebantur armati, agmina tota tanquam ruina sternebantur. Sustinebat tamen incumbentes ipsa aciei densitas, aliisque alii substituti ordines: donec simul locis omnibus laborari coepit: dum extremi quique ab equitibus circumventi; priores, quotquot jam elephantorum aciem perruperant, ab integra & instructa phalange hostium, & assultantibus utrinque velitibus excepti, passim trucidantur. Neque minus cædis in ipsa fuga fuit. per aperta loca & plana effusos elephanti Numidæque equites immissi straverunt. M. Regulus cum militibus fere quingentis vivus in manus hostium venit. ex toto exercitu non amplius duo.

millia hominum, qui mercenarios loco pepulerant, festinato abitu Clupeam incolumes præter spem evaserunt. Romanorum sociorumque millia circiter triginta sunt imperfecta. De Punico exercitu ceciderunt non multi, præter octingentos ex mercenariorum agmine, quod adversus finistrum hostis cornu dimicaverat.

XXVIII. Tanta re perfecta, cum exercitus spoliis cæsorum, & imperatore Romanorum capto superbis Carthaginem reverteretur; obviam effusa urbanorum multitudo; alii in vicis aut domibus consistentes incredibili cum voluptate, spectaculo, quale paulo ante vix optare ausi essent, fruebantur: vix tantæ felicitatis vel gaudium, vel etiam fidem capientibus animis. Qui enim modo proxime in desperationem adducti non regionem tantum suam, sed urbem ipsam, aras, focos amittere timuerant: ii tantam rerum commutationem subito factam esse, quanquam viderent, vix audebant credere. Sed maxime in ipsos duces intenti omnium oculi animique erant: cum modo Xanthippum, modo Regulum intuentes, hujus æstimatione magnitudinem sui imperatoris metirentur extollerentque: *quantum illum esse virum oporteret, qui ducem accerrimum, fortunatum bellatorum, viclorem superbum, hostem implacabilem, terrorem pestemque magnæ Carthaginis, exercitu florentissimo, existimatione amplissima, libertate denique ipsa tam facile tamque celeriter exuisset?*

XXIX. Augebat admirationem habitus viri, quod sub exiguis membris, aspectuque non nimis decoro, ingentem virtutem occultaverat. Quibus ex rebus multum Xanthippo gloriæ, sed nec minus invidiæ nascebatur. Quo in monstrando profligando non minore prudentia, quam in bello confiendo usus, quanquam diuturnus ipsi factorum suorum fructus Carthagine deberetur, relinquere spes ancipites & insidiarum plenas, & ante mutationem animorum aut fortunæ domum regredi, statuit. Hoc enim plerumque ingenio homines agunt, ut patriæ studium in ore, priva-

§ XXVII. Polyb. Front. Strat. 2, 2. Flor. 2, 2. Eutrop. § XXVIII. Diod. l. 23. ap. Vales.

tum in animo magis habeant: igitur quamdiu quidem honores & divitias incolumi civitate querere tuerique possunt, amorem illius ardentissimum præferunt: ubi periculum est, ne ad alios ob magnam virtutem & eximia merita hæc concedant, longe malunt deesse, qui publicæ rei profint, quam esse, qui obsint suæ.

XXX. Donec autem alios æquiparare posse putant, occultius atque remissius invident; cum vero longissime relieti, comparatione propinqua se premi sentiunt, opesque & magistratus, quos ipsi fitiebant, penes alios esse: quod virtute desperarunt, per calumniam & ciminationes meliorum consequi student. Ita fit, ut optimo cuique plures inimici sint, pluresque insidiæ struantur: sed adversum has homini indigenæ in propinquis & amicis suis præsidium est: peregrinus hoc auxilio destitutus, malitiam degenerum animorum acuit ipsa facilitate nocendi, quod insidianibus magis expositus, vel everti citra maximum laborem potest, vel citra periculum offendi. Xanthippum igitur hæc sagacissime perpendisse, quæ fecuta sunt, evidenter affirmarunt. *Abnavigantem enim per quosdam a Carthaginensibus immisso submersum serunt, post acceptum beneficium illius auctorem gravatis exosque, quo exsilio famam etiam peregrina virtute servatæ civitatis expiraturam crediderint.*

XXXI. Alii de fato Xanthippi non eadem; sed *Puricetam* perfidiam arguunt. *datam enim discessuro navem & rimarum plenam, sed ad speciem firmitudinis recens placitum: ceterum virum nequaquam decipientibus facilem, animadversa fraude, dissimulanter aliud navigium concendi, ereptumque periculo esse.* Non minoris perfidiae, sed ob numerum peremptorum crudelitatis odio superior, iisdem temporibus perpetrata res traditur. Mercenarios enim ob navatam insigniter operam præmia paulo tumultuosius efflagitantes, in naves imposuerunt, facta spe alio quodam loco tributum ipsis iri, quod peterent. Sed a præfectis navium, qui-

§ XXIX. Silius 1. 6. Polyb. Oros. 4, 9. § XXX. Polyb. Zonar. Appianus.

bus id negotii datum clam fuerat, in deserta quadam insula expositi relicte, cum omnis humanæ opis egenos, sine alimentis, sine navibus, neque manere fames, neque abire pelagus fineret, fœdo horrendoque genere mortis, extabuerunt.

XXXII. Apud alios auctores facinus hoc ad superiora tempora referri reperio, quibus Syracusani bellum cum Poenis habuere: nomenque mansisse infami deinceps insulae, ut Ostodes (ossuarium possemus dicere) vocaretur. Ea post Liparam, occidentem versus in alto mari sita est. Quæ facta quomodocunque aut quoquaque tempore evenerint, a cetera Poenorū immanitate nihil abhorrens habent. Neque igitur mirandum est, qui in socios adjutoresque suos hoc animo fuerunt, si adversum hostes iidem se gesserunt inclemens. Quanquam profecto ceteros captivorum satis tolerabiliter habuisse feruntur: quod & ipsi multos ex suis in potestate Romanorum esse sciebant, quos permutatione instituta cupiebant recipere.

XXXIII. Sed adversus M. Regulum neque abscondere iram, neque moderari potueré, quin omnibus modis vexarent virum angerentque. cibum enim præbebant, non qui vel voluptatis aliquid afferre sensibus, vel vigoris corpori posset; sed qui tenuissima refectione spiritum infelicis ad producendas ejus miseras detineret: at acerbiores erant contumeliae perpetuae, inter quas consueverant creberrime elephantum aliquem adducere, cuius barritu exterritus, & invisa specie tortus, nec animo nec corpore posset requiescere. postremo ita maceratum exagitatumque in carcerem publicum conjecerunt. Quæ postquam audita sunt Romæ, non dolore modo ingenti, sed etiam metu, civitatem perculerunt. Timebatur enim, ne Carthaginenses acerbitate calamitatum suarum, & victoriae fiducia stimulati, reddere vicem hostibus, & quid malorum perpesta Carthago foret, Romanæ urbi persentiscendum dare cuperent, auderentque.

XXXIV. Quare consulibus mandavit Senatus, *ut Italiam*

quam possent diligentissime munirent praesidiis; ipsi cum navibus quamplur mis Siciliam, inde, si videretur, Africam adeuntes, Poenos ab Italia petenda propiore metu dislinerent. Ceterum Carthaginiensibus antiquior cura fuit civitates a Romanis occupatas recipere, Afros, qui a se ad hostes desciverant, multe, in rebellione persistentes ad obsequium armis cogere. Sed Clupea quidem ab Romanis strenue defensa est: in Numidia, aliisque populis Africæ, magnum magis bellum, quam difficilis victoria fuit. Interea cum in Italia validam adornari classem comperissent, omilla quam obsederant Utica, naves veteres reficere, novas exaedificare, ad prohibendos Africo litore Romanos omnia studiose parare cœperunt. At consules incredibili diligentia tantum effecerant, ut æstatis initio naves jam trecentas quinquaginta instructas ornataisque haberent. Quibuscum in Siciliam profecti, postquam ibi satis tuta omnia, nihilque mali, præterquam quod in expectatione & metu fuerat, reperissent; praesidiis ubi maxime opus erat relictis, cum cetero exercitu protinus Africam versus contenderunt.

XXXV. Sed tempestate Cossuram delati, (inter Africam & Siciliam, qua Lilybæum promontorium est, posita est insula) vastatis agris, & urbe ejusdem nominis capta, praesidium imposuerunt. Inde ad Hermæum promontorium perrexerunt, quod medio inter Carthaginem & Clupeam situ, alterum Carthaginensis sinus cornu claudit. Eo loco cum Pœnorum naves occurrisserent, acrique certamine duas inter classes dimicaretur, auxilio venere suis a Clupea Romani, momentumque hoc, paribus eousque rebus, ad victoriam fuit. Pœni naves quatuor supra centum submersas, triginta captas ab hostibus, militum ad millia quindecim amiserunt: ex Romanis mille centum periere milites, cum navibus novem. Tum Uticam profecta classis, expositusque miles juxta ipsam civitatem castra munivit: venerunt eodem Carthaginenses copiæ, quas Hannones duo ducebant: ita pedestri quoque prælio res gesta, deteriore Pœnorum fortuna,

qui hic quoque circiter millia militum novem perdiderunt.

XXXVI. Capti sunt inter hos aliquot viri nobiles, servatique a consulibus, ut per hos M. Regulus, & qui cum eo similem casum subierant, redimerentur. Deliberatum inde est de præsentibus: magna que spes fuerat Africam retineri posse. verumtamen regione quaquaversum vastata, cum famae timeretur, abduci Romanos, qui Clupeam tutati fuerant, Siciliamque repeti placuit. Avecta est una ingens præda, quam in urbem Clupeam M. Reguli rebus adhuc prosperis comportatam victoriæ recentes cumulaverant. Per ventum erat in Siciliam tuta navigatione, nimiumque felices fuissent consules, si felicitati suæ modum statuere dīdicissent.

XXXVII. Sed quia, dum in Italiam revehuntur, eadem opera quasdam urbes Siciliæ maritimæ recipi posse putabant, nequidquam obtestantibus navium gubernatoribus, ne inter Orionis & Canis exortum, quæ infestissima navigantibus sunt sidera, obversum Africæ litus, intutum & importuosum præterveharentur, tantam tempestate cladem perpeſſi sunt, ut vix aliud in hoc genere proditum sit exemplum illustrius. denique de navibus trecentis sexaginta quatuor, vix octoginta, onerum jactura facta, servari potuerunt. hippaginum quoque, ceterorumque variæ formæ navigiorum numerus haud minor periit: ut ita cadaveribus hominum animaliumque, & fractis navium tabulis, a Camarinensium ora, ubi pestis illa classem invaserat, Pachynum usque litus omne compleretur. Tam dura in forte non leve solatium afflictis humanitas Hieronis regis attulit: qui benigne exceptos, vestibus, cibo, naviumque armamentis adjuvando, Messanam usque deduxit incolumes.

XXXVIII. Sed Carthaginienses hoc fortunæ beneficio non segniter usi, Cossuram insulam urbemque receperunt: & sine mora in Siciliam transjicientes, Agrigentum duce Carthalone circumfessum, quia non subveniebatur, exci-

§ XXXV. Strab. I. 17. Eutropius. Orof. Polyb. Zonar. § XXXVI. Polyb. I, 36. Eutrop. § XXXVII. Eutrop. Diod. Polyb.

derunt, dirueruntque. multi hic mortales interfecti capti-
ve: ceteri, quibus per mediterranea loca in ditionem Syra-
cusanorum effugium fuit, in vico juxta fanum Jovis, Olymp-
ium votant, confedere. Neque longe aberant a spe to-
tius insulæ recuperandæ Pœnorum duces, nisi auditio Ro-
manorum in reparanda classe studio, confirmati socii forti-
bus animis præsentem metum tolerassent. Tanta enim di-
ligentia huc incubuerant consules, ut vix credibili cele-
ritate, intra unum trimestre naves novæ centum viginti
compingerentur. Cum his Cn. Cornelius L. F. C. N. Sci-
pio Afina, & A. Atilius A. F. C. N. Calatinus iterum consu-
les, impositis ex novo delectu strenuis militibus, primo
quoque tempore solvere jussi.

XXXIX. Magnum inconstantis fortunæ documentum
Cn. iste Cornelius feit: utili ad fortiter tolerandas adversi-
tates exemplo. quippe cum septimo ante anno consul in-
sidiis Pœnorum circumventus, captivitatem, vincula, car-
cerem, quidquid in humanis rebus aut sordidissimum, aut
inferrimum habetur, pertulisset; non cetera modo suæ
dignitatis ornamenta, sed etiam ipsum illud consulare fa-
stigium, fascesque non sponte relictos, tanto majore gau-
dio recepit, quanto acerbiore casu perdiderat. Consules
Mælanam transgressi, assumptis quas ibi repererant navibus,
(ea superioris ferme naufragii reliquiae erant) cum navibus
ducentis quinquaginta ad ostium amnis Himeræ accesser-
runt, oppidumque Cephalœdium ad duodecimum inde
milliare in eodem litore situm, prodentibus quibusdam re-
ceperunt. A Drepano, nam illuc cursum flexerant, cum
neque statim potiri loco potuissent, & obsidionem agitan-
tibus Carthalo suppetias urbi veniret, proposito frustrati
recesserunt.

XL. Nec ideo segniores ad audendum facti, majorem
aliquanto rem feliciter confecere. Panormum enim directo
cursu, Punicæ ditionis principem urbem, & occupato por-

tu, juxta ipsos oppidi muros fecerunt exscensionem, recusantesque deditioinem Panormitanos fossa valloque circumdare instituerunt. Favebat labori natura regionis, materiem copiosam arboribus paßim enatis subministrans. Itaque cito perfectis operibus, cum oppugnationem strenue urgerent, machinarum ope turrim ad mare sitam dejecterunt: milesque per ruinas irrumpens multa cum hostium cæde urbem exteriorem, quæ nova dicebatur, expugnavit. Neque vetus urbs diu morata est: cum enim magna in eam multitudo confugiens, plus ex urbe nova terroris quam commeatus intulisset; brevi dejectis periculi cogitatione animis, & fame jam imminente, legati venerunt ad consules, corporibus exceptis omnia dedituri. Non accepere consules, gnari res obseßsis angustas esse, nisi pretio statuto redimerentur. Pactæ sunt in capita minæ duæ: redemta capitum millia quatuordecim. cetera multitudo, millia ferme tredecim, cum reliqua præda venierunt.

XLI. Clara ea victoria fuit, magnæque & subitæ utilitatis. multa enim ejus oræ oppida, quædam etiam longius diffita, Pœnorum ejectis præsidiis, societatem Romanam complexa sunt; principio ab Jetinis orto, secutisque statim Soluntinis, Petrinis, Tyndaritanis, aliisque. Rebus ita gestis præfidioque Panormi relicto Messanam consules, deinde Romam redierunt. Pœni abeuntibus insidiati, naves aliquot onerarias, cum pecunia quam vchebant, abstraxere. Romæ deinde continui triumphi duo spectati. Duxerunt prioris anni consules, prorogato imperio, de Cossurenibus & Pœnis, navalem utrumque. Prior Ser. Fulvius a. d. XIII Kal. Febr. triumphavit: M. Æmilius postridie. Annus, quem ab Urbe condita quingentesimum numerant, Africanam expeditionem habuit, sed inanem & sine fructu. Cn. Servilius Cn. F. Cn. N. Cæpio, C. Sempronius Ti. F. Ti. N. Blæsus consules in Siciliam trajecere. ubi tentato frustra Lilybæo, in Africam direxere cursum, ducentis sexaginta navibus instructi. Litus hi legentes Africæ, multisque lo-

cis exscensionem facientes, oppida multa cuperunt, prædaque magna potiti sunt.

XLII. Majoris tamen rei nihil geri potuit, quod commodissimorum quorumque locorum aditu prohiberentur, occurrentibus ubique Pœnis, qui minus jam impedimentorum & plus animi habebant, receptis, quæ M. Regulus tenerat, punitisque defectoribus. Hamilcar enim Numidiam Mauritaniamque pervagatus, tractum eum omnem perpacaverat, imperatis poenæ loco mille talentis argenti, & viginti millibus boum, punitisque principibus, qui favisse Romanis arguebantur, quorum ad millia tria patibulo affixi sunt. Neque tamen hostium occursus, quam ignorantia locorum, & cæcæ sub aquis insidiæ, formidabilior Romanæ classi fuit. Subvectos ad Meningem, Lotophagorum insulam, quæ minori Syrti vicina est, recedente maris æstu vadosa loca tenuere: donec jactura levatas naves, & extrema omnia metuentes, præter spem reversi fluctus explicuerunt.

XLIII. Ita non impune pestem evidentissimam elapsi, & loca tam infesta horrentes, sine mora fugientium in speciem vela fecerunt: ignari non minus ipsis supereesse periculum, quod adirent, quam quod evitaverant. Et Panormum quidem redeuntibus innoxium iter fuit. Ceterum Italiam petituros, dum Palinuri promontorium flectunt, quod a Lucanis montibus in mare procurrit, magna tempestatis vis adorta, longas naves supra centum sexaginta, cum hippaginibus & onerariis multis, profundo mersit. Quare continua hoc genus cladibus moesta civitate, cum imperium maris ipsæ etiam undæ iplique venti Romano negare videbentur, decrevere Patres, ne amplius sexaginta navium classis, ad præsidium Italæ, commeatusque exercitui, qui in Sicilia esset, subvehendos haberetur. Alteri tamen consulum C. Sempronio calamitas ista non obstitit, quin triumphum de Pœnis ageret Kalendis Aprilibus, decimo post

die quam de iisdem Cn. Cornelius Procos. triumphasset.

XLIV. Censores eo anno Romæ fuerunt: sed mortuo in magistratu L. Postumio L. F. L. N. Megello, qui idem præturam tum gesserat, etiam D. Junius D. F. D. N. Pera, censura se abdicavit. Æstate vero proxima C. Aurelius L. F. C. N. Cotta, P. Servilius C. F. Cn. N. Geminus, consules, in Siciliam profecti, inter alia quædam oppida, etiam Himeram fluvio, cui adjacet, cognominem obsidione reçeperunt; sed vacuam incolis, quos noctu Carthaginenses eduxerant. Juvit tamen loci non ignobilis possessio, quæcumque deleta sic esset ignominia, quam Romani nuper ad eam urbem incurrerant, occupandarum Thermarum (nam & hoc ejusdem urbis nomen celebratur) certa spe per militarem avaritiam excidendo. Quidam enim ex captivis, cui Thermis custodia portæ cujusdam commissa fuerat, ut proditione urbis libertatem redimeret pactus dimissusque, hora constituta missis ad recipiendam urbem militibus portam aperuerat. Horum præcipui cum ingressi essent, prædaque potiorem partem avertere cuperent, portam obferari jubent, neminique fræterea suorum aditum dari. Quod ubi factum est, Thermitanique strepitu exciti ad arma concurrerunt, neque resistere ob paucitatem suam, neque adjuvari a suis, quos arcuerant, valentes, dignum stultitia sua exitum fecere, ad unum omnes interfici.

XLV. Thermis Himerensibus in potestatem redactis, C. Aurelius consul, Liparam, quæ jam aliquoties a prioribus ducibus tentata irrito conatu fuerat, obsidere cogitans, ex Romanis copiis, quæ per universam Siciliam erant, plurimos fortissimosque milites delegit: eosque, acceptis ab Hierone navibus, in Liparæorum insulam træjicit. Unde cum ad auspicia repetenda Messanam redditurus esset, P. Aurelium Pecuniolam agnatum suum (apud alias Q. Cassium tribunum militum lego) obsidioni præfecit, opera tueri diligenter, de cetero abstinere pugna jussum. Sed is post-

§ XLIII. Solin. c. 30. Diodor. Zonar. Eutrop. Polyb. Fasti Capitol. § XLIV. Polyb. Diodor. Orosius.

habito consulis mandato, suæ gloriae cessurum ratus, si per absentiam illius capta Lipara foret, ad oppugnandum mœnia duxit; non impunita temeritate. nam neque expugnare urbem potuit, & multis amissis, eruptione in recedentem facta, aggere præterea incenso, castra ægre tuatus est. Sed reditu C. Aurelii cum mutata fortuna esset, magna hominum cædes in urbe capta est edita: deinde ad tribuni pœnas itum, quem ad entro militiæ gradu, virgis cædi consul, & stipendia inter gregarios pedites facere coegit; memorabili severitate, cujus & alia quædam exempla in eodem illo consulatu C. Aurelius edidit.

XLVI. Recepta Lipara, Timasithei, qui locis istis quondam præfuerat, posteris datum, ut immunes a tributis & vectigalibus essent. adeo ne tempore quidem intercidere sinebat gratissimus populus veteris beneficij memoriam, quod Timasitheus craterem aureum Delphico Apollini dono a Romanis missum, quem piratae Liparæ ceperant, legatosque, qui eum deferebant, salvos & in Græciam & deinde Romam reducendos curaverat. Erctam deinde, castellum munitissimum, Romani cum peditum quadraginta millibus, & equitibus mille obsidere aggressi, neque capere potuerunt, neque cum Poenis ausi sunt collatis signis configere. Nam ex M. Reguli casu tantus elephantorum terror Romanas legiones incesserat, ut ex eo tempore præliorum aleam fugerent. Sæpe in Lilybætano agro, sæpe in Selinuntio instructis adversum hostes ordinibus steterunt, vix aliquando passuum sexcentorum intervallo diremti: sed neque pro solita prius alacritate prælium incipere, neque omnino in plana se demittere tutum rati, loca ardua & inaccessa sectabantur.

XLVII. Unde Carthaginenses majorem in modum confirmati, cum & pedestri exercitu jani confiderent, & mari quoque maiores a tempestate Romanis, quam ex adversis præliis sibi accidisse clades judicarent, etiam decreto Se-

§ XLV. Zonar. Front. Strat. 2, 7, 4. § XLVI. Liv. 8, 28.
Diudor. Polyb.

natus, de classe omittenda, cognito: recipi Siciliam posse speraverunt, si novæ eo terrestres maritimæque vires mitterentur. Sed maxime pecuniarum inopia premebat: impensis belli tam diuturni omnes & olim reconditas, & quæ quotidie cogebantur, opes haurientibus. Ergo legatis ad Ptolemæum Ægypti regem, quocum amicitia ipfis erat, missis, duo millia talenta pecuniæ mutuæ petiverunt. Rex, qui Romanos, & ipsos amicos sociosque suos, offendere nollet, pacis auctorem atque pararium utrisque fese obtulit. Sed re frustra tentata, petitionem suam Pœnisi dengavit, *amicos adversum hostes, non adversum alios amicos sibi adjuvandos videri præfatus*. Sub ea temporā Romæ Tib. Coruncanus primus ex plebe Pontifex Max. factus est.

XLVIII. Censores is quoque annus habuit, quod munia magistratus ejus, altero censore mortuo, altero abdicante, peragi anno superiore non potuerant. M. Valerius M. F. M. N. Maximus Messalla, P. Sempronius P. F. P. N: Sophus lustrum septimum atque tricesimum condiderunt. eo censa sunt capita civium ducenta nonaginta septem millia, septimecenta nonaginta septem. Trifitis hæc & severa censura fuit: in Senatu recensendo, tredecim moti: juvenes quadringenti ademtis equis publicis ærarii facti. hoc quidem C. Aurelii consulis querela effecerat, coram censoribus arguentis, *quod in Sicilia, cum necessitas postularet, ad opus iussi accedere, imperium detrectavissent*. Consul ne hac quidem spretæ disciplinæ ultione contentus, etiam apud Patres obtinuit, ne eis emerita jam stipendia solverentur. Neque minus, ut illa fuerunt tempora, ob vigorem disciplinæ intente custoditum, quam ob res gestas, decretum ei triumphum opinor, quem de Pœnisi & Siculis a. d. Idus Aprilis egit.

XLIX. Proximus deinde annus plus minarum, quam eventuum habuit. nam ex magnis utrinque apparatus cum mutuo metu tenerentur, æstas nullo majore negotio me-

§ XLVII. Zonar. Appian. ap. Fulv. Liv. Epit. 18. § XLVIII.
Tab. Röm. Val. Max. 2, 9, 7. Front. Strat. 4, 1.

rioranda transiit. L. Cæcilius L. F. C. N. Metellus, C. Furius C. F. C. N. Pacilus, consules, legionibus in Siciliam deportatis, neque lacestiverunt ipsis hostem magnopere; nec ab eo lacestiti sunt, quanquam novus Pœnorum imperator Asdrubal cum ducentis navibus, elephantis centum quadraginta, peditumque & equitum millibus viginti recens advenisset. Ea res Senatum denuo de classe paranda consultare coegit: quippe trahendo in longum bello rem publicam exhaustiri sumtibus, neque post M. Reguli cladem suis legionibus pristinum vigorem mansisse; & ut terra prosperrime res succederet, tamen prohiberi Sicilia Pœnos non posse, donec imperium maris penes illos esset, haud obscure videbant. Ergo rursus ad priora consilia revoluti, victoriæ spem in navibus habere, illasque summa cura reficere, aut ædificare cœperunt.

L. Interea cum L. Metello Panormi relicto, C. Furius ex Sicilia domum reversus comitia consularia habuisset, C. Atilius M. F. M. N. Regulus, L. Manlius A. F. P. N. Vulso, facti: uterque iterum. His mandata classis instruendæ conseribendorumque sociorum navalium cura; L. Metello prorogatum imperium, isque proconsule bellum in Sicilia administrare jussus. Asdrubal alterum ex Romanis ducibus, cum dimidia parte virium abivisse cernens, secumque reputans jam a longo tempore, quanquam instructæ ex adverso acies essent, Romanos metu cunctatos fuisse; cum jam neque voces suorum, qui segnitiem ejus increpabant, diutius ferre posset; omnibus cum copiis Libyæo egressus, diffici per Selinuntiorum fines itinere, Panormitanum agrum attigit, ibique castra metatus est. Forte Panormi cum exercitu reliquo Procos. agebat, ut æstate jam adulta, sociis ad demetendas fruges condendasque praefidio esset.

LI. Hic audito hostium speculatoros occultos Panormi degere, universos, qui in urbe essent, procedere in concio-

§ XLIX. Col. Capitol. Oros. 4, 9. Polyb. Eutrop. § L. Pos 170. 1, 39. Diod. Zonar.

nem jussit. deinde præcipiens, ut sese mutuo prehenderent, rogando ignotiores quemque, *quis esset, aut cuius rei causa Panormi ageret*, exploratores deprehendit. Ex quibus ubi didicit, quid apud hostes ageretur, animadverso plus temeritatis quam consilii in expeditione Pœnorum esse, quo magis ad ineptam fiduciam incautos proliceret, simulavit metum, & intra munimenta urbis se continuit. Ferocior ergo factus Asdrubal, promotis castris agruin Panormitanum vastat, urit, fruges corruptit, ad ipsos usque urbis muros populationem profert. neque moveri hoc vel damno, vel pudore, proconsul: ratus, si paululum sustinuisse, utrumvis in Pœnos cum ingenti fœnore derivatum iri. maxime vero ut flumen Orethum, quod meridiem versus urbem præterlabitur, transirent hostes, exspectabat. hoc enim si factum esset, præmeditatam expeditamque victoriae viam habere rebatur. Id ut assequeretur, cum rebus ceteris in speciem timide administratis, tum propugnatores in muris raros collocando, & animum suorum & numerum ab hoste despici cupiebat.

LII. Hoc consilium, cum & Prætor hostium audacia sua, & improviso casu fors juvisset, ex sententia proconsulis cessit. Nec enim defuit Asdrubal tum copias pedestres, tum equitatum & elephantos omnes transducere, positis juxta muros oppidi castris, tanto cum contemtu confessæ, ut putabant, hostium formidinis, ut neque vallo sibi neque fossa opus esse judicantes, nullis defensa munimentis tentoria figerent. Eo cum lixæ mercatoresque ingentem annonam plurimumque vini convexissent, mercenarii Carthaginensium avide hausto mero, clamoribus dissonis, tumultuque & strepitu, qualis ebrietatem sequi solet, omnia complevere. Tum vero tempestivum proconsuli visum, emissis expeditis hostes ad pugnam prolicere, processitque res ita feliciter, ut aliis aliisque subinde prorumpentibus, tandem totus Asdrubalis exercitus e castris educeretur. +

§ LII. Polyb. Fazellus de reb. Sic. 2, 4. Front. Strat. 3, 17.
§ LII. Diod. Polyb.

LIII. Ibi L. Cæcilius proconsul partem velitum ante fossam urbis disponit. his imperat, *siquidem elephanti prius suggesti essent, densa in eos tela conjiciant: si urgeantur ipsi, refugiant in fossas, atque rursum inde conentur.* sordidios opifices & forensem turbam comportare missilia jubet, & extra muros projicere, ne copia horum velitibus desit: sagittarios in muris locat; ipse cum cohortibus gravioris armaturæ intra portam, dextro hostium cornu obversam, instructus paratusque consistit. Interea qui præclium communiserunt, modo multitudine hostium pressi, servatis ordinibus referebant pedem, modo recentibus suorum auxiliis confirmati, quæ proconsul identidem submittebat laborantibus, pugnam sustinebant: cum rectores elephantorum æmulatione incensi, quo ipsi potius, quam Asdrubal, auctores victoriae fuisse viderentur, concitatis belluis perturbant adversarios: & ad urbem se recipientibus incaute instantes, ad ipsam usque fossam progrediuntur.

LIV. Ibi vero, cum & a mœnibus sagittarum nimbus rueret, & a recentibus, qui ante fossam steterant, hastæ velitares confertim jacerentur, confessi vulneribus elephantis saevire, conversique quo dolor & ira ferebat, incumbere suis, proterere obvios, perturbare & dissolvere ordines armatorum cœpere. quo animadverso proconsul *hoc illud esse tempus provisæ diu victoriæ clamitans, aperta porta protrumpit:* neque difficile certamen instructis & compositis adversus trepidantes & turbatos fuit: magna cædes pugnantium, magna fugientium facta, casu quodam, qui præsidium afflictis asserre debuerat, ultiro calamitatem augente. Quippe sub idem illud tempus Punica classis comparuit: ad quam, veluti salutis unicam spem, cum trepida multitudo metuque cæca promiscue rueret, multi invicem aut ab elephantis conculcati sunt; alii a persequentibus interemti: magnus etiam numerus inter natandum, aut dum naves tumultuose conscenduntur excuslus, in mari periit.

LV. Neque vel ad ea tempora, vel deinceps ulla po-

pulo Romano inter tot res prosperas victoria clarior cessit; qua & ad priorem fiduciam erecti sunt animi, & tantus hosti metus incussus, ut non modo spem in posterum perdestris militiae, quamdiu id bellum fuit, sed etiam cogitationem deponeret. Viginti millia Carthaginensium eo proelio cæsa referuntur: elephanti sex & viginti statim, ceteri postea omnes capti. proconsul enim efferatas palantesque belluas ab ignaris haud facile adduci posse cogitans, præconis voce *incolumentem & libertatem captivis* promiserat, *quorum opera comprehensi elephanti esse viderentur*. Ita primum captis mansuetoribus sibique notis, ceteros horum ope haud difficulter adduxerunt. L. Metellus omnes Romam misit, haud indigno quod memoretur invento per fretum transportatos.

LVI. Quod enim naves ad eam rem idoneas nullas habebat, dolis coactis multis vincitisque, ita ut inter bina quæque dolia tignum unum immissum, neque collidi interfese, neque divelli sineret; rates compactæ sunt, quæ deinde tabulato constratae, materia terraque ingestæ, & lateribus undique præseptis in stabuli formam ingressas intrepide belluas, sine sensu navigationis, cuius valde impatienses sunt, in Rhegino litore exposuerunt. Asdrubal ex clade Lilybæum evasit, sed Carthagine damnatus absens, cumque rediisset, comprehensus & suppicio affectus est. Inter ea Poeni cæfos exercitus suos, abactos elephantos, totani Siciliam præter Lilybæum & Drepanum amissum, Romanosque iterum clasæ confecta, mari terraque validos esse reputantes, ad pacis consilia se retulerunt: gratanter accepturi, si lenioribus paulo conditionibus transfigi posset.

LVII. Quæ res cum eos M. Reguli, legumque pacis ab ipso quondam dictarum admonuisset, in eam cogitationem venerunt, ut per illum ipsum maxime crederent, vel pacem, vel quod secundum pacem gratissimum erant habituri, permutationem captivorum impetrari posse. Neque

dubitabant, quin prouidissimam operam in eo negotio vel sua causa navaturus esset. quem enim tanta duritie animi cogitare posse, quia exire miseria carceris, revisere carissima pignora, frui libertate, patria, dignitate, honoribus cupiat? *Esse M. Regulo uxorem Romæ, esse liberos: propinquos ejus affinesque in Senatu & magistratibus, fratrem etiam patruellem consularē imperio agere: ipsum Senatui populoque Romano & ob res prosperas carissimum, & ob adversas miserabilem esse: sive se amaret, sive a suis amaretur; neminem neque agendæ causæ diligentiores patronum, neque impetrandæ gratiosiorem foem.* Non abnuit ille, nulla spe aut cupiditate suæ utilitatis, ut postea apparuit, sed ut Senatum ad publica tuenda commoda præfens auctor efficacius permoveret. Ita Carthaginensem legatis additus cum ad urbem venisset, ingredi, quamvis rogatus a Romanis, noluit: *hostium legatis ex disciplina patria Senatum extra urbem dari causatus.*

LVIII. Coactis ergo Patribus, inter legatos Carthaginensem verba fecit, se quoque, ut qui jure belli servus Pœnorum esset, mandata dominorum attulisse, maxime quidem bellum ut finiretur conditionibus, quibus utrique populo visum esset: si vero, ut saltum captivorum esset permutatio. Digressos mox legatos & ipse secutus est, neque deliberationi Senatus hoc ipsum instanter petentis prius interesse voluit, quam Carthaginenses assentirentur. tum assedit tacitus, donec rogatus sententiam, *Patres*, inquit, *conscripti*, ego tamen Romanus sum! & corpus quidem, ut fortunæ volvit, penes hostes est; animus fortunæ non subiectus, qui fuit, manet: quare huic potius obsecutus, quem meum esse reor, quam corpori, quod alienum est, neque captivos permutandi, neque incundez pacis auctor sum. Bello manente captivos reddi, prorsus est inutile: nam illi pro me uno duces multos, pro sene adolescentes repetunt; in quibus esse novi, quos non spernatis: sciri vero bellum, nisi luculentissimis conditionibus, aut universa victoria, cum indignum esset sapientia vestra, tum rei Romanae damnosissimum.

§ LVII. Zonar. Appian. ap. Urf. § LVIII. Dio. ap. Urf. Liv. Epit. 18. Zonar. Silius l. 6.

LIX. *Scio, vobis etiam in gerendo bello difficultia multa accidere. neque enim res magnæ citra magnum laborem magnoisque sumitus confieri possunt: sed si Carthaginensium fortunam contuleritis, omnia, quæ momentum ad victoriam faciunt, penes vos meliora sunt. Magna pugna superati sumus semel, sive culpa ista mea, sive fortuna fuit: sed exercitus eorum toties cecidimus, & animos mea clade rursum erectos vietoria Panormitana infra priorem desperationem dejicit afflxitque. Siciliam excepta una alteraque urbe amiserunt. in ceteris insulis res ipsorum malæ sunt. Classem habetis, cui Punica non optet occurrere: hac quoque parte belli perpetuo superiores. neque accepta tempestatibus damna tantum vobis virium detraxerunt, quantum adjecterunt cautionis. Pecuniæ fortassis par utrōbique inopia: sed obsequenziōres tamen vobis Itali, quam Afri Pœnis, quos cum amassent nunquam, nuper etiam impensis odisse didicerunt. Qui enim nulladum tam atroci injuria læsi certatim ad me defecerunt, eos post vastatam a prioribus dominis regionem, abæcta armamenta, extortas pecunias, interfectos principes, quid aliud exspectare creditis, quam ut novus exercitus hinc in Africam veniat?*

X.
LX. Quod vero delectus vobis facilis & copiosus est, miles bonus, concors, lingua, moribus, sacris, civitate, cognatione junctus, id tantum esse reor, ut huc una re ancipitem facere possetis Carthaginensibus totius belli victoriam, si ceteris omnibus vinceremini. Quid enim adversus ejusmodi copias momenti sit in mercenaria manu? & tamen si quod erat, sua crudelitate jam aboleverunt Pœni; sibique non minus difficilem effecerunt peregrini militis conducendi rationem, quam conduēti custodiā. Xanthippus, cui forte Carthago debet, quidquid ab eo tempore potuit amittere, tam ingrate perfideque traxatus, documento erit aliis, ne temere locent operam ei populo, qui maxima merita non nisi maximis injuriis novit remunerari. vulgus etiam barbarorum, stolidum & venale genus, nihilominus absterrebit in sui generis homines saepius exercita saevitia, cum modo carnicum aut commilitonum manu peremti, modo in desertis insulis expositi, pro stipendiis emeritis, ne simplicem quidem mortem, & humani moris suppicia pertulerunt. Habetis P. C. r. 2.

tiones meæ sententiæ, qua neque pacem Carthaginiensibus dannam, neque commutationem captivorum recipiendam censeo.

LXI. Non displicebat consilium Senatui, si auctore salvo accipi posset, sed hujus eo magis miserebantur, quo ipse, ut reipublicæ consuleretur, magis se neglexerat: apparebatque huc inclinari, ut qualibet conditione vir animi tam generosi patriæ redderetur. jamque voces jactabantur dicentium, postquam ad suos postliminio revertisset, suo jam jure manere in civitate, aut retineri posse. Pontifex etiam Maximus affirmabat, si remansisset in civitate, citra perjurium facturum videri. cum ille spiritu vultuque, quem etiam iste Senatus stupesceret, Quin, ait, dubitationem istam semel tollitis, Romani, sequiminique sententiam meam, & audetis me contemnere? Frustra tenditis obtinere, quod neque jucundum vobis, neque utile patriæ, neque mihi honestum sit futurum. Fortasse dum nova res esset, alacres, & gratantes vobiscum me versari videretis: sed simulatque primi istius gaudii brevis impetus evanuisset, odiofurem me vobis redderet redditus mei turpitudo, quam absentia mea desiderandum effecisset.

LXII. Mihi quidem certum est in ea civitate non degere, ubi post servitutem Africam civis honesti dignitatem tueri non potero: & si maxime vellem, prohiberet fides, prohiberet jurisjurandi sacer horror, numinumque veneratio, quorum invocationem & redditus mei ad Pœnos pignus feci, & si pejerem, pœnæ non a me tantum, sed etiam a vobis populoque Romano repetendæ vindicem timeo. Sunt enim prosculo aliquid dii, neque perjuriis aut contemtu hominum impune violantur. Si quis vero posse me religione exsolvi attinet: esse prodita libris auguralibus hujuscemodi pacula: cærimoniis & viñmis perfidiam ac perjurium rite procurari: eum ego meminisse velim, majorem esse majestatem numinum, quam ut pejerando læsa quibuslibet hominum inventis placetur: neque rationi consentaneum, ut maculae peccatis hominum contrælæ, pecorum boumve sanguine ablui credantur.

LXIII. Ad me quod attinet, scio mihi Carthagine paratos esse cruciatus magnos, exquisita tormenta. Sed his omnibus

tristius esse puto fidem fallere. Hoc enim mihi profecto noce-
ret : illa magis ad ea , quæ circa M. Atilium sunt , quam ad
ipsum referuntur. Nolite calamitosum existimare ; quisque fer-
re calamitatem potest. Servitutem , contemtum , dolorem , ine-
diam , vigilias , cum mala nunquam putaverim , post tanti
temporis assuetudinem etiam molesta credere desii. Tolerabilia
enim esse , tolerando didici : quod si supra quam ab homine
ferri possint , intendantur , non ab illa tantum , sed ab omni
miseria me cita mors liberabit. Nihil igitur timendum esse vi-
deo mortem non timenti , quam etiam occupare licet ; & feci-
sem , nisi viri esset , vincere potius dolorem , quam effugere. Sed
haec pauca & confusa ideo dixi , ut vos neque dimoveri me posse
a sententia sciretis ; neque vicem meam velut hominis infelicitis
& calamitosi misereremini : mihi vero mei consilii tota ratio fa-
cilius & constans est . nam ut Carthaginem revertar , id mihi
debet esse curæ : quid passurus ibi sim , erit diis. Ajunt etiam ,
quo efficacius moveret dubitantes , confirmasse , priusquam
Carthagine dimissus esset , sibi venenum Punica fraude datum ,
quod lenta peste spiritus vitales exedens , facta permutatione
restitutum suis consumeret.

LXIV. Horribilem vero in hoc viro virtutis constantiam ,
qui , dum ab honesto non discederet , contumelias , cru-
ciatus , mortem , quidquid denique abominantur homines ,
majori prope contentionе secutus est , quam alii vitave-
rant : utili mortalibus documento , eas tantum animas qui-
busvis terroribus pares , honestique propositi ad extremum
tenaces esse , quæ nobilitatis suæ sensum habent , seque non
ad hanc modo vitam natas esse meminerunt. Nec enim
acerbitates tantas M. Regulus sponte pertulisset , nisi aut
pulchris factis ingentia post morteni fore præmia , aut sce-
leratis ingentes poenas , credidisset. Igitur in sententiam M.
Reguli facto Senatusconsulto , cum moestos & iratos domi-
nos ipse vultu semper eodem sequeretur , repulsæque do-
lorem appareret in suasorem ejus crudeliter vindicatum iri ,
moti quidam sunt , ut vel nolentem retineri juberent . uxore

præterea Reguli Marcia, communibusque liberis, omnia fletu planctuque complentibus, dixere consules, neque manentem dedituros esse; neque discedentem moraturos.

LXV. Sic ille, recusato etiam conjugis colloquio, parvorumque filiorum complexu osculisque vitatis, Carthaginem revectus, atrocissimis suppliciis vexatum corpus exuit. Palpebris enim rœfœtis aliquamdiu in loco plane tenebrioso habuerunt: deinde cum sol esset ardentissimus, repente eductum intueri cœlum coegerunt. postremo conjectum in arcam ligneam, quam ad solem obverterant, clavis introrsum versis horrentem, atque ita angustam, ut erectus perpetuo manere cogeretur; dum fessum corpus, quocunque inclinaret, ferreis stimulis confoditur, cruciatu & vigiliis interemerunt. Hic M. Atilii Reguli fuit exitus, ipsa quoque vita, licet maximam per gloriam diu acta, clarior & illustrior. Fuit vir möribus integerrimis, animo infractus; consilio non sfernendus; in quo nihil accusare neque sua nequæ sequentia tempora potuerunt, nisi quod fortunam secundam infirmius tulisse visus est, repudiatisque Pœnorum precibus causa fuisse, cur multis deinde annis bellum maneret, ingenti cuin civitatis utriusque detimento.

LXVI. Ceterum M. Regulus peccatum istud aliis virtutibus, sed maxime mortis admirabili constantia, delevit; calamitate sic perlata fortunatior, quam si evitare imminentein potuisset. Audito fine Reguli, & barbara Pœnorum feritate, Senatus nobilissimos captivorum Marciae liberisque dedidit. quos illi conclusos in armario muricibus præfixo, pari ac Regulus interierat suppicio excruciare constituerunt, alimentis etiam per dies continuos quinque non præbitis. intra quod tempus Bostar Pœnus mœtore fameque extabuit. Hamilcar vero firmior, etiam alios quinque dies cum cadavere Bostaris inclusus, ciboque tantum ad vitam cum miseria prorogandam dato duravit: donec

§ LXIV. Silius l. 6. Zonar. Dio ap. Urs. Horat. car. 3, 5. Apian. Punic. § LXV. Val. Max. 3, 1. Tubero ap. Agell. 6, 4. Auct. de Vir. ill. c. 46. Aug. de civ. Dei 1, 15. Cic. de off. 3, 27.

cognito quid fieret, magistratum imperio saevitia coercita est; injunctumque, ut Bostris cineribus in patriam remissis reliqui captivorum mitius haberentur: morum utriusque civitatis memorabili discrimine; cum altera nec inique laesa, nec impune laesura, virtutem, quam venerari debuerat, distis suppliciis extingueret: altera justissimae vindictae ponebat modum, non quem poscebat irritatus dolor, sed quem reverentia humanitatis, & decora claris imperiis moderatio commendabat.

§ LXVI. Diod. I. 24. ap. Vales. Zonar. Tudit. ap. Agell. 6, 4.

JOANNIS FREINSHEMII
 SUPPLEMENTORUM
 LIVIANORUM
 LIBER IX.
 IN LOCUM LIB. XIX LIVIANI.

E P I T O M E
 LIBRI DECIMI NONI.

Cæcilius Metellus, rebus adversus Pœnos prospere gestis speciosissimum egit triumphum, XIII ducibus hostium & CXX elephantis in eo ductis. Claudius Pulcher consul, contra auspicia profectus, jussis mergi pullis, qui cibari solebant, infeliciter adversus Carthaginenses classe pugnavit; & revo- catus a senatu, jussusque dictatorem dicere, Claudiom Gliciam dixit, fortis ultimæ hominem: qui, coactus abdicare se magistratu, postea ludos prætextatus spectavit. Atilius Calatinus primus dictator extra Italiam exercitum duxit. Cum Pœnis captivorum commutatio facta est. Coloniae deductæ sunt, Fregenæ, in agro Salentino Brundusium. Luslrum a censoribus conditum est. censa sunt civium capita CCLI millia, CCXXII. Claudia, soror P. Claudi, qui contemnitis auspiciis male pugnaverat, a ludis revertens, cum turba premeretur, dixit: Utinam frater meus viveret, iterumque classem duceret! ob eam causam mulcta ei dicta est. Duo prætores tum primum creati sunt. Cæcilius Metellus Pont. Max. A. Postumium

consulem, quoniam idem & flamen Martialis erat, cum is ad bellum gerendum proficisci vellet, in Urbe tenuit; nec passus est a sacris recedere. Rebus adversus Poenos & pluribus ducibus prospere gestis, summam victoriae C. Lutatius consul, victa ad Aegates insulas classē Panorum, imposuit. Petentibus Carthaginiensibus pax data est. Cum templū Vestae arderet, Cæcilius Metellus Pont. Max. ex incendio sacra rapuit. Duæ tribus adiectæ sunt, Velina & Quirina. Falisci cùm rebellassent, sexto die perdomiti, in deditiōnem venerunt.

I. PROFECTIS ab Urbe Carthaginensium legatis, consules Senatusconsulto exercitum in Siciliam deportare jussi, cupide paruerunt, & ira in hostes accensi ob M. Regulum, & emulatione speque ex L. Metelli proconfule victoria. Nec enim confecti negotii magnitudinem damno tantum Carthaginiensis populi metiebantur, quod anisso exercitu, tantoque numero elephantorum, ad reliqua belli factus esset infirmior; sed haud minus eo, quod prospera cum belluis pugna Romani milites animum ex priore formidine receperant: spesque incesserat, finiri bellum posse, ni occasioii defrissent. Igitur classē navium ducentarum coacta consules ambo cum legionibus quatuor Panormum appulerunt: assūmtisque reliquis ibi copiis navibusque, præter eas, quæ custodiæ locorum necessariæ videbantur, cum rostratis ducentis quadraginta, cercuris vero (sic vocant navium quoddam breviorum genus) sexaginta, & aliis cujusque modi navigiis plurimis Lilybæum veniunt: ibique consilio habito aggredi urbem constituunt.

II. Hæc est illa Lilybætani oppidi ncbilis obsidio, quæ per solidum decennium, ab ejus belli anno quarto decimo traæta, non expugnatione urbis, aut deditione ab obsecris facta, sed univerfi belli eventu finem accepit. Cum enim Poeni Romanique intelligerent, quantum in ea urbe momentum utrisque foret, vel ad Africæ præfidium, vel ad impe-

rium Siciliæ, summis utrinque viribus & oppugnata & defensa est. Urbem deinde Romanam ex mœrore, quem N. Reguli casus attulerat, refecit L. Metelli triumphus: non visu modo & memoria rerum prosperrimarum, sed etiam adversus inhumanam gentem vindictæ dulcedine. Triumphavit de Pœnis proconsule a. d. VII Idus Septembres. Ducti sunt ante currum duces hostium tredecim, & ingens elephantorum agmen, viginti supra centum. sunt & qui plures numerent. Hi deinde producti sunt, cum ludi fierent, & hastis præpilatis per totum circum ab operis acti, quo contemnere disceret belluas populus, quas vehementillime timuerat. Interfectos esse jaculis Verrius Flaccus auctor est, cum neque uti iis placuisset: neque donari regibus tantam accessionem virium, ex usu reipublicæ videretur.

III. Eodem anno magna vilitas annonæ Romæ fuit: assibus singulis farris modios fuisse; itemque vini congios, siccæ pondo triginta, olei pondo decem, carnis pondo duodecim traditur: cum plus ubivis earum rerum esset, quam pecuniae, cuius inter belli tam diuturni sumtus magna jam penuria esse cœperat. Dum hæc Romæ geruntur, in Sicilia Lilybæum summis viribus oppugnabant consules, neque minore pertinacia animorum ab inclusis resistebatur. Prima vis admota est turri, quæ præ aliis longissime versus Libycum mare procurebat. Hac dejecta, ad proximam quamque promota sunt opera, donec sex omnino turres procubuerunt. tum ad ceteras quatiendas fossæ compleri cœptæ, ut machinæ transduci admoverique possent. quanquam magnus erat labor, quippe latitudo fossæ sexaginta cubitos, altitudo quadraginta æquabat, tamen impigre cœptus promotusque est.

IV. Contra hæc Carthaginenses interius aperta fossa, egestam humum amoliebantur: sed cum multitudine ma-

§ II. Col. Triumph. Liv. Epit. 19. Dionys. I. 2. L. Piso ap. Plin. 6, 8. M. Varro ap. Plin. 18, 3. § III. Polyb. I, 42. Zenar. Diod. I. 24.

teriam apportantium nihilominus agger cresceret, fossæque complanarentur, relicto isto consilio murum alium interiorem exstruxerunt: indefesso ad omnia Himilcone, qui præter urbanam multitudinem, mercenariorum decem milibus instructus, vim omnem dolumque hostium sagacitate, vigilantia, constantiaque eludebat. Ille nihil neque remissum apud suos, neque tutum apud hostes patiebatur; operibus opera, cuniculis cuniculos, armis arma opponebat: inter hæc sæpe eruptionibus pugnatum, adeo nonnunquam ferociter, ut haud pauciores, quam justa pugna cadere solent, tumultuaris ipsis certaminibus desiderarentur. Inter quæ, Romanis muros suffodientibus, quo subratis fundamentis considerent, Himilco ex adverso cuniculos agi jussit, ubi Romanos terram egerere animadverterat. His deinde protinus apertis armatos imminisit, qui nudos & operi intentos subito aggressi, multos interemierunt; neque pauciores, dum opem suis laturi ad muros accurrunt, farmentis in fossam conjectis, deinde incensis, concremarunt.

V. Gliscerat tamen in animis obfessorum pavor atque confernatio, qua abusi duces quidam mercenariorum, *stipendia sibi non ex fide soluta* prætexentes, de prodenda Romanis urbe consilia iniverunt: minime dubitantes, quin suos quisque milites facile illecturus esset ad probanda, quæ agerentur. Itaque nocte quadam clam ex oppido ad castra Romanorum elapsi, statum urbis obfessæ, & quid ipsi pararent, exposuerunt. Agebat tum inter mercenarios, qui Lilybæi erant, Alexon quidam, Achæus genere, vir neque militarium artium rudis, & eximius fide. Is, animadverso proditorum consilio, rem ad Himilconem continuo defert. Himilco, ut in magno & instanti metu nihil conatus, duces mercenariorum, quot eorum adhuc Lilybæi erant, convocat: quid a quibus tentetur exponit, eosque graviter incusat: hortatur præsentes, ne temeritatis & perfidiae alienæ *participes esse velint*: *in fide perseverantibus integræ apud Cœthiginienses omnia, stipendum certum, præmia magna fore*:

prodictionis infami crimine se commaculantes, & diis & hominibus adversis astros esse. Simul pecuniae quantum cogere istam inter trepidationem potuerat, dividit: *de gregariorum stipendiis, ut quam maturime solvantur, sibi curae futurum esse* spondet.

VI. Magna vis orationis est in tempore adhibitæ, præfertim si gravitate morum fides sermoni concilietur: aſſensi certe sunt universi, operamque suam ad continendos in officio milites alacriter obtulerunt. Himilco laudatos & ampliori spe incensos ire confestim ad suos quemque jubet, operamque dare, *ut in fide atque potestate sint*: mittit una Hannibalem, filium ejus Hannibalism, qui in Sardinia perierat, & Achæum Alexonem: illum ad Gallos, quibus ex veteri commilitio notus & acceptus erat: Alexonem ad ceteros varii generis mercenarios, omnibus ex æquo carum gratumque. Hi fidem suam interponentes, *rata fore quæ Hamilco promisisset*, negotium adeo ex sententia perfecere, ut paulo post reversos ad mœnia proditores non modo averſarentur omnes, sed etiam conviciis telisque ultro arcerent.

VII. Et hi quidem ad confules re infecta regretſi, muneribus tamen quibusdam & agris in Sicilia donati sunt. Ceterum Pœnorum res improviso malo prope desperationem adductas, eo tempore fides Alexonis sustentavit: qui prius servatis itidem Agrigentinis, quibus simili quodam scelere mercenarii Syracusanorum insidiati fuerant, jure suo memoriam laudemque in historia meruit. Creverunt deinde obſeffis animi adventu novorum auxiliorum. Carthaginenses enim, licet ignari omnium, quæ Lilybæi gesta essent, res non ſegnibus confiliis indigere judicabant. Igitur Adherbali rei maritimæ præfecto negotium dederant, ut classe comparata militem, annonam & pecuniam Lilybæum introduceret. Ab hoc missus Hamilcaris filius Hannibal, ab Ægusis, quas vocant, insulis ventum opportunum nactus, recta fronte Lilybætanum portum petit, inſtructos in navibus habens milites, &, si quis obſisteret, vi perrup-

turus. Jam ab obsidionis principio portus aditum obstruxerant Romani, demissis in fundum maris cercuris quindecim, quos ad hunc usum lapidibus oneraverant.

VIII. Igitur partim hostis celeritate deprehensi, partim metuentes, ne ventorum vi convulsi & ipsi in portum & intuta navigantibus loca raperentur, advenientibus hostibus occurrere neglexerunt. Et Hannibal portum tuto tenuit, copiisque (decem erant millia militum) expositis, magna cum laetitia Lilybætanorum, in urbem acceptus est. Romani, cum ingressum hostium impedire non potuissent, de cetero consultabant, quemadmodum opera sua tutarentur, quæ tanta multitudine novorum militum recepta Himilconem profecto oppugnaturum esse videbant. Neque fefellit eos opinio. Pœnus enim aliorum recentibus viribus, aliorum refectis adventu sociorum animis usurus; veteres novasque copias in concionem vocat; spe victoriae ac præmiorum ad faciendam eruptionem impellit; dispositisque, ut res poscebat, manipulis, sub primam lucem opera Romanorum pluribus locis aggreditur.

IX. Erant & apud hos provisa cuncta, quaque plurimum periculi metuebatur, firmæ stationes oppositæ: cum his itaque confestim acre certamen contrahitur. cadunt utrinque multi, cum & magna animorum contentione, & numero pugnantium non contemnendo res gereretur, haud paucioribus viginti millibus urbe egressis, & majore aliquanto multitudine obsidentium. Quippe consules contractis ex amica Sicilia auxiliis plusquam centum millia hominum effecerant: ex quibus ad expediendos commeatus aliasque necessitates dimissis ceteris, ad obsidionem urbis millia ferme sexaginta adducta. Sed cum ex omni parte vehementer dimicaretur, maxima circa machinas erat contentio: quas alii ut corrumperent, alii ut defenderent, non magis suæ quam hostis vitæ parcebant. Jacebat ingens agmen occisorum in ea statione, quam tuendam ab initio ceperant: augebat clamorem præpliantium & terrificam discriminis faciem

alia turba , quæ facibus tædisque armata , per pericula , per cædes suas alienasque ad incendenda opera ruebat : propriusque factum est nihil , quam ut pervicaciæ hostium miles Romanus cederet , machinæque defendi nequirent . Sed Hamilco multos suorum occumbere cernens , Romanos autem de ardore propugnandi nihil remittere , signum receptui dedit , pugnaque prior excessit . neque Romani institerunt , contenti servatis operibus , quæ propemodum pro amissis jam habuerant .

X. Proxima nocte Hannibal , clam hostibus , dum fessi ex prælio ejus abitum observare negligunt , navibus , qui- buscum venerat , Drepnum ad Adherbalem vectus est : abductis una equitibus , quos in locis impeditis ad nullam rem obsecris utiles , alibi bonam operam navare posse recte judicaverat . Hi enim a Drepno sœpe excurrentes , intuta faciebant itinera , rerumque necessariarum subvectionem difficultem , multosque pabulatorum , longius a castris vagantium , excipiebant , sociosque Romanorum omni clodium genere vexantes , consulum rationes non mediocriter conturbabant . Neque mari tutas iis res Adherbal esse patiebatur , qui modo Siculis modo Italics litoribus improvisus incidens , nihil quo nocere Romanis posset , inausum intentatumque relinquebat . Ita factum , ut magna in castris nata inopia (nec enim præter carnes pecudum quidquam ferme cibi supererat) magna pars fame , plures etiam morbis , ut folet , obortis morerentur .

I. Hunc ad modum cum aliquot hominum millia desiderari essent , alterum ex consulibus ad comitia Romam discedere , suasque legiones deportare placuit , quo remenantibus in obsidione expeditior annonæ ratio foret . Iterum deinde , priori conatu terra lapidibusque aggrestitis , aditum portus se , aggressi sunt , validis trabibus decussatim compactis aggredi communientes , quæ ferreis ancoris revinctæ , totius operis compagem firmiore nexu continerent . Sed propter maris altitudinem , ob quam inter descendendum

convellebatur, quidquid injectum erat, ingens & inutilis labor fuit: nam oborto vehementiore ventorum flatu, undisque intumescentibus, perfracta omnia ac direpta sunt. Cum tamen ipsa operis fama clausum aliquamdiu portum tenuisset; anxios ea res Pœnorum animos, vehementerque sollicitos habuit; neque enim ulla in promptu erat ratio, qua cognoscere statum suorum possent, neque quisquam audebat operam suam ad inspiciendas Lilybætanorum res polliceri: donec Hannibal quidam, cognomento Rhodius, vir ex illustribus, se ingressurum urbem, & postquam omnia coram perlustrasset, ex fide renuntiaturum recipit.

XII. Ei proinssio gratia prius major apud Pœnos, quam fides fuit: quippe præter moles in mari jaetas, aditum portus a Romanis navibus ad ancoras stantibus custodiri sciebant. Sed ille privata, quam habebat, adornata navi, ad insularum, quæ Lilybæo præjacent, unam, hinc deinde cum postridie ventum ferentem nactus esset, circa quartam horam diei, palam, inspectantibus universis hostium copiis, hominibusque fiduciam stupentibus, portum inventus est. At Romanus consul, ut regredientem interciperet, selectas ex omni numero naves decem per noctem instrui jubet: eas ab utroque latere portus, quam proxime ad ipsum ejus ostium constituit. Hannibal celeritate navis suæ confusus clara luce procedit: exspectabant eum intenti paratique Romani, simulque conatu quanto poterant, in eum ferebantur. Sed ille velocitate tantum vincebat, ut effugisse non contentus, ultiro illuderet, modo adnavigans, modo circumvectus, quasi ad pugnam hostes provocaret.

XIII. Hac audacia cum sœpius uteretur, multum rebus Punicis adjumenti contulit, quod & obfessorum animi nuntiis suorum mirifice recreabantur: & quæ postulabat usus Carthagini mature cognosci poterant, & contumeliosa istius hominis temeritas Romanos molestia & pudore vexabat. Juvabatur autem peritia maxime locorum, quod in palustri illa cœnosaque eluvie, per quam Lilybæum aditur, cer-

tum fidumque navibus iter accurate observaverat. quoties enim ab alto veniens in conspectu habere urbem cœperat, ita obvertebat navem, ut puppis Italiam respiceret, ex prora turris Lilybætana, quæ mari imminebat, ita cerneatur, ut omnium Africam versus sitarum turrium conspectum tegeret: quæ una tutissima est via pleno cursu portum potentibus nautis. Jamque plures esse cœperant, quia audacia & felicitate Hannibalis incitati Lilybæum commearent: donec casu quodam quadriremis celeritatis eximiæ comprehenderetur.

XIV. Licet enim aliis partibus moles a Romanis jactas venti ac undæ raptavissent; uno tamen loco, ubi minus profundum mare fuerat, constiterunt. Ei dorso impacta navis cum obhæsisset, capta a Romanis, optimoque milite & remigio instructa, etiam Hannibali exitium attulit. Quippe noctu forte ingressus urbem, cum in reditu palam solvisset, quadrirememque istam ad omnes suæ navis motus similiiter occurrentem videret, animadverso statim periculo fugeret, & cum hoc frustra esset, repugnare conatus, in validiorum potestatem venit. Romani hac quoque nave potiti, parique modo ad observandum portus aditum usi, ne quæ deinceps naves Lilybæum penetrare possent, facile prohibuerunt. Acrior inde vis obſidentium esse cœpit: adortique munimenta Romani, quæ mari vicina erant, omne defensorum agmen ad tuenda loca, quæ oppugnabantur, pertraxere. Sic via facta reliquis copiis, quæ ex diversa parte occasione huic insidiabantur, ut murum exteriorem caperent: quanquam id frustra fuit. quippe dux Pœnus cum delictis suorum tempestive accurrens, multa cum cæde tenentes locum Romanos rejecit.

XV. Alia deinde major fortuna spem obſeffis universæ victoriae dedit. Forte ventorum ingens vis exorta fuerat, adeo veluti data opera Romanorum incumbens machinis, ut & vineas quateret, & ipsas turres in capitibus earum structas convelleret. Non fecellit ea res oppidanos, deo-

rumque munere oblatam sibi opportunitatem credidere ; qua toties frustra tentatis operibus ignem injicerent. Itaque tripartito agmine erumpunt , faces, & quæ alendo igni paraverant, immittunt. eratque per se facilis ad concipiendam flammam materia machinarum , quam diu ante cæfam sol & æstus arefecerant. Neque segniter ad opem ferendam concurrerant Romani ; sed impar certamen erat, cum aliis machinis jam incensis ad tela certius validisque conjicienda luce ignium & tempestatis impetu juvarentur ; aliis haud minus ab his causis impedimenti periculique , quam ab hostili ferro, esset. quippe flatus vehemens & Romanis prorsus adversus , fumum , favillam , flamas in ora oculosque hominum provolvebat : telaque ab hostibus missa majori violentia deferebat in obnoxios , cum interim Romanorum iactus incerti & invalidi, nec dirigi per caliginem possent ; & vehementia reflantis venti frangerentur.

XVI. Ita factum , ut omnes Romanorum vineæ , petrarriæ , arietes , & quidquid operum vel agendis cuniculis , vel verberando muro paratum fuerat , codem incendio absunierentur. Tum vero spes omnis potiundi per vim Lilybæi excidit : desertaque obsidio foret , ni Hiero , magna iterum frumenti copia submissa , uti maneretur evicisset. Ita omissò oppugnandi consilio , castrisque ex omni parte communitis , tempori & casui rem permittere decreverunt. Obsessi quoque refecta murorum parte , quæ ceciderat , maiores in posterum ad tolerandam obsidionem animos habuerunt. Hæc nequaquam lætis aut securis animis Romæ audita : neque tamen dubitabatur , quin bello accepta detrimenta bello farcienda essent : adeoque hæc sententia penitus infixa mentibus fuit , ut quidam senator in ipsa curia occisus esse memoretur , quod verba de pace fecisset. Magni deinde apparatus facti , inter quos remigum (nam hujus generis jactura ingens facta erat) millia decem ex novo delectu in Siciliani missa.

XVII. Consules jam erant P. Clodius Ap. F. C. N. Pul-

§ XV. Polyb. I , 48. § XVI. Diod. Polyb. Zonar.

cher, L. Junius C. F. C. N. Pullus. Clodium illum nepotem Cæci fuisse, falso a quibusdam traditum est. Is cum in Siciliam venisset, accepto qui ad Lilybæum erat exercitu, milites in concionem convocat, prioris anni consules acriter reprehendit, *quod per ignaviam & delicias, obfessis quam obſidentibus ſimiliores tempus ad Lilybæum ſine ullo profeſtu, nec ſine magna Romani nominis ignominia dimoque triviffent.* Erat enim vir asper & acerbus, & qui violentia ingenii, fastuque ob nobilitatem suam, prolaberetur ad facta dictaque vix sanæ mentis homini convenientia. Idem in puniendo fævus & immittis nullum delictum venia, levissimum quodque nimia severitate prosequebatur; cum interim ipse in rebus maximis, non misere tantum, sed etiam prorsus amenter impingeret. Nam & confilium priorum dum, quod acerbe vituperaverat, imitatus est, ut ad portum obſtruendum moles in mare jaceret: & quod capitalioris amentiae fuit, temere Drepanum aggressus, non minus sua imprudentia, quam Adherbalis virtute, florentissimam classem perdidit.

XVIII. Persuaderat sibi ceterisque, hostem ignarum supplementi, quod Romana classis accepisset, imparatum Drepani deprehendi posse. nihil enim crediturum minus, quam audaciam & vires Romanis esse, ultiro hostem mari laceſſendi. Sic delectis navibus optimis ducentis & viginti, impositoque remige, & fortissimo quoque ex legionibus, nam ut ad certam prædam, minimeque longum laborem (Drepanum enim Lilybæo abest millia passuum non amplius quindecim) certatim fefe offerebant; circa tertiam vigiliam silentio solvit, cursu per noctem prospero, & hostes fallente. Lux orta, primis jam navibus a Drepano haud procul conspectis, ad miraculum insolitæ rei excivit Adherbalem, neque dubitare poterat, quin hostis adfexa Duarum rerum erat proposita optio, ut aut confessim prœlio congrederetur; aut aditu hosti concessio, cingi se obſiderique fneret. quod postremum, cum haud minus flagi-

tii quam molestiæ discriminisque plenum videretur, averfatus, s̄cios navales subito in litore coegit: mercenarios autem milites voce præconis in concionem advocatos brevi sed efficaci oratione monuit, quanta spes esset proelium promte capessentibus: quantus, si illud refugissent, ex obsidione metus.

XIX. Alacriter succlamantibus omnibus, Adherbal collaudatos naves sine mora condescendere jubet, prætoriamque (hac ipse vehebatur) oculis & remigio sequi. Hæc ubi præcepta dedit, primus ipse altum petit, sub ipsas portui impendentes petras egressus, cum eodem tempore ex adverso latere Romanæ naves portuni intrarent. P. Clodius, non uti speraverat territo hoste præliumque detrectante, sed ad defensionem sui strenue converso, perturbatus ipse, naves suas propere revocat, in aperto mari struturus aciem. Sed illæ nullo ordine, ut unaquæque præcurrerat, aliæ intra portum jam penetraverant, aliæ petebant aditum; quædam in ipsis fauibus versabantur. inde factum, ut dum magno nisu retrocedere omnes tendunt, aliæ in alias incurrentes turbarent mutuo, remosque invicem detergerent; donec ut potuerunt evolutæ portuque egressæ, quoniam spatium temporis nullum supererat, continuo juxta litus ipsum in ordinem aciei adstitere.

XX. Ipse consul, qui prius agmen coegerat, tum converso cursu ante omnes erectus sinistro claslis suæ lateri se applicuit. At Pœnus interea lœvum hostilis aciei cornu prætervectus, cum navibus rostratis quinque, tot enim secum habebat, Romanis obvertere frontem cœpit, altum patensque mare a tergo habens. simul alios suorum, ut quisque advenerat, adjungere se justo intervallo prioribus navibus jubet, & postquam omnes eadem serie directæ sunt, servatis ordinibus in hostem movet. Jamque sublatum utrinque ex prætoria pugnæ signum erat, cum omni ex parte acriter concurritur, pari primo spe, sed subinde meliore Carthaginensium fortuna. Quanquam enim numero

navium vincebantur, armatis tantum nonaginta, longe tamen rebus aliis superiores erant. nam & navibus melioribus, & exercitatisimo remige utebantur: locum autem pugnæ fortiti erant commodissimum, ut quoties urgerentur, liberum in mare receptum haberent, velocitate sua ex facili vel elusuri hostem instantem, vel etiam si longius prosequeretur, circumventuri. Romanis contra ad litus appressis in arcto omnia: non procurrere libero impetu, non inhibere tuto poterant: sed quoties urgente hoste retrocedebant, aut puppe in fabulo desidente hærebant, aut impacti litoribus periclitabantur.

XXI. Ita cum neque perrumpere hostium ordinem, & rursus a tergo invadere possent, ob tarditatem navium, remigumque imperitiam; neque ob angustias locorum, intra quæ conclusi erant, laborantibus suis opem a puppi ferre, impune a Carthaginensibus vexabantur. Ad has difficultates acceesserat & alia desperationis ex religione causa: iraque deorum se premi rebantur ob temeritatem consulis, qui contra auspicia pugnare sustinuissebat, ad neglectum religionum etiam contumelia addita. Pullos enim, quoniam non pascebantur, in mare præcipitari jussérat, *ut biberent, quando esse nollent*: ea res, tanquam inyitis iratisque diis præliaentes, ad omnia segnores timidiioresque fecerat. Sed ipsi clavis auctori, cum cetera perdidisset, ad se conservandum, nec ingenium, nec audacia defuit. Quippe cum naves suas passim deprimi capique videret, assuntis triginta, quæ proximæ constiterant, inter litus & hostilem classem elapsus est: & quo tutior ad Lilybætanum exercitum receptus foret (præternaviganda enim Pœnorum erant præsidia) naves in speciem viætricium ornari jussit.

XXII. Ita Pœnis victoriam penes consulem fuisse, reliquaque naves ejus mox secuturas putantibus, non modo tutus ei redditus, sed etiam hostibus terribilis, Lilybæum

¶ XX. Diod. 24, 1. Polyb. 1, 51. & XXI. Eutrop. 1. 2. Cic. de Nat. Deor. 2, 3. Flor. 2, 2. Val. Max. 1, 4, 5. Suet. Tib. c. 3. Front. Strat. 2, 13. Polyb. 1, 51.

fuit. relictas a consule naves tres & nonaginta cepit hostis una cum propugnatoribus & remige, præter eos, qui navibus magna vi in litus impactis, ejecerunt se in terram, fugeruntque. Sed & in ipso prælio magnus navium numerus depresso est: nam plures ducentis Lilybæo P. Clodius advexerat. Tanta victoria minimo impendio Carthaginibus stetit. *non modo navem, sed ne hominum quidem ullum interiisse, vulneratos oppido paucos,* traditur: cum *de Romana classe octo millia hominum cæsa, capita millia viginti* referantur. Sub idem tempus etiam a Panormo naves frumento onustas rapuere Poeni, Drepanumque avexere, & vicissim ex agro Drepanitano commeatus Lilybæum importantes, omni genere bonorum obsecros large refecerunt.

XXIII. Neque hic substitutus ejus anni fortuna, quin alio quoque magno incommodo mactaret Romanos, nec possessione modo maris, sed etiam spe potiundi depelleret. Alter enim consul L. Junius, cum onerariis multis, quibus annam ad exercitum deferret, rostratisque sexaginta ex Italia profectus, ubi Messanam appulit, obviam aliarum navium multitudinem habuit, quæ tum ab exercitu, tum aliis Siciliæ partibus eo convenerant. His assumitis, & classe facta navium longarum CXX, oneriarum prope DCCC, Syracusas prochiritur. Quo postquam venit, quæstoribus partem navium Lilybæum ducendam tradit: ipse substitutus Syracusis, exspectans eos, qui Messana proficiscentem consequi non potuerant, simul annonam cogens, quam ex locis mediterraneis socii subvehebant. Interim Adherbal misfis Carthaginem navibus, hominibusque captivis, fortuna gloriaque ad res gerendas incitante, Carthaloni, qui suas septuaginta naves cum totidem ferme onerariis ex Africa adduxerat, triginta alias addidit, misitque hominem ad naves Romanorum, quæ in portu ad Lilybæum stabant, abstrahendas, aut corrumpendas.

XXIV. Il' sub primam lucem magno terrore invectus, cum aliis navium manus, aliis ignem injiceret, & in Ro-

manos ad defensionem navium accurrentes, præfectus urbis Himilco mercenarios eruptionem facere jussisset, magna in castris trepidatio fuit. ad extremum Carthalo contractis non ita multis, abreptis quinque, Heracleam versus cursum direxit. Iis locis excubanti, ne quis Romanorum impune Lilybæum navigaret, nuntiatur, navium omnis generis classem haud pœnitendam adventare. Jam ille præfectos alios ad se pertrahendo naves bonas ad centum viginti efficerat: confisus igitur viribus, & superiore victoria, confestim egreditur portu, venientibusque occurrit. Juxta Geloum litus in conspectum classes venere: sed Romani quæstores impar certamen veriti, ad Phintiadem, quod in amicitia Romanorum erat oppidum, deflexerunt. Portus ad Phintiadem nullus est: tantum procurrentes in mare petræ stationem navibus haud usquequaque incommodam præbent.

XXV. Hic exscensione facta Romani hostium adventum instructi exspectabant, catapultis atque ballistis ex oppido advectis, & pro litore ad tutelam navium dispositis. Carthaginiensibus initio consilium fuerat obsidendi hostem, quem putabant metu perculsum statim refugiturum in oppidum esse, navesque ad prædam relicturum. Sed ubi Romanis gnaviter se defendantibus, certamen periculi plenum experiebantur, prætereaque loco multa habenti incommoda parum fidebant, destitcrunt: paucisque navibus ex eorum numero, quæ commeatum vehebant, abductis, ad Halycum fluvium, qui haud procul inde aberat, discesserunt: ibi dum faucios reficiunt, hostium abitum ex commodo suo observaturi. Alii scriptores, credo Philinum secuti, *haud quaquam levi damno defunctorum esse Romanos*, volunt: sed primo statim aspectu hostium perculsus quæstores, dum Phintiadem cursu petunt, onerarias naves, aliasque præter bellicas, deseruisse. in ipso vero prælio rotunda Romanorum navigia quinque inta, longas vero naves sexaginta depresso, tredecim ita percussas quassatasque, ut deinceps usui esse nequiverint.

XXVI. Non longo post tempore, Pœnis adhuc statio-

nem ad Halycum amnem habentibus, L. Junius Cos. rebus, quarum gratia Syracusis substiterat, perfectis, præter Pachynum promontorium, vela Lilybæum versus faciens, a speculatoribus Carthalonis conspectus est. Carthalo, renuntiata, quanta potest celeritate obviam consuli proficiuntur, ignaro eorum, quæ ad Phintiadem gesta essent: quo longissime a quæstorum classe cum illo dimicaret, neque juvari ille facile a suis posset. Consul eminus visa Pœnorum classe, cum neque configere auderet, neque hostem instantem effugere posset, juxta Camarinam in locum asperum & importuosum naves adigit; metum hunc vincente alio majore metu, ne aliter universus exercitus in potestatem hostium deveniret. Carthalo eadem loca intrare non ausus, ad promontorium quoddam stationi locum capit, ita situm, ut inde pariter in utramque Romanorum classem intentus esse posset.

XXVII. Neque multo post ventis violenter flantibus, cum ingentis tempestatis signa Carthaginiensium gubernatores rerum istarum periti vidissent, Carthaloni persuaserunt, uti relicta, quam ceperat, statione, Pachynum flecteret. ita nec sine magno labore vim tempestatis Punica classis effugit. at Romanorum utraque classis inter faxa cautesque deprehensa funditus interiit, uti ne tabula quidem ulla ullius usus ex naufragio reliqua fuisse credatur; duabus exceptis navibus, quibus postea consul, reliquos ex ea clade milites remigesque secum ducens, Lilybæum pervenit. Hoc naufragio naves, quæ annonam portabant, omnes, longas supra centum periisse traditum. exercitus tamen servata pars est, multis in vicina litora enatantibus ejectisve. At Senatus, qui paulo ante P. Clodium consulem ob rem male gestam ex Sicilia revocaverat, cum insuper tristis de Juniana clade nuntius advenisset, in classe quidem spem habere desit: ceterum ad bellum terrestri Marte prosequendum, animum consiliumque strenue advertit.

§ XXVI. Polyb. Diod. § XXVII. Oros. 4, 10. Polyb. Dic.
Eutrop. l. 2. Liv. Epit. 19.

XXVIII. Et Lilybæi quidem obsidionem solvi non est vīsum: sed datum idoneis hominibus negotium, ut necessaria exercitui justo tempore subvehementur. Spem faciebat, quod uti mari Pœnus, ita Romanus terra plus poterat, totamque ferme Siciliam ditione aut fœderibus complectebatur. Sed neque consules ejus anni placebant: neque consulari imperio, quod isti contemtu religionum profanassent (nam & L. Junius contra auspicia navigasse dicebatur) res putabatur feliciter geri posse. Igitur ad rem novam & inusitatam ventum, ut dictator diceretur, qui in Siciliam iret; cum ad eam diem extra Italiam nemo ea potestate prædictus exercitum duxisset. Mira eo tempore & prope incredibilis P. Clodii consulis insolentia fuit. iuslūs a Senatu dictatorem dicere, tanquam parum in patriam deliquisset tantæ cladis auctor, nisi dignitatem etiam imperii contumelia & derisu macularet, M. Claudium Glyciam dixit, scribam aut viatorem suum.

XXIX. Tum vero coorta merito in eum indignatione omnium, coactus abdicare, ac in populi judicium adductus est. Condemnatum auctores, quos Cicero vidit, retulere; sed apud alios annotatum est, *illum haud dubia jam populi voluntate, casu ereptum esse eminenti damnationi, cum subito coortus imber comitia diremisset: tum enim velut quæstionem interpellantibus diis, aliam deinceps institui non placuisse.* Ceterum Glycias, quod ultimæ fortis hominem in maximo imperio conspicere pudor civitatis non ferebat, coactus abdicare, ludos tamen postea prætexatus spectavit. In ejus locum dictator creatus est A. Atilius A. F. C. N. Calatinus, dixitque magistrum equitum L. Cæciliū L. F. C. N. Metellum, qui de Pœnus triumphaverat. Hi profecti quidem sunt in Siciliam, sed rem memorabilem nullam gesserunt. Interea L. Junius anxius rerum suarum, & naufragii culpam egregio facinore abolere studens, cum in omnes occasionses intentus esset, Erycis occupandi viam, proditione nocturna quo-

rundam, quos donis & promissis suos fecerat, invenit.

XXX. Eryx mons est Siciliae post Aetnam editissimus, in ea parte insulæ, quæ Italiam respicit, medio ferme inter Drepana & Panormum situ: sed ab illa parte asperior. In vertice planiciem habet cum templo Veneris, quam ex loco *Erycinam* vocant, longe omnium, quæ in Sicilia sunt opulentissimo. Sub ipsum deinde cacumen in medio montis urb̄s est cognominis, accessu valde diffcili, qui a radicibus montis per longas & angustas semitas, non citra laborem expeditur. Igitur L. Junius loci natura perspecta, tum in summo montis jugo, tum in faucibus, quæ Drepana spectant, praesidia constituit, tutus loco, & si incesseretur, vim hostium levi negotio propulsaturus. Sed & Aegithalum muro cinctum, firmavitque praesidiaria manu militum octingentorum. Ceterum Carthalo noctu expositis ibi copiis castellum expugnavit. praesidiarii partim occisi captive: partim ad Erycem perfugerunt.

XXXI. Cetera de L. Junii rebus incerta sunt apud scriptores: quidam enim a Carthalone captum Aegithalli; alii, metu accusationis ob classem amissam sibi necem concivisse, prodiderunt. Neque minus de secularibus ludis ambigitur, tumne potius tertium celebrati fuerint, an quartodecimo post anno, P. Cornelio Lentulo, C. Licinio Varro consulibus. Credibilis tamen arbitror, hoc anno factos, incitante etiam ex tot cladibus metu, & spe meliorum temporum, si religiones diligentius colerentur. Fertilis hic annus fuit, oleique librae duodenæ singulis assibus veniere. Interea cum dictaturæ vel tempus effluxisset, vel abdicata per Calatinum potestas esset; magistratum inierunt C. Aurelius L. F. C. N. Cotta, P. Servilius Q. F. Cn. N. Geminus, iterum uterque consules. Hi res in Sicilia fatis prospere gesserunt, citra tamen magnæ aut victoriæ, aut utilitatis gloriam. Coercuerunt sane Poenos Lilybæum & Drepanum tenentes, ne tam aut frequenter, aut late auderent excurrere: &

§ XXIX. Polyb. 1, 52 & 55. Val. Max. 8, 1, 4. Fasti Capit. Plin. 7, 43. Dio A. 36. Zonar. Diod. § XXX. Diod.

quæ in locis a mari remotioribus præsidia habuerant, recuperunt. +

XXXII. Adversus hos Carthalo cum multa conatus frustra esset, consilium Italicæ oræ vastandæ cepit: ut hoc tumultu consules a rebus Siculis distraheret; aut si auxilio venire suis neglexissent, occasione temporum ad populandos agros, urbesque capiendas uteretur. Ceteruni ne hic quidem fortuna cœptis adfuit. Misius enim ad prohibendas sociorum injurias cum urbano milite prætor, de successu consilii sui desperantem redire in Siciliam compulit. Ubi cum mercenarius miles seditionem excitasset, quod stipendia non solvebantur; multos ex eo numero in desertis insulis exposuit, multos ad pœnam remisit Carthaginem. Quam rem ægre ferentibus reliquis, adeo sunt exasperati animi, ut manifesta defectio omnium, & ex eo novi belli materia timeretur. Sed in tempore Hamilcar, successor Carthaloni datus, advenit: tumultuantesque noctu adortus, alios occidit, alios demersit mari: ceteros veniam petentes, in gratiam concordiamque recepit. Hic est ille Barcæ cognomento notus Hamilcar, quo meliorem ducem Carthago non habuit, futurus incomparabilis, nisi Hannibalem genuisset.

XXXIII. Ex eo tempore durius Romanis bellum fieri cœpit. Statim enim sedato mercenariorum motu, cum classe ad Italianam devastandam profectus Hamilcar, Locrensum & Bruttiorum agros late populatus est. At Romani, cum Hieronis Syracusani Regis in eos constans fides & magna exstanter merita, remisso tributo annuo, quod priori feedere pepigerant, perpetuam cum eo societatem amicitiamque sanciverunt. Interim Hamilcar ex Italia reversus in finibus Panormitanis exscensione facta, inter Panormum & Erycem castris locum cepit natura munitissimum. Epicerē vocatur mons omni ex parte abruptus, qui ex circumfusa regione

§ XXXI. Cic. de Nat. Deor. 2, 3. Zonar. Liv. & Val. Antias ap. Cens. de die natal. c. 14. Aug. de civ. Dei 3, 18. Plin. 15, 1. Fasti Capitol. § XXXII. Diqd. I. 23 & 24, ap. Valer. Oros. 4, 10, Polyb.

in magnam altitudinem se erigit, non tenui fastigio, sed spatium centum plus minus stadiorum complexo: quæ tota regio pecori alendo frugibusque ferendis aptissima est, ut quæ marinis flatibus opportune aduersa, pestiferis animalibus omnibus vacat. Ibidem verruca quædam assurgit, quæ & arcis vicem, & speculæ in circumjectos campos obtinere queat.

XXXIV. Adjacet portus perquam aptus Drepano aut Lilybæo Italiam petituris, cum aqua dulci copiosa. Tribus omnino viis iste mons adiri potest: a terra duo sunt aditus, unus a mari, sed omnes impediti & perdifficiles. Hic castra locavit Hamilcar, audaci plane consilio, cum urbem sociam habens omnino nullam in medios hostes se demitteret: sed munitione loci suaque virtute & peritia rei militaris confisus, plurimum negotii Romanis exhibuit, Carthaginensiumque res valde confirmavit, quæ jam etiam domi satis prospere ire cœperant. Namque Pœnorum alias dux Hanno, cui cum Hamilcare virtutis erat æmulatio, gloriæ parandæ causa, simul ut militem citra sumtum civitatis ex hostico aleret, belloquè exerceret, Libyæ parti, quæ circa Hecatonpylon est, arma intulerat; & urbe potitus, obsidum tria millia Carthaginem deduxerat. Neque tamen usquequaque res eis lætæ eo tempore fuere. Quippe L. Cæcilio L. F. C. N. Metello secundum, Num. Fabio M. F. M. N. Buteone Coss. privatorum opibus parata classis Africam vastavit.

XXXV. Quanquam enim Senatus iterum abstinere mari decreverat, civibus tamen id postulantibus navigandi potestatem fecit: ea conditione, ut naves ex publico acceptas restituerent; prædam servarent fibi. Sic facta classis non contempnenda, litoribus Africanis multum terroris damnicque intulit: sed & Hipponem Regium, urbem non eviliissimis adorti, naves Hipponensem & ædificia multa igne conserunt. Regressuri deinde, cum exitum portus catenis

§ XXXIII. Appian. ap. Urf. Polyb. Barclay. § XXXIV. Polyb. Diod. l. 24.

clausum reperissent, ex magno periculo salutem sibi arte & consilio pepererunt. Incitatis enim navibus, cum prorae catenam prope jam contingerent, universi in puppes navium recesserunt: sic levatae onere prorae catenas facile superarunt. hoc facto contulerunt se omnes in proras, hisque depresso effecerunt, ut puppes itidem supra catenas lapsae, liberi cursus facultatem periclitantibus redderent. Sic ingenti metu liberati, paulo post apud Panormum cum Punicis navibus prosperam pugnam fecere.

XXXVI. Consules autem Romani, divisis belli muniis, L. Metellus Lilybæum, Num. Fabius Drepanum obsidebant. Adjacet Drepano Austrum versus insula, sive scopulus verius est, quem Peliadem insulam Græci, nos Columbariam appellamus. Hanc occiso praesidio Punico per suos milites noctu consul occupavit. Neque distulit Hamilcar, qui ad defendendum Drepanum accurrerat, orta luce ad locum recuperandum egredi. Quo animadverso consul, cum suis opem ferre non posset, tota vi Drepanum oppugnare instituit. Sic retracto Hamilcare, tenuit insulam, eaque deinceps ad obsecros acrius infestandos usus est. Jactis enim molibus continentis eam annexuit; & quoniam illa parte infirmiora urbis erant moenia, operibus excitatis oppugnationem inde est orsus.

XXXVII. Sed pugnas Hamilcari cum his & sequentium annorum consulibus pugnatas, neque ob frequentiam posse describi, neque ob similitudinem casuum debere Polybius censuit: cum triennio fere continuo Epieræ castra habens cum Romanis ducibus, maxime postquam illi castris ante Panormum locatis, vix quinque stadiorum intervallum inter se & hostem reliquissent, propemodum quotidiana prælia fecerit. neque enim aut quietæ res esse poterant, cum collata castris castra essent; neque rursum ad universæ dimicationis discrimen ventum est. multa enim prohibebant: præcipue quod pari copiarum firmitudine, locorumque

§ XXXV. Polyb. Diod. I. 24. Zonar. § XXXVI. Cluv. Sic.
2, 1. Zonar.

munitionibus, etiam qui in p̄cilio inferiores fuerant, viā cinitate castrorum protegerentur. Ita fiebat, ut inter pugnandum semper aliqui caderent: acie semel inclinata, tuus ad munimenta receptus esset. Ceterum eodem anno, quo Drepana obseissa sunt, non Sicula modo, sed etiam Italica litora Carthaginensium classes infestarunt. & ipse Hamilcar, depr̄dando quidquid adiri poterat, maritimam Italoram ad Cumanos usque fines pervaſtavit.

XXXVIII. His incursionibus, & Siculis pugnis cum multi Romanorum civium in servitute apud hostes essent, duces Romani cum Poenis pacti sunt, ut captivi permutarentur: utra pars plures accepisset, argenti pondo bina & selibras in capita daret. Plures cum receperissent Pœni, quam redidissent, pecuniam ex pacto pependerunt. Duas hoc anno colonias in Italia deductas invenio, Æfulum & Alsum. Lustrum item Romæ conditum duodequadragesimum, ab A. Atilio A. F. C. N. Calatino, A. Manlio T. F. T. N. Attico, censoribus. Censa sunt civium capita ducenta quinquaginta unum millia, ducenta viginti duo: cum superiore lustro paulo minus trecenta millia censa fuissent. tantam civium multitudinem eo tempore bellum & naufragia consumserunt. Nec ideo segnissimi suppleti exercitus Siculi, M. Otacilio C. F. M. N. Crasso iterum, M. Fabio C. F. M. N. Licino consulibus deducentibus.

XXXIX. Hi labiosam quidem & exercitam militiam habuere; verumtamen, quia locorum, quæ præceperat, opportunitatibus emovere Hamilcarem n̄e quiverant, nihil memoria dignum gessere. quod sequentibus etiam aliquot Romanis consulibus accidit, ob idem incommodum: & quia repentina duces adversus perpetuum veteremque delecti, plus propemodum temporis in apparatus, & locorum situ, militum voluntate statuque belli cognoscendo consumere cogebantur, quam ad res gerendas superabat. Quo etiam consilio factum videtur illo anno, ut cum instaret

§ XXXVII. Zonar. Polyb. 1, 56. § XXXVIII. Zonar. Liv. 21, 23. Ejusd. Epit. 19. Veil. 1, 14. Fasti Capitol.

comitiorum tempus, dictatorem potius dici placeret, quam consulum alterutrum ex Sicilia evocari. Dicitus est Ti. Coruncanius Ti. F. Ti. N. comitiorum habendorum causa. is magistrum equitum M. Fulvium Q. F. M. N. Flaceum dixit. Interea duo tribuni plebis C. Fundanius & Ti. Sempronius Claudiæ, Appii Cæci filiæ, diem ad populum dixerunt, quod a ludis rediens, cum turba premeretur, in conferta multitudine ægre procedente carpento, voce in miserat impii voti, *utinam frater meus revivisceret, iterumque classem duceret!*

XL. Nulla fere nobilis Romæ domus erat, quin Claudiam gentem propinqua cognatione aut affinitate contineret. Itaque non deerant, qui ream tuerentur, claritatem familiæ, patris Appii merita, fragilitatem sexus obtendentes: inauditum esse, feminas ad judicium populi vocari. neque satis gravem causam, cur a Clodia mos novus inciperet, quæ nullo aut consilio aut facto maiestate populi Romani deminuta, tantum intra verba peccavisset. Adversum quæ duo tribuni plebis ita differuerunt: Quam impiam, quamque detestabilem vocem Claudia jecerit, non ignoratis; Quirites. neque enim testimoniis opus est, confitente rea: neque etiam illa negare, si vellet, posset; quod palam in publico, non Jovem, cum sub dio hæc diceret, non multitudinem ipsam civium, quam incusabat, reverita, effudit. Quorsum igitur, cum de criminе constet, de pœna dubitamus? parumne diligenter legibus cautum est? an nos verba legum numerantes, mentem earum circumveniri patimus? Feminam hoc judicio peti novum esse contendunt, esto: novum erit etiam est, feminam hoc pædo delinquere: nec dum crini ullam tanta improbitate mulierem urbs nostra tulerit.

XLI. Atque utinam ne nunc quidem novum exemplum statui opus esset! mallemus profecto nullis delictis quietam ac veluti conditam legum aciem pati, quam adversus nocentes, utili quidem, sed tamen acerbo rigore disstringere. Ceterum civitati stare volenti necessaria legum est custodia: quas utique minime deberent

§ XXXIX. Zonar. Agell. 10, 6. Suet. Tib. 1, 2. § XL. Val. Max. 8, 1. Liv. Epit. Sueton. L. 29 ff. de leg.

subvertere, qui Reipublicæ nostræ p̄incipes & columnae haberi volunt. Quos profecto juris omnis peritissimos latere non potest, cum pluribus in legibus nulla sit expressa mulierum mentio, verbo si quis, & similibus, non minus illum sexum, quam masculinum contineri. Quid igitur mirum, si leges, quæ de majestate latæ sunt, ad utrumvis sexum pertinere credimus, cum exemplo sit isthæc Claudio, ab utrovis in eas peccari posse? Sed elevant illi rem, parvumque videri delictum volunt, quod ultra verba non processisset. Hoc enim restabat, ut conatum, studium, facta coniungeret, cum Pœnis consilia sociaret, centuriaret homines, armaret servitia, occuparet Capitolium, & pestem, quam civibus verbo voverat, opere quoque ipso & manu inferret?

XLII. Atqui legibus profecto non facta magis, quam consilium & animus patrantis puniuntur. neque enim si quid furiosus aut infans nocuit, jure adversus eum prodita est actio: animi vero cujusque multis in causis non minus certa ex verbis, quam ex operibus, indicia petuntur. Quæ sic optat, quid faceret, si facere quod optet, in ejus manu esset? Quod si aliorum quoque hominum judicia non contemnimus (cur autem contemnamus?) etiam alibi pro scelere habitum vindicatumque est impium votum. Athenis, quæ Græciæ civitas præ ceteris sapientiæ laudibus clara habetur, damnatus est, qui magnum lucrum optaverat, cum necessaria funeribus curandis venderet, quod consequi posse non videbatur, nisi multi mortales interissent. Et tamen illis in verbis locum habere poterat mitior interpretatio: hæc non ambigue neque perplexe, exitium civibus, cladem exercitiū, calamitatē Reipublicæ optavit. Utinam frater meus revivisceret! votum improbum, etiamsi fratris causa sic optavisset.

XLIII. Cur enim illi reddenda vita esset, cuius opera tot ciuium millibus erepta est? qui Rempublicam non minus per superbiam despexit, quam per temeritatem afflixerat? qui prædamnatus omnium hominum sententiis, non infamiam ejus judicii, sed pœnam casu effugit? Hunc tu, si saperes, optares reviviscere? cuius si memoriam eodem tumulo potuisset olruere, quo cineres teguntur, nihil antiquius habere debuisset. Quemadmo-

dum enim fratribus egregiorum fama aliæ matronæ non inepte gloriantur: ita tibi hic pudori esset, si quidquam apud te pudoris remaneret. Sed ignoscamus feminæ nobili, si fratrem stulte fortassis, sed tamen pie desideravit. immo absolvite eam, si tam insolens ineptumque votum, quam causa optandi abominabilis fuit. Cur enim voluiſli fratrem reviviscere? ut aspectus propinquus hominis te recrearet? ut opera ejus utilitati, auctoritas præsidio, honores ornamento effent? nihil horum. quid igitur? ut iterum classem duceret. Hoc enim erat, o scelestissimum caput, cur, quantum in te fuit, fuscitare mortuos, naturam in ordinem cogere, inferorum refringere clauſtra cupiviſli, ut reperires, per quem periremus.

XLIV. Hæc est, Quirites, cuius misereri vos jubent, qui, dum bonos se propinquos probant, vix satis carent, ne malici cives habeantur. Et tamen intercedit nemo, quin ipsorum arbitratu misericordia, si cuiusquam vestrum illa miserta est. Sin vero aliis interitum, aliis luclum & orbitatem, omnibus calamitatem, cladem, pestem imprecata est; tam inepta mansuetudine quisquam erit, ut animum tam hostilem, tam infensem, tam inhumanum ulla misericordia dignum existimet? Nuper cum lustro confeſcio civium numerum censores edidissent, qui gemitus hominum, quanta mœſtitia fuit? quanquam multa prospere per annos istos evenerant, vix tamen bonis viris satis salva videbatur Respublica, quæ minus nunc civium numeraret, quam superiore lustro habuiffet. At hæc illorum jaſtura, qui periere, nihil movetur: hoc dolet, quod aliqui superfuerunt: nimiam Romæ turbam esse queritur; reviviscere optat eum ipsum, cuius maxime culpa superioris census rationes decrevere. Sed ipsa quidem mulier indigna est misericordia vestra: ceterum si quid peccavit, majoribus ejus & patri condonabitis!

XLV. Hoc igitur jus in civitate nostra statuemus, ut si quis patriæ quoquo modo profuisse dicatur, ejus posteri possint eandem illam patriam impune lœdere? Minime proſecto ſic ſenſere majores nostri, qui M. Manlium de ſaxo dejecerunt, cum Capitolium, ultimam tum ſpem Romani generis, non pater ipſius aut avus aut progenitorum aliquis, ſed ipſe ſervavifſet. Non

debebat quidem adjutæ Reipublicæ præmium uberioris queri, quam facti conscientia: sed tamen si qua bonam ei operam Ap. Claudius præstítit, mercedem abunde recepit, locupletatus opibus, satiatus honoribus, quibus ad ultimam usque senectutem perviguit. Quanquam fortasse satius fuisset Appii & superiorum Claudiorum mentionem prætermittere, quam admonere vos injuriarum, quas domus illa ab extrema origine minime popularis, atroces vobis sæpe & acerbæ intulit. Quem enim Appium vos meminisse volunt? aliumne, quam illum, qui semper commodis vestris inimico animo adversatus est; qui potius cum exercitu perire voluit, quam a plebejo consule, collega suo, servari; qui censuram ultra legitimum tempus gerere invitis ordinibus omnibus perseveravit.

XLVI. Si jam placet, ulterius merita Claudiæ genitis populo Romano exprobrent, & ad decemviralia usque tempora procedant; vel ad ultimam usque generis istius originem: reperiens profecto potius, quomodo superbia & contumacia mulierem istam majoribus suis similem esse ostendant, quam ut illorum in gratiam huic parcendum esse demonstrent. Quid igitur causæ, cur hæc mulier impune peccare debeat, vel isti attulerunt, vel afferre quisquam potest? nisi forte metuitur, ne tam salutaris exempli feminam ex civitate nostra amittamus. Quod si vos etiam veremini, Quirites, retinetè, retinetè hanc Claudiā, ut, cum matronæ nostræ dubiis Reipublicæ temporibus ad pulvinaria déorum supplicatum ibunt, illarum pia vota contrariis votis hæc moretur: ut, cum illæ salutem militibus vestris; hæc exitium optet: illæ incolumes videre; hæc audire oppressos, concisos, crucidatos voceat: illæ sollicitent deos, ne multi in bello pereant; hæc incuset, si multi revertantur.

XLVII. Retinetè mulierem, quæ, sicut aliæ matronæ clarorum virorum æmulatione liberos propinquosque solent ad virtutem, ad amorem patriæ, ad caritatem civium incendere; suos exemplo P. Claudiū pugnare temere, fugere turpiter, cives scelestè perdere, Rempublicam contumeliose despicere doceat. hæc ab infantia meditanda proponat nobilibus pueris; hæc imitanda adolescentibus; sic imbuantur, quibus classes vestras, quibus

exercitus commissuri estis. Talia cum ultiro citroque jactata essent, missus in suffragium populus damnavit ream, multaque ei dicta est aeris gravis quinque & viginti millia. Ex hac aliaque mulieratia pecunia Ti. Sempronius ædilis ædem libertatis in Aventino fecit, dedicavitque. M. deinde Fabius M. F. M. N. Buteo, C. Atilius A. F. A. N. Bulbus, consulatum ineunt. Coloni tum deducti Fregellas, urbem Etruria maritimam, ad nonum lapidem ab Alfio, colonia, ante biennium deducta. Pugnatum his consulibus est navalii proelio magno apud Ægimurum, neutrīs lato exitu, quippe magnum & hominum & navium numerum perdiderē Poeni; viētrix Romanorum classis ex hoste parta ingentia spolia, vi tempestatum amisit.

XLVIII. In Sicilia pari & consilio & fortuna res gestæ, quam superiore anno factum fuerat: difficili consulibus bello non magis ob asperitatem locorum, quam ob Hamilcaris ingenium: qui sicut in audaciam promptus, ita ad artes belli callidissimus erat. Quibus rebus illo tempore Romanos ita sustinuit, ut non modo loca, quæ ceperat, tutaretur; hostiumque socios in Sicilia Italique ora incurfaret; sed etiam in alia intentus, ruentem rem Punicam ubique fulciret, industrius idem, & cum animi firmitudine consilii ex tempore capiendo artifex. Itaque Lilybætanos, qui terra maxime premebantur, inopia & metu liberare cupiens, partem classis, ut Lilybæum petentem, in alto jussit obversari. cuius ad conspectum cum Romani evolassent, ipse cum navibus, quas ad hoc in loco, unde consipi nequierant, occultas habuerat, portum occupavit, obsessosque præsentia sua & rerum necessiarum inventa copia, magnam in spem alacritatenque erexit.

XLIX. Cum ad hunc modum tempus in Sicilia bellando extraheretur, consules A. Manlius T. F. T. N. Torquatus Atticus, C. Sempronius Ti. F. Ti. N. Blæsus iterum,

§ XLVII. Agell. 10, 6. Liv. 24, 14, 17. Ejusd. Epit. 19. Fast. Capitol. Vell. 1, 14, §. Flor. 2, 2, 30. § XLVIII. Front. Strateg. 3, 10.

ad exercitus venerunt. Sub id tempus non tam commutata, quam magis adstricta ejus belli ratio est. Romani, uti paulo ante narravimus, supra Erycem urbem in summo monte præsidium collocaverant: aliud itidem infra urbem in radice montis. munitio præterea situsque loci, cum custodiæ tales accederent, facile efficiebant, ne quid ei urbi metuendum videretur. Sed audacia Hamilcari, nihil homini impervium esse passa, quod aggredi libuisset, rem tantam brevissimo tempore perfecit. Ille enim noctu cum copiis appulsus, & ascensum stadiorum triginta silentio emensus, cum ipse ante agmen suorum princeps incederet, nec opinantes oppressit: majorique parte eorum, qui in urbe reperti fuerant, imperfecta, ceteros Drepanum amandavit.

L. Ex eo tempore mira facies rerum & valde severa militia fuit. Nam Hamilcar inter duo præsidia hostium medius, ab inferiore obsidebatur, cum ipse vicissim superius obsideret. Romanique pariter Poenique, toleratis laboribus & periculis incredibilibus, cum in tanta vicinia castrorum nulla non dies modo, sed ne hora quidem, aut discrimine prælia aut metu vacaret; fortissimorum virorum opera per proximum ferme biennium ediderunt: non fessi cedentesque invicem, neque sua aut victoria aut clade diremti, sed ad extremum pares invictique, & navalii interim pugna decreto bello. Iisdem consulibus Brundusium in agro Sallentino colonia deducta est, vicesimum post annum, quam in ditionem regiones istæ venerant. Sub idem tempus Ti. Coruncanio, qui primus ex plebe Pontificatum maximum gesserat, in extrema senecta mortuo, L. Cæcilius Metellus in locum ejus factus est. Interea consulatus Romæ C. Fundanio C. F. Q. N. Fundulo, C. Sulpicio C. F. Ser. N. Gallo mandatur.

LI. Tum quoque pari forma & fortuna, ut hactenus, bellum cum Hamilcare gestum est: nisi quod Gallorum mercenaria manus, aliquique nonnulli, qui Poenis militave-

§ XLIX. Fasti Capitol. Polyb. Diodor. § L. Vell. 1, 14, 8. Liv. Epit. 19. Pigh. Annal. ex Cic. Cat. majore.

rant, ob stipendia non soluta injuriasque alias, Erycinam urbem Romanis conati prodere (ibi enim præsidium agitabant) postquam consilium irritum fuit, ad consules transfugerunt: primique exterorum ab Romanis in commilitum adsciti sunt. Sic auctis viribus, tamen pedestri exercitu finem bello imponere non poterant, oblistente cumprimis Hamilcaris audacia, qui neque decipi dolis, neque domari viribus patiebatur. Ergo denuo redditum est ad classis instaurandæ consilia, marisque repetundi. Nec enim aliter posse Carthaginenses prohiberi Sicilia, quam si maris usum perdidissent: spemque non vulgarem fecerant res superioribus annis privatorum quatuor bene gestæ. Sed pecunia deerat, inani dudum ærario, & sumptus tam diuturni belli male sustinente. Tum vero Romani mores laboranti reipublicæ tempestivo auxilio subvenere.

LII. Quippe tanta fuit Senatorum eo tempore generositas, ut in publico discrimine privatis opibus puderet parcere, plusque statim pecuniæ reperiretur, quam ad impensam classis opus esset. nam ex ditissimis singuli, aliorum bini ternive, ut facultates erant, quinqueremem unam cum armamentis omnibus justoque remigio præstandam suscipiebant, ea lege, ut republica meliorem in statum reverfa, sua cuique pecunia restitueretur. Hac cura consilioque quinquereimes ducentæ comparatae sunt, quas ad exemplum navis, quæ Hannibal's Rhodii fuerat, fabricandas curaverunt. Magna inde exspectatio fuit, certis hominum animis, quod ad extrema remedia ventum esset, hac classe de summa belli necessario decretum iri.

LIII. Dum hæc ita fiunt, consulatum C. Lutatius C. F. C. N. Catulus, A. Postumius A. F. L. N. Albinus, inivere. Flaminium Martiale A. Postumius habebat; eoque provinciam sortiri cupiente, L. Cæcilius Metellus pontifex maximus dicta mulcta prohibuit, negans fas esse flaminis a sacris recedere. cuius facti posterioribus quoque temporibus probata ratio est. aliud in tuenda religione patria exem-

plum iisdem temporibus Senatus edidit, vetito C. Lutatio, consule Prænestinas fortes consulere, peregrinisve auspiciis in administranda republica uti. Tum ad belli curam conversis animis, quia neque salvis religionibus ambo consules proficisci posse, neque unus tanto oneri suffecturus videbatur; alterum ex prætoribus, cum eo primum anno creari duo cœpissent, cum C. Lutatio proficisci placuit. ea provicia Q. Valerio Faltoni obvenit. Hi cum omnes & publicas & privatorum naves studiose collegissent, numero circiter trecentarum expleto, cum pontonibus aliisque navigiis septingentis, Siciliam, statim atque remisit hiems, petivere. Venientibus confestim Lilybætanus Drepanitanusque portus patuerunt. quippe hostes nulla suspicione clas- sis ex Italia venturæ omnibus suis navibus in Africam regressi fuerant.

LIV. Hoc tam prospéro rerum initio consul animatus, cum & suopte ingenio impiger, & ad res gerendas incitatus esset, Drepana operibus factis obsedit: neque eo segnius ad prælrium navale, quod instare prævidebat, classarios milites quotidie exercuit, eo successu, ut quos rudes fere maritimorum casuum adduxerat, ii satis jam ad quodlibet discrimen erudití paratiique viderentur. Inter hæc cum urbs Drepanitana terra marique oppugnaretur, jamque muri parte dejecta res Pœnorum in summo periculo esset, consul, dum inter primores strenue pugnaciet, grave vulnus in femore accepit: ejusque periculo perterriti milites, & ad faucium concurrentes, locum jam paucem captum omisere.

LV. Nondum usum pedis receperat, cum maxima Pœnorum classis adeisse nuntiatur. Naves erant quadringentæ, refertæ commeatu, quem ad exercitum portabant, copiis præterea militum permagnis, armorumque & pecuniæ amplissimo numero. Sunimæ rerum Hanno prærerat, nobilis

S. LIII. Liv. Epit. 19. Tacit. 3, 71, 5. Cic. Philipp. 11, 8. Vels. Max. 1, 3, 1. Eutrop. 1. 2. Diodor. § LIV. Polyb. 2, 7. Zonar. Crof. 4. 10. Eutrop.

Pœnus. hic magno studio id agebat, ut Erycem appulsus, onere levatas naves, acceptis ab Hamilcare strenuis viris compleret, atque sic deinde cum Romana classe configeret. Ceterum conceptum optime consilium C. Lutatii consulis circumspecta prudentia fregit. Is enim victoriam in eo consistere reputans, si cum classe gravi suisque apparatus impedita congrederetur, ante diem VII Idus Martias, assumito in naves optimo quoque militum, Ægates insulas, contra Lilybæum jacentes, progressus, Hannonen ab Hieronueso venientem conspexit. Tum gubernatores militesque hortatus, pugnam in diem sequentem indixit.

LVI. Ceterum orta luce, rursum ambigua consultatio fuit: quod ventus hosti favens, Romanis adversus surrexerat. Quare jaetatis utrinque momentis rationum, cum ventis & Hannone solo pugnare, classem onustam habente, satius visum; quam permittere, ut ille navibus onere levatis, florem pedestris militiae, ipsumque adeo Hamilarem, quo nihil eo tempore formidabilius habebatur, in certamen adduceret. Itaque conspectis hostium navibus, quæ pleno cursu iter suum prosequabantur, e portu progreditur, & quo suis animum adderet, ipse, licet uti pede non posset, in prætoriam se deportandum curat. Pœni quoque viam sibi interclusam cernentes, aciem instruunt, vi perrupturi. Sic utrinque signo dato acriter concurritur; per valetudinem C. Lutatii, quæ vicibus eum suis fungi prohibebat, omnia imperatoris munia obeunte Q. Valerio. Neque diu pugnatum est, quin appareret, utra ex parte futura esset victoria.

LVII. Quippe graves & propemodum immobiles Pœnorū naves arbitrio suo Romanæ leves & expeditæ assultabant: ceteris etiam rebus omnibus longe superiores. quidquid enim haetenus infestum incommodumque fuerat, experienta docti mutaverant correxerantque: naves ad optimum exemplar fabricatae: onera pugnae inutilia diligenter

§ LV. Flor. 2, 2, 34. Polyb. 1, 60. Liv. 22, 14, 15. Diodor.
§ LVI. Eutrop. Val. Max. 2, 8, 2. Flor. & Polyb.

amota : remiges exercitati validique , robur legionum haud-
quaquam sfernenda ad victoriam momenta aderant. Contra
Pœnis gravia oneribus navigia , recens delecti remiges , & ,
ut in magna securitate , negligenter : neque enim Romanos
mare retentaturos esse speraverant. Ergo , uti necessum erat,
in tam impari certamine , non longa victoriæ mora fuit.
Centum & viginti navibus amissis , quarum septuaginta cum
ipsis hominibus (millia ferme decem erant) captæ sunt ,
ceteri percommode mutato inter pugnæ tempus vento ,
Hieronnesum fuga evaserunt.

LVIII. Hæc est illa nobilis Pœnorum ad Ægates insulas
clades , quemadmodum a Polybio maxime descripta est.
nam alii scriptores captas naves tres & septuaginta , centum
viginti quinque demeras , duo & triginta millia hominum
capta , tredecim millia cæsa retulerunt. Præda fuit ingens ,
non in commeatu modo & armis , sed etiam auro argen-
toque. Ex Romana classe naves interiere duodecim. Ferunt
ab initio pugnæ conspectam in cœlo supra Romanas na-
ves facem , Punicæ classi velut infesta cuspidem minitantem ,
præfagiū eventus mox consecuti fecisse. Hanno cum re-
liquis ex prælio navibus , præter eas , quæ Lilybæum eva-
serant , Carthaginem revectus , pœnas infelicitatis suæ sup-
plicio capitis luit. At C. Lutatius consul ad Lilybætanum
exercitum profectus , donec percuratur vulnus , recensem-
dis navibus hominibusque captivis , imperandoque quid
de singulis fieri vellet , tempus impendit. Inde profectus
ad Erycem cum Hamilcare prælium secundum fecit , duo-
bus occisis Pœnorum millibus.

LIX. At Carthaginenses , cognita clædis suæ magnitudine ,
nondum quidem animi ad instaurandum bellum , sed jam
vires & facultates deficiebant. neque enim Erycino exer-
citui subministrare necessaria poterant , mare tenentibus
Romanis : neque si hunc amisissent , alium aut militem
aut ducem habebant , cui auderent confidere. Hac neces-

§ LVII. Flor. Polyb. Diod. I. 24. § LVIII. Eutrop. Oros. Ze-
nar. Polyb.

stante ad desperationem acti, miserunt ad Hamilcarem, potestatem ei deferentes agendi, quidquid e Republica videretur. Neque ipse, cum hactenus optimi ducis officium fecisset, deteriorem patriæ civem præsttit. Libratis enim rationibus omnibus cum videret, omnia se expertum nullam amplius ad salutem civitatis suæ viam, nisi per pacem, reperire; legatos ea de re ad consulem misit. Neque huic ingrata accedit pacis mentio: exeunte enim jam magistratu suo, nullam ampliorem sperare gloriam, quam finiti per se belli quavis ratione poterat: eam vero gloriam ad successorem transmittere, cum sui operis esse videretur, importunum inconsultumque judicabat. Movebatur etiam notis Romanæ rei angustiis, & post labores continuos tot annorum aliquando Rempublicam quiete refoveri oportere sentiebat.

LX. Itaque conditionibus ultro citroque jactatis, convenit, ut universa Sicilia Panī excederent: bellum cum Hierone, Syracusanisque & sociis eorum ne gererent: captivos omnes sine prelio confestim redderent, itemque trans fugas: argenti puri talenta Euboica bis mille & ducenta per annos viginti aquis pensionibus penderent: socii utriusque populi ab utroque tuti forent: neutri in alterius ditione quidquam imperandi publiceve inædificandi, militisve inde conducendi jus esset: neque alterius populi socios alter in amicitiam & societatem admitteret. Additum est, hæc ita rata fore, si populus Romanus jussisset. At, ut arma, qui Erycem tenebant, traderent, quamquam a consule postulatum fuerat, obtineri non potuit: cum Hamilcar prius & patriam & se oblaturum exitio diceret, quam tantam adiret ignominiam. Illam tamen conditionem, ut in capita duodecikenis denariis præstitis, ab Eryce emitteretur, accepit.

LXI. Missi deinde Romam & a consule & a Pœnis legati, qui de pacis initæ legibus Senatum populumque Romanum edocerent. Non probavit pacem populus: sed de-

§ LIX. Nepos Hamilc. 1, 3. Polyb. Zonar. § LX. Appian. ap. Ulf. Polyb. Liv. 2, 41.

cem legatos ad res inspiciendas mitti jussit : iisque reversis intendit conditiones , ut mille talenta statim , deinde proximo decennio duo millia ducenta penderentur : ut præter Siciliam , omnibus insulis , quæ inter hanc & Italiam essent , excederetur : neve longis navibus in Italiam aut Romani juris insulas navigarent Pœni ; neque militem mercenarium ex iis conducerent. Carthaginenses , dum pace potirentur , nihil recusavere. Hamilcar statim deposito imperio , priusquam jurejurando pacta sancirentur , Lilybæum , atque inde Carthaginem transmisit : cum & consiliis & armis ducum omnium , qui res eo bello gesserunt , haud dubie præstantissimum se exhibuisset. Hoç maxime modo & gestum & confectum est bellum illud Carthaginense primum ; quod in quartum & vicesimum annum traxere varii casus , & atrocia utrinque damna , sed majora eorum , qui ad extremum vicerunt.

LXII. Nam Punicas quidem quinqueremes circiter quingentas eo bello perisse tradunt , qui singularum cladi rationem inivere ; Romanarum ad septingentas. quo maxime argumento Rōmanæ constantiæ robur apparuit , quod nullis neque præliorum adversis , neque temporum casibus fractum , vim hostium , impetum fortunæ , tedium laboris , paupertatem ærarii pari patientia sustinuit vicitque. Post hæc ad res Siciliæ constituendas C. Lutatio Catulo , cuius annus jam exierat , prorogatum imperium est . ex novis consulibus eodem missus Q. Lutatius C. F. C. N. Cerco , Catuli frater , A. Manlii T. F. T. N. collega. Hi provinciam ordinarunt , quietamque reddiderunt , omnibus turbaram causis , quæ ut ex tanto motu non paucæ supererant , abolitis refectisque. Nam & Siculis , qui cum Hamilcare fenserant , & Gallis , qui ab eo desciverant , arma ademta : Galli navibus impositi , & extra populi Romani ditionem abire jussi ; quod præter alia facinora , cum in præsidio montis Erycis essent , templum Veneris spoliaverant. Siciliæ vero urbibus tributa & portoria sunt imposita ,

pro facultatibus singularum: factaque provincia, quo prætor cum imperio annuo Roma mitteretur.

LXIII. Adfuere interea Romæ Pœnorum legati, petentes, ut sibi captivos suos redimere liceret: redditique sunt Senatusconsulto gratis, quotquot custodia publica attinebantur; qui in privatorum manu essent, eos certa pecunia redimi placuit: cuius pars major jussu Senatus ex ærario soluta est. At Romani populi lætitiam valde imminuerunt graves in urbe casus. Jamprimum Tiberis amnis ultra solitum auctus, late stagnantibus aquis, omnia inferiora Urbis loca replevit. Multa tum ædificia primo allabentis impetu prostrata sunt: & quibus ista pestis pepercera, exesis sensim fundamentis (per multos enim dies isthæc inundatio tenuit) recedente jam aqua vitium fecere. Secutum est hanc calamitatem gravius ex igne damnum, qui noctu temere ortus, multasque urbis regiones pervagatus, domorum hominumque incredibilem numerum hausit: neque privatis cladibus contentus, omnia in circuitu fori devastavit. Ad extreum ipsa quoque ædes Vestæ ardere cœpit.

LXIV. Tum vero L. Cæcilins Pontifex Maximus sacra populi Romani & arcana imperii pignora periclitari videntes, dignum loco suo animum gessit. Nam in medios ignes intiliens, nulla sui cura, dum divinæ res salvæ esfent, deserta a virginibus sacra ex incendio rapuit. Ipse brachio semiustulatus, & exusta flammis oculorum acie, præter solatum facti sui, præmium a populo Romano pulcherrimum accepit, ut quoties in Senatum iret, curru veheretur ad curiam: quod ab condita Urbe tributum nemini fuerat. Interea Q. Lutatius consul cum fratre Catullo, & Q. Valerio prætore, rebus in Sicilia constitutis, exercituque deportato, ad Urbem redierant: decretosque sibi triumphos navales C. Lutatius Catulus a. d. IV Nonas Octobres, Q. Valerius a. d. Prid. easdem Nonas,

^S LXII. Polyb. Appian. ap. Urs. Fasti Capitol. § LXIII. Eutrop. l. 2. Oros. 4, 10. Aug. de Civ. Dei 3, 18. Val. Max. 4, 4.

duxerant. Memorabile certamen inter duces istos de triunpho Q. Valerii fuit.

LXV. Cum enim C. Lutatio haud dubie decretus triumphus esset, Q. Valerius haud leviorum in eo negotio suam operam fuisse contendens, honore quoque pari haberi postulabat, quemadmodum societate periculi curaeque fuisset. Pugnabat contra Catulus, ne minor potestas majori in tribuendis honoribus æquaretur. Cum incaluisset certamen, sponsione Catulum provocavit Q. Valerius, *ni suo ductu Punica classis oppressa esset*; nec ille dubitavit restipulari. Delectus est arbiter Atilius Calatinus: qui interrogato Valerio, *utrum in consultatione de pugna ineunda, si dissenserent, consulis an prætoris major futura fuisset auctoritas? itemque si diversa habuissent auspicia, utra porius sequenda fuissent?* cum utrobique majus consulis quam prætoris jus futurum, Q. Valerius respondisset; non exspectato Catuli sermone, item secundum illum dedit: quod controversia de imperio & auspicio inter eos fuisse videretur. Sed Q. Valerius, quamquam arbitri sententia victus, cum nota & oœlebris eo bello virtus ejus fuisset, nihilo fecius triumphandi jus obtinuit.

LXVI. Censores eo anno C. Aurelius Cotta, M. Fabius Buteo, lustrum undequadragesimum fecere. Censa sunt ciuium millia ducenta sexaginta. duabus adiectis tribubus, Velina & Quirina, numerus quinque & triginta tribuum, quem deinde retinuerunt, expletus est. Cum jam perdomita Sicilia, qua Poenorum fuerat, & pace cuni Carthaginensis facta, non quieta modo omnia, sed etiam tuta viderentur; repentinum, unde minime timebatur, bellum paucis diebus & terrore motus intestini sollicitam, & admiratione celerrimi exitus stuporem Italianam habuit. Falsi, nescio quibus causis ad insaniam conciti, arma Romana provocare sustinuerunt. Sed misli cum legionibus consules, sextum intra diem confecere bellum, gente in po-

§ LXIV. Liv. Epit. 19. Dionys. 2, 67. Orosius. Plin. 7, 3.
Triumph. Capitol. Val. Max. 4, 4. § LXV. Agell. 13, 14. Val. Max. 4, 4.

testatem populi Romani redacta. Priore tamen prælio (nam duo facta traduntur) ambiguam victoriam fecere, peditatu superiores, cum equestris prælio vincerentur.

LXVII. Sed posterius certamen, minime dubio Marte pugnatum, Faliscos ad pacem petendam compulit, cum suæ juventutis ad millia quindecim amisissent. Facta deditio armis, equis, supellectile, servitiis, & agri semisse mulctati sunt: urbs, cuius munitionibus confisi bellum cœperant, ex arduo & prærupto loco in planum translata. Severius in deditos consulturus populus Romanus fuerat, odio civitatis, quæ toties rebellaverat, acrem vindictam meditans; sed imperavit iræ, edocitus a Papirio (qui jussu consulū sua manu deditiois formulam scripserat) *Faliscos non potestati, sed fidei se Romanorum commisissē*. tantumque apud omnes facrosanctum fidei nomen valuit, ut *hoc interposito nihil inclementius in viatos statuendum esse* judicarent. Id bellum effecit, ut triumphis consulū annus iste clauderetur. Q. Lutatius a. d. Kalendas Martias de Faliscis triumphavit: a. d. IV Non. Mart. de iisdem A. Manlius.

§ LXVI. Pigh. Annal. Euseb. n. 772. Eutrop. l. 2. Liv. Epit.
20. Polyb. 1, 65. Zonar. § LXVII. Oros. 4, 11. Eutrop. l. 2. Val.
Max. 6, 5, 1. Zonar. Fast. Capitol.

JOANNIS FREINSHEMII
 SUPPLEMENTORUM
 LIVIANORUM
 LIBER X.
 IN LOCUM LIB. XX LIVIANI.

E P I T O M E
 LIBRI VICESIMI.

Spoletium colonia deducta est. Adversus Ligures tunc primum exercitus promotus est. Sardi & Corsi, cum rebellassent, subacti sunt. Tuccia virgo Vestalis incesti damnata est. Bellum Illyriis, propter unum ex legatis, qui ad eos missi erant, occisum, indicium est: subactique in deditioinem venerunt. Praetorum numerus ampliatus est, ut essent quatuor. Galli Transalpini, qui in Italiam irruperant, cæsi sunt. Eo bello populus Romanus sui Latinique nominis CCC millia armatorum habuisse dicitur. Exercitibus Romanis tum primum trans Padum duclis, Galli Insubres, aliquot præliis fusi, in deditioinem venerunt. M. Claudius Marcellus consul, occiso Insubrium Gallorum duce Viridomaro, opima spolia retulit. Istri subacti sunt. item Illyrii, cum rebellassent, domiti in deditioinem venerunt. Lustrum a censoribus conditum est, quo censa sunt civium capita CCLXX millia, CCXIII. Libertini in quatuor tribus redacti sunt, cum ante a dispersi per omnes fuissent, Esquilinam, Palatinam, Suburranam, Collinam. C. Flaminius censor viam

Flaminiam munivit: & circum Flaminium exstruxit. Coloniae deducunt in agro de Gallis capto, Placentia & Cremona.

I. PACATA rursum Italia, cum securitate & imperio etiam voluptates publicæ crevere. L. Livius Andronicus scenæ spectacula, quæ hactenus ultra Satyram non processerant, Comœdiam Tragoœdiamque Græcorum imitatus, ad fabulas transduxit, C. Claudio A. P. F. C. N. Centhone, M. Sempronio C. F. M. N. Tuditano consulibus, cum ludi Romani celebrarentur. Idem annus alii quoque generi ludorum initium attulit. A. d. IV Kalendas Majas Floralia sunt instituta ex Sibyllinis libris, ad avertendam pestem frugum, aliorumque terra nascentium, quæ illa parte anni florere solent. Ludos edidere L. & M. Publicii Malleoli fratres, iidemque ædiles plebis, ex pecunia mulctatricia, condemnatis pecuariis, qui in publico paverant. Magistratus horum fratrum alio quoque nomine celebris est, quod clivum, qui exinde Publicius vocatus est, sternendum locaverunt: quo commodius in Aventinum iter vehicularis esset, cum antea rupes ibi difficilis & aspera fuisset: quodque ædem Floræ, juxta Circum maximum, construxere.

II. Hæc domi acta. foris fere quietæ res fuerunt, nisi quod in Gallis & Liguribus consilia belli agitari suspicio tenuit. Has igitur provincias consulibus fuisse, jamque tum bellari cum Gallis utique cœpisse, conjecturæ potius, quam historiæ est, nullis, qui gesta ea satis accurate doceant, ex vetustate reliquis scriptoribus. id unum constat, in Umbria Spoletium Coloniam Latinam esse deductam. De proximo quoque anno proclivius est dicere, pacem non fuisse, quod Jani templum clausum non est, quam indicare, quibus in locis, quave fortuna bellatum sit. neque ulla ferme re notior est C. Mamilii Q. F. Q. N. Turini, Q. Valerii Q. F. P. N. Faltonis consulatus, quam quod anno eo natus est

§ I. Liv. 7, 2, 6. Agell. 17, 21. Cassiod. Chron. Vell. 1, 14. Plin. 18, 29. Ovid. Fast. I. 5.

Ennius, primus apud Romanos poeticarum elegantiarum conditor. Sed anno sequente, cum Ti. Sempronius Ti. F. Cn. N. Gracchus, P. Valerius Q. F. P. N. Falto, consules essent, & Gallica bella recrudescunt, & novus hostis Ligures tum primum exercitu petiti sunt.

III. Ti. Sempronio hæc obvenit provincia. P. Valerius, Gallos aggressus, primum improspere pugnavit, amisīs militum tribus millibus quingentis. Repetita pugna illustrem victoriam dedit, qua Gallorum millia quatuordecim cæsa sunt, duo millia capta. Sed ob prioris prœlia detimenta, negatus est consuli triumphus: præsertim cum etiam alioqui res bene gesta non tam ad rationem consiliumque consulis, quam ad fortunam publicam referenda videretur. Ille enim, auditio post primum certamen auxilia sibi ab Urbe adduci, confirmavit, *se malle cum suis internecione deleri, quam aliena ope vincere*: atque hoc œstro instigatus, seque & exercitum populi Romani in discrimen dedit. Melior feliciorque Ti. Graccho in Liguribus administratio belli fuit. Profligatis enim prœlio hostibus, magnam Liguriæ partem victor populatus est. Ex Liguria deinde transmisit in Sardiniam & Corsicam, magnaue inde captivorum multitudine reportata, locum proverbio dedit, quo *Sardi Venales* dicuntur, in fastidiosa rerum vilium copia.

IV. Ceterum, ut vera fateamur, occupandæ Sardiniae Corsicæque bona magis occasio temporibus istis, quam iusta causa adfuit. Carthaginenses, post pacem Siculam gravi bello cum mercenariis suis implicati, ad extrema pericula venerant. Unde sumtis animis conductitii eorum alii, qui per Sardiniam in præsidiis erant, Bostarem Poenororum ducem cum suis interfecere: Hannonem alium ducem ad vindicandum facinus Carthagine missum, pertracto in societatem rebellionis exercitu ejus, comprehensum in crucem egeræ: totaque paßim insula Punici sanguinis hominibus in-

§ II. Var. de L. LL. 4. Ovid. Fast. I. 5. Tacit. 2, 49, 2. Liv. Epit. 20. Fasti Capitol. § III. Oros. 4, 11. Zonar. S. Capito ap. Fest. voce, *Sardi venales*.

teremtis , ipsi munita loca obtinuerunt : donec discordia inter ipsos & Sardos orta , pulsi ab his , in Italiam se recepere . Tum igitur perfecerunt , quod aliquanto prius , cum adhuc in Sardinia essent , nequiverant : nam eo quoque tempore Romanos ad insulæ dominium occupandum invitaverant . Sed præsentes sive precibus , sive occasione crescendi apertius demonstrata , ut in Sardiniam navigatio suscipietur , obtinuere . Nec enim vulgatæ virtutis est , abstinere rebus alienis , quarum promta sit possessio : neque hic animus apud cupidos & ambitiosos aut bene aut diu simulatur .

V. Sed hæc paulo supra repeti non alienum videtur . Nam Romani ut humanitatis laudem consequerentur , ab initio belli istius magno animo Carthaginensium causam foverant . Et copias quidem auxiliares , uti petiverant Poeni , nullas misere : sed neque Uticenses , neque quemquam ad se deficientium receperunt : mercatores suos ex Italia & Sicilia res necessarias ad Carthaginenses deferre jussérunt , cum hostibus Carthaginensis populi commercium vetuerunt : militis ex Italia , & in istud saltem bellum , conscribendi fecerunt potestatem . Missis quin etiam legatis bellum componere , quanquam irrito conatu , studuerunt . Et inciderat quidem paulo ante controversia , quod homines Italicos forum rerum venalium ad hostem deportantes capiebant Poeni , carceribusque publicis includebant .

VI. Jamque ad quingentos ejus generis habebant in vinculis ; neque pauci dicebantur occisi , & ad tegendam latrocinii famam in mare præcipitati esse : cum Romani rem eam graviter ferentes , belli minas ostentare cœperunt . Sed Poeni legatis missis , qui omnes , quotquot detenti Carthagine fuerant , reducerent restituerentque , adeo placarunt populum Romanum , ut reliqui ex Siciliensi bello captivi Punici omnes sine pretio restituerentur . Sed postremo vicit ambitione , premendique populi studium , quocum per annos quatuor & viginti ancipiti fortuna pugnatum meminerant ,

§ IV. Polyb. 1, 3 & 65. § V. Zonar. Nepos in Hamilc. Appian. ap. Urs. Polyb.

& nisi in tempore occurreretur, etiam postea pugnandum sibi prospiciebant. Quare cum Sardiniam inviti dimitterent Poeni, jamque bello contra mercenarios defuncti, arma defectionis auctoribus inferre meditarentur, arrepta hæc a Romanis est occasio, *bellumque Pænis* decretum, *nī armis, quæ in speciem adversus rebelles suos, re autem vera contra Romanos sumfissent, abstineretur*. Ita Carthaginenses alieno tempore bellum gravissimum fuscipere nolentes, non modo cessere Sardinia, sed etiam postulantibus Romanis ad priorem summam adjecerunt argenti talenta mille ducenta: quæ maxime injuria ægros habuisse Carthaginensium animos, neque ulla magis causa bellum mox Hannibalicum exarsisse, creditur. Hamilcaris enim perpetuum adversus Romanos odium, cui bellum Punicum secundum non inepte imputatur, non aliunde aut stimulum acriorem, aut fomentum certius habuit. Ceterum hæc postea evenerunt.

VII. Tum vero novis consulibus L. Cornelio L. F. Ti. N. Lentulo Caudino, Q. Fulvio M. F. Q. N. Flacco, Galli Cispadani provincia data. Coloniam hoc anno deductam esse Valentiam, quanquam a quibusdam traditur, haud quaquam constans opinio est: nisi alia Valentia præter Vibonem fuit, quam annis post quinquaginta L. Quintio Flaminio, Cn. Domitio Ænobarbo consulibus, colonis occupatam esse certioribus auctoribus credam.¹ Ceterum consulis in agro Gallico, donec conjunctas legiones habuere, tuta & prospera expeditio fuit: postquam cupidine plura vastandi diviserunt exercitum, Q. Fulvii castra noctu oppugnata, & ægre retenta sunt. Galli, re infecta digressi, paulo post graviore cum terrore auctisque majorem in modum copiis ad bellum reverterunt. Bojorum enim duces, clanculum inter se consiliis agitatis, ingentem Transalpinorum numerum ad societatem armorum contra Romanos exciverunt.

VIII. Interea L. Lentulus consul, qui ad Ligusticos fines

§ VI. Appian. Zonar. Polyb. 3, 28. Cornel. Nepos. § VII. Fast. Capitol. Vell. 1, 14. Liv. 35, 40. Zonar.

exercitum abduxerat, cum Liguribus prospere collatis signis dimicavit. Decretus igitur ei triumphus est, quem duxit Idibus Intercalaribus. Auctores habeo, *illos primum consules Romanorum signa trans Padum fluvium promovisse, diversisque præliis Ligurum & Gallorum Insubrium interfecda millia quatuor & viginti, capta quinque fuisse.* Sed verius esse putem, tumultu Gallico, qui postea maximus fecutus est, Padum transitum, Insubresque in suis sedibus bello tentatos primum fuisse. Sub idem tempus ad Ptolemæum Ægypti regem legati missi auxilium obtulerunt cum Antiochœ & Syris bellanti. gratias egit rex, ceterum in præsentia sibi opus auxilio esse negavit, *quod paucionibus finitum jam bellum esset.*

X. Lætus deinde Romanis adventus Hieronis fuit, Syracusarum regis. exceptus omnibus honoribus, sicut regem amicissimum, & bene meritum, & maximæ victoriae socium oportuit; populo Romano ducenta millia modiuni tritici dono dedit. Venerat ad ludos spectandos, qui in sequentem annum apparabantur. Nam ludi Seculares tertii, secundum quosdam, P. Cornelio L. F. Ti. N. Lentulo Caudino, C. Licinio P. F. P. N. Varo, celebrati sunt: ut supra quoque retulimus. Magistri procurandorum ludorum M. Æmilius M. F. M. N. Livius M. F. M. N. Salinator creati. Bojorum interea principes, elati numerosis Transalpinorum auxiliis, ad consules misere, petitum, ut Ariminensis ager cum urbe, quæ haud ambigue Gallici juris essent, sibi restituerentur. ni fieret, bellum atrox & internecivum minabantur.

X. Consules, qui nondum contractis copiis, neque causi paucitatem suorum objicere audebant, neque postulata Gallorum concedere poterant, si quid vellent, ad Senatum mittendos esse legatos, responderunt. placuit conditio Gallis, & dum ire ac redire legati possent, utrinque dierum aliquot inducæ constitutæ. Et legati quidem Romam pro-

§ VIII. Polyb. 2, 21. Eutrop. I. 3. §. IX. Eutrop. I. 3. Fast. Capitol. Zenar.

fecti adversum a Senatu responsum accepere : simul maiores contra hunc tumultum apparatus facti, quorum usus postea non fuit, cum formidabile bellum sine Romano sanguine fortuna confecisset. Dum enim legati redeunt, Boji cum Transalpinis auxiliis acie dimicavere his de causis. Ignara plebe Bojorum Transalpinus exercitus Ariminum processerat. Inde suspiciones ortae, ne ad regionem istam sibi retinendam venissent. tantumque conflatum est odiorum, ut Regibus suis Ate & Galato, tanquam ob productionem imperfectis, advenarum copias agro suo depellere vi conarentur. Ita magna cæde pugnatum : & valde imminentis utrinque viribus, Transalpini domos rediere ; Bojis adempta pars agri pacem a Romanis dedit.

XI. Hoc bello tam celeriter confecto, consules in Liguriā abivere. Ibi P. Lentulus profligatis, qui occurrerant, hostibus, de cetero per illorum regionem exercitum circumducens, castella quædam armis, alia ditione recepit. C. Licinius in Corsicam transjecturus, cum ad universum exercitum una deportandum navigia deessent, M. Claudium Glyciam cum parte copiarum præmisit. Qui vanitate væcors, cum perterritos adventu suo Corsos vidisset, neque consulis, cuius auspiciis venerat, neque sui juris aut loci memor, certis conditionibus fœdus cum Corsis suo nomine pepligit, tanquam in se tracturus insulæ receptæ gloriam. At Varus cum exercitu reliquo superveniens, frustra Clodianam pacem invocantes, armis urgere non desit, donec in potestatem redacti sunt. Senatus ad liberandam perfidiæ nota Rempublicam, fœdæ pacis auctorem Corsis dedendum censuit. Deinde, quia receptus non erat, in publica custodia necari jussit.

XII. Censores is annus habuit L. Cornelium L. F. Ti. N. Lentulum Caudinum, Q. Lutatium C. F. C. N. Cerconem, qui lustrum non condiderunt, Q. Cercone in magistratu mortuo. Quanquam M. Claudius deditus Corsis, dein-

§ X. Polyb. 2, 21. Zonar. § XI. Dio ap. Vales. Zonar. Marce¹.
14, 40. Val. Max. 6, 3, 3.

de suppicio affectus fuerat, non ideo persuaderi barbaris potuit, justo se postea bello petitos fuisse. Quare saucios eo dolore animos, vicinæ Sardiniae motus facile impulit, ut ad arma resumenda proflirent. Nam Sardos Pœnorum occulta promissa traxerant ad rebellionem cœptandam, proclivibus ad hoc barbaris, qui nec nimium odissent veteres dominos, nec amarent novos. Quæ Romæ audita metu & ira impleverunt urbem, non ob Sardiniam, quam tanti non faciebant, sed quia bellum Punicum videbatur renasci. Quod quia facilius futurum credebant, quanto citius inciperetur, invalidis adhuc a superiore bello Carthaginiensibus; quamprimum adorandum, inferendumque Pœnis decreverunt.

XIII. At Pœnos quidlibet potius eo tempore, quam bellum Romanum, pati certos, ea res nuntiata sic exterruit, ut legatis semel iterumque missis, postquam nihil mite responsum esset, decem ex principibus itidem iterato mitterent, infimis precibus, ut *impetrata semel pace frui liceret*, obtestatueros. Ne sic quidem æqui quidquam obtineri potuit ab iratis & metuentibus: donec inter legatos ætate minimus Hanno, adolescens intrepidus, & linguæ ut mentis liberæ, *Atqui*, inquit, *si vobis sedet denegare pacem, Romani, quam non in unum aut alterum annum, sed perpetuam a vobis emimus: at pretium ejus Siciliam & Sardiniam reddite. ne privatis quidem contractibus viri boni est, emione rescissa, recipere mercem, non restituere pecuniam.* Tunc vero pudore commoti Romani, ne injuste bellum inferre viderentur, meliore cum responso legatos dimisero. Sic alter consulum ejus anni C. Atilius A. F. A. N. Bulbus, qui magistratum hunc iterum gerebat, in Italia mansit: T. Manlius T. F. T. N. Torquatus, cui Sardinia evenerat, profectus est.

XIV. Hic multis locis cum hoste feliciter congressus, universam insulam pacavit, Sardosque subegit: & de iis ante diem sextum Idus Martias triumphavit. His rebus perfectis, cum nullo jam usquam hoste, Romana arma

quiescerent, insolitum bellatrici Urbi spectaculum, Jani ædes clausa est, quod indicium pacis, post Numæ tempora, per annos ferme quadringentos quadraginta, visum non fuerat. Quo nomine miseram fuisse civitatem Romanam arbitror, quod perpetuis conflictata laboribus, præmia laborum assequi non potuit. cum enim nemo sapiens bellum, nisi pacis ergo, gerat; hæc urbs tot maximis bellis prospere confectis, nec impetrare tamen pacem sæpe, nec retinere diu didicit. Nam tunc quoque, post menses non ita multos, novi terrores nuntiati, lætitiam otii vix adhuc animis perceptam cito discusserunt. Nam & Sardi recens subacti, jugum excutiebant: & Corforum erumpabant consilia: & in ipsa Italia Ligures tumultum moverant.

XV. Ergo L. Postumio A. F. A. N. Albino, Sp. Carvilio Sp. F. C. N. Maximo consulibus negotium datum, ut exercitus conscriberent. quibus trifariam divisus, ut hostes ab ope mutuo ferenda distingerentur, L. Postumius Ligures adortus est; Sp. Carvilius Corsos; in Sardiniam P. Cornelius ivit. Hujus insulæ cœlum infalubre, morbis & pestilentia tentavit exercitum: multique ex eo mortales cum ipso prætore, absunti. Unde elatos animo Sardos consulis Sp. Carvilii adventus ingenti prælio coercuit: Corsi quoque ab eodem sunt subacti. Ob eas res triumphus ipsi decretus est, quem a. d. Kalendas Aprilis duxit. In Liguribus etiam ab altero consule & exercitu consulari res bene gestæ. At Romæ Tuccia virgo Vestalis incesti damnata, eo maiore probro, quod consuetudinem stupri cum servo habuerat, sua se manu interemit. Censores deinde C. Atilius A. F. A. N. Bulbus, A. Postumius A. F. L. N. Albinus, iusstrum quadrageſimum fecere.

XVI. Hoc quoque lustro pauciores, quam superioribus, fuisse censos (numerum enim non reperio traditum) argumentum est, quod ad augendam hominibus civitatem cen-

§ XIV. Fast. Capitol. Zonar. Liv. 23, 34. Col. Capitol. Flor. 2, 3, 1. Vell. 2, 38, 3. Orosius. § XV. Zonar. Liv. Epit. 22. Col. Capitol. Marian. Scotus.

fores jurare singulos coegerunt, *uxorem se liberorum quaren-dorum gratia habituros*. Hoc anno Cn. Nævius Campanus, qui bello Punico stipendia fecerat, fabulas primum scenæ dedit. Interea Ligures & Sardi denuo rebellantes consuli-bus novis provinciæ decretæ. Q. Fabio Q. F. Q. N. Ma-ximio Verrucoso Ligusticum bellum, M. Pomponio M. F. M. N. Mathoni Sardoum obvenit. Cum *horum motuum causæ penes Carthaginenses esse diceretur, qui barbaros ad defelctionem secretis nuntiis allicerent*, legati missi sunt Carthaginem cum asperis mandatis, quo stipendium exigerent, atque *insulis ad Romanos pertinentibus abstineri juberent, belli minis additis, ni imperata fecissent*.

XVII. Jam ex priori calamitate vires & animum recepe-rant Pœni, Hamilcaris maxime industria non modo pacati Africæ populis, qui a Carthaginensibus desciverant, sed etiam latius promota ditione: magnoque jam in Hispania imperio per eundem ducem parto. Itaque tum ad ce-tera ferociter legatis responsum est, tum etiam, cum illi, quemadmodum in mandatis habebant, hastam caduceum-que proposuissent, data Pœnis optione, *utrum mallent eli-gendi; neutrum se legere suclamatum est, sed utrum mallent ipsi legati relinquenter, aequo animo accepturis*. Inde flagrare denuo cœperunt inter duos populos odia, sed neutro bellum adhuc incipere volente, species amicitiæ, magis quia non bellabatur, quam quod fida pax esset, interea tenuit. Am-bo deinde consules ad Urbem reversi, cum de rebus a se gestis differuissent, triumphum impetraverunt. Q. Fabius multos Ligurum in prælio occiderat, coegeratque reliquos in Alpestribus locis se continere, tutumque ab illorum la-trociniis vicinum Italæ latus reddiderat. Sic ante diem Kalendas Februarias triumphavit de Liguribus. Idibus deinde Martiis M. Pomponius triumphum duxit de Sar-dis, quos vicerat.

§ XVI. Agell. 4, 3 & 7, 21. Zonar. Fast. Capitol. § XVII.
D^{ed}. ap. Vales. Polyb. 2, 21. Nepos in Hamilc. Zonar. Plut. in
Fabio 1, 3. Capit. Tabul. Auct. de Vir. ill. c. 43.

XVIII. Neque tamen destitere bello Sardi, sed irritati potius damnis suis, quam fracti, majori mole rebellionem instaurarunt. Ambo igitur consules M. Æmilius M. F. M. N. Lepidus, M. Publicius L. F. L. N. Malleolus in Sardiniam misli, magnam ex ea insula prædam coegere: quam deinde, cum in Corsicam transmisissent, erectam a Corsis amiserunt. Domi quoque vehementer eo tempore turbatum: agrariam legem ferente tribuno plebis C. Flaminio, *ut Picenus atque Gallicus ager, qui Senonum Gallorum fuerat, populo viritim divideretur.* Resistebat huic actioni Senatus, neque precibus apud tribunum, neque minis abstinentis, postremo dato magistratibus negotio, ut exercitum conscriberent, quo Rempublicam tutarentur: neque dimoveri a sententia C. Flaminius potuit, adversum vim contumax, & precibus inexorabilis.

XIX. Monuerat eum pater quoque, *ut voluntati Senatus cederet, neque seditionis auctor audire vell.* Sed ille persistens in sententia, vocata concione, recitare legem instituit. tum vero pater Flaminius dolore ardens accesit ad Rostra, correptumque manu filium detraxit. mirumque est exemplum editum sive pietatis, sive venerationis, qua tum homines jus patriæ potestatis prosequabantur. qui enim universi Senatus indignationem minasque atroces contemserat, in maximo calore perficiundi operis, inspectante plebe Romana, apud quam gratiosissima erat ferendæ legis mentio, unius senis manu de superiori loco detrahi passus est. Nec omittenda concionis in hoc negotio modestia: quæ licet abitu tribuni spes suas destitui videret, ne minimo quidem murmure factum illius improbavit. Dilata tamen hoc modo potius, quam evitata lex est, C. Carvilio tribuno plebis collegam adjuvante: quod quidem initium fuit, & corrumpendæ plebis, & Gallici belli, quod octavo post divisionem agri Gallici anno, gravissimum exortum est.

§ XVIII. Zonar. Polyb. 6, 2, 21. Val. Max. 5, 4, 3. §. XIX.
Cic. de Invent. 2, 17. Val. Max. Polyb. 2, 23.

XX. Tum vero M. Pomponius M. F. M. N. Matho, C. Papirius C. F. L. N. Maſo, cum magistratum iniviffent, provincias M. Pomponius Sardiniam, C. Papirius Corsicam obtinuere. Utrobique cefſit hostis, & in silvas montesque arduos refugiens, locorum potius, quam armorum, munitiōnibus ſe tutatus eſt. Ergo M. Pomponius, cum laboriosius eſſe videret invenire barbaros, quam vincere, canes faga-ces ex Italia curavit advehendos, quorum indicio homines more ferarum in cubilibus ſuis latentes deprehenderet. C. Papirius Corsos, campis pulsos, ad montana loca fecutus eſt. Ibi labor ingens cum periculo fuit: multique militum ſiti, aut ſubito barbarorum incurſu periere: donec inven-tis aquis, refectoque exercitu, Corsi de exitu rei timentes, confuli ad deditioñem hortanti paruerunt.

XXI. Dum his rebus gerundis attinentur consules, co-mitia per dictatorem ad hoc creatum ſunt habita. C. Dui-lius fuit M. F. M. N. is magistrum equitum dixit C. Au-relium L. F. C. N. Cottam. Cenſores etiam tum fuere T. Manlius T. F. T. N. Torquatus, Q. Fulvius M. F. Q. N. Flaccus: fed vitio facti, abdicarunt. Novi moris originem huic anno scriptores assignant, non indignam quae refe-ratur. Divortium ab Urbe condita nullum fuerat: primus Sp. Carvilius Ruga ſterilem uxorem dimiſit, jurejurando a cenſoribus obſtrictus, *je liberorum quærendorum cauſa con-jugem habiturum*. Displicuit populo non magis novitas, quam atrocitas rei, quod ad perpetuam vitæ ſocietatem junctas uxores, quaunque de cauſa repudiari ſævum & iniquum putabat: & Sp. Carviliū ſemper deinceps odio habuit, quanquam neceſſitate coactus, de amicorum ſententia, uxo-rem bene convenientem morumque gratia cariſſimam di-miſerat. Ex eo tempore plus in jure uexuum, plus apud præ-torem litium fuit, tum primum cautionibus rei uxorię re-pertis, quarum, nullis antea divortiis, ſupervacanea fuerat calliditas.

§ XX. Fasti Capitol. Zonar. § XXI. Marm. Capitol. Plut. Num-a c. 48. Agell. 4, 3 & 17, 21. Sei.v. Sulp. in l. de dot. ap. Agell.

XXII. Eodem anno alia quoque nova consuetudo in honoribus imperatorum cœpit. Sub finem consulatus sui C. Papirius de Corsis in monte Albano triumphavit, a. d. III Nonas Martias. Causa ejus consilii fuerat, quod ipse sibi res triumpho dignas gessisse videbatur, pacata tandem Corsica: neque ab Senatu honorem eum impetrabat. Idque deinceps exemplum multis ad imitationem placuit: ut negato sibi triumpho in Albano monte triumpharent. Spectavit deinde ludos myrto coronatus, delecta hac corona ob memoriam rei gestæ, quod in campus myrteis Corsos superaverat. Sardiniae Corsicæque motibus compositis, Ligures restabant, adversus quos missi consules M. Æmilius L. F. Q. N. Barbula, M. Junius D. F. D. N. Pera, inter proficiendum comperto, Gallos rebus novis studere, fines illorum cum exercitu intraverunt.

XXIII. Irritatis enim lege Flaminia Gallorum animis, natus erat metus Romæ, ne quid molirentur homines lati bello, & ad iram præcipites. quare nuper edictum fuerat a magistratibus, ne quis homini Gallo aurum vel argentum daret; Boji enim ceterique Galli, tum ex aliarum rerum, tum mancipurum venditione ingentem pecuniam cogebant: incesseratque suspicio, ne ista ad bellum Romanum uterantur. Quare magis etiam incitati, cognito consulibus Linguisticum bellum esse decretum, occultis consiliis hoc agere dicebantur, ut exercitibus Romanis expeditione longinqua detentis, ipsi Urbem aggredierentur. Ceterum adventu consulum territi, cum ad vim faciendam imparati essent, Romanos in pacis amicitiaeque speciem simulatis obsequiis excepere. Consules quoque bellum oppressissime contenti, causam, cur eo venissent, finxere, ut per Gallicum agrum commodius exercitum in Liguriam ducerent.

XXIV. Superiore anno censores vitio facti abdicaverant. ita his demum consulibus Q. Fabius Q. F. Q. N. Maximus Verrucosus, M. Sempronius C. F. M. N. Tuditanus,

§ XXII. Col. Capitol. Val. Max. 3, 6. Plin. 15, 29, 10. Zonar. § XXIII. Polyb. 2, §.

Iustum primum & quadragesimum condidere. Dum hæc in Italia & Urbe geruntur, novi cum Illyriis belli causæ talibus initiis exstiterunt. Illyrii, ferox & avidum prædæ genus, piraticam faciendo, multos Italicorum negotiatorum, Brundusino portu egressos, ceperant, nonnullos quoque trucidaverant: & primo quidem delatas ob ea querimonias Senatus inter alias curas negligentius auscultaverat: postremo tamen cum prædonum audacia impunitate cresceret, crebrioresque jam querelæ pervenirent, visum est legatos mitti ad res repetendas: simul ut Issæorum, qui nuper in fidem Romanorum concesserant, causam tuerentur.

XXV. Hos enim Jonii maris insulam habitantes, quod a se defecerant, gravibus odiis damnisque Illyrii prosequabantur. Missi sunt C. & L. Coruncanii. Hi dum in itinere sunt, Illyriorum, qui Ardyæi vocantur, rex Agron Pleurati F. ad quem ibant, morbo decessit: filio adhuc impubere (cui nomen fuit Pinneus) relicto: regnumque noverca pueri Teuta, consiliis amicorum administrabat. Hæc impotens animi, & rebus prosperis elata, legatis Romanorum contemtim auditis, respondit, *curæ sibi futurum, ne Romani ab Illyriis publice læderentur: vetare vero, ne quis suorum privatim lucrum, quod posset, ex mari captaret, id Regibus Illyriorum nequaquam in more positum esse.* Non tenuit ad hæc iram minor Coruncanius, & intempestiva potius, quam injusta, libertate usus, *At Romanis, inquit, in more positum est, Teuta, privatim factas injurias publice exsequi, læsisque consulere.* Conabimur autem, diis bene juvantibus, te ad instituta regia cupide & celeriter emendanda cogere. Quibus verbis supra moduli offensa mulier, sed animo interim utcunque dissimulato, legatis jam prefectis latrones immisit, a quibus minor Coruncanius cum parte comitum imperfectus est; ceteris in vincula conieclis, prefectisque navium igne combustis. Legatus etiam Issæorum, Calemporus nomine, ab iisdem prædoniis occisus est. X

§ XXIV. Marm. Capitol. Dio ap. Urf. Polyb. 2, 13. § XXV. Apian. Illyr. Polyb. 2, 8. Zonar. Flor. 2, 5. Plin. 34, 6. Liv. Epit. 26.

XXVI. Iis rebus Romæ cognitis, T. Coruncanio & P. Junio honoris causa tripedanæ statuæ in foro sunt positæ: Teutæ vero & Illyriis bellum indictum. Teuta rudit imperandi, & muliebris ingenii vitia neque ratione, neque usu domare docta, sicut ad irritanda odia præcipitem, sic ad toleranda timidam se gerebat. Itaque comperto, bellum adversus se parari, reddituram Romanis vivos pollicita est: *interfectos reddere non posse, quos injussu suo prædones peremissent.* Hæc legatio, quanquam pro magnitudine delicti parum satisfaceret, tamen, quia spem præbebat, controversias Illyricas citra bellum componi posse, inhiberi vim placuit, peccato ad pœnam eos, a quibus imperfecti legati dicebantur. Mulier arnia, quæ timuerat, differri videns, vicissim ex metu ad prioren insolentiam rapiente animi levitate, neque detinutam se quemquam dixit; & ut factis quoque ferociam ostenderet, quam verbis prætulerat, continuo copias ad Illam obsidendum misit.

XXVII. Non ergo diutius cunctari vifum, quin ambo consules (Lucius Postumius A. F. A. N. Albinus iterum, Cn. Fulvius Cn. F. Cn. N. Centumalus jam iniverant) cum navalibus pedestribusque copiis proficiscerentur. Cn. Fulvius classem ducebat navium ducentarum; L. Postumius legiones. Tum iterum territa Teuta Demetrium Pharium ad consules pacem petitum misit. Atqui illi pepigerunt inducias, si Corcyra, quam nuper occupaverant, Illyrii decederent. Profectis ad recipiendam Corcyram Romanis, tanquam longissime metus omnis abscessisset, ad priora conilia relabitur Teuta, præfectosque suos ad Dyrrhachium & Apolloniam obsidendas mittit. Alii non voluntate Teutæ detinatam Corcyram, sed Demetrii privato consilio tradunt, qui criminibus se apud Teutam peti gnarus, adversus illius iracundiam proditione præsidii, cui præerat, apud Romanos perfugium sibi quæsaverit. Præsidio Illyriorum tradito, Corcyrenses publico consilio Romanis se permisere, nullam sibi reliquam salutis

viam esse rati, nisi potentia tam claræ civitatis adversus Illyriorum injurias protegerentur.

XXVIII. A Corcyra consul Apolloniam cum classe petiit: venitque eodem L. Postumius, qui Brundusio transjecerat, cum pedestribus copiis. peditum ad viginti millia erant, equitum duo. Romanos Apolloniatae cupide recepero, seque fidei illorum tradidere. Ab hac liberata statim ad Dyrrhachium itum. id quoque Romanorum extemplo factum, ad famam advenientis exercitus, dilapsis pavore Illyriis, qui obsidere urbem cœperant. Eodem impetu gens Ardyæorum ad ditionem coacta est: veneruntque ab ulteriore Illyrico legati variarum nationum, *imperata facturos suos polliciti, si in amicitiam recipiantur*: ex quibus Parthini fuerunt, & Atintanes. Plurimus ad hæc usus Demetrii Pharri fuit, qui a consulibus circumductus, robur & fidem Romanorum extollendo, Teutæque incusando temeritatem & inconstantiam, alios rationibus & consilio, alios auctoritate sua ad societatem Romanorum adducebat. Post hæc ad Issam cursus institutus: & inter navigandum multis locis exscensione facta, pleraque oppida levi negotio capta sunt. Nutria strenue ab Illyriis defensa est, multoque sanguine constitit victoria, tribunis etiam quibusdam, & quæstore desideratis. Cujus rei leviorum dolorem fecerunt lembi viginti, quos cum præda & pecunia ex Peloponneso venientes Romani excepero.

XXIX. Jam ad Issam ventum erat. Ibi perinde, ut ad Dyrrhachium acciderat, adventu Romanæ clæssis obsidio soluta est, diversa in loca diffugientibus barbaris, præter Pharios, qui in gratiam Demetrii, quod ex eadem insula ortus, eique sub Agrone præfectus fuerat, corporibus rebusque salvis in fidem accepti sunt. Hæc audita instabilem Teutæ animum varie moverunt, alternantibus timoris & fiduciæ causis. Nam sicut amissa & delecta oppida, vastatæ maritimæ regiones, ubivis fugatæ Illytiorum copiæ, metum

§ XXVII. Fasti Capitol. Polyb. 2, 10 & 11. Dio ap. Fulv. § XXXVII. Appian. Zonar. Dio. Polyb.

ei maximum incusserant ; ita vicissim spem dabat Nutrino-
rum audacia , & hibernum jam mare , cuius formidine ie-
batur Romanos cito repetituros domum esse. Itaque Rhi-
zonem oppidum , cognomini fluvio impositum , cum paucis
se contulit , exspectatura remedium , quod tempus offerret.

XXX. Alebant vanam opinionem acta consulum , qui
pleraque parte regionum , quas occupaverant , Demetrio tra-
dita , Dyrrachium & classem & exercitum reduxere. Sed
postquam L. Postumius cum quadraginta navibus relictus ,
exercitum ex finitimarum urbium delectu fecit , Ardyæis ,
& qui præterea Illyriorum ad societatem Romanam acce-
serant , præsidio futurus ; tum vero desperatis rebus suis
Teuta de pace quibuslibet conditionibus redimenda cogi-
tavit. Ideo sub initium veris legatione Romam missa , quæ
præterita essent , tanquam Agronis imperio facta , excusavit ,
cujus facta tueri necessum sibi fuisset. Romani non illi ,
cujus ea propria potestas non esset , & quæ de Romanis
nihil tale meruisset ; verum Agronis filio Pinneo pacem de-
derunt his legibus : *ut stipendia imperata penderet : Illyrico*
omni , paucis exceptis locis , decederet : neque ultra Lissum plu-
ribus , quam binis lembis , & his inermibus , navigaret.

XXXI. Corcyra , Pharos , Issa , Dyrrachium & Atintanes
hac pace Romanis cesserunt : cetera , quæ sub Agronis impe-
rio fuerant , Pinneo relicta. Teuta sive pudore & metu ,
sive jubentibus Romanis , administratione regni abiit , quām
tutorio nomine suscepit Demetrius Pharius. Sic finita cum
Illyriis contentione , finibusque imperii jam ad limites Græ-
ciæ promotis , ab alia parte parum secura Respublica erat :
meditantibus bellum Gallis , & maximis in Hispania incre-
mentis rei Punicæ , quam sine periculo Romanæ confirmari
posse nemo credebat. Hasdrubal , gener & successor Hamil-
caris , vindicata socii morte , multas præterea nationes
partim armis , plerumque consilio & facundia , qua mire pol-
lebat , Carthaginensium imperio subdidit : etiam altera Car-

ēmagine, quæ *nova* appellata est, in sinu maris juxta portum amplissimum & satis commodum, condita. Sed propter a Gallis metus, durius aliquod contra Poenos consilium inire vetus. quod reliquum erat; fœderibus paucisque cursum fortunæ eorum sistere studuerunt. Legatis ergo Carthaginem missis, aliisque ad Hasdrubalem, pepigerunt, ut trans Iberum amnem se continerent *Pæni*, *Saguntinis* suæ leges & libertas servaretur.

XXXII. Hæc in annum inciderunt, quo Sp. Carvilius Sp. F. Cn. N. Maximus, Q. Fabius Q. F. Q. N. Maximus Verrucosus, uterque iterum, consules fuere. Sub idem tempus L. Postumius proconsule, qui in Illyrico hibernaverat, legatos ad Ætolorum Achæorumque populos Corcyra misit, ad exponenduni rei gestæ ordinem, quib[us] causis bellum istud suscepimus, qua fortuna gestum, quibusque conditionibus finitum esset. Comiter excepti, studioseque auditи sunt, quod eæ nationes ceterique Græci vehementer exosum habebant Illyriorum nomen, ob continua latrocinia, quæ sub Agrone Teutaque exercuerant. Hæc ubi domum nuntiatæ sunt, Senatus rite atque ordine a proconsule facta esse censuit, aliamque statim legationem decrevit, quæ publico nomine Corinthios & Athenienses adiret, *populique Romanæ studium erga Græcos*, & *æquitatem erga omnes* commendaret.

XXXIII. Ea res magnam in iis terris nomini Romano benevolentiam peperit, confessimque decreto Corinthiorum honor hic populo Romano est habitus, ut *Isthmiorum* (qui ludi inter quatuor celeberrimos sunt Græciae) *participes haberentur*. Maxime movit eos, præter Apolloniā & alias Græci generis civitates, Corcyra libertati redditā, quæ colonia Corinthiorum fuerat. Athenienses quoque societatem Romanam amplexi, decreverunt, ut *Romanis* *jus civitatis Atticæ*, *initiorumque Eleusiniorum* esset. Interea Cn. Fulvius proconsule triumphum navalem ex Illyriis egit a. d. Kalendas Quintiles: & principes Illyricos in triumpho ductos

§ XXXI. Dio. Zonar. Diodor. l. 25. Polyb. Liv. 21, 2 & 26,
42. Appian. Flor. 2, 6,

secuti percussit. Hic primus de Illyriis triumphus fuit. Anno sequente P. Valerio L. F. M. N. Flacco, M. Atilio M. F. M. N. Regulo consulatum gerentibus, prætorum duplicitus est numerus: quaternosque creari visum, ut essent, qui in Siciliam Sardiniamque provincias cum imperio mitterentur. ex his M. Valerius Sardiniam, attributamque huic Corsicam, C. Flaminius Siciliam fortiti sunt. Ingens eo tempore fuit metus Gallici belli, de quo Boji Insubresque non inter se modo, sed etiam cum Transalpinis populis agitare, magnasque Gæfatarum Gallorum copias stipendio conduxiſe ferebantur.

XXXIV. Ergo non solita modo remedia quæſita sunt, sed etiam iis rationibus malo, quod timebatur, occurſum, quas apud severos judices, præter amorem patriæ, & in ejus gratiam quandoque concessa, quæ alias negarentur, nihil excusaret. Cum enim præter alios ex diis hominibusque terrores, etiam in Sibyllinis libris repertum effet, *Gallos & Græcos Urbem Romanam occupaturos*, ad prædictionis ejus minas calliditate avertendas, M. Valerio M. F. M. N. Messalla, L. Apustio L. F. C. N. Fullone Coss. ex auctoritate Pontificum homines quatuor, Gallum & Gallam, similiterque Græcum & Græcam, in medio foro boario vivos defoderunt, ut ita quasi partem aliquam Urbis tenentes impleviſſe fata viderentur. Ceterum hic annus inter res alias non magnas, apparatu maxime Gallici belli, quod jam instabat, consumtus est. Descriptæ sunt ad id bellum equitum peditumque copiæ, incredibili numero, tota pro Romanis Italia consentiente. Q. Fabius historicus, qui rebus gerendis interfuit, *effecta fuſſe* scribit *armatorum octingenta millia*.

XXXV. Romanorum quidem Campanorumque numero, peditum explente ducenta quadraginta octo millia ducentos; equitum viginti sex millia sexcentos. cetera multitudo

§ XXXIII. Zonar. App. Illyr. Thucyd. 7, 10. Tab. Capitol. Flor. 12, 5. Eutrop. l. 3. Liv. Epit. 20. L. 2. § 32. ff. de O. J. Solin. c. 11. Polyb. 2, 22. § XXXIV. Fasti Capitol. Oros. 4, 13. Eutrop. l. 3. Plin. 3, 20.

reliquorum Italæ populorum fuit. Etiam Veneti ac Cenomani auxilia dederunt Romanis, hominum millia viginti, qui justi sunt finitimos Bojos metu & damnis, ad patriam tuendam cogere, ne cum ceteris hostium copiis conjungi possent: quando a bellandi consilio legationis Romanæ studiis avocari nequiverant. Venetis enim & Cenomanis ad instaurandam cum populo Romano amicitiam per suasis, Insubres Bojique in hostili animo propositoque perstitere. Minutæ tamen vires eorum fuerunt, non ausis omnem armatorum multitudinem educere regibus, coactisque partem juventutis ad fines defendendos relinquere.

XXXVI. Ita reliquis cum copiis (peditum quinquaginta millia , equitum viginti numerabantur) iter per Etruriam tentare cœperunt. Intera L. Æmilius Q. F. Cn. N. Papus, C. Atilius M. F. M. N. consules Sardiniam & Ariminum cum vicina Gallia provincias obtinuere. Sardi enim gravati perpetuam Romani prætoris præsentiam, fascesque non ante conspectos, iterum tumultuati fuerant: sed hos C. Atilius consul haud magno negotio coercuit. Major moles L. Æmilio cum Gallis fuit: perrupta Etruria Romam tendentibus. Eos prætor, cui Etruria provincia decreta fuerat, cum arcere transitu nequivisset, circa Clusium consecutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæfulas nocturno itinere perveniunt: relicts equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatuni, hostesque ex improviso turbandos apto loco habituros.

XXXVII. Ea fraus Romanis imposuit, ut quasi fugientes avide sequerentur. Ita circa Fæfulas a recentibus & paratis excepti sunt, fessi cursu, & consilio, ut in re nec opinata, destituti. Quod unum supererat, pugnando tueri

§ XXV. Diod. I. 25. Oros. 4, 13. Polyb. 2, 22. Strabe I. 5.
§ XXXVI. Zonar. Polyb. 6, 2, 23 & 25.

salutem, aut vindicare sanguinem statuere. Sed præter alia numero quoque vincentibus Gallis, plures sex millibus in loco pugnæ concisi sunt, ceteri fugerunt. Galli munitum quendam collem, quo pleraque fugientium turba concesserat, capere conati, postquam nocturno itinere diurnaque pugna vires exhaustas sensere, ad corpora curandâ abi- verunt: relicta parte equitum, quæ tumulum obsideret, postridie vi aut deditione haud dubie in potestatem redigendum. In hoc articulo rerum L. Æmilius consul optabili potius, quam sperato, casu supervenit. Nam ad famam adventantium Gallorum Ariminum missus, defensurus Adriatici litoris oram, postquam Urbem audivit peti, magnis itineribus Arimino profectus, ad ea loca bona quadam fortuna pervenerat, & parvo ab hostibus intervallo castra me-tatus fuerat.

XXXVIII. Obsessi ex ignibus ab ea parte conspectis, id quod erat, Romanum exercitum venisse conjicientes, quosdam suorum niserunt sine armis, quo facilius hostium excubias fallerent. Ex his cognito rerum statu, consul, citra longiorem deliberationem, quam neque res, neque tempus ferebat, statim orta luce cum equitatu præcessit ad tumulum, tribunis militum cum legionario milite sequi jussis. Gallos jam iidem ignes admonuerant de adventu Romano-rum, & ad consilium de præsentibus coegerant. Ibi rex Aneroestus suasit, ne agmen locupletissima præda onustum objicerent hosti: sed domum digressi, deposita præda, si bellandum ultra videretur, expediti redirent. Probato ab omnibus consilio ante noctem disceditur, itinere per Etruriam juxta litus marii instituto. L. Æmilius receptis, qui in tumulum confugerant, & Gallorum profectione cognita, cum his quidem collatis signis pugnare nolebat: sed insequi tamen statuit, occasione, quam tempus obtulisset, usurus.

XXXIX. In hoc articulo rerum rursus aliiquid ex improviso molita fortuna est. Alter consul C. Atilius ex Sardinia cum legionibus Pisas appulerat, atque ibi militibus

expositis pedestri itinere petebat Romam, per eandem Etrusci maris oram incedens, qua Galli veniebant. Circa portum Etruriæ Telamonem primuni obviam sibi facti sunt præcurfores utriusque exercitus: captivisque nonnullis ad consulem adductis, ubi de itinere Gallorum, & insequentis eos collegæ instituto cognovit, miratus casum, & spe impulsus, quod medius inter duos consulares exercitus hostis teneretur, tribunis præcepit, *ut acie instruta, quantum locorum natura pateretur, quadratum agmen gradu militari ducent: ipse animadverso colle opportune itineri, qua venire Gallos necessum erat, imminentे, ad præoccupandum eum cum equitatu contendit. Festinabat enī cum hōste quam primum decernere, certus, si uigeretur, collegam venturum subſidio; & si inceptum ſucceſſifet, potiorem bene gestæ rei laudem penes ſe futuram eſſe.*

XL. Galli viſo in ſuperioribus locis hōſtium agmine, noctu circumiſſos ab L. Æmilio equites rati, ſuum & ipſi equitatum emittunt, adjuncta leviſ armaturæ parte, ad iter aperiendum. deinde captivorum indicio consulis alterius adventus cognitus, peditatum continuo inſtruere coegit anciipi acie, quæ ante & retro in hōſtem verfa, interius opoſiti invicem tergis cohāreret. Nam videbant a fronte C. Atilium, instare, a tergo ſequi L. Æmiliū noverant. Huic igitur ex Transalpino genere mercede conductos, qui ab armorum nomine Gæſatae vocantur, oppofuerunt in prima acie; poſt hos in ſubſidiis Inſubres: at Taurisci Bojique, adverſes Atilianas copias locati ſunt. effedis deinde carriſque cornu utrūque vallarunt: præda cum idoneo præſidio vicinum in collem ſepoſita eſt. Jam pugnari ad tumulum ab C. Atilio occupatum cœperat, & ex eo conjiciebat, L. Æmilius acesſe collegam, cujus de itinere nihil habebat compertum, præterquam quod appuliffe Pifas audiverat.

XLI. Igitur ex tempore consilio capto, equites ſuos & ipſe ad collem, ubi pugnabatur, jufſit accurrere. Certatum,

§ XXXIX. Cluv. Ital. antiq. 2, 2, Polyb. 2, 26. § XL. Liv. 26, 6, 4. Oref. 4, 13. Polyb. 2, 2.

ibi est equestri prælio acerrimo, in quo & C. Atilius consul occisus est, ejusque caput ad reges Gallorum relatum. ad extremum tamen connisi totis viribus Romani, loco reten-
to, hostem repulere. Decreta hunc ad modum equestri pu-
gna, pedites concurrere. Ibi vero certamen vidisses cum nu-
mero atque robore virorum, tum ipsa dispositione acierum
terribile: cum inter duos Romanos exercitus Gallorum in-
tercepta multitudo, simul in utrosque obversa dimicaret,
ambiguo judicio, plusne prodesset eis ista prælia forma,
quod cum divisis hostium copiis pugnantes, terga sibi in-
vicem tuta praestabant, etiam amissa spe fugæ ad fortitudinem stimulati; an vero noceret, quod inter duos consulares exercitus conclusi tenetabantur. Ceterum Romanos partim aspectus virorum terrebat, qui eximia specie & magnitudine corporum, primis in ordinibus stabant; partim ad pugnandum incitabat, non modo laudis, sed etiam spoliiorum dulcedo; quod inter Gallorum antesignanos erat nemo, quin manicis armillisque aureis fulgeret.

XLII. Conferto igitur prælio, immissi primum velites maximam hostium edidere cædem, præsertim ubi Gæsatæ pugnabant, qui per ferociam & barbarem ostentationem abjectis vestibus, nudj ante prima signa constiterant. Cum enim scutum Gallicum prælongum & angustum, non posset corpus obtegere, tanquam exposita jaculatoribus signa certis iictibus petebantur; cadebantque inulti, quod neque ferire hostem eminus poterant, neque conserta manu pugnari secum levis armatura patiebatur. Qua desperatione pars temere in hostem ruentes, priusquam ad manus venirent, missilibus confossi sternebantur: ceteri sensim referentes gradum, suorum perturbabant ordines. Ita Gæsatarum acie per velites disjecta, gravis armaturæ miles Bojos Insubresque ac Tauriscos undique adortus, multos interfecit.

XLIII. Stabant tamen obfirmatis animis, neque ulla re inferiores, nisi quod armorum genere vincebantur, neque ad muniendum corpus apte instructi, neque ad hostem per-

cutiendum. gladius enim Gallicus tantum ad rem cæsim gerendam accommodatus, mucronem idoneum non habet: præterea ad primum iectum incurvatur, sequentesque parum efficaces habet, nisi pede pressus iterum dirigatur. Eventum præliai, cum in meliore spe Romani essent, haud dubium fecit equitum reditus, qui Gallico equitatu in fugam compulso, ex colle decurrentes, in latus hostium impressionem fecerunt, tanto minus tolerabilem, quod ex superiore loco ingruebat. Hoc maxime modo cum Gallis in Etruria pugnatum Polybius tradidit: a quo parum probabilius alii dissentient. quis enim temere credat, ita potius rem gestam esse, ut Gallos noctu orta tempestas fugere coegerit, tanquam deorum iram timentes? postremosque eorum aggressus C. Atilius occubuerit? deinde post aliquot dies, cum interea suo quilibet in colle se continuisset, L. Æmilius cum exercitu Gallico prospere pugnaverit? Neque plus merentur fidei, qui pugnae locum ex litorali regione, in agrum Aretinum transtulerunt.

XLIV. Cecidisse tum Gallorum millia quadraginta non ambigitur. capta sunt haud minus millia decem cum uno regum Concolitano: aliis Aneroestus, qui plurimum opinione virtutis & potentia valuerat, paucis comitantibus elapsus, in fuga necessarios suos seque ipsum secta gula interemit. Recepta est præda ingens, quam consul reddendam iis curavit, quibus ademita fuerat, suas unoquoque res agnoscentibus dominis. Inde cum suo & Atiliano exercitu juxta fines Ligurum in Boicum agrum profectus, ut operæ navatae mercedem haberet miles, diripiendam ei regionem dedit; paucisque diebus satiatas præda copias in Urbem reduxit: tanto majore omnium lætitia, quanto acrior istius belli metus fuerat. Ergo vix cujusquam triumphus faventium vocibus tam celebratus est: insignis aliquin, & rerum gestarum gloria, & captivorum spoliorumque prælatorum numero pretioque. 

§ XLIII. Polyb. 2, 30. Zonar. § XLIV. Oros. 4, 3. Eutrop. I. 3. Diodorus. Polyb. 2, 30 & 33. Zonar.

XLV. Multa inter hæc signa militaria fuere, plurimique torques aurei armillæque, virorum fortium apud Gallos ornamenta. Sed maxime adverterunt oculos hominum, Britomarus, aliqui principes Gallorum, quos L. Æmilius per ludibrium accinctos in Capitolium duxit, tanquam voti sui religionem servaturos, quod *non prius soluturos se baltea, quam Capitolium ascendissent*, juraverant. A. d. III Nonas Martias L. Æmilius consul de Gallis triumphavit. Eodem anno lustrum alterum atque quadragesimum conditum esse reperio, a censoribus Q. Claudio Ap. F. C. N. Centhone, M. Junio D. F. D. N. Pera. Depositus iam belli Gallici metus, nondum vindictæ cupiditas erat: ambobusque proximi anni consulibus ea provincia data. T. Manlius T. F. T. N. Torquatus, Q. Fulvius M. F. Q. N. Flaccus erant, uterque iterum. His exercitus, & quæ ad bellum instruendum gerendumque pertinebant, alacriter decreta. Spes enim erat, post tantam victoriam, toto circa Padum agro depelli Gallos posse, si nervi intenderentur.

XLVI. Consules cum copiis profecti primo statim terrore Bojos ad dditionem compulere: segnior deinde expeditio fuit, ob pestilentiam & continuos imbræ. Alii tradunt, *hos consules Pado transito collatis signis viciisse Insubres, hominum occidisse tria & viginti millia, cepisse quinque*: sed nobis Polybii potior est in his rebus auctoritas. Interea quia consules e longinquis regionibus, sive rebus gerendis, sive tempestatibus impediti ad comitia occurrere non potuerant, ejus rei gratia dictator creatus est L. Cæcilius L. F. C. N. Metellus, isque N. Fabium M. F. M. N. Buteonem magistrum equitum dixit. Comitiis habitis consules facti sunt C. Flaminius C. F. L. N. P. Furius Sp. F. M. N. Philus. Hi, primi Romanorum, ut existimo, Padum transire cum exercitu, qua fluvius Padus Pado committitur, in regionem Insubrum irruptione facta. Multo labore neque nullo. sanguine hæc audacia constitit: nam & in transitu flumi-

¶ XLV. Flor. 2, 4, 2 & 3. Zonar. Fast. Triumph. Fasti Capitol. Polyb. 2, 32.

nis, & dum castra ponuntur, acriter incurrentes hostes Romanorum haud paucos occiderunt.

XLVII. Ex harum rerum nuntiis ortam sollicitudinem immensum auxere prodigia, quod *in Piceno flumen manasse sanguine, in Etruria cœlum ardere visum, Arimini noctu luxisse, tresque lunas eodem tempore apparuisse*, nuntiabatur: & quod Romæ in foro vultur per dies complures federat, nam sub idem forte tempus Caria motu terræ concussa, & collapsus Rhodi colossum nihil tum ad rem Romanam pertinere credebantur. Ceterorum causa consulti augures, *consules viuio creatos videri*, responderunt, secutæque sunt Senatus ad eos literæ, quibus in Urbem revocabantur. Illi inter hæc per inducias Insubrum agro excesserant, deinde in Cenomanorum finibus sociorum adscitis auxiliis, iterum campos Alpibus subjacentes infestare cœperant; permotique ira Insubres, etiam auris signis ex æde Minervæ depromitis, quæ *immobilia* vocabantur, quod nisi ob extremam necessitatem moveri fas non esset, cum exercitu quinquaginta milium occurrerant, acie dimicaturi.

XLVIII. Hoc ad tempus literæ Senatus venere. C. Flaminius sive conjectura earum argumentum asscutus, sive literis amicorum præmonitus, collegæ persuasit, *ne ante pugnam commissam aperirentur*. Sic obstinato ad dimicandum animo, de auxiliis Gallorum deliberabant, *ne forte neglecta causam nocendi haberent; adhibita, occasionem*. levitas enim gentis timebatur, praesertim adversus cognatum hostem suscipiendo proelio. tandem hoc consilium placuit. Gallos in ulteriore ripam miserunt: deinde ruperunt pontes. Ita neque lædi ab iis Romanus poterat, & copia fugæ penitus ablata, omnia in virtute erat habiturus. Post acre proelium, victoria Romanis cessit; majori tribunorum laude, quam consulum. Nam C. Flaminius aciem ita ripæ fluminis ad moverat, ut nihil ad receptum cohortium relinqueret spa-

§ XLVI. Polyb. Oros. 4, 13. Fast. Capitol. Liv. Epit. 20. Zonar. § LVII. Polyb. 2, 32. Plut. Marcell. c. 4 & 40. Marianus. Oros. 4, 13.

tti: haud dubie totum exercitum perditurus, si urgentibus hostibus vel minimum recedere coactus fuisset. Tribuni vero, prioribus prœliis experti, Gallorum vim omnem in primo impetu esse, hunc acerrimum, sed brevem, si quis sustinuerit, nihil postea metuendum habere; primis ordinibus hastas triariorum dividunt, quibus hostium excipiant ictus, deinde abjectis his gladium stringant.

XLIX. Ubi ventum ad certamen est, hastarum objectu Gallici gladii statim ad primum ictum hebetati curvatique sunt: quos donec dirigere student, suggressus stricto mucrone Romanus omnem armorum usum iis ademit. Nam & hoc habent enses Gallici, quia cæsim tantummodo iis pugnari potest, ut ad feriendum aliquantum requirant spatii, quod si quis abstulerit, omnino fiunt inutiles. Romani vero etiam punctum ferire ex minimo intervallo poterant, eoque modo ad corpus hostis appressi faciem ejus atque pectus impune cædebant. Interfecta dicuntur millia Gallicorum novem: quasi duplum ejus numeri captum esse. Post victoriam ager hostium longe lateque vastatus est, multumque prædæ partum. Tum demum literas Senatus legi placuit: quibus cum paritus P. Philus esset, C. Flaminius, *invidiam hanc patrum esse testatus, nullis auspiciorum vitiis, cuius rei nullum argumentum certius ipsa illa, quam obtinuerint, victoria adduci posset, negavit, se nisi finito vel bello, vel magistratus tempore, deceffurum esse.* Quin etiam addidit effecturum, ut populus Romanus auguriorum aliarumque talium rerum inepta observatione falli desinat.

L. Ceterum in sententia persistente P. Furio, Flaminianus exercitus, metuens, ut digresso illo satis in hostili regione tutus esset, exoravit eum, ut per dies aliquot remaneret. nihil tamen rerum postea gerere voluit: C. Flaminius interim castella quædam, urbemque non incelebrem illis gentibus recipiente, concessaque militi præda ad instans cum Senatu certamen sibi conciliante animos. Tanta

§ XLVIII. Strab. I. 5. Liv. 21, 63. Zonar. Polyb. § XLIX. Orof. 4, 13. Plut. Marcel. c. 4. Zonar.

enim exorta fuerat in Urbe indignatio, ut redeuntibus consulibus neque obviam ex more iretur; triumphusque non C. Flaminio modo, sed in ejus odium etiam P. Philo negaretur. Ad extremum C. Flaminii magnus apud plebem favor vicit: isque triumphans Urbem ingressus est, a. d. VI Idus Martias. Multa in eo triumpho translata sunt spolia, magna vis armorum: torques itidem aurei permulti, ex quibus tropaeum Jovi C. Flaminius in Capitolio posuit, inverso Gallorum voto, qui de spoliis Romanorum Marti suo torquem promiserant. Alter mox consul de Gallis & Liguribus triumphum egit a. d. IV Idus Martias.

L1. Sic magis accensa, quam victa, Senatus odia non quievere, donec consules statim secundum triumphum abdicare sunt coacti. Pari severitate sub idem fere tempus viri clarissimi duo sacerdotii honore caruerunt: M. Cornelius Cethegus extis non rite porrectis; Q. Sulpicius, quod inter sacrificandum apex ei de capite defluxerat. Cum magistratu consules abivissent, comitia per interregem sunt habita, quibus consul factus M. Claudius M. F. M. N. Marcellus, qui magistratu inito collegam ascivit Cn. Cornelium L. F. L. N. Scipionem Calvum. Hi pacem potentibus Insubribus restitere, M. Marcello potissimum cupiditate provinciae triumphique conditiones omnes aspernante: sed & ipsi Galli belli potius, quam otii, consilia tractare videbantur, cum de integro mercede conducta Gæfatarum triginta millia superatis Alpibus longe majorem Insubrium multitudinem concivissent.

LII. Bello sic exerto, profecti primo vere consules, Acerras (oppidum est inter Padum & Alpes) circumfederunt. Cujus obsidione cum depellere Romanos difficile videretur; Britomarus, aslumita decem millium Gæfatarum manu, Circumpadanam regionem vastare instituit. quo comperto, consules ita inter se partiti sunt copias, ut Cn. Cornelius cum exercitu reliquo urgeret obsidionem; M. Marcellus duas

§ L. Liv. 22, 6, 3. Zonar. Plutarchus. Col. Capitol. Flor. 2, 4.
4. § Ll. Plutarchus. Val. Max. 1, 14. Polib. 2, 34.

partes equitum & delectos ex levi armatura ducens, sociis succurreret. Delegit expeditissimum quemque, non ultra sexcentos: cum his & equitibus suis non die non nocte intermissio itinere contendit ad hostes. quos circa Clastidium. adeptus, priusquam reficere suos quiete posset, adortus est, non voluntate sua, sed ferocia Gæfatarum, qui numero potiores & equestris militiae principatum sibi vindicantes, audito, paucos adduci pedites a consule, protinus ad obterendum eum, omissa Clastidii obsidione, proruperunt. M. Marcellus acie in longum porrecta, ne circumveniretur ab hostium multitudine, Gallis processit obviam: neque longe aberant invicem acies, cum jam impetum facere molientem equus clamore cantuque Gallorum exterritus abripuit, & retrorsum tulit.

LIII. Ibi consul, veritus, ne in omen tractus ille casus animum suis minueret, equum circumagendo Solem adoravit, tanquam ea de causa convertisset: ex veteri more, quo deos adoraturi se circumagebant. Ferunt, eum ante primum congressum *pulcherrima hostilium armorum Jovi Feretrio* vovisse, mox conspecto Britomaro, qui suorum agmen præcedebat arma ferens auro argentoque & coloribus eximie perornata, hæc judicavisse arma esse debere, quæ vovisset. Jam ipse quoque rex, viso Romanorum duce, proiectus longe ante suos, voce & gestu eum ad pugnam provocabat. neque cunctatus M. Marcellus, perfozzo regis thorace, vulneravit eum hasta, & cqui adacti impetu dejectum humi, semel iterumque repetitis ictibus occidit. Tum desiliens ex equo, manibusque arma tenens, suspexit in cœlum, *Jupiter*, inquiens, *Feretri*, qui fortium ducum in præliis fæsta præclara aspicis, en ego te teste tertius Romanorum, cæso hostium Imperatore Imperator, opima tibi spolia consecro. Tu vero ad reliqua etiam belli res nostras prospera fortuna pergere finito!

LIV. Repetente post hæc locum M. Marcello, totis vi-

§ LII. Polyb. 2, 34. Plut. Zonar. § LIII. Front. Strat. 4, 5.
Plutarch. Oros. 4, 13.

ribus configi cœptum, fortissime pugnantibus Romanis, quos consulis audacia & fortuna non minus ardore pugnandi, quam spe victoriae impleverat. Itaque non eques Gallici, non pedes, quanquam & ille suis subsidio venerat, sustinere vim tantam potuit: raroque exemplo paucissimi de numero exercitu pulcherrimam victoriam retulere. Lectis deinde spoliis ad collegam revertit consul, qui Acerris occupatis, ubi magnam annonæ copiam reperit, circa Mediolanum caput Insubrium Gallorum adversus hostes ægre se tutabatur: nam illi validissimæ frequentissimæque urbis obsidione implicatum, vicissim quasi obsidebant. Sed adventu M. Marcelli cito commutatus est rerum status. Nam & Gæsatæ auditio regis fine discesserunt: & ab his relicti Mediolanenses defendere urbem non potuere. Sic ingentibus Insubrum copiis cæsis, captaque Mediolano, & subinde Como, ceteræ deinceps urbes, & Insubrum tota natione, pecunia & agrorum parte mulctati, de cetero satiæ æqua pace impetrata, in ditionem venere.

LV. M. Marcellus provincia confecta celeberrimum triumphum de Gallis Insubribus & Germanis duxit Kalendis Martiis. Hæc prima Germanorum in historia Romana mentio, qui ex transrhenanis gentibus mercede conducti Viridomaro duce in Italiam venerant. Ex his Gallisque captivi forma staturaque corporis ingenti, currum victoris inter spolia maximi pretii antecedebant. Sequebatur ipse consul rarissimo spectaculo cæsi ducis arma Jovi Feretrio ferens, quem profectus a tergo exercitus splendidis ornatus armis, militari acclamazione cantuque celebrabat. Hoc ordine cum ad ædem Feretrii peruentum esset, descendens curru M. Marcellus, opima spolia post Roniulum regem & A. Cornelium Cossum tertius, neque post illum aliis suspendit. Hæc arma populus Romanus majori cum voluptate spectavit, quod Romanorum militum arma hostes Vulcano vovisse dicebantur: tantaque victoriae ejus lætitia fuit, ut Senatus

populusque Romanus ex manubiis donum Apollini Delphico cratera aureum, & circum amicas sociasque civitates arma de spoliis Gallicis mitteret: ad Hieronem Syracusanum præter spolia, missum etiam frumenti pretium est, quo inter bella Gallica rem Romanam juverat.

LVI. Novi deinceps hostes Istri exorti, qui piratico sceleri maria infestantes, Romanorum aliquot naves frumentarias diripuerant. Adversus hos ambo consules, P. Cornelius, M. Minucius Rufus missi, multos populos vi aut dettione subegerunt. Triumphantum tamen ab his non reperio, credo quia multo etiam Romano sanguine victoria constiterat. Hoc anno infaustum multis gentibus urbibusque fidus in Hispania exortum est Hasdrubalis successor Hannibal, de cuius initii gestisque multa deinceps majori spiritu dicenda erunt. Interea novi consules L. Veturius, C. Lutatius cum exercitu ad Alpes progressi sunt. sed conditionibus magis, quam armis usi, multos eorum locorum populos voluntate ipsorum ad amicitiam Romanam adduxerunt. Bellum hoc tempore cum Illyriis instauratum est improbitate Demetrii Pharri, adversus quem sub amicitiae Romanæ prætextu vicinas civitates arbitrio suo vexantem, omnibus ex partibus querelæ venerunt.

LVII. Nam fretus potentia, quam a Teuta deficienti Romanii circumdederant, tutelaque regis Pinnei, cuius matrem Triteutam connubio sibi junxerat, regem & ipse se ferens, popularibus juxta, finitimusque gravis & intolerandus incumbebat. Et Illyrici quidem populos, Romanorum socios & amicos, suæ dominationi studebat subjicere: Cycladas autem insulas, contra fœdus cum lembis armatis quinquaginta ultra Lissum proiectus, alias depopulabatur, ab aliis extorquebat pecunias: jamque & Istrorum partem, quotquot a recenti bello Romanos oderant, & Atin-

§ LV. Oros. 4, 13. Marm. Capitol. Propert. 4, 10. Virg. Æneid. 6, 855. Flor. 2, 4, 5. Plut. Marcel. c. 11. Liv. 24, 21, 9. Diod. 1, 25. § LVI. Oros. 4, 13. Eutrop. 1, 3. Zonar. Liv. Epit. 20. App. Illyr. Dio ap. Vales.

tānes vi coactōs in partes suas traxerat. Neque Romanos reverebatur, quibus Gallico bello implicitis, deinde Punicum metuentibus, neque vires neque otium ad vindicandas socrorum injurias fore censebat: & a Philippo Macedonum rege quidlibet sperabat, quod bello Cleomenico dux Illyricorum auxiliorum Macedonicas opes adjuvisset. Igitur decretum adversus eum bellum est, apparatusque facti.

LVIII. Lustrum interea tertium & quadragesimum L. Æmilius, C. Flaminius censores considerunt. Censa sunt civium capita ducenta septuaginta millia clucenta tredecim. Libertinorum promiscua multitudo per omnes tribus sparfa, multum hactenus turbarum dederat: cam imitatione Q. Fabii Maximi censores in quatuor tribus, Esquilinam, Palatinam, Suburranam, Collinamque redegerunt. C. Flaminius in eadem censura viam Ariminum usque munivit, & Circum exstruxit. utriusque operi nomen ab auctore est impositum, Circusque Flaminius, & via Flaminia vocata. Idem censores legem Metiliam de fullonibus ad populum ferendam tledere: ne minorum quidem rerum curam tanti magistratus fastigium dedecere rati. Per idem tempus Illyriorum rebellio Senatum movit, ut M. Livio M. F. M. N. Salinatori, L. Æmilio M. F. Paullo consulibus provinciam illam mandaret.

.LIX. Contra Demetrius bellum & ipse haud segniter comparare instituit, valido præsidio Dimalum misso, provisique omnibus, quorum ad longam sustinendam obsidionem usus est. Quibusdam locis interficiendos curavit principes, de quorum fide dubitabat, aliisque sibi addictis regimen urbium tradidit. ex omni vero regno delectum robur, sex millia virorum, secum ad præsidium Phari retinuit. Dum haec aguntur, L. Paullus consul primo vere profectus, in Illyricum venit; intellectoque, magnam esse ho-

§ LVII. Just. 2, 1. Polyb. 3, 16. Appian. Illyr. § LVIII. Liv. 23, 32, 2 & 9, 46, 14. Cassiod. Festus voce Circus Flam. Plin. 35, 17.

stibus spem in munitionibus Dimali, quem locum inexpugnabilem putabant; ratus plurimum inde terroris oriturum, si hunc expugnasset, tanta sua militumque alacritate est aggressus, ut septimo quam oppugnare cœpta esset die, vi caperetur. Neque falsus fuit animo consul, sparsaque per vicinam regionem fama confestim ex omnibus urbibus oratores venere, se suaque omnia Romanis dedituri.

LX. Quibus in fidem receptis, Pharum insulam, ubi Demetrii regia erat, petiit. Quam ubi copiarum omni genere refertam, fortissimorumque virorum præsidio, tum situ operibusque, ad hæc præsentia tyranni munitam esse didicisset; moram obsidionis veritus, astutum excogitavit acceleranda victoriæ non inutilem. Partem enim niajorem exercitus, noctu trajectis copiis, in silvosis quibusdam callibus occuluit: ipse cum navibus viginti luce clara proximum urbi portum petens, elicit Pharios, inter quos ipse Demetrius ad prohibendam hostium exscensionem accucurrit. Conserto certamine, plures subinde, ut sit, suis auxilio venientes, ad extremum omni fere præsidio militarum viatorum urbem nudavere. Interea Romani, qui noctu exscenderant, itinere per tecta loca facto, collem inter oppidum portumque medio ferme spatio situm occupavere. quo facto iis, qui urbe fuerant egressi, reditus ad eam occludebatur.

LXI. Demetrius animadverso quid fieret, consilium cepit, ut in tam ancipiti periculo, non spernendum. Omissa enim præsenti certamine, revocatisque suis, *Viri fortes*, inquit, *apparet virtutem nostram hostibus formidabilem esse: nam ad dolos conversi fatentur se viribus armisque diffidere. Furio noctis nisi hanc in terram irrepsero, unde, si bene vos novi, retinebunt nihil, nisi quod corporibus tegent, anima emtum. Vos modo, Pharri mei, vosque omni ex Illyrico delecta juventus, vel patriæ, vel gloriæ vestræ memores, ostendite Romanis, neque suæ fortitudinis, neque nostræ imbecillitatis fuisse, quod semel de Illyriis Romæ triumphatum est. Non Fulvius eo tempore aut Postumius Illyrios consiliis & armis, sed impotentia, sed teme-*

ritate sua Teuta vicit. Neque ignoratis, ut de aliis taceam, non ita proclivem illis futuram suisse victoriam, si me defensorum potius, quam inimicum, habere Teuta maluisset. Verum enim vero, & quia vobis præclare confido, & quia facta potius quam verba tempus postulat, abrumpo. Habetis animos, habetis armam, videtis necessitatem, quæ timidissimum quemque posset acuere, vobis pariter urbique discrimen extremum imminet, nisi virtute vestra discusseritis. Eamus igitur, & fortuna bene juvante istos e latibulis suis paulo ante progressos petamus, securi de his, qui exscensionem faciunt. nam illos si occiderimus, hi majori cum studio naves repetent, quam reliquerunt.

LXII. Ita suos pro tempore cohortatus, instructis ordinibus ad eos invadendos, qui collem tenebant, dicit. qui & ipsi non segnius congressi sustinuerunt hostem, donec advenientes, qui exscensionem interea fecerant, & a tergo eum adorti, magno cum terrore detrimentoque disjecere. Paucos in oppidum retulit fuga: ceteri paßim per invios calles dilapsi. Demetrius, qui solis quibusdam locis paratos lembos in omnem casum habebat, uno eorum consenso ad Philippum Macedoniae regem profugit, cuius in amicitiam receptus, mores adolescentis antea laudatos adulazione & tyrannicis consiliis corrupit, bellique Romani & multarum præterea calamitatum, suasor & auctor ei exstitit. Post hanc pugnam Pharus ex itinere capta, jussuque imperatoris direpta & diruta est. Illyrici deinde rebus ex sententia ordinatis, ad triumphum petendum, affecta jam æstate, consul Romam rediit.

LXIII. In hujus quoque belli narratione Polybium sequi malui, non ignarus, apud alios auctores ambobus consulibus ejus perfecti gloriam communiter tribui, qui evocatum ad se Demetrium, quia non parebat, aggressi primum in Issa insula, quibus dixi artibus vicerint; deinde Pharo proditione capta, Demetrium expulerint. de cuius fine quoque dissentanea Polybio tradunt, istis & annis & locis proximo: quæ aliud in tempus egressa prætermitto.

Ceterum Illyriis in regis Pinnei gratiam, quem innocentem aetate & proposito fuisse constabat, pepercit Senatus, fœdusque cum eo, adjectis tamen conditionibus quibusdam, renovavit. Interea L. Æmilius consul splendidissimum de his populis triumphum duxit: sed & M. Livium ex eo bello triumphasse reperio. plures tamen scriptores hunc prætereunt: credo, quod majores L. Paulli res fuerunt, quibus collegæ famam gloriamque potuerit obscurare. sed nobilis ejusdem M. Livii paulo post judicium & condemnatio fuit. Per invidiam ipse ac L. Paullus accusati, quod prædam militibus non æqualiter divisissent, quodque ex ea multa avertissent, judicium populi subiverunt.

LXIV. L. Paullus ambustus vix evasit, M. Livium omnes tribus, excepta Mæcia, damnaverunt. Isque contumeliam istam tam indigne tulit, ut Urbe relicta, cœtus omnes fugeret, donec eum ad instituta vitæ prioris resumenda Reipublicæ tempora retraxere. Sed hæc in P. Cornelii Scipionis, Tib. Sempronii Longi consulatum inciderunt. Anno autem, quo M. Livius & L. Paullus adhuc consules erant, Archagathus quidam Lysaniæ filius ex Peloponneso Romam venit, qui medicinam professus, jure Quiritium donatus est, eique taberna in compito Acilio emta publice. res ad memoriam minime celebris, nisi tum primum artis medicæ nomen auditum Romæ agnatumque esset, hactenus ad sanitatem tuendam sufficiente temperantia & inemtis remediis. Eisdem consulibus coloniæ deductæ sunt in agro Gallico Placentia & Cremona, non postrema causa irarum, quibus commoti Boji Insubresque respicere Hannibalem cœperæ, qui tum Saguntinam urbem summis viribus oppugnans, per ruinas ejus iter ad Romana bella muniebat. sed hic terique motus, qui magno numero, neque minori mole, continuo ingruerunt, ab altiore paulo principio sunt repetendi.

§ LXIII. Zonar. Dio ap. Vales. Appian. Illyr. Polyb. 4, 66. Auft. de vir. ill. c. 50. Just. 29, 2. Front. Strat. 4, 1. § LXIV. Liv. 22, 35, 2 & 27, 36, 3. Plin. 29, 1. Liv. 21, 25, 2. Ejusl. Epit. 29.

TITI LIVII PATAVINI
 HISTORIARUM
 AB URBE CONDITA
 LIBER XXI.

EPI TOME

LIBRI VICESIMI PRIMI.

In Italiam belli Punici secundi ortus narratur, & Hannibalis Pœnorum ducis contra fœdus per Iberum amnem transitus, a quo Saguntum, sociorum populi Romani civitas, obfessa octavo mense capta est. De quibus injuriis missi legati ad Carthaginenses, qui quererentur, cunis satisfacere nollent, bellum iis indictum est. Hannibal, superato Pyrenæo saltu, per Gallias, fusis Volcis, qui obsistere conati erant, ad Alpes venit; & laborioso per eas transitu (cum montanos quoque Gallos obvios aliquot prœliis repulisset) descendit in Italiam, & ad Ticinum amnem Romanos equestri prœlio fudit: in quo vulneratum P. Cornelium Scipionem protexit filius, qui Africani postea nomen accepit. iterumque exercitu Romano ad flumen Trebiam fuso, Hannibal Apenninum quoque, per magnam militum vexationem propter vim tempestatum, transiit. Cn. Cornelius Scipio in Hispania contra Pœnos prospere pugnavit, duce hostium Magone capto.

I. **N** parte operis mei licet mihi præfari, quod in principio summæ totius professi plerique sunt rerum scriptores, bellum maxime omnium memorabile, quæ unquam gesta sint, me scripturum; quod Hannibale duce Carthaginenses cum populo Romano gessere. Nam neque validiores opibus ullæ inter se civitates gentesque contulerunt arma, neque his ipsis tantum unquam virium aut roboris fuit: & haud ignotas belli artes inter se, sed expertas primo Punico conserebant bello. & adeo varia belli fortuna ancepsque Mars fuit, ut propius periculum fuerint, qui vicerunt. Odiis etiam prope majoribus certarunt, quam viribus: Romanis indignantibus, quod victoribus victi ultra inferrent arma; Pœnis, quod superbe avareque crederent imperitatum victis esse. Fama etiam est, Hannibalem annorum ferme novem, pueriliter blandientem patri Hamilcari, ut duceretur in Hispaniam, cum, perfecto Africo bello, exercitum eo trajecturus sacrificaret, altaribus admotum, tactis sacris jurejurando adactum, se, cum primum posset, hostem fore populo Romano. Angebant ingentis spiritus virum Sicilia Sardiniaque amissæ: nam & Siciliam nimis celeri desperatione rerum concessam, & Sardiniam inter motum Africæ fraude Romanorum, stipendio etiam insuper imposito, interceptam.

II. His anxius curis ita se Africo bello, quod fuit sub recentem Romanam pacem, per quinque annos, ita deinde novem annis in Hispania augen-

do Punico imperio gessit, ut appareret, magis eum; quam quod gereret, agitare in animo bellum: &, si diutius vixisset, Hamilcare duce Pœnos arma Italiæ illaturos fuisse, quæ Hannibalis ductu intulerunt. Mors Hamilcaris peropportuna, & pueritia Hannibalis, distulerunt bellum. Medius Hasdrubal inter patrem & filium octo ferme annos imperium obtinuit: flore ætatis (uti serunt) primo Hamilcari conciliatus; gener inde ob altam indolem proiecto annis ascitus, &, quia gener erat, factionis Barcinæ opibus, quæ apud milites plebemque plus quam modicæ erant, haud sane voluntate principum, imperio potitus. Is plura consilio - quam vi, gerens, hospitiis regulorum magis, conciliandisque per amicitiam principum novis gentibus, quam bello aut armis, rem Carthaginensem auxit. Ceterum nihilo ei pax tutior fuit. barbarus eum quidam palam, ob iram imperfecti ab eo domini, obtruncavit; comprehensusque ab circumstantibus haud alio, quam si evasisset, vultu, tormentis quoque cum laceraretur, eo fuit habitu oris, ut, superante lætitia dolores, ridentis etiam speciem præbuerit. Cum hoc Hasdrubale, quia miræ artis in sollicitandis gentibus, imperioque jungendis suo fuerat, foedus renovaverat populus Romanus, ut finis utriusque imperii esset amnis Iberus, Saguntinique mediis inter imperia duorum populorum libertas servaretur.

III. In Hasdrubalis locum haud dubia res fuit, quin prærogativam militarem, qua exemplo juvenis Hannibal in prætorium delatus, imperator-

que ingenti omnium clamore atque assensu appellatus erat, favor etiam plebis sequeretur. Hunc vixdum puberem Hasdrubal literis ad se arcessierat: actaque res etiam in senatu fuerat, Barcinis nitentibus, ut assuesceret militiae Hannibal, atque in paternas succederet opes. Hanno, alterius factio-
nis princeps, *Et æquum postulare videtur, inquit, Hasdrubal; & ego tamen non censeo, quod petit, tri-*
buendum. Cum admiratione tam ancipitis sententiae
in se omnes convertisset, Florem ætatis, inquit,
Hasdrubal, quem ipse patri Hannibalis fruendum præ-
buit, justo jure eum a filio repeti censet. nos tamen mi-
nime decet, juventutem nostram pro militari rudimento
assuescere libidini prætorum. An hoc timemus, ne
Hamilcaris filius nimis sero imperia immodica & regni
paterni speciem videat? &, cuius regis genero heredi-
tarii sint relicti exercitus nostri, ejus filio parum ma-
ture serviamus? Ego, istum juvenem domi tenendum,
sub legibus, sed magistratibus docendum vivere æquo
jure cum ceteris, censeo: ne quandoque parvus hic
ignis incendium ingens exfuscit.

IV. Pauci, ac ferme optimus quisque, Hannoni assentiebantur: sed (ut plerumque fit) major pars meliorem vicit. Missus Hannibal in Hispaniam primo statim adventu omnem exercitum in se convertit. Hamilcarem juvenem redditum sibi veteres milites credere; eundem vigorem in vultu, vimque in oculis, habitum oris, lineamentaque intueri. dein brevi effecit, ut pater in se minimum momentum ad favorem conciliandum esset. Nunquam ingenium idem ad res diversissimas, parendum at-

que imperandum, habilius fuit. itaque haud facile decerneret, utrum imperatori, an exercitui, carior esset: neque Hasdrubal alium quenquam præficere malle, ubi quid fortiter ac strenue agendum esset: neque milites alio duce plus confidere, aut audere. Plurimum audaciæ ad pericula capeſſenda, plurimum confilii inter ipſa pericula erat. nullo labore aut corpus fatigari, aut animus vinci poterat. Caloris ac frigoris patientia par: cibi potionisque desiderio naturali, non voluptate; modus finitus: vigiliarum ſomniique nec die, nec nocte discriminata tempora. Id, quod gerendis rebus ſupereſſet, quieti datum: ea neque molli ſtrato, neque ſilento arceſſita. Multi ſaepe militari ſagulo opertum, humi jacentem inter custodias ſtationesque militum, conſpexerunt. Vestitus nihil inter aequales excellens: arma atque equi conſpiciebantur. Equitum pèditumque idem longe primus erat. princeps in prœlium ibat; ultimus conferto prœlio exce-debat. Has tantas viri virtutes ingentia vitia æquabant; inhumana crudelitas, perfidia plus quam Pu-nica, nihil veri, nihil ſancti, nullus Deum metus, nullum jugurandum, nulla religio. Cum hac in-dole virtutum atque vitiorum triennio ſub Hasdrubale imperatore meruit, nulla re, quæ agenda vi-dendaque magno futuro duci eſſet, prætermiſſa.

V. Ceterum ex quo die dux eſt declaratus, ve-lut Italia ei provincia decreta, bellumque Roma-num mandatum eſſet, nihil prolatandum ratus, ne ſe quoque, ut patrem Hamilcarem, deinde Has-drubalem, cunctantem caſus aliquis opprimeret, Sa-

guntinis inferre bellum statuit. quibus oppugnandi quia haud dubie Romana arma movebantur, in Olcadum fines prius (ultra Iberum ea gens in parte magis, quam in ditione Carthaginiensium erat) induxit exercitum, ut non petisse Saguntinos, sed rerum serie, finitimis domitis gentibus, jungendoque, traectus ad id bellum videri posset. Cartejam, urbem opulentam, caput gentis ejus, expugnat diripitque. Quo metu perculsæ minores civitates, stipendio imposito, imperium accepere. victor exercitus, opulentisque præda, Carthaginem novam in hiberna est deductus. Ibi large partiendo prædam, stipendio præterito cum fide exsolvendo, cunctis civium sociorumque animis in se firmatis, vere primo in Vaccæos promotum bellum. Hermandica & Arbocala urbes vi captæ. Arbocala & virtute & multitudine oppidanorum diu defensa. Ab Hermandica profugi exsulibus Olcadum, priore æstate domitæ gentis, cum se junxissent, concitant Carpetanos: adortique Hannibalem, regressum ex Vaccæis, haud procul Tago flumine agmen grave præda turbavere. Hannibal prælio abstinuit; castrisque super ripam positis, cum prima quies silentiumque ab hostibus fuit, amnem vado trajecit: valloque ita producto, ut locum ad transgrediendum hostes haberent, invadere eos transeuntes statuit. Equitibus præcepit, ut, cum ingressos aquam viderent, adorirentur. Peditum agmen in ripa, elephantos ante quadraginta disposuit. Carpetanorum cum appendicibus Olcadum Vaccæorumque centum millia fuere: invicta acies,

si æquo dimicaretur campo. Itaque & ingenio feroces, & multitudine freti, & quod metu cessisse credebant hostem, id morari victoriam rati, quod interesset amnis, clamore sublato, passim sine ullius imperio, qua cuique proximum est, in amnem ruunt. Et ex parte altera ripæ vis ingens equitum in flumen immissa, medioque alveo haudquam pari certamine concursum: quippe ubi pedes instabilis, ac vix vado fidens, vel ab inermi equite, equo temere acto, perverti posset; eques, corpore armisque liber, equo vel per medios gurgites stabili, cominus eminusque rem gereret. Pars magna flumine absunta: quidam, vorticoso amni delati in hostes, ab elephantis obtriti sunt: postremi, quibus regressus in suam ripam tutior fuit, ex varia trepidatione cum in unum colligerentur, priusquam ex tanto pavore reciperent animos, Hannibal, agmine quadrato amnem ingressus, fugam ex ripa fecit: vastatisque agris, intra paucos dies Carpetanos quoque in ditionem accepit. Et jam omnia trans Iberum, præter Saguntinos, Carthaginiensium erant.

VI. Cum Saguntinis bellum nondum erat: ceterum jam belli causa certamina cum finitimis se rebantur, maxime Turdetanis. quibus cum adesset idem, qui litis erat fator, nec certamen iuris, sed vim quaeri appareret; legati a Saguntinis Romam missi, auxilium ad bellum jam haud dubie immenses orantes. Consules tunc Romæ erant P. Cornelius Scipio & Ti. Sempronius Longus: qui cum, legatis in senatum introductis, de republica retulissent, placuisseque mitti legatos in Hispaniam

ad res sociorum inspiciendas ; quibus si videretur digna causa , & Hannibali denuntiarent , ut ab Saguntinis , sociis populi Romani , abstineret , & Carthaginem in Africam trajicerent , ac sociorum populi Romani querimonias deferrent . Hac legatione decreta , necdum missa , omnium spe celerius Saguntum oppugnari allatum est . Tunc relata ex integro res ad senatum . Alii , provincias consulibus Hispaniam atque Africam decernentes , terra marique rem gerendam censebant : alii totum in Hispaniam Hannibalemque intendebant bellum . Erant , qui non temere movendam rem tantam , exspectandosque ex Hispania legatos censerent . Hæc sententia , quæ tutissima videbatur , vicit : legatique eo maturius missi , P. Valerius Flaccus & Q. Baebius Tamphilus , Saguntum ad Hannibalem , atque inde Carthaginem , si non absisteretur bello , ad ducem ipsum in poenam foederis rupti deponendum .

VII. Dum ea Romani parant consultantque , jam Saguntum summa vi oppugnabatur . Civitas ea longe opulentissima ultra Iberum fuit , sita passus mille ferme a mari . Oriundi à Zacyntho insula dicuntur , mixtique etiam ab Ardea Rutulorum quidam generis . ceterum in tantas brevi creverant opes , seu maritimis , seu terrestribus fructibus , seu multitudinis incremento , seu sanctitate disciplinæ , qua fidem socialem usque ad perniciem suam coluerunt . Hannibal , infesto exercitu ingressus fines , pervastatis passim agris , urbem tripartito aggreditur . Angulus muri erat in planiorem patentioremque , quam cetera circa , vallem vergens . aduersus eum vineas

agere instituit, per quas aries mœnibus admoveri posset. Sed ut locus procul muro satis æquus agendis vineis fuit; ita haudquaquam prospere, postquam ad effectum operis ventum est, cœptis succe-debat. & turris ingens imminebat: & murus, ut in suspecto loco, supra ceteræ modum altitudinis emunitus erat: & juventus delecta, ubi plurimum periculi ac laboris ostendebatur, ibi vi majore ob-sistebant. Ac primo missilibus submovere hostem, nec quidquam satis tutum munientibus pati. deinde jam non pro mœnibus modo atque turri tela mi-care, sed ad erumpendum etiam in stationes ope-raque hostium animus erat: quibus tumultuariis cer-taminibus haud ferme plures Saguntini cadebant, quam Pœni. Ut vero Hannibal ipse, dum murum incautius subit, adversum femur tragula graviter ictus cecidit; tanta circa fuga ac trepidatio fuit, ut non multum abesset, quin opera ac vineæ de-sererentur.

VIII. Obsidio deinde per paucos dies magis, quam oppugnatio, fuit, dum vulnus ducis curare-tur. per quod tempus ut quies certaminum erat, ita ab apparatu operum ac munitionum nihil ces-satum. Itaque acrius de integro obortum est bel-lum, pluribusque partibus, vix accipientibus qui-busdam opera locis, vineæ cœptæ agi, adinoveri-que aries. Abundabat multitudine hominum Pœnus: ad centum enim quinquaginta millia habuisse in ar-mis satis creditur. Oppidanæ ad omnia tuenda atque obeunda multifariam distineri cœpti sunt: & non sufficiebant (jam enim feriebantur arietibus) muri,

quassatæque multæ partes erant. una continentibus ruinis nudaverat urbem: tres deinceps turres, quantumque inter eas muri erat, cum fragore ingenti prociderant: captumque oppidum ea ruina crediderant Pœni; qua, velut si pariter utrosque murus texisset, ita utrinque in pugnam procursum est. Nihil tuinultuariæ pugnæ simile erat, quales in oppugnationibus urbium per occasionem partis alterius conseri solent: sed justæ acies, velut patienti campo, inter ruinas muri testaque urbis modico distantia intervallo constiterant. hinc spes, hinc desperatio animos irritat: Pœno cepisse jam se urbem, si paululum annitatur, credente; Saguntinis pro nudata mœnibus patria corpora opponentibus, nec ullo pedem referente, ne in relictum a se locum hostem immitteret. Itaque quo acrius & conferti magis utrinque pugnabant, eo plures vulnerabantur, nullo inter arma corporaque vano intercidente telo. Falarica erat Saguntinis, missile telum hastili abiegnō, & cétera tereti, præterquam ad extremum, unde ferrum exstabat. id, sicut in pilo, quadratum stuppa circumligabant, liniebantque pice. Ferrum autem tres longum habebat pedes, ut cum armis transfigere corpus posset. Sed id maxime, etiamsi hæsisset in scuto, nec penetrasset in corpus, pavorem faciebat; quod, cum medium accensum mitteretur, conceptumque ipso motu multo majorem ignem ferret, arma omitti cogebat, nudumque militem ad insequentes iclus præbebat.

IX. Cum diu anceps suisset certamen, & Sagun-

tinis, quia præter spem resisterent, crevissent animi; Pœnus, quia non vicisset, pro victo esset; clamorem repente oppidani tollunt, hostemque in rui-
nas muri expellunt; inde impeditum trepidantem-
que exturbant; postremo fusum fugatumque in ca-
stra redigunt. Interim ab Roma legatos venisse nun-
tiatum est. quibus obviam ad mare missi ab Han-
nibale, qui dicerent, nec tuto eos adituros inter tot
tam efferatarum gentium arma: nec Hannibali, in
tanto discrimine rerum, operæ esse legationes au-
dire. Apparebat, non admissos protinus Carthagi-
nem ituros. literas igitur nuntiosque ad principes
factionis Barcinæ præmittit, ut præpararent suorum
animos, ne quid pars altera gratificari pro Romanis
posset.

X. Itaque, præterquam quod admissi auditique
sunt, ea quoque vana atque irrita legatio fuit. Han-
no unus adverso senatu causam foederis, magno si-
lentio propter auctoritatem suam, non assensum
audientium, egit. *Per Deos, fœderum arbitros ac te-
stes, monuisse, prædixisse se, ne Hamilcaris progeniem*
ad exercitum mitterent. non manes, non stirpem ejus
*conquiescere viri: nec unquam, donec sanguinis nomi-
nisque Barcini quisquam superstis, quietura Romana*
fœdera. Juvenem flagrantem cupidine regni, viamque
*unam ad id cernentem, si ex bellis bella serendo suc-
cinctus armis legionibusque vivat, velut materiam igni*
*præbentes, ad exercitus mississ. aliusquis ergo hoc in-
cendium, quo nunc ardetis. Saguntum vestri circumsi-
dent exercitus, unde arcentur fœdere: mox Cartha-
ginem circumfidebunt Romanæ legiones, ducibus iis-*

dem Diis, per quos priore bello rupta fœdera sunt ulti.
Utrum hostem, an vos, an fortunam utriusque populi,
ignoratis? Legatos, ab sociis & pro sociis venientes,
bonus imperator vester in castra non admisit, jus gen-
tium sustulit. hi tamen, unde ne hostium quidem le-
gati arcentur, pulsi ad vos veniunt, res ex fœdere re-
petunt. publica fraus absit: auctorem culpe & reum cri-
minis depositunt. Quo lenius agunt, segnius incipiunt;
eo, cum cœperint, vereor, ne perseverantius sœviant.
Ægates insulas Erycemque ante oculos proponite; quæ
terra marique per quatuor & viginti annos passi sitis.
Nec puer hic dux erat, sed pater ipse Hamilcar, Mars
alter, ut isti volunt. sed Tarento, id est, Italia, non
abstinueramus ex fœdere: sicut nunc Sagunto non ab-
stinemus. Vicerunt ergo Dii hominesque; &, id de quo
verbis ambigebatur, uter populus fœdus rupisset, even-
tus belli, velut æquus judex, unde jus stabat, ei victo-
riam dedit. Carthagini nunc Hannibal vineas turre-
que admovet: Carthaginis mœnia quatit ariete. Sagun-
ti ruinæ (falsus utinam vates sim!) nostris capitibus
incident: suscepimusque cum Saguntinis bellum, haben-
dum cum Romanis est. Dedemus ergo Hannibalem?
dicet aliquis. Scio, meam levem esse in eo auctoritatem
propter paternas inimicitias. Sed & Hamilcarem eo
perisse lætatus sum, quod, si ille viveret, bellum jam
cum Romanis haberemus; & hunc juvenem, tanquam
furiam facemque hujus belli, odi ac detestor. Nec de-
dendum solum id piaculum rupti fœderis; sed, si nemo
depositat, devehendum in ultimas maris terrarumque
oras, ablegandumque eo, unde nec ad nos nomen fama-
que ejus accedere, neque sollicitare quiete civitatis sta-

*tum possit. Ego ita censeo, legatos extemplo Romam
mittendos, qui senatui satisfaciant: alios, qui Hanni-
bali nuntient, ut exercitum ab Sagunto abducatur, ipsum-
que Hannibalem ex fædere Romanis dedant: tertiam
legationem ad res Saguntinias reddendas decerno.*

XI. Cum Hanno perorasset, nemini omnium cer-
tare oratione cum eo necesse fuit; adeo prope om-
nis senatus Hannibal's erat: infestiusque locutum
arguebant Hannonem, quam Flaccum Valerium,
legatum Romanum. Responsum inde legatis Roma-
nis est, *Bellum ortum ab Saguntinis, non ab Hanni-
bale esse. populum Romanum injuste facere, si Sagun-
tinios vetustissimæ Carthaginensium societati præponat.*
Dum Romani tempus terunt legationibus mitten-
dis, Hannibal, quia fessum militem prœliis operi-
busque habebat, paucorum iis dierum quietem de-
dit, stationibus ad custodiam vinearum aliorumque
operum dispositis. interim animos eorum nunc ira
in hostes stimulando, nunc spe præmiorum accen-
dit. Ut vero pro concione prædam captæ urbis
edixit militum fore, adeo accensi omnes sunt, ut,
si extemplo signum datum esset, nulla vi resisti vi-
deretur posse. Saguntini ut a prœliis quietem ha-
buerant, nec lacestantes, nec lacefitti per aliquot
dies; ita non nocte, non die unquam cessaverant
ab opere, ut novum murum ab ea parte, qua pa-
tefactum oppidum ruinis erat, reficerent. Inde op-
pugnatio eos aliquanto atrocior, quam ante, ador-
ta est: nec, qua primum aut potissimum parte fer-
rent opem, (cum omnia variis clamoribus strepe-
rent) satis scire poterant. Ipse Hannibal, qua tur-

ris mobilis, omnia munimenta urbis superans altitudine, agebatur, hortator aderat. quæ cum admota, catapultis ballistisque per omnia tabulata dispositis, muros defensoribus nudasset; tum Hannibal, occasionem ratus, quingentos ferme Afros cum dolabris ad subruendum ab inio murum mittit. nec erat difficile opus, quod cæmenta non calce durata erant, sed interlita luto, structuræ antiquæ genere. Itaque latius, quam cæderetur, ruebat: perque patentia ruinis agmina armatorum in urbem vadebant. Locum quoque editum capiunt: collatisque eo catapultis ballistisque, ut castellum in ipsa urbe velut arcem imminentem haberent, muro circumdant: & Saguntini murum interiorem ab nondum capta urbis parte ducunt. Utrinque summa vi & muniunt, & pugnant: sed, interiora tuendo, minorem in dies urbem Saguntini faciunt. Simul crescit inopia omnium longa obsidione, & minuitur exspectatio externæ opis; cum tam procul Romani, unica spes, circa omnia hostium essent. Paulisper tamen affectos animos recreavit repentina profectio Hannibal's in Oretanos Carpitanosque. qui duo populi, delectus acerbitate consternati, retentis conqueritoribus, metum defectio- nis cum præbuissent, oppressi celeritate Hanniba- lis, omiserunt mota arma.

XII. Nec Sagunti oppugnatio segnior erat, Maharbale, Himilconis filio, (eum præfecerat Hannibal) ita impigre rem agente, ut ducem abesse nec cives, nec hostes sentirent. Is & prælia aliquot secunda fecit, & tribus arietibus aliquantu-

um muri discussit; strataque omnia recentibus ruinis advenienti Hannibali ostendit. Itaque ad ipsam arcem extemplo ductus exercitus, atroxque prœlium cum multorum utrinque cæde initum, & pars arcis capta est. Tentata deinde per duos est exigua pacis spes, Alconem Saguntinum, & Alorcum Hispanum. Alcon, insciis Saguntinis, precibus aliquid moturum ratus, cum ad Hannibalem noctu transisset, postquam nihil lacrimæ movebant, conditio-nesque tristes, ut ab irato viatore, ferebantur, transfuga ex oratore factus, apud hostem mansit; moritum affirmans, qui sub conditionibus his de pace ageret. Postulabatur autem, redderent res Turdetanis; traditoque omni auro atque argento, egressi urbe cum singulis vestimentis ibi habitarent, ubi Poenus jussisset. Has pacis leges abniente Alcone accepturos Saguntinos, Alorcus, vinci animos, ubi alia vincantur, affirmans, se pacis ejus interpretem fore pollicetur. Erat autem tum miles Hannibal; ceterum publice Saguntinis amicus atque hospes. Tradito palam telo custodibus hostium, transgressus munimenta, ad prætorem Saguntinum (& ipse ita jubebat) est deductus. quo cum extemplo concursus omnis generis hominum esset factus, submota cetera multitudine, senatus Alorco datus est. cuius talis oratio fuit:

XIII. *Si civis vester Alcon, sicut ad pacem petendam ad Hannibalem venit, ita pacis conditiones ab Hannibale ad vos retulisset, supervacaneum hoc mihi suisset iter, quo nec orator Hannibal; nec transfuga ad vos venissim. Cum ille, aut vestra, aut sua culpa,*

manserit apud hostem, (si metum simulavit, sua; vestra, si periculum est apud vos vera referentibus) ego, ne ignoraretis, esse aliquas & salutis & pacis vobis conditiones, pro vetusto hospitio; quod mihi vobiscum est, ad vos veni. Vestra autem causa me, nec ullius alterius, loqui, quæ loquor apud vos, vel ea fides sit, quod, neque dum vestris viribus restititis, neque dum auxilia ab Romanis sperastis, pacis unquam apud vos mentionem feci. Postquam nec ab Romanis vobis ullæ spes est, nec vestra jam aut arma vos, aut mœnia sati defendunt, pacem affero ad vos magis necessariam, quam æquam. cuius ita aliqua spes est, si eam quemadmodum ut victor fert Hannibal, sic vos ut victi audiat: si non id, quod amittitur, in damno, (cum omnia victoris sint) sed, quidquid relinquitur, pro munere habituri estis. Urbem vobis, quam ex magna jam parte dirutam, captam fere totam habet, adimit, agros relinquit, locum assignaturus, in quo novum oppidum edificetis: aurum argentumque omne, publicum privatumque, ad se jubet deferri: conjugum vestraque corpora ac liberorum vestrorum servat inviolata, si inertes cum binis vestimentis velitis ab Sagunto exire. Hæc, victor hostis imperat. Hæc, quanquam sint gravia atque acerba, fortuna vestra vobis suadet. Evidem haud despero, cum omnium potestas ei facta sit, aliquid ex his rebus remissurum. Sed vel hæc patienda censeo potius, quam trucidari corpora vestra, rapi trahiique ante ora vestra conjuges ac liberos belli jure finatis.

XIV. Ad hæc audienda cum, circumfusa paucim partim multitudine, permixtum senatui esset populi concilium; repente primores, secessione facta,

(priusquam responsum daretur) argentum aurumque omne, ex publico privatoque in forum collatum, in ignem ad id raptim factum conjicentes, eodem plerique semet ipsi præcipitaverunt. Cum ex eo pavor ac trepidatio totam urbem pervasisset, alius insuper tumultus ex arce auditur. Turris diu quassata prociderat: perque ruinam ejus cohors Pœnorum impetu facto cum signum imperatori dedisset, nudatam stationibus custodiisque solitis hostium esse urbem; non cunctandum in tali occasione ratus Hannibal, totis viribus aggressus urbem, momento cepit, signo dato, ut omnes puberes interficerentur. quod imperium crudele, certum prope necessarium cognitum ipso eventu est. Cui enim parci potuit ex iis, qui aut inclusi cum conjugibus ac liberis domos super se ipsos concremaverunt, aut armati nullum ante finem pugnæ, quam morientes, fecerunt?

XV. Captum oppidum est cum ingenti præda. Quanquam pleraque ab dominis de industria corrupta erant, & in cædibus vix ullum discriminæ etatis ira fecerat, & captivi militum præda fuerant; tamen & ex pretio rerum venditarum aliquantum pecuniæ redactum esse constat, & multam pretiosam supellecilem vestemque missam Carthaginem. Octavo mense, quam cœptum oppugnari, captum Saguntum, quidam scripsere: inde Carthaginem novam in hiberna Hannibalem concessisse: quinto deinde mense, quam ab Carthagine profectus sit, in Italiam pervenisse. Quæ si ita sunt, fieri non potuit, ut P. Cornelius, Ti. Sempronius

consules fuerint, ad quos & principio oppugnationis legati Saguntini missi sint, & qui in suo magistratu cum Hannibale, alter ad Ticinum amnem, ambo aliquanto post ad Trebiam, pugnaverint. Aut omnia breviora aliquanto fuere: aut Saguntum principio anni, quo P. Cornelius, Ti. Sempronius consules fuerunt, non coeptum oppugnari est, sed captum. Nam excessisse pugna ad Trebiam in annum Cn. Servilii & C. Flaminii non potest: quia Flaminius Arimini consulatum iniit, creatus ab Ti. Sempronio consule; qui, post pugnam ad Trebiam ad creandos consules Romam cum venisset, comitiis perfectis ad exercitum in hiberna rediit.

XVI. Sub idem fere tempus & legati, qui redierant a Carthagine, Romam retulerunt, omnia hostilia esse, & Sagunti excidium nuntiatum est: tantusque simul mœror Patres, misericordiaque sociorum peremtorum indigne, & pudor non lati auxilii, & ira in Carthaginienses, metusque de summa rerum cepit, velut si jam ad portas hostis esset; ut, tot uno tempore motibus animi turbati, trepidarent magis, quam consulerent. Nam neque hostem acriorem bellicosoremque secum congreſsum; nec rem Romanam tam desidem unquam fuisse atque imbellem. Sardos, Corsosque, & Iſtros, atque Illyrios, laceſſisse magis, quam exercuisse, Romana arma: & cum Gallis tumultuatum verius, quam belligeratum. Poenum, hostem veteranum, trium & viginti annorum militia durissima inter Hispanas gentes ſemper victorem, primum Hamilcare, deinde Hasdrubale, nunc Hannibale duce acerri-

mo assuetum, recentem ab excidio opulentissimæ urbis, Iberum transire: trahere secum tot excitos Hispanorum populos: concitatum avidas semper armorum Gallicas gentes. cum orbe terrarum bellum gerendum in Italia, ac pro mœnibus Romanis esse.

XVII. Nominatae jam antea consulibus provinciæ erant; tum sortiri jussi. Cornelio Hispania, Sempronio Africa cum Sicilia evenit. Sex in eum annum decretæ legiones, & socium quantum ipsis videretur, & classis quanta parari posset. Quatuor & viginti peditum Romanorum millia sunt scripta, & mille octingenti equites: sociorum quadraginta millia peditum, quatuor millia & quadringenti equites: naves ducentæ viginti quinqueremes, celoces viginti deductæ. Latum inde ad populum, vellent, juberent, populo Carthaginensi bellum indici. Eiusque belli causa supplicatio per urbem habita, atque adorati Dii, ut bene ac feliciter eveniret, quod bellum populus Romanus jussisset. Inter consules ita copiæ divisæ. Sempronio datae legiones duæ, (ea quaterna millia erant peditum, & trecenti equites) & sociorum sexdecim millia peditum, equites mille octingenti: naves longæ centum sexaginta, celoces duodecim. Cum his terrestribus maritimisque copiis Ti. Sempronius missus in Siciliam, ita in Africam transmissurus, si ad arcedum Italia Pœnum consul alter satis esset. Cornelio minus copiarum datum, quia L. Manlius prætor & ipse cum haud invalido præsidio in Galliam mittebatur. Navium maxime Cornelio numerus diminutus. sexaginta quinqueremes datae (neque enim

mari venturum , aut ea parte belli dimicaturum hostem credebant) & duæ Romanæ legiones cum suo justo equitatu , & quatuordecim millibus sociorum peditum , equitibus mille sexcentis. Duas legiones Romanas , & decem millia sociorum peditum , mille equites socios , sexcentos Romanos , Gallia provincia eodem anno versa in Punicum bellum habuit.

XVIII. His ita comparatis , ut omnia justa ante bellum fierent , legatos majores natu , Q. Fabium , M. Livium , L. Æmilium , C. Licinium , Q. Bæbium , in Africam mittunt ad percontandos Carthaginenses , publicone consilio Hannibal Saguntum oppugnasset? & si , id quod facturi videbantur , farentur , ac defenderent publico consilio factum , ut indicerent populo Carthaginensi bellum. Romani postquam Carthaginem venerunt , cum senatus datus esset , & Q. Fabius nihil ultra , quam unum , quod mandatum erat , percontatus esset ; tum ex Carthaginiensibus unus : *Præceps vestra , Romani , & prior legatio fuit , cum Hannibalem , tanquam suo consilio Saguntum oppugnantem deposcebatis : ceterum hæc legatio verbis adhuc lenior est , re asperior. Tunc enim Hannibal & insimulabatur , & deposcebatur . nunc ab nobis & confessio culpæ exprimitur : & , ut a confessis , res extemplo repetuntur. Ego autem non , privato publicone consilio Saguntum oppugnatum sit , querendum censem : sed utrum jure , an injuria. Nostra enim hæc quæstio atque animadversio in civem nostrum est , nostro , an suo secerit arbitrio. Vobiscum una disceptatio est , licueritne per fœdus fieri. Itaque quoniam*

discerni placet, quid publico consilio, quid sua sponte imperatores faciant; nobis vobiscum fœdus est a Lutatio consule iustum: in quo cum caveretur utrorumque sociis, nihil de Saguntinis (nec dum erim erant socii vestri) cautum est. At enim eo fœdere, quod cum Hasdrubale iustum est, Saguntini excipiuntur. adversus quod nihil ego dicturus sum, nisi quod a vobis didici. Vos enim, quod C. Lutatius consul primo nobiscum fœdus icit, quia neque auctoritate Patrum, nec populi jussu iustum erat, negastis vos eo teneri. itaque aliud de integro fœdus publico consilio iustum est. Si vos non tenent vestra fœdera, nisi ex auctoritate aut jussu vestro icta; ne nos quidem Hasdrubalis fœdus, quod nobis insciis icit, obligare potuit. Proinde omitte Sagunti atque Iberi mentionem facere, &, quod diu parturit animus vester, aliquando pariat. Tum Romanus, sinu ex toga facto, Hic, inquit, vobis bellum & pacem portamus: utrum placet, sumite. Sub hanc vocem haud minus ferociter, daret, utrum vellet, succlamatum est. & cum is iterum sinu effuso bellum dare dixisset, accipere se omnes responderunt, &, quibus acciperent animis, iisdem se gesturos.

XIX. Hæc directa percontatio ac denuntiatio belli magis ex dignitate populi Romani visa est, quam de foederum jure verbis disceptare, cum ante, tum maxime Sagunto excisa. nam, si verborum disceptationis res esset, quid foedus Hasdrubalis cum Lutatii priore fœdere, quod mutatum est, comparandum erat? cum in Lutatii foedere differte additum esset, ita id ratum fore, si populus censuisset; in Hasdrubalis fœdere nec exceptum tale

quidquam fuerit, & tot annorum silentio ita vivo eo comprobatum sit foedus, ut ne mortuo quidem auctore quidquam mutaretur. Quanquam, etsi priore foedere staretur, satis caitum erat Saguntinis, sociis utrorumque exceptis: nam neque additum erat, *iis, qui tunc essent;* nec, *ne qui postea assumerentur.* & cum assumere novos liceret socios, quis æquum censeret, aut ob nulla quenquam merita in amicitiam recipi? aut receptos in fidem non defendi? tantum, ne Carthaginensium socii aut sollicitarentur ad defectionem, aut sua sponte deficentes reciperentur. Legati Romani ab Cartagine, sicut his Romæ imperatum erat, in Hispaniam, ut adirent civitates, ut in societatem perlicerent, aut averterent a Pœnis, trajecerunt. Ad Bargusios primum venerunt: a quibus benigne excepti, quia tædebat imperii Punici, multos trans Iberum populos ad cupidinem novæ fortunæ erexerunt. Ad Volcianos inde est ventum: quorum celebre per Hispaniam responsum ceteros populos ab societate Romana avertit. ita enim maximus natu ex *iis* in concilio respondit: *Quæ verecundia est, Romani, postulare vos, uti vestram Carthaginensem amicitiæ præponamus, cum, qui id fecerunt, Saguntinos crudelius, quam Pœnus hostis perdidit, vos socii prodideritis?* ibi queratis socios, censeo, ubi Saguntina clades ignota est. Hispanis populis, sicut lugubre, ita insigne documentum Sagunti ruinæ erunt, ne quis fidei Romanæ aut societati confidat. Inde exemplo abire finibus Volcianorum jussi, ab nullo deinde concilio Hispanæ benigniora verba

tulere. itaque nequidquam peragrata Hispania, in Galliam transeunt.

XX. In his nova terribilisque species visa est, quod armati (ita mos gentis erat) in concilium venerunt. cum, verbis extollentes gloriam virtutemque populi Romani ac magnitudinem imperii, petissent, ne Pœno, bellum Italiæ inferenti, per agros urbesque suas transitum darent; tantus cum fremitu risus dicitur ortus, ut vix a magistratibus majoribusque natu juventus sedaretur. Adeo stolida impudensque postulatio visa est, censere, ne in Italiam transmittant Galli bellum, ipsos id avertere in se, agrosque suos pro alienis populandos objicere. Sedato tandem fremitu, responsum legatis est, *Neque Romanorum in se meritum esse, neque Carthaginensium injuriam, ob quæ aut pro Romanis, aut adversus Pœnos sumant arma. Contra ea audiare sese, gentis suæ homines agris finibusque Italiæ pelli a populo Romano, stipendiumque pendere, & cetera indigna pati.* Eadem ferme in ceteris Galliæ conciliis dicta auditaque: nec hospitale quidquam pacatumve satis prius auditum, quam Massiliam venere. Ibi omnia, ab sociis inquisita cum cura ac fide, cognita, præoccupatos jam ante ab Hannibale Gallorum animos esse. sed ne illi quidem ipsi satis mittem gentem fore, (adeo ferocia atque indomita ingenia esse) ni subinde auro, cuius avidissima gens est, principum animi concilientur. Ita peragratis Hispaniæ & Galliæ populis, legati Romam redeunt, haud ita multo post, quam consules in provincias profecti erant. civitatem omnem in exspectationem

belli erētam invenerunt, satis constante fama, jam Iberum Pœnos transmisisse.

XXI. Hannibal, Sagunto capto, Carthaginem novam in hiberna concesserat. ibique, auditis, quæ Romæ, quæque Carthagine acta decretaque forent, seque non ducem solum, sed etiam causam esse belli, partitis divenditisque reliquiis prædæ, nihil ultra differendum ratus, Hispani generis milites convocat: *Credo ego vos, inquit, socii, & ipsos cernere, pacatis omnibus Hispaniæ populis, aut finiendam nobis militiam, exercitusque dimittendos esse: aut in alias terras transferendum bellum: ita enim hæ gentes non pacis solum, sed etiam victoriæ, bonis florebunt, si ex aliis gentibus prædam & gloriam queremus.* Itaque, cum longinqua ab domo infestet militia, incertumque sit, quando domos vestras, & quæ cuique ibi cara sunt, visuri sitis, si quis vestrum suos invisere vult, commeatum do. Primo vere, edico, assitis, ut, *Diis bene juvantibus, bellum ingentis gloriæ præde-que futurum incipiamus.* Omnibus fere visendi domos oblata ultro potestas grata erat, & jam desiderantibus suos, & longius in futurum providentibus desiderium. Per totum tempus hiemis quies inter labores aut jam exhaustos, aut mox exhauiendos, renovavit corpora animosque ad omnia de integro patienda. Vere primo ad edictum convenere. Hannibal, cum recensuisset omnium auxilia gentium, Gades profectus Herculi vota exsolvit: novisque se obligat votis, si cetera prospera evenissent. Inde partiens curas simul in inferendum atque arcendum bellum, ne, dum ipse ter-

restri per Hispaniam Galliasque itinere Italiam peteret, nuda apertaque Romanis Africa ab Sicilia esset, valido præsidio firmare eam statuit. Pro eo supplementum ipse ex Africa, maxime jaculatorum, levium armis, petiit; ut Afri in Hispania, in Africa Hispani, melior procul ab domo futurus uterque miles, velut mutuis pignoribus obligati, stipendia ficerent. Tredecim millia octingentos quinquaginta pedites cetratos misit in Africam, & funditores Baliares octingentos septuaginta: equites mixtos ex multis gentibus mille ducentos. Has copias partim Carthagini præsidio esse, partim distribui per Africam jubet. simul conqueritoribus in civitates missis, quatuor millia conscripta delectæ juventutis, præfidium eosdem & obsides, duci Carthaginem jubet.

XXII. Neque Hispaniam negligendam ratus, (atque ideo haud minus, quod haud ignarus erat, circumitam ab Romanis eam legatis ad sollicitandos principum animos) Hasdrubali fratri, viro impigro, eam provinciam destinat, firmatque eum Africis maxime præfidiis, peditum Afrorum undecim millibus octingentis quinquaginta, Liguribus trecentis, Balaribus quingentis. ad hæc peditum auxilia additi equites Libyphœnices (mixtum Punicum Afris genus) trecenti, & Numidæ Maurique accolæ Oceani ad mille octingentos, & parva Ilergetum manus ex Hispania, ducenti equites: &, ne quid terrestris deesset auxilii genus, elephanti quotuordecim. classis præterea data ad tuendam maritimam oram, (quia, qua parte belli vicerant,

ea tum quoque rem gesturos Romanos, credi pos-
terat) quinquaginta quinqueremes, quadriremes
duæ, triremes quinque: sed aptæ instructæque re-
migio triginta & duæ quinqueremes erant, & tri-
remes quinque. Ab Gadibus Carthaginem ad hi-
berna exercitus rediit: atque inde, profectus præ-
ter Etovißam urbem, ad Iberum maritimamque
oram dicit. Ibi, fama est, in quiete visum ab eo
juvenem divina specie, qui se ab Jove diceret ducem
*in Italiam Hannibali missum: proinde sequeretur, ne-
que usquam a se deflecteret oculos.* Pavidum primo,
nusquam circumspicientem aut respicientem, se-
cutum: deinde, cura humani ingenii, cum, quid-
nam id esset, quod respicere vetitus esset, agitaret
animo, temperare oculis nequivisse: tum vidiisse,
post sese serpentem mira magnitudine cum ingenti
arborum ac virgultorum strage ferri, ac post in-
sequi cum fragore cœli nimbum: tum, quæ moles
ea, quidve prodigii esset, quærentem audisse: Va-
stitatem Italæ esse. pergeret porro ire, nec ultra in-
quireret, fineretque fata in occulto esse. +

XXIII. Hoc visu lætus tripartito Iberum copias
trajecit, præmissis, qui Gallorum animos, qua tra-
ducendus exercitus erat, donis conciliarent, Al-
piumque transitus specularentur. nonaginta millia
peditum, duodecim millia equitum Iberum traduxit.
Ilergetes inde, Bargusiosque, & Ausetanos, & La-
cetaniam, quæ subiecta Pyrenæis montibus est,
subegit: oræque huic omni præfecit Hannonem,
ut fauces, quæ Hispanias Gallis jungunt, in pote-
state essent. Decem millia peditum Hannoni ad præ-

fidium obtinendæ regionis data , & mille equites, Postquam per Pyrenæum saltum traduci exercitus est cœptus , rumorque per barbaros manavit certior de bello Romano ; tria millia inde Carpetanorum peditum iter averterunt. constabat , non tam bello motos , quam longinquitate viæ insuperabilique Alpium transitu. Hannibal , quia revocare aut vi retinere eos anceps erat , ne ceterorum etiam feroceſ animi irritarentur , supra septem millia hominum domos remisit , quos & ipſe gravari militia fenserat , Carpetanos quoque ab ſe dimiſſos simulans.

XXIV. Inde , ne mora atque otium animos follicitarent , cum reliquis copiis Pyrenæum transgreditur , & ad oppidum Illiberi caſtra locat. Galli quanquam Italiæ bellum inferri audiebant , tamen , quia vi ſubactos trans Pyrenæum Hispanos fama erat , præſidiaque valida imposta , metu ſervitutis ad arma conſternati , Ruscinonem aliquot populi conveniunt. quod ubi Hannibali nuntiatum eſt , moram magis , quam bellum , metuens , oratores ad regulos eorum misit , colloqui ſemet ipsum velle cum hiſ ; & vel illi propius Illiberi accederent , vel ſe Ruscinonem proceſſurum , ut ex propinquo congreſsus facilior eſſet : nam & accepturum eos in caſtra ſua ſe luctum , nec cunctanter ſe ipsum ad eos venturum. Hospitem enim ſe Galliæ , non hoflem , adveniſſe : nec ſtricturum ante gladium , ſi per Gallos liceat , quam in Italianam veniſſet. Et per nuntios quidem hæc. Ut vero reguli Gallorum , caſtris ad Illiberim extem- plō motis , haud gravate ad Poenum veneſunt ;

capti donis, cum bona pace exercitum per fines suos præter Ruscinonem oppidum transmiserunt.

XXV. In Italiam interim nihil ultra, quam Iberum transisse Hannibalem, a Massiliensium legatis Romam perlatum erat: cum perinde, ac si Alpes jam transisset, Boji, sollicitatis Insubribus, defecerunt; nec tam ob veteres in populum Romanum iras, quam quod nuper circa Padum, Placentiam Cremonamque colonias in agrum Gallicum deductas ægre patiebantur. Itaque, armis repente arreptis, in eum ipsum agrum impetu facto, tantum terroris ac tumultus fecerunt, ut non agrestis modo multitudo, sed ipsi triumviri Romani, qui ad agrum venerant assignandum, diffisi Placentiæ mœnibus, Mutinam confugerint, C. Lutatius, C. Servilius, T. Annius. Lutatii nomen haud dubium est. pro C. Servilio & T. Annio, Q. Acilium & C. Herennium habent quidam annales: alii P. Cornelium Asinam & C. Papirium Masonem. Id quoque dubium est, legati, ad expostulandum missi ad Bojos, violati sint, an in triumviros agrum metantes impetus sit factus. Mutinæ cum obsiderentur, & gens, ad oppugnandarum urbium artes ruditis, pigerrima eadem ad militaria opera, segnis intactis assideret muris, simulari cœptum de pace agi. evocatique ab Gallorum principibus legati ad colloquium, non contra jus modo gentium, sed violata etiam, quæ data in id tempus erat, fide, comprehenduntur; negantibus Gallis, nisi obsides sibi redderentur, eos dimissuros. Cum hæc de legatis nuntiata essent, & Mutina præsidiumque in peri-

culo esset, L. Manlius prætor, ira accensus, effusum agmen ad Mutinam ducit. Silvæ tunc circa viam erant, plerisque incultis. ibi, inexplorato prosector, in insidas præcipitatus, multaque cum cæde suorum ægre in apertos campos emersit. ibi castra communica; &, quia Gallis ad tentanda ea defuit spes, refecti sunt militum animi, quanquam accisas res fatis constabat. Iter deinde de integro cœptum, nec, dum per patentia loca ducebatur agmen, apparuit hostis: ubi rursus silvæ intratae, tum postremos adorti, cum magna trepidatione ac pavore omnium, octingentos milites occiderunt, sex signa ademere. Finis & Gallis territandi, & pavendi Romanis fuit, ut e saltu invio atque impedito evasere. inde, apertis locis facile tutantes agmen, Romani Tanetum, vicum propinquum Pado, contendere: ibi se munimento ad tempus commeatibusque fluminis & Brixianorum Gallorum auxilio, adversus crescentem in dies multitudinem hostium, tutabantur.

XXVI. Qui tumultus repens postquam est Romanum perlatus, & Punicum insuper Gallico bello auctum Patres acceperunt; C. Atilium prætorem cum una legione Romana & quinque millibus sociorum, delectu novo a consule conscriptis, auxilium ferre Manlio jubent: qui sine ullo certamine (abscesserant enim metu hostes) Tanetum pervenit. Et P. Cornelius, in locum ejus, quæ missa cum prætore fuerat, transcripta legione nova, profectus ab urbe sexaginta longis navibus, præter oram Etruriæ Ligurumque, & inde Salyum montes, per-

venit Massiliam , & ad proximum ostium Rhodani (pluribus enim divisus amnis in mare decurrit) castra locat : vixdum satis credens , Hannibalem superasse Pyrenæos montes . quem ut de Rhodani quoque transitū agitare animadvertit ; incertus , quoniam ei loco occurreret , nequid satis refectis ab iactatione maritima militibus , trecentos interim delectos equites , ducibus Massiliensibus & auxiliaribus Gallis , ad exploranda omnia visendos que ex tuto hostes præmittit . Hannibal , ceteris metu aut pretio pacatis , jam in Volcarum pervernerat agrum , gentis validæ . Colunt autem circa utramque ripam Rhodani : sed , diffisi citeriore agro arceri Pœnum posse , ut flumen pro munimento haberent , omnibus ferme suis trans Rhodanum trajectis , ulteriore ripam amnis armis obtinebant . Ceteros accolas fluminis Hannibal , & eorum ipsorum quos sedes tenuerant , simul perlicit donis ad naves undique contrahendas fabricandasque : simul & ipsi trajici exercitum , levarique quamprimum regionem suam tanta urgente hominum turba cu- piebant . Itaque ingens coacta vis navium est linternumque temere ad vicinalem usum paratarum : novasque alias primum Galli inchoantes cavabant ex singulis arboribus : deinde & ipsi milites , simul copia materiæ , simul facilitate operis inducti , alveos informes , (nihil , duuminodo innare aquæ & capere onera possent , curantes) quibus se suaque transveharent , raptim faciebant .

XXVII. Jamque omnibus satis comparatis ad traciendum , terrebant ex adverso hostes , omnem

ripam equites virique obtinentes: quos ut avertet, Hannonem, Bomilcaris filium, vigilia prima noctis cum parte copiarum, maxime Hispanis, adverso flumine ire iter unius diei jubet; &, ubi primum possit, quam occultissime trajecto amni, circumducere agmen, ut, cum opus factio sit, adorriatur ab tergo hostem. Ad id dati duces Galli edocent, inde millia quinque & viginti ferme supra, parvae insulæ circumfusum amnem, latiorem, ubi dividebatur, eoque minus alto alveo, transitum ostendere. ibi raptim cæsa materia, ratesque fabricatae, in quibus equi virique & alia onera trajicerentur. Hispani sine ulla mole, in utres vestimentis conjectis, ipsi cetris suppositis incubantes, flumen tranavere. Et alias exercitus, ratibus junctis trajectus, castris prope flumen positis, nocturno itinere atque operis labore fessus, quiete unius diei reficitur, intento duce ad consilium opportune exsequendum. Postero die, profecti ex loco, prodito sumo significant, se transisse, & haud procul abesse. quod ubi accepit Hannibal, ne temporis deefisi, dat signum ad trajiciendum. Jam paratas aptatasque habebat pedes lntres. equites fere propter equos nantes navium agmen, ad excipiendum adversi impetum fluminis parte superiore transmitentes, tranquillitatem infra trajicientibus lintribus praebebat. Equorum pars magna nantes loris a pupibus trahebantur, praeter eos, quos instructos frenatosque, ut extemplo egresso in ripam equiti usui essent, imposuerant in naves.

XXVIII. Galli occurrant in ripam cum variis

ululatibus cantuque moris sui, quatientes scuta super capita, vibrantesque dextris tela: quanquam & ex adverso terrebat tanta vis navium cum ingenti sono fluminis & clamore vario nautarum & militum, qui nitebantur perrumpere impetum fluminis, & qui ex altera ripa trajicientes suos horabantur. Jam fatis paventes adverso tumultu terribilior ab tergo adortus clamor, castris ab Hannone captis. mox & ipse aderat, ancepsque terror circumstabat, & e navibus tanta vi armatorum in terram evadente, & ab tergo improvisa premente acie. Galli, postquam, ultiro vim facere conati, pellebantur, qua patere visum maxime iter, per rumpunt, trepidique in vicos passim suos diffungiunt. Hannibal, ceteris copiis per otium trajectis, spernens jam Gallicos tumultus, castra locat. Elephantorum trajiciendorum varia consilia fuisse credo: certe variata memoria actae rei. quidam, congregatis ad ripam elephantis, tradunt, ferocissimum ex iis irritatum ab rectore suo, cum refugientem in aquam nantem sequeretur, traxisse gregem, ut quemque timentem altitudinem destituerat vadum, impetu ipso fluminis in alteram ripam rapiente. Ceterum magis constat, ratibus trajectos: id ut tutius consilium ante rem foret, ita, acta re, ad fidem pronius est. Ratem unam, ducentos longam pedes, quinquaginta latam, a terra in amnem porrexerunt: quam, ne secunda aqua deferretur, pluribus validis retinaculis parte superiore ripae ligatam, pontis in modum humo injecta constraverunt; ut belluæ audacter velut per solum ingre-

derentur. altera ratis, æque lata, longa pedes centum, ad trajiciendum flumen apta, huic copulata est: & cum elephanti, per stabilem ratem, tanquam viam, prægredientibus feminis, acti, in minorem applicatam transgressi sunt; extemplo resolutis, quibus leviter annexa erat, vinculis, ab actuariis aliquot navibus ad alteram ripam pertrahitur: ita primis expositis, alii deinde repetiti ac trajecti sunt. Nihil sane trepidabant, donec continenti velut ponte agerentur. primus erat pavor, cum, soluta ab ceteris rate, in altum raperentur. ibi, urgentes inter se, cedentibus extremis ab aqua, trepidationis aliquantum edebant; donec quietem ipse timor circumspectantibus aquam secisset. excidere etiam sœvientes quidam in flumen: sed, pondere ipso stabiles, dejectis rectoribus, quærendis pedentim vadis, in terram evasere. ✕

XXIX. Dum elephanti trajiciuntur, interim Hannibal Numidas equites quingentos ad castra Romana miserat speculatum, ubi, & quantæ copiæ essent, & quid pararent. Huic alæ equitum missi, ut ante dictum est, ab ostio Rhodani trecenti Romanorum equites occurrunt. proelium atrocius, quam pro numero pugnantium, editur. Nam præter multa vulnera, cædes etiam prope par utrinque fuit: fugaque & pavor Numidarum Romanis, jam admodum fessis, victoram dedit. victores ad centum sexaginta, nec omnes Romani, sed pars Gallorum: vieti amplius ducenti ceciderunt. Hoc principium simul omenque belli, ut summæ rerum prosperum eventum, ita haud sane incruentam an-

cipitisque certaminis victoriam, Romanis portentum. Ut, re ita gesta, ad utrumque ducem sui redierunt, nec Scipioni stare sententia poterat, nisi ut ex consiliis cœptisque hostis & ipse conatus caperet: & Hannibalem incertum, utrum cœptum in Italiam intenderet iter, an cum eo, qui primus se obtulisset Romanus exercitus, manus confereret, avertit a præsenti certamine Bojorum legatorum regulique Magali adventus: qui se duces itinerum, socios periculi fore, affirmantes, integro bello, nusquam ante libatis viribus, Italiam aggrediendam censerunt. Multitudo timebat quidem hostem, nondum obliterata memoria superioris belli: sed magis iter immensum Alpesque, rem fama utique inexpertis horrendam, metuebat.

XXX. Itaque Hannibal, postquam ipsi sententia stetit pergere ire, atque Italiam petere, advetica concione, varie militum versat animos castigando adhortandoque: *Mirari se, quinam peclora semper impavida repens terror invaserit. per tot annos vincentes eos stipendia facere; neque ante Hispania excessisse, quam omnes gentesque & terræ eæ, quas duo diversa maria amplectantur, Carthaginiensium essent. Indignatos deinde, quod, quicunque Saguntum obsedit, velut ob noxam, sibi dedi postularet populus Romanus, Iberum trajecisse ad detendum nomen Romanorum, liberandumque orbem terrarum. Tum nemini visum id longum, cum ab occasu solis ad exortus intenderent iter. Nunc, postquam multo maiorem partem itineris emensam cernant, Pyrenæum saltum inter ferocissimas gentes superatum, Rhodanum, tantum am-*

nem, tot millibus Gallorum prohibentibus, domitā etiam ipsius fluminis vi, trajectum, in conspectu Alpes habeant, quarum alterum latus Italæ sit; in ipsis portis hostium fatigatos subsistere, quid Alpes aliud esse credentes, quam montium altitudines? Fingerent altiores Pyrenæi iungis. nullas profecto terras cælum contingere, nec inexsuperabiles humano generi esse. Alpes quidem habitari, colli, gignere atque alere animantes. pervias paucis esse, exercitibus invias? eos ipsos, quos cernant, legatos non penitus sublime elatos Alpes transgressos. ne majores quidem eorum indigenas; sed advenas Italæ cultores, has ipsas Alpes ingentibus saepe agminibus cum liberis ac conjugibus, migrantium modo, tuto transmisisse. Miliiti quidem armato, nihil secum præter instrumenta belli portanti, quid invium aut inexsuperabile esse? Saguntum ut caperetur, quid per octo menses periculi, quid laboris exhaustum esse? Romam, orbis terrarum caput, potentibus, quidquam adeo asperum atque arduum videri, quod inceptum moretur? Cepisse quondam Gallos ea, quæ adiri posse Pœnus desperet. proinde aut cederent animo atque virtute genti, per eos dies toties ab se viæ: aut itineris finem sperent campum interiacentem Tiberi ac mœnibus Romanis. +

XXXI. His adhortationibus incitatos corpora curare, atque ad iter se parare jabet. Postero die, profectus adversa ripa Rhodani, mediterranea Gallæ petit: non quia rectior ad Alpes via esset, sed, quantum a mari recessisset, minus obvium fore Romanum credens: cum quo, priusquam in Italianam ventum foret, non erat in animo manus consereres. Quartis castris ad Insulam peryenit: ibi Arar Rho-

datusque amnes , diversis ex Alpibus decurrentes , agri aliquantum amplexi , confluunt in unum . Mediis campis Insulæ nomen inditum . Incolunt prope Allobroges , gens jam inde nulla Gallica gente opibus aut fama inferior : tum discors erat . Regni certamine ambigebant fratres . major , & qui prius imperitarat , Brancus nomine , minore ab fratre & cœtu juniorum , qui jure minus , vi plus poterant , pellebatur . Hujus seditionis peropportuna disceptatio cum ad Hannibalem rejecta esset , arbiter regni factus , quod ea senatus principumque sententia fuerat , imperium majori restituit . ob id meritum commeatu copiaque rerum omnium , maxime vestis , est adjutus , quam infames frigoribus Alpes præparari cogebant . Sedatis certaminibus Allobrogum , cum jam Alpes peteret , non recta regione iter instituit ; sed ad lævam in Tricastinos flexit ; inde per extremam oram Vocontiorum agri tetendit in Tricorios : haud usquam impedita via , priusquam ad Druentiam flumen pervenit . Is & ipse Alpinus amnis longe omnium Galliæ fluminum difficillimus transitu est . nam , cum aquæ vim vehat ingentem , non tam navium patiens est : quia nullis coercitus ripis , pluribus simul , neque iisdem alveis fluens , nova semper yada novosque gurgites faciens , (& ob eadem pediti quoque incerta via est) ad hæc saxa glareosa volvens , nihil stabile nec tutum ingredienti præbet ; & tum , forte imbris auctus , ingentem transgradientibus tumultum fecit , cum super cetera trepidatione ipsi sua atque incertis clamoribus turbarentur .

XXXII. P. Cornelius consul, triduo fere post, quam Hannibal ab ripa Rhodani movit, quadrato agmine ad castra hostium venerat, nullam dimicandi moram facturus. ceterum, ubi deserta munimenta, nec facile se tantum prægressos affecuturum videt; ad mare ac naves rediit, tutius faciliusque ita descendant ab Alpibus Hannibali occursurus. Ne tamen nuda auxiliis Romanis Hispania esset, quam provinciam fortitus erat, Cn. Scipionem fraterem cum maxima parte copiarum adversus Hasdrubalem misit; non ad tuendos tantummodo veteres socios conciliandoisque novos, sed etiam ad pellendum Hispania Hasdrubalem. ipse cum admodum exiguis copiis Genuam repetit, eo, qui circa Padum erat, exercitu Italiam defensurus. Hannibal ab Druentia campestri maxime itinere cum bona pace ad Alpes incolentium ea loca Gallorum pervenit. Tum, quanquam fama prius (qua incerta in majus vero ferri solent) præcepta res erat, tamen ex propinquo visa montium altitudo, nivesque cœlo prope immixtæ, tecta informia imposita rupibus, pecora jumentaque torrida frigore, homines intonsi & inculti, animalia inanimaque omnia rigidia gelu, cetera visu, quam dictu, fœdiora, terrorem renovarunt. Erigentibus in primos agmen clivos apparuerunt imminentes tumulos insidentes montani: qui, si valles occultiores infessissent, coorti in pugnam repente, ingentem fugam stragemque dedissent. Hannibal consistere signa jubet; Gallisque ad visenda loca præmissis, postquam comperit, transitum ea non esse, castra inter

confragosa omnia præruptaque , quam extentissima potest valle , locat . Tum per eosdem Gallos , haud sane multum lingua moribusque abhorrentes , cum se immiscissent colloquiis montanorum , edoctus interdiu tantum obsideri saltum , nocte in sua quemque dilabi tecta ; luce prima subiit tumulos , ut ex aperto atque interdiu vim per angustias facturus . Die deinde simulando aliud , quam quod parabantur , consumto , cum eodem , quo consliterant , loco castra communissent , ubi primum degressos tumulis montanos laxatasque sensit custodias , pluribus ignibus , quam pro numero manentium , in speciem factis , impedimentisque cum equite relictis , & maxima parte peditum ; ipse cum expeditis , acerrimo quoque viro , raptim angustias evadit : iisque ipsis tumulis , quos hostes tenuerant , confedit .

XXXIII. Prima deinde luce castra mota , & agmen reliquum incedere cœpit . Jam montani signo dato ex castellis ad stationem solitam conveniebant ; cum repente conspiciunt alios , arce occupata sua , super caput imminentes , alios via transire hostes . Utraque simul objecta res oculis animisque immobiles parumper eos defixit . deinde ut trepidationem in angustiis , suoque ipsum tumultum misceri agmen videre , equis maxime consternatis , quidquid adjecissent ipsi terroris , satis ad perniciem fore rati , pervercis rupibus juxta invia ac devia asfueti discurrunt . Tum vero simul ab hostibus , simul ab iniuitate locorum Pœni oppugnabantur ; plusque inter ipsos , (sibi quoque tendente , ut pe-

riculo prius evaderet) quam cum hostibus, certaminis erat. Equi maxime infestum agmen faciebant, qui & clamoribus dissonis, quos nemora etiam repercutiæque valles augebant, territi trepidabant, & id forte aut vulnerati adeo consternabantur, ut stragem ingentem simul hominum ac sarcinarum omnis generis facerent: multosque turba, cum præcipites deruptæque utrinque angustiæ essent, in immensum altitudinis dejecit; quosdam & armatos. sed ruinæ maximæ modo jumenta cum oneribus devolvebantur. Quæ quanquam fœda visu erant, stetit parumper tamen Hannibal, ac suos continuit, ne tumultum ac trepidationem augeret. deinde postquam interrumpi agmen vidi, periculumque esse, ne exutum impedimentis exercitum nequidquam incolumem traduxisset, decurrit ex superiore loco; &, cum impetu ipso fudisset hostem, suis quoque tumultum auxit. sed is tumultus momento temporis, postquam liberata itinera fuga montanorum erant, sedatur: nec per otium modo, sed prope silentio, mox omnes traducti. Castellum inde, quod caput ejus regionis erat, viculosque circumjectos capit, & captivorum pecoribus per triduum exercitum aluit. & quia nec montanis primo percussis, nec loco magnopere impediebantur, aliquantum eo triduo viæ confecit.

XXXIV. Perventum inde ad frequentem cultoribus aliun, ut inter montana, populum. ibi non bello aperto, sed suis artibus, fraude, deinde insidiis est prope circumventus. Magno natu principes castellarum oratores ad Poenum veniunt: alic-

nis malis , utili exemplo , doctos , memorantes , amicitiam malle , quam vim experiri Pœnorum. itaque obedienter imperata facturos : commeatum itinerisque duces , & ad fidem promissorum obsides acciperet. Hannibal nec temere credendo , nec aspernando , ne repudiati aperte hostes fierent , benigne cum respondisset ; obsidibus , quos dabant , acceptis , & commeatu , quem in viam ipsi detulerant , usus , nequam ut inter pacatos , composito agmine duces eorum sequitur. Primum agmen elephanti & equites erant : ipse post cum robore peditum , circumspectans sollicitusque omnia , incedebat. Ubi in angustiorem viam ex parte altera subjectam jugo insuper imminentि ventum est , undique ex insidiis barbari a fronte , ab tergo coorti , cominus eminus petunt : faxa ingentia in agmen devolvunt : maxima ab tergo vis hominum urgebat. in eos versa peditum acies haud dubium fecit , quin , nisi firmata extrema agminis fuissent , ingens in eo saltu accipienda clades fuerit. Tunc quoque ad extremum periculi ac prope perniciem ventum est : nam , dum cunctatur Hannibal demittere agmen in angustias ; quia non , ut ipse equitibus præsidio erat , ita peditibus quidquam ab tergo auxili relierat ; occursantes per obliqua montani , perrupto medio agmine , viam insedere : noxque una Hannibali sine equitibus atque impedimentis acta est.

XXXV. Postero die , jam segnius intercursantibus barbaris , junctæ copiæ , saltusque haud sine clade (majore tamen jumentorum , quam homi-

num, pernicie) superatus. inde montani pauciores jam, & latrociniī magis quam belli more, concursabant: modo in primum, modo in novissimum agmen, utcunque aut locus opportunitatem daret, aut progressiī morative aliquam occasionem fecissent. Elephanti, sicut p̄t̄cipites per arctas vias magna mora agebantur, ita tutum ab hostibus, quacunque incederent, (quia insuetis adeundi proprius metus erat) agmen p̄r̄ebabant. Nono die in jugum Alpium perventum est, per invia pleraque & errores, quos aut ducentium fraus, aut, ubi fides iis non esset, temere initæ valles a conjectantibus iter, faciebant. Biduum in jugo stativa habita: fessisque labore ac pugnando quies data militibus: jumentaque aliquot, quæ prolapsa in rupibus erant, sequendo vestigia agminis in castra pervenere. Fessis tædio tot malorum nivis etiam casus, occidente jam fidere Vergiliarum, ingentem terrorem adjectit. Per omnia nive oppleta cum, signis prima luce motis, segniter agmen incederet, pigritiaque & desperatio in omnium vultu emineret; p̄agressus signa Hannibal in promontorio quodam, unde longe ac late prospectus erat, consistere jussis militibus Italiam ostentat, subjectosque Alpinis montibus Circumpadanos campos: mœniaque eos tum transcendere non Italiæ modo, sed etiam urbis Romanæ. cetera plana, proclivia fore: uno, aut summum altero p̄ælio arcem & caput Italiæ in manu ac potestate habituros. Procedere inde agmen cœpit; jam nihil ne hostibus quidem, p̄æter parva surta per occasionem, tentantibus. Ceterum iter multo, quam in

ascensu fuerat, (ut pleraque Alpium ab Italia sicut breviora, ita arrectiora sunt) difficilius fuit. omnis enim ferme via præceps, angusta, lubrica erat: ut neque sustinere se a lapsu possent; nec, qui paululum titubassent, hærere afflicti vestigio suo; aliique super alios, & jumenta & homines, occiderent.

XXXVI. Ventum deinde ad multo angustiorem rupem, atque ita rectis saxis, ut ægre expeditus miles tentabundus, manibusque retinens virgulta ac stirpes circa eminentes, demittere sese posset. Natura locus jam ante præceps, recenti lapsu terræ, in pedum mille admodum altitudinem abruptus erat. Ibi cum, velut ad finem viæ, equites constitissent, miranti Hannibali, quæ res moraretur agmen, nuntiatur, rupem inviam esse. digressus deinde ipse ad locum visendum. haud dubia res visa, quin per invia circa nec trita antea, quamvis longo ambitu, circumduceret agmen. Ea vero via insuperabilis fuit. nam cum super veterem nivem intactam nova modicæ altitudinis esset, molli nec præaltæ nivi facile pedes ingredientium insistebant. ut vero tot hominum jumentorumque incessu dilapsa est, per nudam infra glaciem fluentemque tabem liquefcentis nivis ingrediebantur. Tetra ibi luctatio erat, ut a lubrica glacie, non recipiente vestigiuni, & in prono citius pede se fallente, &, seu manibus in assurgendo, seu genu se adjuvissent, ipsis adminiculis prolapsis, iterum corruissent, nec stirpes circa radicesve, ad quas pede aut manu quisquam eniti posset, erant; ita in levi tantum glacie

tabidaque nive volutabantur. jumenta secabant; interdum etiam, tum infimam ingredientia nivem, & prolapsa jaestandis gravius in continendo ungulis, penitus perfringebant: ut pleraque, velut pedica capta, hærerent in durata & alte concreta glacie. *

XXXVII. Tandem, nequidquam jumentis atque hominibus fatigatis, castra in jugo posita, ægerime ad id ipsum loco purgato. tantum nivis fodendum atque egerendum fuit. Inde ad rupem munendi, per quam unam via esse poterat, milites ducti, cum cædendum esset saxum, arboribus circa immanibus dejectis detruncatisque, struem ingentem lignorum faciunt: eamque (cum & vis venti apta faciendo igni coorta esset) succendunt, ardentinaque faxa infuso aceto putrefaciunt. Ita torridam incendio rupem ferro pandunt, molliuntque anfractibus modicis clivos, ut non jumenta solum, sed elephanti etiam, deduci possent. Quatriduum circa rupem consumtum, jumentis prope fame absuntis: nuda enim fere cacumina sunt, &, si quid est pabuli, obruunt nives. Inferiora valles & apertos quosdam colles habent, rivosque prope silvas, & jam humano cultu digniora loca. Ibi jumenta in pabulum missa, & quies muniendo sessis hominibus data triduo. inde ad planum descensum, etiam locis mollieribus & accolarum ingeniis.

XXXVIII. Hoc maxime modo in Italiam perventum est, quinto mense a Carthagine nova, (ut quidam auctores sunt) quinto decimo die Alpibus superatis. Quantæ copiæ transgresso in Italiam Hanni-

bali fuerint, nequaquam inter auctores constat. qui plurimum, centum millia peditum, viginti equitum fuisse scribunt; qui minimum, viginti millia peditum, sex equitum. L. Cincius Alimentus, qui captum se ab Hannibale scribit, maxime auctor me moveret, nisi confunderet numerum, Gallis Liguribusque additis: cum his octoginta millia peditum, decem equitum, adducta in Italiam: (magis affluxisse verisimile est, & ita quidam auctores sunt) ex ipso autem audisse Hannibale, postquam Rhodanum transfierit, triginta sex millia hominum, ingentemque numerum equorum & aliorum jumentorum amisisse in Taurinis, quæ Gallis proxima gens erat, in Italiam degresso. Id cum inter omnes constet, eo magis miror ambigi, quanam Alpes transfierit: & vulgo credere, Penino, atque inde nomen & jugo Alpium inditum, transgressum. Cœlius per Cremonis jugum dicit transisse: qui ambo saltus eum non in Taurinos, sed per Salassos montanos ad Libuos Gallos deduxissent. Nec verisimile est, ea tum ad Galliam patuisse itinera; utique, quæ ad Peninum ferunt, obsepta gentibus semigermanis fuissent. neque, Hercule, montibus his (si quem forte id movet) ab transitu Pœnorum ullo Veragri, incalæ jugi ejus, norunt nomen inditum; sed ab eo, quem in summo sacratum vertice, Peninum montani appellant.

XXXIX. Peropportune ad principia rerum Taurinis, proximæ genti, adversus Insubres motum bellum erat. sed armare exercitum Hannibal, ut parti alteri auxilio esset, (in reficiendo maxime

sentientem contracta ante mala) non poterat. otium etenim ex labore, copia ex inopia, cultus ex illuvie tabeque, squalida & prope efferata corpora varie movebant. Ea P. Cornelio consuli causa fuit, cum Pisas navibus venisset, exercitu a Manlio Attilioque accepto tirone, & in novis ignominiis trepido, ad Padum festinandi; ut cum hoste nondum refecto manum consereret. sed cum Placentiam consul venit, jam ex stativis moverat Hannibal; Taurinorumque unam urbem, caput gentis ejus, quia volentis in amicitiam non veniebant, vi expugnarat: junxissetque sibi, non metu solum, sed etiam voluntate, Gallos accolas Padi; ni eos, circumspectantes defectionis tempus, subito adventus consulis oppressisset. Et Hannibal movit ex Taurinis, incertos, quæ pars sequenda esset, Gallos præsentem se secuturos ratus. Jam prope in conspectu erant exercitus, convenerantque duces, sicuti inter se nondum satis noti, ita jam imbutus uterque quadam admiratione alterius. Nam Hannibalis & apud Romanos, jam ante Sagunti excidium, celeberrimum nomen erat: & Scipione in Hannibalem eo ipso, quod adversus se dux potissimum lectus esset, præstantem virum credebat. & auxerant inter se opinionem, Scipio, quod, relictus in Gallia, obvius fuerat in Italiam transgressus Hannibali; Hannibal, & conatu tam audaci trajicendarum Alpium, & effectu. Occupavit tamen Scipio Padum trajicere, &, ad Ticinum amnem motis castris, prius, quam educeret in aciem, adhortandorum militum causa, talem orationem exorsus est:

XL. Si eum exercitum, milites, educerem in aciem, quem in Gallia mecum habui, supersedisse loqui apud vos. quid enim adhortari referret. aut eos equites, qui equitatum hostium ad Rhodanum flumen egregie vicissent, aut eas legiones, cum quibus fugientem hunc ipsum hostem secutus, confessionem cedentis ac detrectantis certamen pro victoria habui? Nunc, quia ille exercitus, Hispaniae provinciae scriptus, ibi cum fratre Cn. Scipione meis auspiciis rem gerit, ubi eum gerere senatus populusque Romanus voluit; ego, ut consulem ducem adversus Hannibalem ac Poenos haberetis, ipse me huic voluntario certamini obtuli: novo imperatori apud novos milites pauca verba facienda sunt. Ne genus belli, neve hostem ignoretis; cum iis est vobis, milites, pugnandum, quos terra marique priore bello vicistis: a quibus stipendium per viginti annos exegistis: a quibus capta belli praemia, Siciliam ac Sardiniam, habetis. Erit igitur in hoc certamine is vobis illisque animus, qui victoribus & victis esse solet. Nec nunc illi, quia audent, sed quia necesse est, pugnaturi sunt: nisi creditis, qui exercitu incolumi pugnam detrectavere, eos, duabus partibus peditum equitumque in transitu Alpium amissis, (cum plures pene perierint, quam supersunt) plus spei naestos esse. At enim pauci quidem sunt, sed vigentes animis corporibusque, quorum robora ac vires vix sustinere vis ulla possit. Effigies, immo umbræ hominum, fame, frigore, illuvie, squalore enecti, contusi ac debilitati inter saxa rupesque. ad haec, praesasti artus, nive rigentes nervi, membra torrida gelu, quassata fractaque arma, claudi ac debiles equi. Cum hoc equite, cum hoc pedite pugna-

turi estis: reliquias extremas hostium, non hostes, habebitis. Ac nihil magis vereor, quam ne, vos cum pugnaveritis, Alpes viciisse Hannibalem videantur. Sed ita forsitan decuit, cum fœderum ruptore duce ac populo Deos ipsos, sine ulla humana ope, committere ac profligare bellum: nos, qui secundum Deos violatis sumus, commissum ac profligatum conficere.

XLI. Non vereor, ne quis me hoc vestri adhortandi causa magnifice loqui existimat; ipsum aliter animo affectum esse. Licuit in Hispaniam, provinciam meam, quo jam profectus eram, cum exercitu ire meo: ubi & fratrem consilii participem ac periculi socium haberem, & Hasdrubalem potius, quam Hannibalem, hostem, & minorem haud dubie molem belli. tamen, cum præterveherer navibus Galliæ oram, ad famam hujus hostis in terram egressus, præmisso equitatu, ad Rhodanum movi castra. Equestri prælio, qua parte copiarum conserendi manum fortuna data est, hostem fudi: penditum agmen, quod in modum fugientium raptim agebatur, quia assequi terra non poteram, regressus ad naves, quanta maxima celeritate potui, tanto maris terrarumque circuitu, in radicibus Alpium obvius fui. Huic timendo hosti utrum, cum declinarem certamen, improvisus incidiſſe videor, an occurrere in vestigiis ejus? laceſſere ac trahere ad decernendum? Experiri juvat, utrum alios repente Carthaginenses per viginti annos terra ediderit: an iidem sint, qui ad Aegates pugnaverunt insulas, & quos ab Eryce duodecenis denariis æſtimatos emiſſis: & utrum Hannibal hic sit æmulus itinerum Herculis, ut ipſe fert, an veſtigialis ſtipendiariusque & ſervus populi Romani a patre

relicitus: quem nisi Saguntinum scelus agitaret, respi-
ceret profectio, si non patriam vietam, donum certe,
patremque, & fœdera Hamilcaris scripta manu. qui,
jussus a consule nostro, præsidium deducit ab Eryce:
qui graves impositas vietis Carthaginensibus leges fre-
mens mœrensque accepit: qui decidere Sicilia, qui sti-
pendium populo Romano dare paetus est. Itaque vos
ego, milites, non eo solum animo, quo adversus alios
hostes soleitis, pugnare velim; sed cum indignatione
quadam atque ira: velut si servos videatis vestros arma
repente contra vos ferentes. Licuit ad Erycem clausos,
ultimo suppicio humanorum, fame interficere: licuit
victricem classem in Africam trahicere, atque intra pau-
cos dies sine ullo certamine Carthaginem delere. Ve-
niam dedimus precantibus: emisimus ex obsidione: pa-
cem cum vietis fecimus: tutelæ deinde nostræ duxi-
mus, cum Africo bello urgerentur. Pro his imper-
titis, furiosum juvenem sequentes, oppugnatum pa-
triam nostram veniunt. Atque utinam pro decore tan-
tum hoc vobis, & non pro salute, esset certamen. non
de possessione Siciliæ ac Sardiniæ, de quibus quon-
dam agebatur, sed pro Italia vobis est pugnandum:
nec est aliis ab tergo exercitus, qui, nisi nos vin-
cimus, hosti obstat; nec Alpes aliae sunt, quas dum
superant, comparari nova possint præsidia. hic est
obstandum, milites, velut si ante Romana mœnia pu-
gnemus. Unusquisque se non corpus suum, sed con-
jugem ac liberos parvos armis protegere putet: nec do-
mesticas solum agitet curas, sed identidem hoc ani-
mo reputet, nostras nunc intueri manus senatum po-
palumque Romanum: qualis nostra vis virtusque fue-

rit, talem deinde fortunam illius urbis ac Romani imperii fore.

XLII. Hæc apud Romanos consul. Hannibal, rebus prius, quam verbis, adhortandos milites ratus, circumdato ad spectaculum exercitu, captivos montanos vincitos in medio statuit; armisque Gallicis ante eorum pedes projectis, interrogare interpretem jussit, ecquis, si vinculis levaretur, armaque & equum viator acciperet, decertare ferro vellet? Cum ad unum omnes ferrum pugnamque poscerent, & dejecta in id fors esset, se quisque eum optabat, quem fortuna in id certamen legeret. Ut cuiusque fors exciderat, alacer, inter gratulantes gaudio exsultans, cum sui moris tripudiis arma raptim capiebat. ubi vero dimicarent, is habitus animorum non inter ejusdem modo conditionis homines erat, sed etiam inter spectantes vulgo, ut non vincentium magis, quam bene morientium, fortuna laudaretur.

XLIII. Dum sic aliquot spectatis paribus affectos dimisisset, concione inde advocata, ita apud eos locutus fertur: *Si, quem animum in alienæ sortis exemplo paulo ante habuistis, eundem mox in cestimanda fortuna vestra habueritis, viciimus, milites. neque enim spectaculum modo illud, sed quædam veluti imago vestræ conditionis erat. Ac nescio, an majora vincula maioresque necessitates vobis, quam captivis vestris, fortuna circumdederit. Dextra lœvaque duo maria claudunt, nullam, ne ad effugium quidem, navem habentibus. circa Padus amnis, major Padus ac violentior Rhodano; ab tigris Alpes urgent, vix in-*

tegris vobis ac vigentibus transitæ. Hic vincendum aut moriendum, milites, est, ubi primum hosti occurritis. & eadem fortuna, quæ necessitatem pugnandi impo-
suit, præmia vobis ea victoribus proponit, quibus am-
pliora homines ne ab Diis quidem immortalibus optare
solent. Si Siciliam tantum ac Sardiniam, parentibus
nostris ereptas, nostra virtute recuperaturi essemus, sa-
tis tamen ampla pretia essent. quidquid Romani tot
triumphis partum congestumque possident, id omne ve-
strum cum ipsis dominis futurum est. In hanc tam op-
mam mercedem, agite, cum Diis bene juvantibus arma
capite. Satis adhuc in vastis Lusitanæ Celtiberiæque
montibus, pecora consecando, nullum emolumentum
tot laborum periculorumque vestrorum vidistis: tempus
est jam, opulenta vos ac ditia stipendia facere, &
magna operæ pretia mereri, tantum itineris per tot
montes fluminaque & tot armatas gentes emensos. Hic
vobis terminum laborum fortuna dedit: hic dignam
mercedem emeritis stipendiis dabit. Nec, quam magni
nominis bellum est, tam difficilem existimaritis viçto-
riam fore. sape & contemtus hostis cruentum certa-
men edidit, & incliti populi regesque perlevi momento
viçti sunt. Nam, demito hoc uno fulgore nominis Ro-
mani, quid est; cur illi vobis comparandi sint? Ut
viginti annorum militiam vestram cum illa virtute,
cum illa fortuna taceam; ab Herculis columnis, ab
oceano terminisque ultimis terrarum, per tot ferociſſi-
mos Hispaniæ & Galliæ populos vincentes huc perve-
nistiſ: pugnantibus cum exercitu tirone, hac ipsa æſta-
te cæſo, viçto, circumſeffo a Gallis, ignoto adhuc duci
ſuo, ignorantique ducem. An me, in prætorio patris,

clarissimi imperatoris, prope natum, certe educatum, domitorem Hispaniae Gallicaque, viçtorem eundem non Alpinarum modo gentium, sed ipsarum, quod multo majus est, Alpium, cum semestri hoc conferam duce, desertore exercitus sui? Cui si quis, demis signis, Pœnos Romanosque hodie ostendat, ignoraturum certum habeo, utrius exercitus sit consul. Non ego illud parvi aestimo, milites, quod nemo vestrum est, cuius non ante oculos ipse sc̄epe militare aliquod ediderim facinus; cui non idem ego, virtutis spectator ac testis, notata temporibus locisque referre sua possim decora. Cum laudatis a me millies donatisque, alumnus prius omnium vestrum, quam imperator, procedam acie adversus ignotos inter se ignorantesque.

XLIV. Quocunque circumtuli oculos, plena omnia video animorum ac roboris; veteranum peditem, generosissimarum gentium equites frenatos & infrenatos, vos socios fidelissimos fortissimosque, vos Carthaginenses, cum ob patriam, tum ob iram justissimam, pugnatores. Inferimus bellum, infestisque signis descendimus in Italiam, tanto audacius fortiusque pugnaturi, quanto major spes, major est animus inferentis vim, quam arcentis. Accedit præterea animos & stimulat dolor, injuria, indignitas. ad supplicium depoposcerunt me ducem primum, deinde vos omnes, qui Saguntum oppugnassetis: deditos ultimis cruciatibus affecturi fuerunt. Crudelissima ac superbissima gens sua omnia sive arbitrii facit. cum quibus bellum, cum quibus pacem habeamus, se modum imponere æquum censet: circumscribit includitque nos terminis montium fluminumque, quos ne excedamus: neque eos, quos statuit, ter-

minos observat. Ne transieris Iberum: ne quid rei tibi sit cum Saguntinis. Ad Iberum est Saguntum: nusquam te vestigio moveris. Parum est, quod veterimas provincias meas Siciliam & Sardiniam adimis. etiam Hispanias? & inde cesserò, in Africam transcendes. Transcendes autem, dico? duos consules hujus anni, unum in Africam, alterum in Hispaniam miserunt. nihil usquam nobis relictum est, nisi quod armis vindicarimus. Illis timidis & ignavis licet esse, qui respectum habent, quos suus ager, sua terra, per tutam ac pacata itinera fugientes, accipient: vobis necesse est fortibus viris esse, &, omnibus inter victoriam mortem certa desperatione abruptis, aut vincere, aut, si fortuna dubitabit, in prælio potius, quam in fuga, mortem oppetere. Si hoc bene fixum omnibus destinatumque in animo est, iterum dicam, viciis: nullum momentum ad vincendum homini ab Diis immortalibus acrius datum est.

XLV. His adhortationibus cum utrinque ad certamen accensi militum animi essent, Romani ponte Ticinum jungunt, tutandique pontis causa castellum insuper imponunt. Pœnus, opere occupatis hostibus, Mahabalem cum ala Numidarum, equitibus quingentis, ad depopulandos socrorum populi Romani agrós mittit. Gallis parci quam maxime jubet, principumque animos sollicitari ad defctionem. Ponte perfecto, traductus Romanus exercitus in agrum Insubrium, quinque millia passuum a Victunviis confedit. Ibi Hannibal castra habebat: revocatoque propere Mahabale atque equitibus, cum instare certamen cerneret, nihil unquam fa-

ties dictum præmonitumque ad cohortandos milites ratus, vocatis ad concionem certa præmia pronuntiat, in quorum spem pugnarent. *Agrum sese daturum esse in Italia, Africa, Hispania, ubi quisque velit, immunem ipsi, qui accepisset, liberisque: qui pecuniam, quam agrum, maluisset, ei se argento satisfacturum: qui sociorum cives Carthaginenses fieri vellent, potestatem facturum: qui domos redire mallent, daturum se operam, ne cuius suorum popularium mutatam secum fortunam esse vellent.* Servis quoque dominos prosecutis libertatem proponit, binaque pro his mancipia dominis se redditurum. Eaque ut rata scirent fore, agnum læva manu, dextera silicem retinens, si falleret, Jovem ceterosque precatus Deos, ita se mactarent, quemadmodum ipse agnum mactasset, secundum precationem caput pecudis saxo elisit. Tum vero omnes, velut Diis auctoribus in spem suam quisque acceptis, id moræ, quod nondum pugnarent, ad potienda sperata rati, proelium uno animo & voce una poscunt.

XLVI. Apud Romanos haudquaquam tanta alacritas erat, super cetera recentibus etiam territos prodigiis. nam & lupus intraverat castra, laniatisque obviis ipse intactus evaserat; & examen apum in arbore prætorio imminentे confederat. Quibus procuratis, Scipio, cum equitatu jaculatoribusque expeditis profectus ad castra hostium, exque propinquo copias, quantæ, & cuius generis essent, speculandas, obvius fit Hannibali, & ipsi cum equitibus ad exploranda circa loca progresso. neutri alteros primo cernebant: densior deinde incessu tot

hominum equorumque oriens pulvis signum propinquantium hostium fuit. Constitit utrumque agmen, & prælio sese expediebant. Scipio jaculatores & Gallos equites in fronte locat; Romanos, sociorumque quod roboris fuit, in subsidiis. Hannibal frenatos equites in medium accipit, cornua Numidis firmat. Vixdum clamore sublato, jaculatores fugerunt inter subsidia ad secundam aciem. inde equitum certamen erat aliquamdiu anceps; dein, quia turbabant equos pedites intermixti, multis labentibus ex equis, aut desilientibus, ubi suos premi circumventos vidissent, jam magna ex parte ad pedes pugna ierat: donec Numidæ, qui in cornibus erant, circumvecti paululum, ab tergo se ostenderunt. Is pavor perculit Romanos, auxitque pavorem consulis vulnus, periculumque intercursum primum pubescentis filii propulsatum. Hic erit juvenis, penes quem perfecti hujuscce belli laus est, Africanus ob egregiam victoriam de Hannibale Pœnisque appellatus. Fuga tamen effusa jaculatorum maxime fuit, quos primos Numidæ invaserunt. Alius confertus equitatus consulem in medium acceptum, non armis modo, sed etiam corporibus suis, protegens, in castra, nusquam trepide neque effuse cedendo, reduxit. Servati consulis decus Cœlius ad servum natione Ligurem delegat. malim equidem de filio verum esse, quod & plures tradidere auctores, & fama obtinuit.

XLVII. Hoc primum cum Hannibale prælium fuit; quo facile apparuit, & equitatu meliorem Pœnum esse, & ob id campos patentes, quales sunt

inter Padum Alpesque , bello gerendo Romanis aptos non esse. Itaque proxima nocte , jussis militibus vasa silentio colligere , castra ab Ticino mota , festinatumque ad Padum est ; ut ratibus , quibus junxerat flumen , nondum resolutis , sine tumultu atque infectione hostis , copias trajiceret. Prius Placentiam pervenere , quam satis sciret Hannibal ab Ticino profectos : tamen ad sexcentos moratorum in citeriore ripa , segniter rate in solventes , cepit. transire non potuit pontem , ut extrema resoluta erant , tota rate in secundam aquam labente. Cœlius auctor est , Magonem cum equitatu & Hispanis peditibus flumen extemplo transnasse ; ipsum Hannibalem per superiora Padi vada exercitum traduxisse , elephantis in ordinem ad sustinendum impetum fluminis oppositis. Ea peritis amnis ejus vix fidem fecerint. nam neque equites , armis equisque salvus , tantam vim fluminis superasse verisimile est , ut jam Hispanos omnes inflati transfexerint utres : & multorum dierum circuitu Padi vada petenda fuerant , qua exercitus gravis impedimentis traduci posset. Potiores apud me autores sunt , qui biduo vix locum rate jungendo flumini inventum tradunt ; ea cum Magone equites Hispanorum expeditos præmissos , dum Hannibal , circa flumen legationibus Galorum audiendis moratus , trajicit gravius peditum agmen , interim Mago equitesque ab transitu fluminis diei unius itinere Placentiam ad hostes contendunt. Hannibal paucis post diebus sex millia a Placentia castra communivit , & postero die , in

conspectu hostium acie directa , potestatem pugnæ fecit.

XLVIII. In sequenti nocte cædes in castris Romanis , tumultu tamen quam re major , ab auxiliariibus Gallis facta est. ad duo millia peditum & ducenti equites , vigilibus ad portas trucidatis , ad Hannibalem transfugiunt : quos Poenus benigne allocutus , & spe ingentium donorum accensos , in civitates quemque suas , ad sollicitandos popularium animos dimisit. Scipio , cædem eam signum defectionis omnium Gallorum esse ratus , contactosque eo scelere , velut injecta rabie , ad arma ituros ; quanquam gravis adhuc vulnere erat , tamen quarta vigilia noctis in sequentis tacito agmine profectus ad Trebiam fluvium , in loca altiora collefque impeditiores equiti castra movet. Minus , quam ad Ticinum , fefellit : missisque Hannibal primum Numidis , deinde omni equitatu , turbasset utique novissimum agmen , ni aviditate prædæ in vacua Romana castra Numidæ devertisserint. Ibi dum , perscrutantes loca omnia castrorum , nullo satis digno moræ pretio tenipus terunt , emissus hostis de manibus est : & cum jam transgressos Trebiam Romanos , metantesque castra conspexissent , paucos moratorum occiderunt , citra flumen interceptos. Scipio , nec vexationem vulneris in via jaçanti ultra patiens , & collegam (jam enim & revocatum ex Sicilia audierat) ratus exspectandum , locum , qui prope flumen tutissimus stativis est visus , delectum communiit. Nec procul inde Hannibal cum confidisset , quantum victoria equestri elatus , tantum

anxius inopia, quæ per hostium agros euntem, nusquam præparatis commeatibus, major in dies excipiebat, ad Clastidium vicum, quo magnum frumenti numerum congeßerant Romani, mittit. ibi cum vim pararent, spes facta proditionis: nec sane magno pretio, nummis aureis quadringentis, Dafio Brudunsino præfecto præsidii corrupto, traditur Hannibali Clastidium. id horreum fuit Poenis sedentibus ad Trebiam. In captivos ex tradito præsidio, ut fama clementiæ in principio rerum colligeretur, nihil sævitum est. ✕

XLIX. Cum ad Trebiam terrestre constitisset bellum, interim circa Siciliam insulasque Italæ imminentes, & a Sempronio consule, & ante adventum ejus, terra marique res gestæ. viginti quinqueremes cum mille armatis ad depopulandam oram Italæ a Carthaginiensibus missæ, novem Liparas, octo insulam Vulcani tenuerunt, tres in fretum avertit æstus. Ad eas conspectas a Messana duodecim naves ab Hierone rege Syracusanorum missæ, qui tum forte Messanæ erat, consulem Romanum opperiens, nullo repugnante captas naves Messanam in portum deduxerunt. Cognitum ex captivis, præter viginti naves, cuius ipsi classis essent, in Italiam missas, quinque & triginta alias quinqueremes Siciliam petere ad sollicitandos veteres socios. Lilybæi occupandi præcipuam curam esse: credere eadem tempestate, qua ipsi disjecti forent, eam quoque classem ad Ægates insulas dejectam. Hæc sicut audita erant, rex M. Æmilio prætori, cuius Sicilia erat provincia, perscribit, monetque,

Lilybæum firmo teneret præsidio. Extemplo & circa prætorem ad civitates missi legati tribunique, qui suos ad curam custodiæ intenderent; ante omnia Lilybæum teneri: ad apparatum belli, edicto proposito, ut socii navales decem dierum cocta cibaria ad naves deferrent; ubi signum datum esset, ne quis moram conscendendi ficeret; perque omnem oram qui erant, ex speculis prospicerent adventantem hostium classem. Simul itaque (quanquam de industria morati cursum navium erant Carthaginenses, ut ante lucem accederent Lilybæum) præsensum tamen est, quia & luna pernox erat, & sublatis armamentis veniebant; extemplo datum e speculis signum, & in oppido ad arma conclamatum est, & in naves consensem: pars militum in muris portarumque in stationibus, pars in navibus erant. Et Carthaginenses, quia rem fore haud cum imparatis cernebant, usque ad lucem portu se abstinuerunt, demendis armamentis eo tempore aptandaque ad pugnam classe absumto. Ubi illuxit, recepere classem in altum, ut spatiū pugnæ esset, exitumque liberum e portu naves hostium habarent. Nec Romani detrectavere pugnam, & memoria circa ea ipsa loca gestarum rerum freti, & militum multitudine ac virtute.

L. Ubi in altum evecti sunt, Romanus conferre pugnam, & ex propinquuo vires conferre velle: contra eludere Poenus, & arte, non vi, rem gerere, naviumque, quam virorum aut armorum, malle certamen facere. nam ut sociis navalibus affectim instructam classem, ita inopem milite habe-

bant: &, sicubi conserta navis esset, haudquaquam par numerus armatorum ex ea pugnabat. Quod ubi animadversum est, & Romanis multitudo sua auxit animum, & paucitas illis minuit. Extemplo septem naves Punicæ circumventæ; fugam ceteræ ceperunt. mille & septingenti fuere in navibus capti, milites nautæque; in his tres nobiles Carthaginensium. Classis Romana incolmis, una tantum perforata navi, sed ea quoque ipsa reduce, in portum rediit. Secundum hanc pugnam, nondum garris ejus, qui Messanæ erant, Ti. Sempronius consul Messanam venit. Ei fretum intranti rex Hiero classem ornatam obviam duxit: transgressusque ex regia in prætoriam navem, gratulatus sospitem cum exercitu & navibus advenisse, precatusque prosperrum ac felicem in Siciliam transitum; statum deinde insulæ & Carthaginensium conata exposuit: pollicitusque est, quo animo priore bello populum Romanum juvenis adjuvisset, eo senem adjuturum. Frumentum vestimentaque fese legionibus consulis sociisque navalibus gratis præbiturum. grande periculum Lilybæo maritimisque civitatibus esse, & quibusdam volentibus novas res fore. Ob hæc consuli nihil cunctandum visum, quin Lilybæum classe peteret: & rex regiaque classis una profecti. navigantes inde, pugnatum ad Lilybæum, fusisque & captas hostium naves, accepere.

LI. A Lilybæo consul, Hierone cum classe regia dimisso, relictoque prætore ad tuendam Siciliæ oram, ipse in insulam Melitam, quæ a Carthaginensibus tenebatur, trajecit. Advenienti Ha-

milcar, Gisgonis filius, præfectus præsidii, cum paulo minus duobus millibus militum, oppidumque cum insula traditur: inde post paucos dies redditum Lilybæum, captivique & a consule & a prætore, præter insignes nobilitate viros, sub corona venierunt. Postquam ab ea parte satis tutam Siciliam censebat consul, ad insulas Vulcani (quia fama erat, stare ibi Punicam classem) trajecit. nec quisquam hostium circa eas insulas inventus. Jam forte transmiserant ad vastandam Italæ oram: de populatoque Vibonensi agro, urbem etiam terrebant. Repetenti Siciliam consuli exscensio hostium in agrum Vibonensem facta nuntiatur: literæque ab senatu de transitu in Italiam Hannibalim, &, ut primo quoque tempore collegæ ferret auxilium, missæ traduntur. Multis simul anxiis curis, exercitum, extemplo in naves impositum, Ariminum supero mari misit: Sex. Pomponio legato cum viginti quinque longis navibus Vibonensem agrum marinamque oram Italæ tuendam attribuit: M. Æmilio prætori quinquaginta navium classem explevit: ipse compositis Siciliæ rebus, decem navibus oram Italæ legens, Ariminum pervenit: inde cum exercitu suo profectus ad Trebiam flumen, collegæ conjungitur.

LII. Jam ambo consules, & quidquid Romanarum virium erat, Hannibali oppositum, aut illis copiis defendi posse Romanum imperium, aut spem nullam aliam esse, satis declarabat. Tamen consul alter, equestri proelio uno & vulnere suo minutus, trahi rem malebat: recentis animi alter, eoque se-

rocior, nullam dilationem patiebatur. Quod inter Trebiam Padumque agri est, Galli tum incolebant; in duorum præpotentium populorum certamine, per ambiguum favorem, haud dubie gratiam victoris spectantes. Id Romani, ne quid modo moverent, æquo satis, Pœnus perinquo animo ferebat, ab Gallis accitum se venisse ad liberandos eos, dicitans. Ob eam iram, simul ut præda militem aleret, duo millia peditum & mille equites, Numidas plerosque, mixtos quosdam & Gallos, populari omnem deinceps agrum usque ad Padi ripas jussit. Egentes ope Galli, cum ad id dubios servassent animos, coacti ab auctoribus injuriæ ad vindices futuros declinant: legatisque ad consulem missis, auxilium Romanorum terræ, ob nimiam cultorum fidem in Romanos laboranti, orant. Cornelio nec causa, nec tempus agendæ rei placebat: suspectaque ei gens erat, cum ob infida multa facinora, tum, ut alia vetustate obsolevissent, ob recentem Bojorum perfidiam. Sempronius contra, continendis in fide sociis maximum vinculum esse primos, qui eguisserint ope, defensos, censebat. Tum, collega cunctante, equitatum suum, mille peditum jacularibus ferme admixtis, ad defendendum Gallicum agrum trans Trebiam mittit. Ii, sparsos & incompositos, ad hoc graves præda plerosque, cum inopinatos invasisserint, ingentem terrorem cædemque ac fugam usque ad castra stationesque hostium fecere: unde multitudine effusa pulsi, rursus subfido suorum prælium restituere. Varia inde pugna sequentes, quanquam ad extremum æquaſſent cer-

tamen, major tamen hostium Romanis fama victoriæ fuit.

LIII. Ceterum nemini omnium major justiorque, quam ipsi consuli, videri; gaudio efferri, qua parte copiarum alter consul vietus foret, ea se vicisse. restitutos ac refectos militibus animos: nec quenquam esse, praeter collegam, qui dilatam dimicationem vellet: eum, animo magis, quam corpore, ægrum, memoria vulneris aciem ac tela horrere. Sed non esse cum ægro senescendum. Quid enim ultra differri aut teri tempus? Quem tertium consulem, quem alium exercitum exspectari? Castra Carthaginensium in Italia, ac prope in conspectu urbis esse. non Siciliam ac Sardiniam viatis ademtas, nec cis Iberum Hispaniam peti, sed solo patrio terraque, in qua geniti forent, pelli Romanos. Quantum ingemiscant, inquit, patres nostri, circa mœnia Carthaginis bellare soliti, si videant nos, progeniem suam, duos consules consularesque exercitus, in media Italia paventes intra castra? Pœnum, quod inter Alpes Apenninumque agri sit, suæ ditionis fecisse? Hæc assidens ægro collegæ, hæc in prætorio prope concionabundus agere. Stimulabat & tempus propinquum comitorum, ne in novos consules bellum differretur, & occasio in se unum vertendæ gloriæ, dum æger collega erat. Itaque, ne quidquam dissentiente Cornelio, parari ad propinquum certamen milites jubet. Hannibal, cum, quid optimum foret hosti, cerneret, vix ullam spem habebat, temere atque improvide quidquam consules asturos. cum alterius ingenium, fama prius, deinde re cognitum, percitum ac ferox sciret esse, fe-

rociusque factum prospero cum prædatoribus suis certamine crederet; adesse gerendæ rei fortunam haud diffidebat. cuius ne quod prætermitteret tempus, sollicitus intentusque erat, dum tiro hostium esset miles, dum meliorem ex ducibus inutilem vulnus faceret, dum Gallorum animi vigerent: quorum ingentem multitudinem sciebat segnius securiram, quanto longius ab domo traherentur. Cum ob hæc taliaque speraret propinquum certamen, & facere, si cessaretur, cuperet; speculatoresque Galli, ad ea exploranda, quæ vellet, tutiores, quia in utrisque castris militabant, paratos pugnæ esse Romanos retulissent; locum insidiis circumspectare Pœnus cœpit.

LIV. Erat in medio rivus, præaltis utrinque clausus ripis, & circa obsitus palustribus herbis, &, quibus inculta ferme vestiuntur, virgultis vepribusque. quem ubi ad equites quoque tegendos satis latebrosum locum circumvectus ipse oculis perlustravit: *Hic erit locus*, Magoni fratri ait, *quem teneas. Delige centenos viros ex omni pedite atque equite; cum quibus ad me vigilia prima venias. Nunc corpora curare tempus est.* Ita prætorium missum. mox cum delectis Mago aderat. *Robora virorum cerno, inquit Hannibal. sed, ut & numero etiam, non animis modo, valcati, singulis vobis novenos ex turmis manipulisque vestri similes eligite: Mago locum monstrabit, quem infideatis. Hostem cæcum ad has belli artes habebitis.* Ita mille equitibus Magoni, mille penditibus dimissis, Hannibal prima luce Numidas equites, transgressos Trebiam flumen, obequitare juberet

hostium portis, jaculandoque in stationes elicere ad pugnam hostem: injecto deinde certamine, cedendo sensim citra flumen pertrahere. Hæc mandata Numidis. ceteris ducibus peditum equitumque præceptum, ut prandere omnes juberent: armatos deinde, instratisque equis, signum exspectare. Sempronius, ad tumultum Numidarum primum omnem equitatum, ferox ea parte virium; deinde sex millia peditum, postremo omnes copias ad destinatum jam ante consilio, avidus certaminis, eduxit. Erat forte brumæ tempus & nivalis dies in locis Alpibus Apenninoque interjectis, propinquitate etiam fluminum ac paludum prægelidis. ad hoc raptim eductis hominibus atque equis, non capto ante cibo, non ope ulla ad arcendum frigus adhibita, nihil caloris inerat: & quidquid auræ fluminis appropinquabant, afflabat acrior frigoris vis. Ut vero refugientes Numidas insequentes aquam ingressi sunt, (& erat pectoribus tenuis aucta nocturno imbri) tum utique egressis rigere omnibus corpora, ut vix armorum tenendorum potentia essent, & simul lassitudine, procedente iam die, fame etiam deficere.

LV. Hannibalis interim miles, ignibus ante tentoria factis, oleoque per manipulos, ut mollierent artus, misso, & cibo per otium capto, ubi transgressos flumen hostes nuntiatum est, alacer animis corporibusque arma capit, atque in aciem procedit. Baliares locat ante signa, levem armaturam, octo ferme millia hominum; dein graviorrem armis peditem, quod virium, quod roboris

erat. in cornibus circumfudit decem millia equitum: & ab cornibus in utramque partem divisos elephantes statuit. Consul effusos sequentes equites, cum ab resistentibus subito Numidis incauti exciperentur, signo receptui dato, revocatos circumdedit peditibus. Duodeviginti millia Romani erant, socium nominis Latini viginti; auxilia præterea Cenomanorum. ea sola in fide manserat Gallica gens. his copiis concursum est. Proelium a Baliliaribus ortum est; quibus cum majore robore legiones obsisterent, deductæ propere in cornua levæ armaturæ sunt. quæ res effecit, ut equitatus Romanus extemplo urgeretur: nam cum vix jam per se resisterent decem millibus equitum quatuor millia, & fessi plerisque integris, obruti sunt insuper velut nube jaculorum a Baliliaribus conjecta. ad hoc elephanti, eminentes ab extremis cornibus, (equis maxime non visu modo, sed odore info lito territis) fugam late faciebant. Pedestris pugna par animis magis, quam viribus, erat; quas recentes Poenus, paulo ante curatis corporibus, in proelium attulerat: contra, jejuna fessaque corpora Romanis & rigentia gelu torpebant. restitissent tamen animis, si cum pedite solum foret pugnatum. Sed & Baliares, pulso equite, jaculabantur in latera, & elephanti jam in medium peditum aciem sese tulerant: & Mago Numidæque, simul latebras eorum improvida præterlata acies est, exorti ab tergo ingentem tumultum ac terrorem fecere. Tamen in tot circumstantibus malis mansit aliquamdiu immota acies; maxime præter spem omnium

adversus elephantes. eos velites, ad id ipsum locati, verutis conjectis & avertere, & insecuri aversos sub caudis, qua maxime molli cute vulnera accipiunt, fodiebant.

LVI. Trepidantesque prope jam in suos consternatos media acie in extremam, ad sinistrum cornu, adversus Gallos auxiliares agi jussit Hannibal. Extremo haud dubiam fecere fugam. additus quoque novus terror Romanis, ut fusa auxilia sua viderunt. Itaque, cum jam in orbem pugnarent, decem millia ferme hominum, cum alii evadere nequissent, media Afrorum acie, quæ Gallicis auxiliis firmata erat, cum ingenti cæde hostium perrupere. &, cum neque in castra redditus esset flumine interclusis, neque præ imbri satis decernere possent, qua suis opem ferrent, Placentiam recto itinere perrexere. Plures deinde in omnes partes eruptiones factæ: &, qui flumen petiere, aut gurgitibus absunti sunt, aut inter cunctationem ingrediendi ab hostibus oppressi. qui passim per agros fuga sparsi erant, vestigia cedentis sequentes agminis, Placentiam contendere: aliis timor hostium audaciam ingrediendi flumen fecit, transgressisque in castra pervenerunt. Imber nive mixtus, & intoleranda vis frigoris, & homines multos, & jumenta, & elephantes prope omnes absumxit. Finis insequendi hostis Pœnis flumen Trebia fuit: & ita torpentes gelu in castra rediere, ut vix lætitiam victoriae sentirent. Itaque nocte insequenti, cum præsidium castrorum, & quod reliquum ex magna parte militum erat, ratibus Trebiam trajicerent,

aut nihil sensere, obstrepente pluvia; aut, quia jam moveri præ lassitudine nequibant ac vulneribus, sentire sese dissimularunt: quietisque Pœnis, tacito agmine ab Scipione consule exercitus Placentiam est perductus: inde Pado trajectus Cremnam, ne duorum exercituum hibernis una colonia premeretur.

LVII. Romam tantus terror ex hac elade perlatus est, ut jam ad urbem crederent infestis signis hostem venturum; nec quidquam spei aut auxilii esse, quo portis mœnibusque vim arcerent. *Uno consule ad Ticinum victo, altero ex Sicilia revocato, duobus consulibus, duobus consularibus exercitibus, victis, quos alios duces, quas alias legiones esse, que arcessantur?* Ita territis Sempronius consul advenit, ingenti periculo per effusos passim ad prædanum hostium equites (audacia magis, quam consilio aut spe fallendi resistendive, si non falleret) transgressus. Id quod unum maxime in præsentia desiderabatur, comitiis consularibus habitis, in hiberna rediit. Creati consules Cn. Servilius & C. Flaminius. Ceterum ne hiberna quidem Romanis quieta erant, vagantibus passim Numidis equitibus, &c, qua his impeditiora erant, Celtiberis Lusitanisque. Omnes igitur clausi undique commeatus erant, nisi quos Pado naves subveharent. Emporium prope Placentiam fuit, & opere magno munitum, & valido firmatum præsidio. ejus castelli oppugnandi spe cum equitibus ac levi armatura profectus Hannibal, cum plurimum in celando incepto ad effectum spei habuisset, nocte adortus,

non fefellit vigiles. Tantus repente clamor est sublatus, ut Placentiæ quoque audiretur. Itaque sub lucem cum equitatu consul aderat, jussis quadrato agmine legionibus sequi. Equestre proelium interim commissum: in quo, quia saucius Hannibal pugna excessit, pavore hostibus injecto, defensum egregie præsidium est. Paucorum inde dierum quiete sumta, & vixdum satis percurato vulnere, ad Vittumvias ire pergit oppugnandas. Id emporium a Romanis Gallico bello fuerat munitum. inde locum frequentaverant accolæ mixti undique ex finitimis populis; & tum terror populationum eoplerosque ex agris compulerat. Hujus generis multitudo, fama impigre defensi ad Placentiam præsidii accensa, armis arreptis obviam Hannibali procedit. Magis agmina, quam acies, in via concurrunt; & cum ex altera parte nihil, præter inconditam turbam, esset, in altera & dux militi, & duci fidens miles, ad triginta quinque millia hominum a paucis fusa. Postero die, deditio facta, præsidium intra mœnia accepere: jussique arma tradere cuni dicto paruissent, signum repente victoribus datur, ut tanquam vi captam urbem diriperent. neque ulla, quæ in tali re memorabilis scriptibus videri solet, prætermissa clades est: adeo omnis libidinis, crudelitatisque, & inhumanæ superbiæ editum in miseros est exemplum. Hæ fuere hibernæ expeditiones Hannibalis.

LVIII. Haud longis inde temporibus, dum intolerabilia frigora erant, quies militi data est: & ad prima ac dubia signa veris profectus ex hiber-

nis, in Etruriam dicit, eam quoque gentem, sicut Gallos Liguresque, aut vi aut voluntate adjuncturus. Transcuntem Aperinimum adeo atrox adorta tempestas est, ut Alpium fœditatem prope superaverit. Vento mixtus imber cum ferretur in ipsa ora, primo, quia aut arma omittenda erant, aut contra enitentes vortice intorti affligebantur, constitere: dein, cum jam spiritum includeret, nec reciprocare animam fineret, aversi a vento parumper confedere. Tum vero ingenti sono coelum strepere, inter horrendos fragores micare ignes. capti auribus & oculis, metu omnes torpere. Tandem, effuso imbre, cum eo magis accensa vis venti esset, ipso illo, quo deprehensi erant, loco castra ponere necessarium visum est. Id vero laboris velut de integro initium fuit. nam nec explicare quidquam, nec statuere poterant; nec, quod statutum esset, manebat, omnia perscindente vento & rapiente. & mox aqua levata vento, cum super gelida montium juga concreta esset, tantum nivosæ grandinis dejecit, ut, omnibus omissis, procumberent homines, tegminibus suis magis obruti, quam tecti. tantaque vis frigoris infœcta est, ut, ex illa miserabili hominum jumentorumque strage cum se quisque attollere ac levare vellet, diu nequiret, quia, torpentibus rigore nervis, vix flectere artus poterant. deinde, ut tandem agitando fese movere ac recepere animos, & raris locis ignis fieri est cœptus, ad alienam opem quisque iuops tendere. Biduum eo loco, velut obfessi, mansere. multi homines, multa jumenta, elephanti quoque ex

his, qui prœlio ad Trebiam facto superfuerant, septem absunti.

LIX. Degressus Apennino retro ad Placentiam castra movit, & ad decem millia progressus confedit. postero die duodecim millia peditum, quinque equitum adversus hostem dicit. Nec Sempronius consul (jam enim redierat ab Roma) detrectavit certamen: atque eo die tria millia passuum inter bina castra fuere. Postero die ingentibus animis, vario eventu, pugnatum est. primo concursu adeo res Romana superior fuit, ut non acie vincerent solum, sed pulsos hostes in castra persequerentur; mox castra quoque oppugnarent. Hannibal, paucis propugnatoribus in vallo portisque positis, ceteros confertos in media castra recepit, intentosque signum ad erumpendum spectare jubet. Jam nona ferme diei hora erat, cum Romanus, nequidquam fatigato milite, postquam nulla spes erat potiundi castris, signum receptui dedit. Quod ubi Hannibal accepit, laxatamque pugnam & recessum a castris vidit, extemplo equitibus dextra lœvaque emissis in hostem, ipse cum peditum robore medius castris erupit. pugna raro ulla magis sæva, & cum utriusque partis pernicie clarior fuisset, si extendi eam dies in longum spatium sivisset. Nox accensum ingentibus animis præclium diremit. itaque acrior concursus fuit, quam cædes; &, sicut æquata ferme pugna erat, ita clade pari discessum est. ab neutra parte sexcentis plus peditibus, & dimidium ejus equitum cecidit. Sed major Romanis, quam pro numero, jactura fuit: quia eque-

stris ordinis aliquot, & tribuni militum quinque, & præfecti sociorum tres, sunt interfecti. Secundum eam pugnam Hannibal in Ligures, Sempronius Lucam concessit. Venienti in Ligures Hannibali per insidias intercepti duo quæstores Romani, C. Fulvius & L. Lucretius, cum duobus tribunis militum, & quinque equestris ordinis senatorum ferme liberis, quo magis ratam fore cum his pacem societatemque crederet, traduntur.

LX. Dum hæc in Italia geruntur, Cn. Cornelius Scipio, in Hispaniam cum classe & exercitu missus, cum, ab ostio Rhodani profectus, Pyrenæosque montes circumvectus, Emporiis appulisset classem, exposito ibi exercitu, orsus a Lacetanis, omnem oram usque ad Iberum flumen, partim renovandis societatibus, partim novis instituendis, Romanæ ditionis fecit. Inde conciliata clementiæ fama, non ad maritimos modo populos, sed in mediterraneis quoque ac montanis ad ferociores jam gentes valuit: nec pax modo apud eos, sed societas etiam armorum, parata est: validæque aliquot auxiliorum cohortes ex iis conscriptæ sunt. Hannonis cis Iberum provincia erat: eum reliquerat Hannibal ad regionis ejus præsidium. itaque prius, quam alienarentur omnia, obviam eundum ratus, castris in conspectu hostium positis, in aciem eduxit. nec Romano differendum certamen visum: quippe qui sciret, cum Hannone & Hasdrubale sibi dimicandum esse; malletque adversus singulos separatim, quam adversus duos simul, rem gerere. Nec magni certaminis ea dimicatio

fuit. sex millia hostium cæsa, duo capta cum præsidio castrorum. nam & castra expugnata sunt, atque ipse dux cum aliquot principibus capiuntur: & Scissis, propinquum castris oppidum, expugnatur. Ceterum præda oppidi parvi pretii rerum fuit; supellex barbarica, ac vilium mancipiorum. castra militem ditavere, non ejus modo exercitus, qui vietus erat, sed & ejus, qui cum Hannibale in Italia militabat, omnibus fere caris rebus (ne gravia impedimenta ferentibus essent) citra Pyrenæum relictis.

LXI. Priusquam certa hujus cladis fama accideret, transgressus Iberum Hasdrubal cum octo milibus peditum, mille equitum, tanquam ad primum adventum Romanorum occursurus, postquam perditas res ad Scissim amissaque castra accepit, iter ad mare convertit. Haud procul Tarracone classicos milites navalesque socios, vagos palantesque per agros (quod ferme fit, ut secundæ res negligenter creent) equite passim dimisso, cum magna cæde, majore fuga ad naves compellit. nec diutius circa ea loca morari ausus, ne a Scipione opprimeretur, trans Iberum sese recepit. Et Scipio, raptim ad famam novorum hostium agmine acto, cum in paucos præfectos navium animadvertisset, præsidio Tarracone modico relieto, Emporias cum classe rediit. Vixdum digresso eo, Hasdrubal aderat: & Ilergetum populo, qui obsides Scipioni dederat, ad defectionem impulsò, cum eorum ipsorum juventute agros fidelium Romanis sociorum vastat. Excito deinde Scipione hibernis, toto cis

Iberum rursus cedit agro. Scipio, relictam ab auctore defectionis Ilergetum gentem cum infesto exercitu invasisset, cumpulsis omnibus Athanagiam, urbem (quæ caput ejus populi erat) circumfedit: intraque dies paucos, pluribus quam ante obsidibus imperatis, Ilergetes, pecunia etiam mulctatos, in jus ditionemque recepit. Inde in Ausetanos prope Iberum, socios & ipsos Pœnorum, procedit: atque, urbe eorum obsessa, Lacetanos auxilium finitimis ferentes nocte, haud procul jam urbe, cum intrare vellent, exceptit insidiis. Cæsa ad duodecimi millia: exuti pæne omnes armis, domos passim palantes per agros diffugere: nec obseffos alia ulla res, quam iniqua oppugnantibus hieins, tutabatur. triginta dies obsidio fuit: per quos raro unquam nix minus quatuor pedes alta jacuit: adeoque pluteos ac vineas Romanorum operuerat, ut ea sola, ignibus aliquoties conjectis ab hoste, etiam tutamentum fuerit. Postremo cum Amusitus princeps eorum ad Hasdrubalem profugisset, viginti argenti talentis paeti deduntur. Tarraconem in hiberna redditum est.

LXII. Romæ aut circa urbem multa ea hieme prodigia facta: aut (quod evenire solet, motis semel in religionem animis) multa nuntiata, & temere credita sunt: in quîs ingenuum infantem semestrem in foro olitorio triumphum clamasſe: & soro boario bovem in tertiam contignationem sua sponte escendisse, atque inde tumultu habitatorum territum fese dejecisse: & navium speciem de cœlo affulſisse: & ædem Spei, quæ est in foro olitorio,

fulmine ietam: & Lanuvii hastam se commovisse: & corvum in ædem Junonis devolasse, atque in ipso pulvinario consedisse: & in agro Amiternino multis locis hominum specie procul candida veste visos, nec cum ullo congressos: & in Piceno lapidibus pluuisse: & Cære sortes extenuatas: & in Gallia lupum vigili gladium e vagina raptum abstulisse. Ob cetera prodigia libros adire decemviri jussi. quod autem lapidibus pluisset in Piceno, novemdiale sacrum edictum, & subinde aliis procurandis prope tota civitas operata fuit. Jam primum omnium urbs lustrata est, hostiæque majores, quibus editum est, Diis cæsæ; & donum ex auri pondo quadraginta Lanuvium ad Junonis portatum est; & signum æneum matronæ Junoni in Aventino dedicaverunt; & lectisternium Cære, ubi sortes attenuatæ erant, imperatum; & supplicatio Fortunæ in Algido; Romæ quoque & lectisternium Juventati, & supplicatio ad ædem Herculis nominatim, deinde universo populo circa omnia pulvinaria, indicta; & Genio majores hostiæ cæsæ quinque; & C. Atilius Serranus prætor vota suscipere jussus, si in decem annos respublica eodem stetisset statu. Hæc procurata votaque ex libris Sibyllinis, magna ex parte levaverant religione animos.

LXIII. Consulum designatorum alter Flaminius, cui eæ legiones, quæ Placentiæ hibernabant, forte evenerant, edictum & literas ad consulem misit, ut is exercitus Idibus Martiis Arimini adesset in castris. Huic in provincia consulatum inire consilium erat, memori veterum certaminum cum Patribus,

quæ tribunus plebis, & quæ postea consul, prius de consulatu, qui abrogabatur, dein de triumpho habuerat; invisus etiam Patribus ob novam legem, quam Q. Claudius tribunus plebis adversus senatum, uno Patrum adjuvante C. Flaminio, tulerat; ne quis senator, quive senatoris pater fuisset, maritimam navem, quæ plus quam trecentarum amphorarum esset, haberet. Id satis habitum ad fructus ex agris vendandos. quælibet omnis Patribus indecorus visus. Res, per suminam contentionem aëta, invidiam apud nobilitatem suasori legis Flaminio, favorem apud piebem, alterumque inde consulatum, peperit. Ob hæc ratus auspiciis ementiendis, Latinarumque feriarum mora, & consularibus aliis impedimentis retenturos se in urbe, simulato itinere privatus clam in provinciam abiit. Ea res, ubi palam facta est, novam insuper iram infestis jam ante Patribus movit: *Non cum senatu modo, sed jam cum Diis immortalibus, C. Flaminium bellum gerere. consulem ante inauspicato factum revocantibus ex ipsa acie Diis atque hominibus non paruisse; & nunc conscientia spretorum & Capitolium & sollemnem votorum nuncupationem fugisse: ne die initi magistratus Jovis optimi maximi templum adiret: ne senatum, invisus ipse, & sibi uni invisum, videret consuleretque: ne Latinas indiceret, Jovique Latiali sollempne sacrum in monte ficeret: ne, auspicato profectus in Capitolium ad vota nuncupanda, paludatus inde cum licitoribus ad provinciam iret. lixæ modo sine insignibus, sine licitoribus, profectum clam, furtim, haud aliter quam si exsiliī causa solum vertisset. ma-*

gis pro maiestate videlicet imperii Ariminii, quam Romæ, magistratum initurum, & in deversorio hospitali, quam apud penates suos, prætextam sumturum. Revo-
candum universi retrahendumque censuerunt; &
cogendum omnibus prius præsentem in Deos homi-
niesque fungi officiis, quam ad exercitum & in
provinciam iret. In eam legationem (legatos enim
mitti placuit) Q. Terentius & M. Antistius profecti,
nihilo magis eum moverunt, quam priori consu-
latu literæ moverant ab senatu missæ. Paucos post
dies magistratum iniit, immolantique ei vitulus jam
ictus, e manibus sacrificantium sese cum proripuis-
set, multos circumstantes cruore respersit. Fuga
procul etiam major apud ignaros, quid trepidare-
tur, & concursatio fuit. id a plerisque in omen ma-
gni terroris acceptum. Legionibus inde duabus a
Sempronio prioris anni cōsule, duabus a C. Ati-
lio prætore acceptis, in Etruriam per Apennini tra-
mites exercitus duci est cœptus.

~~300~~

PA
6452
A2
1784
v.3

Livius, Titus
*Historiarum libri qui
supersunt omnes*

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

